

4^o M. Coll. 417. - 1



Junguierth del. et Sc. M.



Thomas Ittigius.
SS. Theol. Doct. et Prof. Publ. Ordin. Ingenua Cathedral. Mis-
nens. Canon. Consist. Elect. ac Ducalis. nec non Facult. Theol. Asses.
ad D. Nicolai Pastor et Dioeceseos Lipsiensis Superintendens.

HISTORIÆ ECCLESIASTICÆ

PRIMI
A CHRISTO NATO
SEculi

SELECTA CAPITA,

DELINEATA
STUDIO

D. THOMÆ ITTIGII, Superint.


& Theologiæ Professoris in Ecclesia & Academia

Patria Lipsiensi.

PRÆMISSA EST EJUSDEM

DE

SCRIPTORIBUS HISTORIÆ ECCLESIASTICÆ
RECENTIORIBUS DISSERTATIO.



LIPSIAE,

Apud HÆR. JOH. GROSSII, & JO. FRIDER. BRAUNIIUM,

ANNO 1709. •

HISTORIA
COLLEGIAS
PRIMI
A-CHRISTO NATO
SECVLI
ELECTA CAPITULA
DELINEATA

STUDIO
ACADEMIAE
LITTERARUM
PRAEPOSITI

& Theologiae Professoris in Ecclesia & Academiae

Pauli Augustini

PERMISSA EST AVVDDEM

Bayerische
Staatsbibliothek
München



V I R O
SUMME REVERENDO
AMPLISSIMO & EXCELLENTISSIMO
DOMINO
CHRISTOPHORO
SONNTAGIO,

S. S. Theologiæ Doctori ejusdemque
Primario & Græcæ Linguæ Prof. Publico
in Altdorfina Noricorum Academia Celeberrimo,
ecclesiæ illius Antistiti
Fidelissimo,

& h. t.


UNIVERSITATIS
RECTORI MAGNIFICO

de singulis, quæ gerit, officiis
Meritissimo,

**Suo in Christo Fratri Patris instar Ve-
nerando hunc qualemcunque tractatum
in publicum observantiæ monumentum**

consecrat

D. Thomas Ittigius.



*Te leves Elegi celebres ad No-
ridos agros,
Exigit haud multos hoc iter
omne dies.*

*Etsi etenim pedibus vos non proceditis æ-
quis,*

Nec festinatum ferre potestis iter :

Diffugere nives tamen, & via commoda vobis

Facta potest vestros accelerare gradus.

Cum transiveritis Pindi Jenensis Athenas,

Quas spumante suo flumine Sala rigat;

*Quærite quas habitet Venerandus Fœrt-
schius ædes,*

*Fœrtschius Eusebies Deliciæ atque De-
cus,*

*Nomine quæso meo multam illi afferte salu-
tem,*

Atque rogare mei vivat ut ille memor.

*Tum celeri ad Veterem cursu contendite Pa-
gum,*

*Qui famâ claris surgit ad astra Viris.
Hos inter stellas velut inter Luna minores
Sonntagius meritis & pietate micat.
Contulit huic summos Academia nuper ho-
nores*

*Incluta, Rectorem iussit & esse suum.
O quam felici tenet hunc moderamine cla-
vum!*

*Quanta subjectos cum gravitate regit!
Non illo quisquam Divini oracula Verbi
Pandere majori dexteritate queat.
Non illo possit quisquam facundior alter
Salvifico Christi pascere ovile cibo.
Hic Pietistarum (longa est injuria, longæ
Ambages) solida detegit arte strophas.
Ille Reserbachii penitus calcaria fregit,
Queis punctus Satanae hic fortius ivit e-
quus.*

Hujus

*Hujus Theiologi, nullo prohibente, videndi
 Copia se vobis offeret ampla satis,
 Cum docto illius pendeat ab ore Juventus,
 Attentaque sacras imbibet aure scholas.
 Vos modo Discentum vos associate Catervæ,
 Quæ tanti Herois verba diserta stupet.
 Sic dabitur coram Venerandos cernere Vul-
 tus,
 Quin etiam alloquio suave sonante frui.
 Nam quando a curis paulum requieverit
 istis,
 Mansuetas ad vos porriget ille manus;
 Quidque parens ego vester agam, blando ore
 requireret,
 Talia vos illi dicta referre velim:
 Vivit adhuc vitamque extrema per omnia
 ducit,
 Vi morbi vires attenuante suas.*


b

Interea

*Interea memori semper solet ore referre,
Candori quantum debeat ipse Tuo.
Nec cessat celebrare Tuum Venerabile No-
men,
Quod pridem volitat' docta per ora Virum.
Utque suum ingenue Tibi contestetur amo-
rem,
Chartas esse sacras has jubet ille Tibi.
Accipe quæso animi levidensia pignora grati,
Consule quæso æqui, consule quæso boni.
Quod superest illi felicia quæque vovete,
Sic vestræ fuerit causa peracta via.*

*Scrips. Lipsiæ d. 21. Mart.
A. C. 1709.*

SYNOPSIS



SYNOPSIS PRÆFATIONIS De Scriptoribus historiæ ecclesia- sticæ recentioribus.

I. II. III. IV. *Centuria Magdeburgenses*. V. *Centuria-
torum Adversarii Alanus Copus seu potius Nicolaus Harpes-
feldius, Franciscus Turrianus, Gilbertus Genebrardus, Pe-
trus Canisius, Gulielmus Eysengreinus, Conradus Brunus*.
VI. VII. VIII. IX. *Baronii annales*. X. *Ludovici Aurelii Peru-
sini epitome Baronii. Cardinalis de Laurea index in tomos
Baronii*. XI. *Job. Gabrielis Bisciola epitome Baronii*. XII.
Henrici Spondani epitome Baronii. XIII. *Abrabami Bzovii
epitome Baronii, quæ sub historia ecclesiastica titulo prodiit*.
XIV. *Johannis Horatii Scoglii historia ecclesiastica, quæ &
ipsa est epitome Baronii. Cornelii Schultingii thesaurus
antiquitatum ex septem prioribus Baronii tomis contextus.*
Ejusdem continuatio ex octavo Baronii tomo deprompta.
XV. *Odorici Raynaldi continuatio annalium Baronii ab an-
no 1198, ubi Baronius desinit ad A. C. 1534. octo tomis com-
prehensa. Ejusdem Baronius continuatus ex octo tomis ad
unum pluribus auctum redactus. Ejusdem Raynaldi tomus
continuati Baronii posthumus in duas partes divisus, & ab
A. 1534. usque ad A. C. 1565, deductus*. XVI. *Abrabami Bzo-*

SYNOPSIS.

vii *Baronius continuatus ab A. C. 1198. quo Baronius desinit, usque ad A. C. 1564. deductus, & octo tomis distinctus. Ejusdem Pius V. seu annalium ecclesiasticorum tomus posthumus. XVII. Henrici Spondani Baronius continuatus, qui tribus tomis ab A. 1198. usque ad A. C. 1640. progreditur. Appendix posthuma ab A. C. 1641. ad A. C. 1646. XVIII. Isa. Casauboni exercitationes in Baronium. XIX. Jul. Cas. Bulengeri diatribæ contra Casaubonum. Richardi Montacutii antidiatribæ contra Bulengerum. Ejusdem Montacutii origines ecclesiasticæ. Ejusdem apparatus ad origines ecclesiasticas. Ejusdem analecta exercitationum ecclesiasticarum. XX. Andrea Eudæmon Johannis scripta contra Casaubonum. Johannis Prideaux vindicia pro Casaubono adversus Eudæmonem. XXI. Heriberti Rosvveidi lex talionis 12. Tabularum Cardinali Baronio a Casaubono dicta retaliationis retorta. Jacobi Capelli libri tres vindiciarum pro Casaubono adversus Rosvveidum, Eudæmonem & Bulengerum. Rosvveidi Anti-Capellus. Capelli assertio bonæ fidei adversus strophas Heriberti Rosvveidi. Rosvveidi Syllabus malæ fidei Capelliana. XXII. Petri Lanßelii dispensatio notarum seu calumniarum a Casaubono in exercitationibus ad Baronium Justino Martyri iniustarum. XXIII. Ad. Tribechovii exercitationes ad Baronii annales ubi Casaubonus desinit. XXIV. Christiani Kortbolte disquisitiones Anti-Baroniana. XXV. Samuelis Basnagii de rebus sacris & ecclesiasticis exercitationes historico-critica ab A. C. 35. ubi Casaubonus desinit. XXVI. Andrea Magenelis seu Magendæi Anti-Baronius, cui insertæ Davidis Blondelli animadversiones in Baronium. XXVII. Henrici Ottii examen perpetuum*

PRÆFATIONIS.

tuum in annales Baronii, XXVIII. Augustini Redingii vindex veritas annalium ecclesiasticorum Baronii adversus Ottii examen, XXIX. Antonii Pagi Critica historico-chronologica in annales Baronii, XXX. Melchioris Goldasti rationale constitutionum imperialium, quo sacri Romani Imperii jura contra Baronium defenduntur. Gretseri apologia pro Baronio contra Goldastum, XXXI. Johannis Dartis animadversiones in annales Baronii & Casauboni exercitationes, XXXII. Gerhardi Johannis Vosii, Abrahami Sculteti, Christiani Lupi, & Henrici Norisii proposito Baronii annales castigandi & emendandi eventus non respondit, XXXIII. XXXIV. XXXV. XXXVI. XXXVII. XXXVIII. Natalis Alexandri Historia ecclesiastica Veteris & Novi Testamenti. XXXIX. Eliae Veielii dissertatio isagogica in dissertationes historicas, chronologicas, criticas, dogmaticas Natalis Alexandri, XL. Luca Osiandri epitome historia ecclesiastica, XLI. Johannis Henrici Hottingeri historia ecclesiastica, XLII. Hieronymi Kromayeri ecclesia in politia, XLIII. Johannis Micralii Syntagma historia ecclesiastica continuatum a Daniele Hartnaccio, XLIV. Timanni Gessellii historia sacra & ecclesiastica, XLV. Friderici Spanhemii historia ecclesiastica, XLVI. Christophori Sandii nucleus historiae ecclesiasticae. Ejusdem appendix. XLVII. Compendium historiae ecclesiasticae Gotthanum, XLVIII. Georgii Hornii historia ecclesiastica. Ejusdem supplementum autore Melchiore Leydeckero. Novum supplementum autore Johanne Daniele Cramero, XLIX. Johannis Pappi epitome historia ecclesiastica. Eusebii Bobemi epitome historia ecclesiastica. Henrici Kippingii supplementum ad Pappi historiam ecclesiasticam, L.

SYNOPSIS.

Michaelis Buchingeri historia ecclesiastica. LI. *Johannis Andrea Schmidii compendium historia ecclesiastica.* LII. *Adami Rechenbergii historia ecclesiastica summarium.* H.G. *Welandi tabula in hoc summarium.* LIII. *Christiani Kortbolti historia ecclesiastica N.T. κατ' ἐπιτομήν.* LIV. *Johannis Georgii Layrizii Synopsis historia ecclesiastica N.T.* LV. *Johannis Kromayeri indiculus historia ecclesiastica.* LVI. *Danielis Parei historia ecclesiastica medulla.* LVII. *Johannis Stübneri ad historiam ecclesiasticam V. & N.T. introductio per tabulas synopticas.* LIX. *Thoma Hobbesii historia ecclesiastica titulo hoc indigna.* LIX. *Heriberti Rossveldi historia ecclesiastica.* *Andrea Servatii Vellei historia ecclesiastica.* LX. *Augustini Ribothi Florus Christianus.* LXI. *Onuphrii Pandinii chronicon ecclesiasticum.* LXII. *Nicolai Vignerii historia ecclesiastica gallice scripta.* LXIII. *Antonii Godeau historia ecclesiastica gallice scripta.* LXIV. *Abbatis de Choisy historia ecclesiastica gallice exarata.* *Abbatis Fleury historia ecclesiastica eodem idiomate conscripta.* LXV. *Ludovici Ellies du Pin historia controversiarum aliarumque materiarum noni & sequentium seculorum.* LXVI. *Sebastiani le Nain de Tillemont memoria ad usum historia ecclesiastica sex priorum seculorum.* LXVII. *Dionysii Mudzaerts historia ecclesiastica ab O.C. usque ad A.C. 24. Belgice scripta.* *Jacobi Leydeckeri historia ecclesiastica ab O.C. usque ad annum 1691. eodem idiomate scripta.* LXVIII. *Godofredi Arnoldi historia ecclesiastica germanice scripta.* LXIX. *Ejusdem Arnoldi supplementa, illustrationes, & emendationes ad suam historiam ecclesiasticam, quibus addita Anonymi cujusdam observationes, & Volckmeyeri vindicie*
pro

PRAEFATIONIS.

pro Arnol^{do} contra Zachariam Gæzium. Ejusdem Arnol^{di} compendium historiae ecclesiasticae germanice scriptum. LXX. Wilhelmi Zieroldi germanica manu ductio ad historiam ecclesiasticam. LXXI. Matthias Zimmermannus a numero quodam Scriptore inter recentiores historiae ecclesiasticae Scriptores perperam relatus. LXXII. Casparis Sagittarii indiculus historiae ecclesiasticae a nonnemine laudatus nusquam extat. LXXIII. Scriptores quidam historiae ecclesiasticae a Sagittario indicati. LXXIV. Johannis Riocha compendium temporum & historiarum. Jacobi Gaulterii tabula chronographica status ecclesiae catholici. Jacobi Grandarici chronologia christiana. LXXV. Gulielmi Marcelli conspectus chronologicus. LXXVI. Francisci a S. Augustino Macedo medulla historiae ecclesiasticae emedullata. LXXVII. Augustini Tornielli annales sacri V. T. LXXVIII. Jacobi Saliani annales ecclesiastici V. T. Eorundem annalium epitome. Eorundem enchiridium & epitomes medulla. LXXIX. Christiani Schottani historia sacra V. T. LXXX. Jacobi Usserii annales V. T. LXXXI. Antonii le Grand historia a mundi exordio usque ad tempora Constantini. Bolerani florum sanctum ab O. C. usque ad Christi tempora. LXXXII. Aliqua Jacobi Capelli scripta huc spectantia. LXXXIII. Ludovici Capelli chronologia sacra. Ejusdem historia apostolica. LXXXIV. Dannbauri Christeis, (. historia trium priorum a Christo nato seculorum. LXXXV. Conradi Hornei compendium historiae ecclesiasticae a Christo nato usque ad tempora Constantini. LXXXVI. Baltasaris Bebelii antiquitates ecclesiasticae quatuor priorum seculorum. Ejusdem antiquitates evangelicae. Ejusdem historiae ecclesiae ante diluvianae.

SYNOPSIS.

nam item historia ecclesie Noachica. LXXXVII. *Johannis Henrichii* historia quinque secularis. LXXXVIII. *Justi Söffingii* historia ecclesiastica. LXXXIX. *Continuatio Sulpitii Severi per Christianum Scotianum.* Alius anonymus *Sulpitii Severi continuator.* XC. *Georgii Calixti* historia ecclesie occidentalis octavi & sequentium aliquot seculorum. XCI. *Job. Henrici Bæcleri* commentarius de rebus seculi 9. & 10. XCII. *Jacobi Usserii* tractatus de successione & statu ecclesiarum in Occidentis precipue partibus. XCIII. *Elie Ebingeri* historia ecclesiastica seculi 15. seu potius 16. XCIV. *Johannis Fechtii* tabula in historiam ecclesiasticam seculi 16. Ejusdem supplementum historiae ecclesiasticae seculi 16. XCV. *Abrami Sculteti* annales evangelii renati. XCVI. *Lud. Maimburgii* historia Lutheranismi. Opposita huic *Illustris Seckendorffii* historia Lutheranismi. XCVII. *Sleidanus* de statu religionis & reipublica sub *Carolo V.* XCVIII. *Sleidani* continuatores. XCIX. *Laurentii Surii* commentarii rerum suo tempore in orbe gestarum. C. *Job. Henrici Bæcleri* liber memorialis de rebus seculi 16. *Johannis Burchardi Maji* supplementum. Bæcleri historia universalis 4. priorum seculorum. Ejusdem historia ab exordio mundi usque ad tempora Davidis. CI. *Job. Angeli Berniera* compendium historiae ecclesiasticae a reformatione usque ad nostra tempora. CII. *Job. Wolfgangi Fägeri* historia ecclesiastica seculi 17. CIII. *Andreae Caroli* historia ecclesiastica seculi 17. CIV. *Abbatis Roquii* memoria ecclesiastica. *Varilasii* opus de revolutionibus Europa ob religionem. *Bossueti* historia de variationibus Protestantium. CV. Scriptores quidam, qui civilem historiam ecclesiastica conjunxerunt. *Christeidos Dannbaueriana* actus secundus a *Constantino M.* usque ad triumphum *Heraclii.* CVI. de presenti tractatu.

SYNOPSIS



SYNOPSIS

Selectorum historiæ ecclesiasticæ
primi seculi capitum, quæ hoc volumine
continentur.

CAPUT I.

De

Scriptoribus & scriptis ecclesiasti-
cis Seculi I.

I. **A**Bgari ad Christum epistola & Christi responsoria,
*Eas genuinas esse ut probet Grabijs, multum sed frustra
laborat.* II. Mariæ epistola ad Ignatium hypobolimæa. Hal-
loixii pro ejus defensione irriti conatus. III. Mariæ ad
Messanenses epistola. Num hebraice scripta, & a Paulo A-
postolo græce versa? Varii hujus epistola Patroni. Lepi-
dum Ducis Ossunxi dictum. Autographum hujus epistole a
cælo raptum fingitur. Pius Graculi alicujus Sacerdotis
dolus in restitutione hujus epistole commissus. IV. Mariæ e-
pistola ad Florentinos. V. Petri liturgia. Eam spuriam
esse probavit Cardinalis Bona. Lindani argumenta pro
hac liturgia Dorscheus refutavit. Primam missam a Petro
in festo Pentecostes celebratam Raynaudus asserit, quem ho-
norem Apostolo Jacobo Johannes Maro pari temeritate
vindicat. VI. Epistola ad Laodicenses Paulo perperam at-
tributa. VII. Pauli & Senecæ epistolæ spurie. Senecam
Christianum non fuisse probat Taciti de ejus morte relatio.

SYNOPSIS

*Basnagius & Dupinus notantur. Editio harum epistolarum a Clichtoveo procurata ab aliis nonnihil discrepat. VIII. Acta Pauli & Theclæ a Grabio nuper edita non sunt eadem cum illis, quorum Tertullianus & Hieronymus meminere-
runt. IX. Matthæi liturgia pseudepigrapha. X. Matthæi de nativitate Mariæ liber vocatus a nonnullis liber Joachim, vel historia Joachimi & Anne. Casauboni invectione adversus Christophorum a Castro, repetita ab Hospiniano, impugnata a Rosvveido, vindicata a Montacutio. Vossii de hoc libro judicium. XI. Jacobi liturgia. Quæ alibi de hac liturgia notata sunt, paucis repetuntur. A Græcis hodie negligitur, nisi quod semel quotannis in ecclesia Hierosolymitana legitur. Inconstans Arcadii de hac Missa judicium. Falsa Baronii persuasio. XII. Jacobi Protevangelium. Primi editoris Bibliandri erroneum de eo judicium. Quanti a Postello hoc evangelium æstimatum fuerit. Var. & illius editiones. Num Protestantibus illius editionem Sixtus Senensis & Simonius recte exprobrent? Cordata Montacutii de hoc evangelio sententia. Eustathius in Hexæmero hujus evangelii autorem non Jacobum Apostolum, sed Jacobum aliquem appellat. XIII. Nicodemi evangelium. Variæ ejus editiones & versiones. Nugis & fabulis scatet. Sandii & Hallervordii error corrigitur. Daumii & Barbii observatio. XIV. Barnabæ epistola. Variæ editiones. Nova in Anglia paratur. Barnabam Pauli comitem esse hujus epistolæ autorem asserunt quidam veteres & recentiores. Ejus auctoritatem humana majorem jactat Wakeus. Neminem esse, qui non Barnabæ Pauli cooperario hanc epistolam tribuerit, falso credidit Pearsonius. Contrarium de-*

mon-

SELECT. CAP.

monstratur. Schottani distinctio inter Barnabam majorem & minorem. Tenzelii de autore hujus epistola conjectura. Autor satis antiquus. Eusebius & Hieronymus hanc epistolam inter pseudepigrapha retulerunt. Antiquum hujus epistola interpretem esse Philastrium Papebrochius asserit. Dupinius imprudenter eos imprudentia arguit, qui hanc epistolam a Barnaba Pauli comite scriptam negant. XV. Marci liturgia. A Balsamone merito rejecta. An hoc saltem concedendum, quod omnino Marcus Alexandrina Ecclesialiturgie formam scripto tradiderit, etsi bodierna Marci liturgia notba sit? XVI. Johannis Marci acta Barnabæ. Editio Papebrochii græca & latina. Sunt e mendaciis confuta. XVII. Dionysii Areopagitæ opera. Ea spuria esse peculiari tractatu demonstravit Dallæus. Verba quæ suo Dionysii exemplari Casaubonus adscripsit. Aliorum Reformatorum, ut & Lutheranorum, Socinianorum, & multorum quoque ex ipsis Pontificiis de vobis horum operum consensus. Parisiensium Theologorum censura contra Erasmus & Lutherum. Hac non obstante multi etiam in ipsa Gallia docti Erasmi & Lutheri sententiam sequuntur. Quesnelius horum operum autorem putat fuisse aliquem sexti seculi hæreticum. Plures alii Gallia doctores; qui opera hæc pseudepigrapha esse statuunt, nominantur. Tenzelii error & memoria lapsus. Schellstrateni de Luthero mendacium. Bellarminus suo judicio semet ipsum condemnavit. Ex instituto & peculiari volumine hujus Dionysii opera genuina esse haud ita pridem probare annisus est in Vindiciis suis Areopagiticis Laurentius Cozza. Inepta ejus sententia, & inepte rationes refutantur. Innotescere cæ-

SYNOPSIS

perunt hac scripta, cum Severiani in colatione cum Orthodoxis ad ea provocarent. Multis ante Lutherum seculis a nonnullis improbata fuerunt. Quam male antiquam & legitimam possessionem sua sententia ex Ignatio, Origene & aliis Patribus Cozza probare ausus fuerit. In dubiis, quae contra hac scripta moveri solent, dissolvendis multo sed inani labore se torquet. Alius novus vindex operum Dionysii Claudius David. Is de omnium Patrum, Pontificum, Conciliorum, & Doctorum celebriorum, sive ante sive post collationem inter Orthodoxos & Severianos habitam vixerint, in approbandis Dionysii operibus consensu multum gloriatur, sed miserabili probatione se valde prostituit. Fabula de scriptis Dionysii ab ipso cælo approbatis. Petersenii & Arnoldi iudicia de scriptis Dionysii castigantur. Num Valla & Erasmus, quia literati fuerunt, spiritualia spiritualiter judicare non potuerint, ut Arnoldus nugatur? An Protestantes partim ob multas verbales & literales disputationes, partim ob seculare & externum vivendi genus, de mysticis Dionysii scriptis minus sincere judicare potuerint, ut idem Arnoldus calumniatur? XVIII. Marcelli conflictus Simonis Petri cum Simone Mago. Editiones. Cave hunc tractatum Marcello Episcopo Romano, qui quarto seculo ineunte floruit, tribuendum censet. XIX. Presbyterorum & Diaconorum Achajæ epistola de passione Andreæ. Editiones. Ejus verba contra Saussayum & alios asserta. XX. Abdiæ Babylonii historia certaminis Apostolici. Pro thesauro hoc carbones habuit Lazius primus editor. Aliæ editiones & MS. Cæ. XXI. Lini libri duo de passione Petri & Pauli. Labbei duplex error. Ulrici Veleni duplex error. Cbiffletius, qui
bos

SELECT. CAP.

hos Lini libros Vefontione fynceros afferuari credit, vana
 perfuafione fallitur, qua etiam Ludovicum Jacobum a S. Ca-
 rolo fefellit. Lorini & Nourrii de Lino iudicia. XXII. Cle-
 mentis Romani opera plenius a Cotelerio & Clerico quam
 ab aliis edita. Canones apoftolici. Eorum numerus pro
 variis editionibus variat. Scholiaſta horum canonum. Bi-
 ninus duos tantum, Aguirre quinque ex his canonibus pſeude-
 pigraphos eſſe cenſet. Bellarminus 50 priores approbat, 35
 poſteriores rejicit. Constantini a Caſtrovillone ſententia.
 Aliqui ex Pontificiis omnes pro adulterinis habent. Contra
 alii omnes ab Apoſtolis conditos ſibi perſuadent. Reformati
 etſi de tempore, quo ſcripti ſunt hi canones, diſſentiant, ut ex
 Dallæi, Beveregii, Larroquani, Uſſerii & aliorum ſcriptis con-
 ſtat, in eo tamen conſentiunt, quod Apoſtolis ſuppoſiti ſint.
 Damasceno, qui canones illos libris N. T. annumerat, opponi
 poſſunt alii veteres, & in his Gelafius Pontifex. Sixti Se-
 nenſis oſcitantia Athanaſium & Tertullianum pro autorita-
 te canonum apoſtolicorum allegantis etiam alios oſcitan-
 tes fecit. Noſtrates canones apoſtolicos ſpurios eſſe probant.
 Conſtitutiones apoſtolicæ. Editiones. Scapletoni impu-
 dens aſſertum. Magni conſtitutionum Patroni Boſius, qui
 a Poſſezino perperam Boſius dicitur, & Turrianus. Rive-
 tus memoria lapſus. E Reformatis conſtitutionum deſen-
 ſorem ſe proſitetur Montacutius, cui opponi poſſunt reliqui
 Reformati omnes & imprimis Dallæus. Etiam Pontificii
 quidam conſtitutiones Apoſto'is aſſectas proſequentur. Inter
 Græcos Zonaras & Patres concilii 6. Generalis eas repro-
 bant. Quarto ſeculo conſtitutiones iſte primum innotuerunt.
 Succellu temporis ab Arianis corruptæ & interpolatæ. An

SYNOPSIS

Apologia Augustana Confessionis constitutiones apostolicas Apostolis tribuat? Bellarminum in iudicio de constitutionibus apostolicis a se ipso dissentientem castigat Conringius, eosque mentiri notat, qui Bellarminum nullius unquam per totam vitam mendacii sibi conscium fuisse jaectant. Clementis liturgia itidem spuria. Clementis Recognitiones. Germanica editio Arnoldi, qui inter latinas nihil discriminis esse perperam statuit. Error de Clementis recognitionibus in Bæcleri historia universalis occurrens exscriptori potius aut typographo, quam celeberrimo Autori tribuendus. Barbii iudicium hos libros cum Apuleji de asino aureo libris comparantis verissimum est, etsi Arnoldo displiceat. Bardesanis fragmentum ab Eusebio allegatum ex Clementis Recognitionibus depromptum esse, falsa est Arnoldi imaginatio. Autorem huius operis hereticum fuisse Nourrius recte statuit. Arnoldus hoc opus quidem ab hereticis corruptum, heretica tamen dogmata pridem expuncta, & nihil amplius expurgandum superesse somniat. Idem iudicat nonnulla in hoc opere illis tantum ἀνομιὰ videri, qui spiritu sapientiae fanaticæ destituuntur. Scilicet nullus nisi hoc spiritu illuminatus fabulas larvati Clementis, & sententias a Spiritu S. in Scriptura damnatas pro divinis oraculis venerari potest. Talis illuminatio Peterfenio contigit. Parum juvat Arnoldum, quod Athanasius in Synopsi Recognitiones libris N. T. annumerat. Ex eodem Athanasii loco Autorem Recognitionum catholicum fuisse perperam concludit Gravius. Decem alii recognitionum libri deperditi. Pius Arnoldi dolus in mutando germanicae suae versionis titulo, non advertentis novum titulum cum veteri praefatione minus coherere.

Cle-

SELECT. CAP.

Clementina nugis & erroribus Ebionitarum plena. Præmissa sunt duæ ad Jacobum epistolæ, una Petri, altera Clementis, & præscripta a Jacobo formula adjurationis & execrationis eorum, qui libros a Petro transmissos adulteraturi, vel alius temere communicaturi essent. Clementis epitome gestorum Petri, cujus autor juxta Caveum Symeon Metaphrastes. Clementis epistolæ quinque decretales a Blondello in Pseudo-Isidoro & Turriano vapulantibus examinata. Impudentissimum Cardinalis Aguirre mendacium. Saniora Pontificiorum quorundam judicia, quos inter Baluzius harum epistolarum autorem impudentissimum nebulonem appellat. Clementis prior ad Corinthios epistola & posterioris fragmentum. Notatur Palatius, qui nullas Clementis ad Corinthios epistolas hodie extare putat. Omnes evaditos, excepto Gataker, in ymportuna prioris ad Corinthios epistolæ consentire, Colomesii est assertio, quæ falsa est. Etsi prior hæc Clementis epistola spuria non sit, interpolatoris manifestamen non plane effugisse videtur. Posteriores ad Corinthios epistolam a Clemente scriptam negat Grævius. Ante quartum seculum nulla apud veteres duarum Clementis ad Corinthios epistolarum mentio occurrit. Locus Dionysii Corinthii apud Eusebium a nonnullis perperam intellectus. Quæ sub Clementis nomine scripta fuit posterior ad Corinthios ab Eusebio & Hieronymo memorata, non in pari pretio cum priore fuit habita. Morini de posteriori judicium. Quod hodie extat posterioris fragmentum, non tam ex aliqua epistola, quam ex Clementis didascalia, vel alio scripto deperdito depromptum videtur. XXIII. Hermæ Pastor sæpius editus. Non tamen in Heroldi baresiologia, ut Nourius

rius

SYNOPSIS

rius putavit errantem Labbeum secutus. Auctor non est Hermas, cujus Paulus meminit, nec meras veritates continet, ut Nourry somniat. Sanius Basnagii iudicium. Magnam Herma partem græce exhibet Pseudo-Athanasius in doctrina ad Ducem Antiochum. XXIV. Martialis Lemovicensis epistolæ duæ. Error Mirai, & Vossii, qui hunc Martialem Græcis Scriptoribus annumeravit, postea tamen in tractatu de Historicis latinis hunc errorem retractavit. Vita Martialis ab Aureliano scripta ejusdem est cum Martialis epistolis furfuris. XXV. Prochorus de vita & morte Johannis. Prochori unius e septem primis Diaconis, qui cum Stephano electi sunt, personam mentitus. XXVI. Alia pseudepigrapha Apostolis & Viris Apostolicis perperam attributa.

CAPUT II.

De

Conciliis primi seculi.

I. *Concilium Hierosolymitanum contra necessitatem circumcisionis & legalis justitiæ. Pontificiis, qui Petrum hujus concilii Præsidentem faciunt, contradicit Tostatus. Num inter turbones, qui controversiam illam de legis observanda necessitate moverunt, Cerinthus fuerit, incertum. II. Eysengreinius duodecim primi seculi concilia numerat. Ex his primum, secundum, tertium, nonum & duodecimum congressus tantum apostolici non Synodales conventus fuerunt. Quartum symboli apostolici condendi gratia habitum, quintum in quo constitutiones apostolicas promulgatas refert, sextum*

SELECT. CAP.

tum in quo divisionem Apostolorum factam narrat, septimum in exequiis Mariae congregatum, decimum novi Episcopi Hierosolymitani eligendi gratia institutum, & undecimum, in quo canones apostolicos sancitos fingit, sunt fictitia. III. Fictitium quoque Antiochenum cujus canones 9. Turrianus edidit. IV. Duo concilia, quae primo seculo sub Ignatio habita Ruelius tradidit, non minus commentitia videntur. V. Apostolos immaculatam B. Virginis conceptionem in concilio aliquo decrevisse cardinale est mendacium Cardinalis de Sfondrata.

CAPUT III.

De

**Doctrina seculi primi, seu Scrip-
torum, qui ad primum seculum vulgo
referri solent.**

SECTIO I.

De Symbolo Apostolico.

I. *Unde similitudo in voce symboli deprompta sit? Num
symbolum apostolicum coram gentilibus & catechume-
nis occultatum fuerit? Discrimen inter simplices & per-
fectiores servatum in modo symbolum proponendi. II. Sym-
bolum hoc introducendo Syncretismo non inservit. Multi*
d ar-

SYNOPSIS

articuli fidei in illo omisſi. *Papiſta, Calviniani, Sociniani, & Arminiani alio ſenſu ſymbolum hoc exponunt, quam Lutherani, ut oſtendunt tabula a Dannbauero, Scherzero, & Rechenbergio contexta.* III. *An quilibet Apoſtolorum ſymbolum ſuam ad hoc ſymbolum contulerit? Historia inquisitionis contra Vallam in cauſa ſymboli. Non eſt conditum a Patribus Nicæniſ. Sandius ab Arianis compoſitum aſſerit.* IV. *Eraſmi ſententia. Pariſienſium contra ipſum cenſura. Eraſmi apologia. Du Pinii ſymbolum hoc ab Apoſtolis conditum negantis ſententia, ejusque contra Cenſorem Petit didierium deſenſio.* V. *Autores, qui hoc ſymbolum ab ipſis Apoſtolis contextum non fuiſſe probarunt, indicantur.* VI. *Quo ſenſu apoſtolicum dici poſſit. Primæ ejus linea in formula baptiſmi ducta. Varias additiones aliasque mutationes ſymboli ſucceſſu temporis in variis eccleſiis factas agnoſcit Chriſtianus Lupus quoad primum articulum.* VII. *Quoad ſecundum articulum de Chriſto.* VIII. *Quoad tertium articulum de Spiritu S. A Pamelio in Cypriani editione vocem catholicam contra fidem codicum expoſitioni ſymboli adjectam fuiſſe non inſiciatur. Obſervat ex Ruſino Aquilejenſem eccleſiam in articulo de reſurrectione carnis vocem hujus addiſſe, & fideles hunc articulum recitantes ſimul ſigno crucis fronti impreſſo carnem ſuam attigiſſe. Ex eodem Ruſino obſervat articulum de reſurrectione carnis olim ultimum fuiſſe, donec articulus de vita æterna adderetur.* IX. *Tot ſymboli variationibus agnitis Lupus nihilominus hodiernam ſymboli apoſtolici formam ab ipſis Apoſtolis proſectam eſſe ſtatuit, quod non quidem autoritate erronei Juſei, qui ab Apoſtolorum ætate adhuc in orbe vagari dicitur, nec autoritate Joban-*

SELECT. CAP.

*Jobannis Ragusini, qui in concilio Basileensi suæ Disputati-
oni de symbolo aliqua falsa admiscuit, sed tamen ex aliis te-
stibus omni exceptione majoribus contra Vossum & alios
probari posse putat. Distinguit inter symbolum scriptum &
traditum. Quid de hac distinctione statuendum. Julia-
nus Cardinalis in concilio Florentino asseruit, symbolum a-
postolicum, quale Apostoli tradiderunt, Romæ in archivis servari,
quod Marcus Epbesius credere noluit. Aliud effugium contradi-
ctionis evitanda querit Lupus in distinctione inter verba &
sensus symboli, quæ distinctio a statu controversiæ abludit. Vosii
sententiam approbat Quesnelius. X. Natalis Alexander
statuit symbolum apostolicum, si non in aliis ecclesiis, saltem in
Romana ecclesia invariatum mansisse, quale Apostoli tradi-
derunt. Respondetur ad ejus probationes ex Ambrosio &
Rufino desumptas. Jesuita Garnerius observat in tribus
imprimis articulis hodiernum symbolum apostolicum a sym-
bolo veteris ecclesiæ Romanæ differre. Ad Natalis Alexan-
dri exceptiones contra hanc veteris Romani symboli ab hodi-
erno differentiam respondetur. XI. An in scriptura S. a-
liqua symboli apostolici mentio occurrat? XII. Jesuitarum
factum, symboli sensum exercitii gratia pervertentium a
Raynaudo approbatum, ab Abbate Sancyrano damnatum.
XIII. Varii symboli apostolici interpretes antiqui & novi.
XIV. Vocem Patris in primo articulo imprimis omnium re-
rum causam & originem significare Anonymus quidam An-
glus perperam statuit. XV. Quatuor causæ, ob quas idem autor
Christum unicum Dei Filium dici opinatur ex Socinianorum
lacunis hausta, a quibus tamen hic Anonymus in eo discre-
pat, quod æternam Filii ex Patris substantia generationem*

SYNOPSIS

non inficietur, sed in voce unicum vel unigenitum indicari fateatur. XVI. Refutatur Episcopus, qui in symbolo nullam aeternae generationis mentionem fieri, ideoque eam creditu necessariam non esse asserit, Zuvickerus, qui ex symbolo alienam causam exsculpit, cur Christus Dei Filius dicatur, & Autor Catechismi Racoviensis, qui Christum in symbolo tantum ut verum hominem describi asserit. XVII. Necessitas fidei in Christum verum Dei Filium ulterius contra Episcopium probatur. XVIII. Bocharti de descensu Christi ad inferos sententia recensetur. Voces עֲדָנָה & ἄδης in Scriptura nusquam infernum denotare, non minus falsum est, quam quod Anonymus asserit, voces illas in Scriptura nunquam aliter, quam de inferno usurpari. De loco I. Pet. III 18. 19. varia sententia Bocharti, Clerici, Ariae Montani, Augustini, Gerhardi, Lucae Osiandri, Hesselii, Calvini. An Athanasius in symbolo per descensum Christi ad inferos ejus sepulturam intelligat? Omissus est in symbolo Nicano articulus de descensu Christi ad inferos, non item articulus de Spiritu S. quod Brochmandus asserit. XIX. Lightfooti sententia de Christi ad inferos descensu refertur & refellitur, ut & Zwinglii & Schottani. XX. Amyraldi sententia. Heideggerus hunc articulum ex Athanasiano non solum in apostolicum sed etiam in Nicanum irrepsisse perperam scribit. XXI. Quid in Witsii sententia desiderari possit, XXII. Quid in sententia Pearsonii & Angli Anonymi. XXIII. Joannis Pici Mirandulani sententia. Contentio inter Cusanum Cardinalem & Jacobum Fabrum Stapulensem nata. Angeli del Pas de Christi descensu sententia, quae veris propositionibus plures falsas admiscet. XXIV. Sententia Dreieri &

§ Calixti articulum hunc a morte & sepultura Christi distinctum esse negantium. Brentius duplicem Christi ad inferos descensum statuit. Æpinus & Flacius descensum Christi ad statum exinanitionis retulerunt. Lutherus priorem suam sententiam de doloribus, quos Christus post mortem passus est, postea correxit. Vera Lutheri sententia unde haurienda. Eam commendat Formula Concordia. Theologorum Witebergensium apologia contra falsos rumores de dissensu suo disseminatos. XXV. Becmanni cavillationes contra Lutheri homiliam Torgensem ipsis Lutheri verbis confutantur. & Iani Regii sententiam de Christi descensu ad inferos a Pontificiorum limbo non procul abesse Becmannus arguit, qui hanc sententiam potius in Zwinglio & Oecolampadio arguere debebat. Mantissa scriptorum quorundam de hoc articulo agentium. XXVI. Fluctuatio Socinianorum circa tertium symboli articulum de Spiritu S. Symbola veteris ecclesie de divinitate Spiritus S. nihil determinasse Arnoldi est mendacium. Recensentur aliqui Pneumatomachi antiqui & recentiores, quos inter Sandius, Bidellus, Campanus, qui duas tantum in Deitate Personas Patrem & Filium agnovit, item Fanaticus, qui Spiritum S. divina particulam aure esse somniat.

CAPITIS III. SECTIO II.

De Doctrina Barnabæ ex ejus epistola, quæ catholica cognominari solet.

SYNOPSIS

I. **C**ur Autor bujus epistole Barnabas vocetur? II. Cur de Barnaba doctrina apud Theologos & historia ecclesiastica Scriptores pauca occurrant? III. Dicta quaedam Scriptura in hac epistola aliter allegantur, quam in sacro codice leguntur, ut Exod. XVII, 14. Es. XLV, 1. Quae de sputo in bircum emissarium coniecto, & lana coccinea ad caput ejus posita memorat Barnabas, in Scriptura non leguntur. Judaeorum de birco emissario traditiones, quae inserviunt illustrandis dictis Es. I, 18. Psalm. LXXXVI, 17. Es. LII, 7. IV. Barnabas regnum Christi in ligno memorans videtur respicere ad Psalm. XCVI, 10. Recensentur Patres quidam & Psalteria antiqua, in quibus loco allegato legitur: Dominus regnavit ex ligno. V. Error Jacobi a Valentia, qui verba a ligno etiam apud Origenem & Hilarium inveniri putat. Similis error Jacobi Pinti circa Lactantium & Psalterium Gallicanum. Falsa Morini persuasio de communi omnium Patrum circa hoc additamentum traditione. Allegantur plurimi Patres & Psalterii interpretes, qui additamento illo carent. VI. Refutantur, qui fontes hebraicos hoc loco corruptos suspicantur. Respondetur ad argumenta desumpta ex Psalterio quodam hebraico apud Anglos, ex autoritate Justinii Martyris, ex contextu Psalmi, ex antiphona ecclesiae Romanae. Inepta Salmeronis sententia, quod Christiani Judaeorum cachinnis ad locum hunc corrumpendum adacti fuerint, cachinno potius quam applausu digna. Verba a ligno, quae in Fontibus desunt, pius aliquis psalterii sui margini allevit, quae postea in nonnullis exemplaribus graecis & latinis ipsi textui inserta. VII. An Barnabae epistola praebuit glossae ad verba Davidis addendae occasionem dede-

SELECT. CAP.

dederit? Verisimilior quadam occasio hujus additamenti ex passionis historia adducitur. VIII. Barnabas dictum aliquod tanquam propheticum allegat, quod in Prophetarum scriptis non legitur. Pars illius dicti ex quarto Esdra desumpta videtur, quem canonicis scriptis annumerandum Genebrardus perperam censuit. Inter Patres Ambrosius quartum Esdra librum tanquam divinum & nulli biblicorum postponendum commendavit. Rectius Hieronymi de illo libro judicium. IX. Barnabas mysticis & allegoricis Scripturae explicationibus saepe admodum coactis delectatur. Locus Es. III, 9. 10. X. Afferit Barnabas Israelitas in festo expiationis jejuniis dicato de bircopro peccatis oblato comedere, & solos Sacerdotes illota ejus intestina cum aceto manducare debuisse, idque a Propheta dici scribit. Verum id neque Num. XVII, 7. 11. quem locum Menardus in margine allegat, nec alibi in Scriptura legitur. XI. Lusus Barnabae mysticus in numero 318. servorum Abrahae. Licentia Mysticorum in allegandis Scripturis. XII. Num Gnostici Barnabae occasionem sacras literas mystice interpretandi dederint, ut Hammondus statuit? Num Barnabas mysticas suas interpretationes ab Apostolis hauserit? XIII. Christi divinitatem agnovit Barnabas, quod contra veteres & novos haereticos probant Calovius, Bullus, Grabius. XIV. Docuit Barnabas Christum homines omni peccato iniquiores ad apostolatam elegisse. Hinc Celso nata occasio religionem christianam infamandi, cui Origenes respondit. Falsum est Christum non alios quam omnium bipedum nequissimos ad apostolatam elegisse: At nec contraria Jobii sententia de optimis quibusque electis simpliciter vera est. XV. Barnabas

non

SYNOPSIS

non merum hominem, sed ipsum Filium Dei passum docet, secus quam postea Nestorius docuit, & Hypatia Platonica philosophia Magistra, de cujus epistola ad Cyrillum paucis agitur. XVI. Docuit Barnabas Christi satisfactionem pro peccatis nostris. Locum Barnabae de typo vaccae rufae Carpzovius vindicavit. XVII. Ex verbis Barnabae dicentis, quod fide promissionis & verbo vivificante vivamus male infert Menardus, quod negaverit, nos sola fide justificari. XVIII. Bona opera facienda esse diligenter inculcat. Sanctorum vultum quotidie inquiri cupit, non ut eos invocemus, quae Menardi est pseudhermenia, sed ut eorum exempla imitemur. XIX. Hortatur Barnabas ut manibus nostris operemur ad redemptionem peccatorum. Menardus his verbis ad probandum eleemosynae meritum abutitur. Simile dictum in Constitutionibus apostolicis occurrit. Quo sensu ad redemptionem peccatorum operari possimus. XX. Barnabas Abrahamum primum fuisse circumcisum recte asserit. Refutantur Herodotus, & Christianis Marshamus & Spence-rus, qui circumcisionem ab Aegyptiis ad Hebraeos pervenisse statuerunt. Conjecturam Cotelerii de loco quodam Procopii falsam esse probatur ex MSCto Augustano. XXI. Barnabae doctrina de efficacia baptismi. Quid Reformati de baptismi efficacia statuunt. XXII. Infantes melle primum ac deinde lacte ad vitam sustentari scribit Barnabas. Salmasii sententia de eucharistia infantibus in melle loco panis, & lacte loco vini data cum aliis quibusdam ejus assertis refutatur. XXIII. Barnabas in sex millibus annorum omnia consummatum iri tradit. Per septimum diem non intelligit regnum Christi millenne, sed diem judicii, quam sequitur

sequitur octava aeternae felicitatis. Alia quorundam veterum de mysterio septimi diei, & de mundi duratione opiniones. Mutatio Solis & Stellarum a Barnaba asserta cum Scriptura minus congruit.

CAPITIS III.

SECTIO II.

De doctrina Hermæ.

I. *Visiones Hermæ sunt larvati Prophetæ somnia.* II. *Varios Scripturæ sensus ex Hermæ elicit Origenes.* III. *liber Eldad & Medad apocryphus ab Hermæ allegatus.* IV. *Magdeburgensium error circa Hermæ allegationem apud Irenæum.* Dico Hermæ asserentis Deum omnia ex nihilo creasse abusi veteres & novi Ariani. V. *Tres in una Deitate Personas agnovit Hermas.* VI. *Parabola de vinea apud Hermam incommode explicatur.* Varenii, Thomasini, Przypcovichii de Hermæ judicia. VII. *Videtur Hermas per Spiritum S. Filium ratione Divinitatis intellexisse.* Ad Zuvickeri objectiones respondetur. VIII. *Alia Zuvickeri & Sandii contra Christi Deitatem argumenta refutantur.* IX. *Sandii & Zuvickeri argumenta contra divinam Spiritus S. Personam ex Hermæ deprompta refutantur.* X. *Duos habere quemlibet hominem genios unum bonum alterum malum, Hermas statuit.* Eandem doctrinam approbant nonnulli ex Patribus, Pontificiis, Gentilibus, Muhamedanis & Judeis.

Scri-

SYNOPSIS

Scriptura silentium & aliorum Patrum contrariam sententiam notat Cotelerius. Improbatur hoc Herma dogma Bellarminus, & index expurgatorius Sandovalianus. Spanhemius notatur. XI. De Angelo Hegrin reptilium Praside Herma sententia ab Hieronymo, qui Angelum hunc Tyrum vocat, improbat. Varia Cotelerii observationes de hoc Angelo refutantur. Jacobi Billi error castigatur. Svicerus notatur. XII. Herma dogma de libertate arbitrii. Prosperi de Herma iudicium. Caspianus Semipelagianus. XIII. Herma unicam post baptismum poenitentiam concessit. Tertulliani jam Montanista de Herma iudicium. XIV. Pœnas peccatis impositas in primitiva ecclesia diuturnas non fuisse, ex Herma probatur Morinus. Respondetur Cotelerio. XV. Herma operibus supererogationis viam stravit. XVI. Herma de celibatu sententia. Fueritne Presbyter an Laicus? XVII. Facto per adulterium divorcio matrimonii vinculum non solvi Herma statuit. XVIII. Episcoporum supra Presbyteros eminentiam nonnulli ex Herma probant, quibus Blondellus & alii contradicunt. XIX. Herma sententia de Patriarchis post mortem apud inferos baptizatis. Nourrii violenta hujus loci interpretatio. XX. An Herma Ebrietas fuerit? XXI. An purgatorii assertor?

CAPITIS III.

SECTIO IV.

De doctrina Clementis Romani
ex ejus epistolis ad Corinthios.

I. Clemens

SELECT. CAP.

I. **C**lemens Scripturam non solum quoad sensus, sed etiam quoad verba a Deo inspiratam docuit. Lis inter Jesuitas Lovanienses & Theologos Lovanienses & Duacenses. Lis inter Simonium & Arnaldum. Simonius gloriatur de consensu non solum Pontificiorum, sed etiam Calvinianorum, Socinianorum, Arminianorum, quin etiam Lutheranorum. Controversia inter Grossum & Musaum, Spinosa & Clerici sententia. II. Clemens Romanus secus ac alii quidam Pontifices Romani etiam laicis Scriptura lectionem commendavit. Synodus Græcorum Hierosolymitana A. 1672. papizavit. Usserii & Whartoni tractatus de scripturis & sacris vernaculis. Pontificii quidam veritatis testes. III. Hugonis Grotii & Stephani Goffe error. IV. Allegationes Clementis cum Scriptura S. non semper conveniunt. V. Allegationes ejus ex Scriptura nonnunquam minus aptæ. VI. Allegat interdum dicta tanquam ex Scriptura, quæ incertum est unde hauserit. VII. De mysterio Trinitatis recte sensit. VIII. Christi Divinitatem agnovit, quod contra Sandium probatur. IX. X. XI. item contra Zwickerum & Mellierum. XII. Quid Clemens per Oceanum impertransibilem, & qui trans ipsum sunt, mundos, intelligat? Num Clementis ætate evangelium Americanis prædicatum fuerit? XIII. Universalem Dei gratiam & meritum Christi universale Clemens agnovit. XIV. An Clemens juxta Anonymum & Sandium animarum ante creationem mundi præexistentiam docuerit? XV. Insignis Clementis locus de justificatione per solam fidem, exclusis omnibus operibus etiam per gratiam factis. Hornejus notatur. XVI. Interpretatio locorum Clementis, quæ in Ca-

SYNOPSIS

ritate commendanda modum excedere videntur. XVII. Qualem perfectionem Clemens statuatur. XVIII. Agnovit renatos gratia Dei excidere & damnari posse. XIX. Nullam inter Episcopos & Presbyteros differentiam agnovit. XX. Ministros cum ecclesiae consensu vocatos fuisse asserit. XXI. Circa descriptionem cultus publici quodammodo judaizat. XXII. Prærogativam sacri calicis præ consecrato pane Salmasius ex Clemente perperam probare satagit. Prævaricat o Salmasii v. 20. ex C. XXII. Luca expungere conantis. XXIII. Sacrificium missaticum ex Clemente Græbius egregie papizans perperam exsculpit, a Budeo refutatus. Clementis epistola nonnullis in locis interpolata. XXIV. Num mentio fabulosa avis Phœnicis Clementis epistolam veteris suspectam reddere valeat. XXV. Purgatorium Clemens non agnovit. XXVI. nec Chiliasmum. XXVII. An erraverit Clemens, cum dictum Jobi XIX, 25. de resurrectione carnis explicavit?

CAPITIS III.

SECTIO V.

De doctrina Clementis Romani ex reliquis ejus scriptis.

- I. **C**anones Apostolici calibatur Clericorum adversantur.
- II. Nuptias cum uxoris defunctæ sorore improbant. D.
Johannis

SELECT. CAP.

Johannis Melchioris Gæzii tali conjugio polluti mala conscientia. III. Quid hi canones de hæreticorum baptismo decernant. IV. Quid de libris V. & N. T. V. VI. VII. VIII. IX. Doctrina quadam ex apostolicis constitutionibus excerpta. X. Bellarmini argumentum pro Missis in honorem Sanctorum ex Clementis Liturgia depromptum refutatur. XI. XII. Erronea quadam dogmata in Clementis Recognitionibus occurrentia. XIII. Impia asserta in Clementinis homiliis obvia. XIV. Vxorum communio in Clementis decretalibus impie asserta.

CAPITIS III. SECTIO VI.

De doctrina Dionysii Areopagitæ, & quorundam aliorum primi seculi pseud- epigraphorum.

I. **A**N Dionysius Areopagita librum Sapientie pro canonico habuerit? II. Ejus de Trinitate doctrina. III. Quid de Angelorum ordinibus tradiderit? IV. An realem carnis & sanguinis Christi præsentiam in eucharistia negaverit? V. Quæ de liturgia apparatu memorantur, autorem pseud-epigraphum produnt. VI. Perstringuntur a Dionysio Chiliastra. VII. de erroneis quibusdam doctrinis aliorum Pseudepigraphorum Scriptorum.

CAPUT IV.

De

Hierarchia ecclesiastica, variis institutis, ritibus & cerimoniis primi seculi.

I. **P**etrum unquam Roma fuisse nonnulli negant. II. Saltem id falsum est, quod per 25. annos episcopatum ecclesie Romana gesserit. III. Quo sensu Episcopus Romanus dici possit? lignea ejus cathedra. IV. Petrus a Paulo reprehensus. Natalis Alexander sibimet ipsi discors. V. Sententia Arnaldi, qui primatum Petricum Paulo partiendum censet. Cur Pauli effigies in Pontificum bullis dextrum locum occupet. VI. Pontificum Romanorum successio in primo statim limine sibi parum constat. VII. Aliqui non Petro, sed Jacobo Hierosolymitano Episcopo primatum inter Apostolos tribuerunt. VIII. Falsum est omnes Occidentis ecclesias a Petro institutas. IX. Jactatum a Lupo Petri privilegium in rerum natura nusquam extat. X. Canon Antiochenus de imaginum veneratione supposititius. XI. An ex statua, quam hamorrhousa Christo erexisse dicitur, imaginum cultus probari possit? XII. An ex imagine Christi ab ipso Christo expressa? XIII. An ex Veronica sudario? XIV. An ex linteis sepulchralibus Vesonino & Taurinensi? an ex imagine Christi per Nicodemum sculpta? XV. XVI. XVII. An status primi seculi monasticus ex Therapeutis Philonis probari

SELECT. CAP.

bari possit? XVIII. An ex Svetonio & Tacito? XIX. Christum in baptismo primo seculo vixisse Jeremias Patriarchæ falso asserit. XX. Eucharistia infantum primo seculo nondum usitata. XXI. Crucigeri congregationem suam primo seculo institutam falso gloriantur. XXII. Pallium Pontificale a Lino primi seculi Pontifice institutum esse falsum est. XXIII. Ritus benedictionis Episcopalis in sacris mysteriis primo seculo recentior. XXIV. An ex Clemente Alexandrino probari possit, sacramentum confirmationis primo seculo obtinuisse? XXV. Ministros primi seculi ad cœlibatum astrictos fuisse probari non potest. Jesuita Bisselium cum Dilberro collatio. Notatur Wagenfeilius. XXVI. Peculiaris habitus sacerdotalis primo seculo ignotus. XXVII. Ritus sacrarum lectionum. XXVIII. solennis doxologie formula. XXIX. Excommunicatio. XXX. Vigilie. XXXI. Frequens communio. XXXII. Multi ritus primo seculo affinguntur longe recentiores.

CAPUT V.

De Hæresibus primi seculi.

I. **D**ositheus. II. Defenditur mea dissertatio de Hæresibus adversus Cozzam. III. IV. V. Variæ de Dositheo. VI. VII. VIII. IX. Simon Magus ejusque Helena. X. An Simon hic divinos honores affectaverit? XI. Arnoldus Simonis Magi Patronus. XII. Simonis & Helene imagines. XIII. XIV. XV. Statua Simoni Mago Romæ erecta in dubium

SYNOPSIS

bium vocatur. XVI. XVII. *Magicus* ejus *peraërem volatus* & *tragicus exitus falsitatis suspectus*. XVIII. *Probari non potest eum in Scriptura tradi*. XIX. *Impia ejus dogmata*. XX. *Ejus scripta*. XXI. *Simoniani baptismum perverse tractarunt*. XXII. *Alia de Simone*. XXIII. *Vitringa Simonem Magum hereticum a Simone Mago in Actis men orato distinguendum esse censet*. XXIV. *Menander*. XXV - XXX. *Cerintbus*. XXXI. *Ejus ebiliasmus*. *Fueritne idem cum Patrum quorundam ebiliasmo, an diversus?* XXXII. *Petersenii nuga refutantur*. XXXIII. *Cerintbus visiones jactavit*. XXXIV. *Cerinthianorum baptismus pro mortuis*. *Locus 1. Cor. XV, 29. variis interpretationibus obnoxius*. XXXV. *Johannis in Cerintbum odiū*. *Cerintbū balnei ruina oppressum Veteres non asseruerunt*. *Sagittarius notatur*. XXXVI. *Nom Cerintbum sed Ebionem in balneo fuisse, quod Johannes ingredi noluit, Epiphanius testatur*. (Obiter hic observo, corrigendum esse, quod scripsi ex Epiphanii sententia Ebionem balnei ruina oppressum fuisse, cum tamen me ipso teste id Epiphanius non dixerit.) XXXVII. *An hereticus nomine Ebion in rerum natura fuerit?* XXXVIII. *Duplicis generis Ebionita*. *Huetii lapsus*. XXXIX. *Locus Jrenai emendatur*. XL. *Homuncionita & Anthroiani quidam dicti?* XLI. *Quos Scriptura libros rejecerint?* XLII. *Quid Optatus & Origenes de illis tradat?* XLIII. *Strenue judaizarunt*. XLIV. *Johanni Evangelistæ odium in Ebionem a Zelotis affingi Arnoldus fingit*. XLV. XLVI. XLVII. *Nazarai*. XLVIII. - LII. *Nicolaitæ*. LIII. *Alii Hæresiarchæ primi sæculi*

CAPUT

CAPUT VI.

De

Persecutionibus & Martyribus.

I. *Judeorum nuncii & epistola adversus Christianos quadraversus emissæ. Epistola a Judæis Hierosolymitanis ad Judæos Ulmenses missa. Alia ad Judæos Ratisbonenses. Stephani mors & sepultura.* II. *Erasmi error circa Herodem, cujus jussu Jacobus obtruncatus. Alterius Jacobi martyrium.* III. *Neronis persecutio a Dodrvello extenuata.* IV. *Num Chrestus Suetonii idem sit cum Christo?* V. *Prætextus persecutionis Neroniana.* VI. *Visio Christi Petro facta dubia fidei.* VII. *Causa quæ Neronem adversus Petrum & Paulum incitarunt.* VIII. *Plura de Petri & Pauli supplicio. Figmentum de Petronilla.* IX. *Persecutio Domitiani. An Johannes dolio ferventis olei immersus fuerit?* X. *Flavii Clementis martyrium. Domitilla exilium.* XI. *Dionysii Arcopagita martyrium.* XII. *Antipa martyrium.*

CAPUT VII.

De variis Personis & gestis primi
seculi memorabilibus.

SECTIO I.

De Christo.

f

I. Con-

SYNOPSIS

I. *Controversia de anno Christi natali.* II. *Verba Luc. II, 2. explicantur.* III. *Verba illa non sunt aliunde intrusa nec corrupta.* IV. *De mense, die & hora Christi natali. Traditio, quod Christus d. 25. Decembris natus fuerit, incerta.* V. *An Christus in spelunca natus? Dorscheus ab Hoornbeckio plagii temere incusatus.* VI. *Sculteti sententia per Φάτνν diversorium intelligentis refutatur.* VII. *Salomonis van Til sententia circa chronologiam infantis Christi.* VIII. *Circumcisio non in Ægypto facta. De Christi praputio.* IX. *Magi non fuerunt tres Reges. Neque Henoch, Melchisedech & Elias. Fuerintne pauperes?* X. *Varie de Symeone traditiones. Hanna non fuit Monialis.* XI. *Christi fuga in Ægyptum. Memorabilia quedam, quæ in illa fuga accidisse perbibentur.* XII. *Veritas infandicidii Betlebemitici asseritur.* XIII. *Acta apocrypha de infantia Christi.* XIV. *Annus Christi duodecimus.* XV. *Forma Christi. Sententia quorundam Patrum, Rigaltii & Salmasii, Vavassoris, Fechtii.* XVI. *Baptismus Christi. Quomodo ejus memoria quotannis apud Orientales renovatur? Quomodo apud Coptos?* XVII. *Erroneæ quorundam de Christi tentatione sententiæ refutantur.* XVIII. *Circa tempus Ministerii Christi aliqui in defectu, aliqui in excessu peccant.* XIX-XXXVII. *Flavii Josephi de Christo testimonium, ubi imprimis Daubuzii nuperus de hoc Josephi loco tractatus examinatur.* XXXVIII. *Commentarii in Evangelistas veteres & novi.* XXXIX. *Nuptiæ in Cana. De Christi erga Macrem in his nuptiis austeritate. Vecbneri sententia minus probatur.* XL. *An Christus jure zeli venditores & emtores templo ejecerit? Sententia Seldeni & contraria*

SELECT. CAP.

ria Saldeni. An ex Christi oculis igneum quid & sidereum in hoc facto radiaverit? XLI. Christi cum Nicodemo colloquium, Nicodemus Talmudicus. XLII. Colloquium cum Samaritana quam Græci Photinam appellant, XLIII. Obsessi a Damone per Christum liberati. Hobbesii & Beckeri de obsessis somnium. An Diabolus Christum Dei Filium agnoverit? Sententia Vedelii, Usserii, Origenis, Hilarii, aliorum. XLIV. Thoma Linacri de montana Christi concione iudicium. XLV. Ægrotus ad piscinam Bethesda a Christo sanatus, cujus historia a Bartholino illustrata. XLVI. Christus violati sabbathi accusatus. XLVII. XLVIII. Aliqua Christi gesta a quatuor Evangelistis consignata. XLIX. Aliqua a tribus. L. Aliqua a duobus. LI. Aliqua a solo Mattheo. LII. Aliqua a solo Marco, vel a solo Luca, ut parabola de villico iniquitatis a Trillero perversa, parabola de divite & Lazaro, quam Lomeierus & Deusingius coacta interpretatione obscurant. Mystica interpretatio parabole de injusto iudice per Theophilum Antiocenum, LIII. Quædam Christi dicta & facta a solo Jobanne memorata. Historia adulteræ an sit authentica? An homo a nativitate cæcus oculis orbatu fuerit? LIV. De ultimo Christi paschate sententia Harduini, LV. Bynæi, Hoornbeckii, Witsii, Capelli, Heideggeri. LVI. Christi passio, LVII. Christi vestigia in oliveto relicta. LVIII. Acta Pilati pseudopigrapha. LIX. Christi apothecosis a Tiberio tentata,

CAPITIS VII.

SECTIO II.

De Maria Christi Matre.

I. **M**aria genusex stirpe Davidica. M. Antonius de Dominis notatur. II. Immaculatam Mariæ conceptionem decidere non ausi Pontifices Romani. Etiam Alexander VII. Mareſii error. Diaboli responſum, quem Franciſcanus per immaculatam Mariæ conceptionem adjuravit, ut ex obſeſſo cederet. III. Aliqua Mariæ geſta. IV. Variæ de Mariæ fabulæ. Mariæ reliquiæ. Scriptores de Mariæ.

CAPITIS VII.

SECTIO III.

De Joſepho.

I. **E**X Davidis ſtirpe natus. An fuerit non vulgaris opifex, ſed nobilis Architectus? II. Quo ætatis anno Mariam duxerit? Pictorum error. III. Fabulæ de Joſepho ex libro de ortu Virginis, & ex Jacobi protevangelio. IV. An Mariæ gravida deprehenſa potum Zelotypiæ bibere coacta fuerit? V. Quid Joſannes Gerson in Joſephina ſua de Joſepho tradat.

CAPITIS

CAPITIS VII.

SECTIO IV.

De Johanne Baptista.

I. **Q**uid de eo Scriptura tradat? II. Quid Josephus? III. Quid Christiani S. Jobannis in Oriente? IV. Eum inferis evangelium pradicaſſe Patres quidam affirmant. V. Ejus reliquia. VI. Quid Ebionitarum evangelium de baptismo Chriſti per Johannem factum memoret? VII. Quales æreſes fuerint, quibus Johannes pro cibo uſus eſt? VIII. Alia de Johanne.

CAPITIS VII.

SECTIO V.

De Apoſtolis.

I. **P**rima Apoſtolorum miſſio. An per oleum, quo agros curarunt, naturalia medicamenta intelligantur? II. Apoſtolorum miſſio in univerſum orbem. De linguarum dono Eraſmi error. An etiam Hispanice locuti fuerint? An ex linguis, quas locuti ſunt, cognosci potuerit, in quas quisque regiones abiturus eſſet? III. Apoſtolorum infallibilitas. Hedingerus notatus. IV. An per 12. annos Hieroſolymis manſerint? V. Quibus in locis ſinguli evangelium pradicaſſerint, incertum. IV.-IX. de Petro. X. XI. de Johanne

SYNOPSIS

hanne & ejus evangelio. XII. XIII. XIV. de Jacobo Zebedei. XV. - XIX. de Jacobo Alphaei. XX. de Andrea. XXI. de Matthæo. XXII. de Thoma. XXIII. de Philippo. XXIV. de Bartholomæo. XXV. de Simone Cananæo. XXVI. de Judâ Thaddæo. XXVII. de Judâ Iſcariote. XXVIII. de Matthia. XXIX. - XXXIII. de Paulo.

CAPITIS VII.

SECTIO VI

De 70. Discipulis.

*I. D*orothei synopsis de 70. Discipulis. II. Eorum nomina. III. Dorothei errores. IV. An fuerit e 70. Discipulis Enochus de Amathin. V. Uranii tractatus de 70. Discipulis.

CAPITIS VII.

SECTIO VII.

De Viris Apostolicis.

*I. D*E Marco & ejus evangelio. II. De Luca. III. de Barnaba. IV. de Clemente. Quantum ab eo distet hodiernus Papa. V. de aliis Viris Apostolicis.

CAPITIS VII.

SECTIO VIII.

De ecclesiarum quarundam originibus & primis Episcopis.

I. Primi

SELECT. CAP.

I. *Primi Episcopi Romani. II. Primi Byzantini. III. Alexandrinae ecclesiae origines. IV. V. VI. Primi Galliarum Episcopi. VII. Primi Italiae Episcopi. VIII. An Iosephus Ari-mathaeus Britannorum Episcopus fuerit? IX. Fictitii Hispaniae Episcopi. Hierotheus. X. Episcopi quidam primi seculi ab Eusebio memorati. XI. Alii in Constitutionibus apostolicis nominati. XII. de ecclesiis in Germania plantatis.*

CAPITIS VII.

SECTIO IX.

De Miraculis & visionibus primi
seculi.

I. *Miracula quaedam ab Eusebio relata. An Iohannes Evangelista venenum illisus biberit? II. Visio Carpi incerta.*

CAPITIS VII.

SECTIO X.

qua Epimetra quaedam miscellanea
continentur.

I. *Nicomedis liturgia. II. Eusebii relatio de concilio Hierosolimitano in Symeonis Episcopi electione habito incerta. III. Christianorum migratio ex Hierosolyma vastanda in oppidum Pellam. Num Hierosolyma non tota a Tito destructa fuerit? IV. Manifesta haereticorum ab ecclesia defectio Apostolis adhuc viventibus facta. Dodrwellus notatur. V. Fabulae de Nerone adhuc vivo vel redituro. VI. Alia de Nerone fabula. VII. Apollonius Tyanensis. Nova Philostrati editio. Iudicia quaedam de Apollonio ab Huetio merito reprebensa.*

Addenda


Addenda ad præfationem De Scriptoribus historiæ ecclesiasticæ recentioribus.

I. **I**Nter Scriptores, qui historiam ecclesiasticam V. T. descripserunt, nescio qua incuria omissus fuerit HENRICUS SPONDANUS, qui postquam Baronii annales in epitomen redegit, & eosdem insuper usque ad medium seculi decimi septimi continuavit, etiam annales sacros a mundi creatione usque ad ejus reparationem Parisiis A. 1660. publicavit, in quibus imprimis Augustinum Torniellum sequitur, nonnulla tamen etiam ex Saliano aut aliis Scriptoribus, nec non ex propriis observationibus adjunxit.

II. Omissa etiam in præfatione nostra non fuisset, nisi serius ad nostras manus pervenisset, viri Clarissimi CAMPEGII VITRINGÆ hypotyposis historiæ & chronologiæ sacræ a mundo condito usque ad finem seculi primi, Franequeræ A. C. 1708. edita. Eodem anno Venetiis D. VICTORIS SILVII GRANDI historia ecclesiastica a creatione mundi usque ad præsens seculum Italico sermone prodiit.

III. Dixi thes. 47. de Compendio historiæ ecclesiasticæ Gothano. Nunc addo postremæ illius editioni, quæ A. 1703. Lipsiæ ex Klosiana officina prodiisse in titulo notatur, accessisse A. 1705. Supplementum aliquod, seu libri II. cap. V. *sectionem tertiam*, in qua nescio quis Lucifoga inter alia qualemcunque Pietismi, Chiliaismi & Terminismi historiam ex meris mendaciis & calumniis, quarum aliquæ etiam adversus me effutiuntur, consuit. Verum hac de re alio tempore, si Deus voluerit, oportunius agetur.

Præfa-



PRÆFATIO AD LECTOREM

DE
SCRIPTORIBUS HISTORIÆ
ECCLESIASTICÆ RE-
CENTIORIBUS.

I.

Post reformationem nul-
lum nobilius historiæ ec-
clesiasticæ opus lucem
publicam adspexit, quam
quod CENTURIA-
RUM MAGDEBUR-
GENSIUM nomine ci-
tari solet, centuriarum quidem, quia singuli

tomī annorum centuriā continent, Magdeburgensium autem, quia priores tomī Magdeburgi scripti sunt; unde Georgium Gentium in Magdeburgensium diœcesi natum nullam istarum centuriarum noticiā habuisse miratur Vosius *epistol.* 336. Coryphæus autorum, quorum studio hoc opus colligi cœpit, fuit Matthias Flacius, cui socias operas junxerunt Johannes Wigandus, Matthæus Judex, Basilii Faber & alii. In singulis centuriis, quarum ultima est decima tertia, historia ecclesiastica ad certa quædam capita revocatur, de cujus instituti ratione in præfatione centuriæ primæ plura videri poterunt, ut & in narratione de hoc opere. Antequam enim opus hoc prodiret, quia nonnulli sinistre de eo ominati fuerant, in lucem emissā est: *de ecclesiastica historia, quæ Magdeburgi contextitur, vera narratio contra quorundam diffamationes a Gubernatoribus & operariis ejus historia edita, Magdeburgi A. 1558.* quam narrationem eodem anno Wittebergæ responsum sub titulo Scholasticorum Witebergen- sium excepit.

II. Pri-

II. Primum has centurias latine impressas Basileæ apud Oporinum A. C. 1599. quod in Hoornbeckii miscellaneis p. 16. asseritur, fallum est. Primæ enim centuriæ jam A. C. 1560. & iterum 1562. prodierunt, reliquæ sequentibus annis 1563. 1564. 1565. 1567. 1569. & 1574. quo centuria decima tertia eaque postrema lucem publicam aspexit. Editionem, quam Ludovicus Lucius promovit, præfationibus & subscriptis autorum nominibus castratam notat Calovius in *pædia studii theologi* p. 337. Eandem editionem Lucianam multis in locis juxta Calvinianas hypotheses falsatam observat Joh. Gottlieb Möllerus in *decade observat. miscellanearum* c. 3. ubi exempla quædam illius corruptionis adducit.

III. Eidem Lucio animum continuandi has centurias fuisse, Vossio indicat Wetstenius in epistola ad illum scripta, quæ est inter Clarorum Virorum ad Vossium epistolas 278. Alios continuationem centuriarum meditados Lucio adjungit magnum Academiae Salanæ quondam nunc Juliæ decus Joh. Andreas Schmidius in consilio, quo omnibus Protestantium ecclesiarum eruditis Centuria-

torum Magdeburgensium emendationem defensionem atque continuationem de meliori nota commendat, ubi & plura de Magdeburgensibus centuriis observat, cui adjungi poterit Sagittarius *in introductione ad historiam ecclesiasticam* c. 13. ubi corrigendum, quod pag. 270. inter doctores septimæ centuriæ refert Clementem Arelatensem, pro quo Cæsarium Arelatensem nominare debuisset, quod sphalma etiam in ipso centuriæ 7. titulo corrigendum est, ubi dubio procul Cæsarium Arelatensem nominare voluerunt Magdeburgenses, quem a Trithemio decepti ad septimam centuriam retulerunt, etsi potius in sexta centuria poni debuisset.

IV. Laudantur hæ Centuriæ a Richardo Montacutio *in præfatione ad apparatus originum ecclesiasticarum thes.* 47. sed mox *thesi* 50. vituperantur. Humanitus nonnunquam errasse Centuriatores, nonnulla etiam affectæ & anticipatæ opinioni dedisse, censet Vossius *epistol* 397. Philippus Jacobus Hartmannus Medicus Regiomontanus *in commentario de rebus gestis Christianorum sub Apostolis* p. 35. hoc in Centuriatoribus defi-

desiderat, quod doctrinam Orthodoxorum & Heterodoxorum cum animadversionibus suis historiæ inserant, & hac ratione historiam in disputationem Theologicam convertant. Verum Magdeburgenses in narratione paulo ante memorata doctrinam cujusque seculi animam historiæ ecclesiasticæ esse censebant, ideoque Eusebio & aliis male vertebant, quod ipsorum historiæ in doctrina ecclesiæ recensenda vel mutæ vel mutilæ deprehenderentur. Cæterum etsi hæc centuriæ nonnullis male audiant, contra tamen etiam insignia illarum elogia passim occurrunt, quibus annumerandum, quod Johannes Cluverus in *Diluculo apocalyptico* p. 163. per Angelum qui æterni evangelii præconem secutus Babylonem cecidisse clamavit Apoc. XIV, 8. Flacium ejusque in contexendis centuriis Collegas intelligat, quam sententiam inter plurimas sibi maxime placere D. Johannes Andreas Lucius in suis ad Apocalypsin homiliis Dresdæ quondam habitis & postea in lucem editis indicat. Hottingeri judicium de centuriatoribus videatur in ejus bibliotheca p. 406.

V. Varii adversarii hoc centuriarum opus impugnarunt, quos inter ALANUS COPUS Antverpiæ A. C. 1566. & 1573. sex dialogos partim centuriis Magdeburgensibus, partim Joannis Foxi Martyrologio oppositos conscripsit, hoc titulo posteriori editioni præfixo: *Dialogi sex contra Summi Pontificatus, Monastica vitæ, Sanctorum, sacrarum imaginum oppugnatores, & Pseudomartyres: Ab Alano Copo Londinensi editi auctiores nonnullis in locis & castigatiores. In quibus præterquam quod nonnulla, quæ alii hætenus vel attigerunt leviter, vel penitus omiserunt, paulo uberius & plenius explicantur; Centurionum etiam Magdeburgensium, auctorum apologiæ Anglicana, Pseudomartyrologorum nostri temporis, maxime vero Joannis Foxi & aliorum, qui adulterino evangelio nomina dederunt, variæ fraudes, putida calumniæ, & insignia in historiis ecclesiæ contaminandis mendacia deteguntur. Antverpiæ, ex officina Christophori Plantini, Prototypographi Regii M. D. LXXIII.* Non vero ipse Copus dialogorum illorum autor fuit, sed verum autorem Nicolaum Harpesfeldium sub finem sexti dia-

dialogi literis initialibus prodidit A. H. L. N. H. E. V. E. A. C. i. e. Autor Hujus Libri Nicolaus Harpesfeldius, Edidit Vero Eum Alanus Copus, ut literas illas explicat Pitseus *de Scriptoribus Anglicanis* p. 780. ubi Harpesfeldium hos dialogos in carcere scripsisse, & Copotum exulanti edendos commisisse scribit. Canones Apostolorum & veterum Pontificum epistolas adversus Centuriatores defendere conatur FRANCISCUS TURRIANUS libris 5. Coloniae 1573. editis, quibus quoad librum primum de canonibus apostolicis agentem respondit Dallæus in *pseudepigraphis apostolicis libro 3.* & quoad reliquos libros de Pontificum epistolis agentes David Blondellus in tractatu suo, qui inscribitur Pseudo-Isidorus & Turrianus, vapulantes. Adversarium Centuriatorum se etiam profitetur GILBERTUS GENEBRARDUS in titulo partis 2. Chronographiæ suæ, nec non in epistola dedicatoria illius partis, dum gloriatur se Centuriatorum impietatem, mendacia, imposturas coarguere. Verum ex his montibus tanto conatu parturientibus ridiculum murem prodiisse monet Montacutius in *præfatione ad apparatus suum* §. 56. PETRI

CANISII commentarium de verbi Dei corruptelis adversus Magdeburgenses in duos tomos distributum Bibliotheca Jesuitica commemorat. Titulus hujus operis Canisiani in mea editione talis est: *Commentariorum de Verbi Dei corruptelis Tomi duo. Prior de venerando Christi Domini præcurfore Joanne Baptista ; Posterior de sacrosancta Virgine Maria Deipara differit, & utriusque personæ historiam omnem adversus Centuriatores Magdeburgicos aliosque Catholicæ Ecclesiæ hostes diserte vindicat. Postrema & plenior utriusque operis in unum volumen nunc primum, redacti editio, D. Petro Canisio Societatis Jesu Theologo, tum Autore, tum Recognitore. Ingolstadii A. D. 1583. GULIELMI EYSENGREINEI duos centenarios adversus Centurias Magdeburgenses Monachii editos memorat Labbeus in bibliotheca bibliothecarum p. 72. qui hausisse id videtur ex bibliotheca Frisii p. 302. Mihi ad manus est primus centenarius, cujus hæc est inscriptio: *Guilielmi Eysengreinei de Nemeto Spirensis Centenarii XVI. adversus novam historiam ecclesiasticam, quam Matthias Flacius Illyricus, & ejus Collega Magde-*
*bur-**

burgici contra verum Dei cultum, verasque Ecclesiæ Catholice Cereimonias scriptis vetustissimorum historicorum depravatis & corruptis nuper adiderunt. Centenarius I. salvo in omnibus sanctæ Sedis Apostolicæ judicio, cui nos subjicimus. Ingolstadii A. C. 1566. Ejusdem Eysengreinei opus de Romanis Pontificibus adversus historiam Magdeburgensium Monachii 1568. in fol. editum Ludovicus Jacobus a S. Carolo in *bibliotheca Pontificia*, p. 330. recenset. Primus autem juxta Possevinum in *bibliotheca tom. 2. pag. 405.* contra Magdeburgenses calamum strinxit CONRADUS BRUNUS. Verum ille ultra titulum, epistolam dedicatorem & præfationem Centuriæ primæ progressus non est, ut ipsa inspectio hujus tractatus Dilingæ Anno 1565. editi docebit. Breviter autem huic Conradi Bruni scripto respondet Flacius in *refutatione invektivæ Bruni*, quæ Basileæ An. 1566. excusa est.

VI. Eadem Centuriæ Magdeburgenses, de quibus jam dictum est, Philippo Nerio, qui nunc inter Sanctos colitur, occasionem dederunt, ut unum ex Presbyteris Con-

gregationis Oratorii recens a se institutæ ad historiam ecclesiasticam probe imbibendam in congregatione illa explicandam & literis denique mandandam impelleret. Erat is, quem ad hoc negotium deligebat CÆSAR BARONIUS, qui hanc annalium suorum originem fuisse ipse testatur in publica gratiarum actione pro annalibus suis ecclesiasticis, quam ad Philippum Nerium jam mortuum direxit, & Tomo VIII. annalium præfixit, in qua præter alios Scripturæ S. abulus verba Christi ad Philippum Apostolum Joh. XIV, 10. *Pater in me manens ipse facit opera,* sibi & Patri Philippo Nerio blasphemie applicat. Quam difficulter autem onus hoc a Nerio sibi imponi passus fuerit Baronius, donec vox per somnium audita eum, ut arduum hoc opus aggredereetur, animavit, refertur ab Hieronymo Barnabeo *in vita Philippi Nerii cap. 6.* in Actis Sanctorum Antverpiensibus *Tom. VI. Maji pag. 536.* Non prius tamen annales suos in lucem publicam produxit, quam historiæ ecclesiasticæ cursum in Congregatione Oratorii per 30. annos septies iterasset. Tunc igitur foetum, quem jam
ju-

juvenis conceperat, senex eniti cœpit, illudque totius vitæ suæ onus, ut in dedicatione tomi undecimi annales suos vocat, peperit. Unde hoc opus Heideggerus *in historia Papatus thes.* 216. partum plusquam elephantinum appellat, cum elephanti spatio 10. annorum partus suos edere dicantur. Usque adeo autem hoc annalium opus Baronio placuit, ut ab illo Centurias Magdeburgenses tanquam virgas Magorum ab Aaronis virga devoratum iri sibi persuaserit.

VII. Et primus quidem tomus Romæ A. 1588. prodit, quem sequentibus annis undecim alii tomi secuti sunt, quorum ultimus in anno 1198. terminatur. Fallit ergo Andreas du Saussay, cum *in continuatione Belarmini de Scriptoribus ecclesiasticis pag.* 191. asserit, quod Baronius tomorum suorum numero Magdeburgenses centurias æquaverit. Tredecim enim sunt centuriæ Magdeburgenses, sed Baronianorum annalium tomi duodecim, qui non Romæ tantum, sed & Antverpiæ, Colonia, Venetiis & Moguntia præla fatigarunt. Et in recentioribus quidem editionibus id commodum est, quod singuli anni in

sectiones divisi sunt, itē quod addenda & emendanda, quæ in prima editione ad calcem cujusque tomi adjecta sunt, suis locis inferuntur.

VIII. Tam præclare autem de Romana ecclesia hoc annalium opere visus est mereri Baronius, ut post priores tomos editos non solum Bibliothecarii Vaticani, sed etiam Cardinalis dignitate exornatus fuerit, forte etiam ad pontificatum evehendus, nisi Hispanos ob tomum XI. annalium, cui tractatus de Monarchia Siciliae insertus est, adversantes sibi habuisset. Qua de re historia de conclavi Leonis XI. & brevior Thuani narratio sub initium libri 134. historiarum sui temporis videatur, cui etiam addi poterit Gramondus *Historiarum Galliae libr. I. pag. 10. & 11.* Sane Rex Hispaniae, cujus edictum apud Goldastum in Monarchia S. Romani Imperii legitur, ob istum Baronii tractatum tomum XI. annalium ejus proscripsit. Scilicet non vanus aruspex fuit Nicolaus Faber in epistola ad Baronium, quæ inter opuscula Fabri p. 106. legitur, veritus ne ista quæstio de Monarchia Siciliae multum molestiae atque invidiae ipsi al-

allatura esset. Etsi vero in editione Antverpiensi annalium Baronii tractatus ille de Monarchia Siciliae omissus deprehendatur, defectum tamen illum exemplaria hujus tractatus Parisiis 1609. seorsim impressa supplere poterunt. Ceterum contra Baronium de Monarchia Siciliae scripsit Ludovicus a Paramo, quem tractatum manuscriptum apud se habere ait Nicolaus Antonius *in Bibliotheca Hispanica Tomo 2. p. 46.*

IX. Qualem Historicum, Chronographum, Criticum & Theologum in suis annalibus se praestiterit Baronius, prolixè discutit Casaubonus in prolegomenis suarum exercitationum ad annales Baronii. Hugonis Grotii de annalibus Baronii judicium ex carmine ad Casaubonum iisdem prolegomenis subiecto cognosci potest. Graecae linguae imperitiam Baronio ab Halloixio exprobrari alibi jam notavimus. Unde Baronius, sicubi Graeca tractanda forent, Petri Morini, Jacobi Sirmondi & aliorum operam haud raro adhibuit, ut Jacobus Quetif in praefatione ad Petri Morini opuscula notavit. Baronii tomos rectius libros de potestate Papae, quam an-

annales ecclesiasticos inscribi judicavit Petrus
 Pithœus, teste Hoornbeckio *in Miscellaneis*
p. 16. Calixtus *in apparatu Theologico p. 185.*
Et seqv. de Baronio agens inter alia impro-
 bat, quod annorum ordini se astringeret, cum
 non modo in plurimis rebus tot ætatum at-
 que gentium certa annorum designatio im-
 possibilis videatur, sed etiam hac ratione mul-
 ta inter se cohærentia divellantur. Multa in
 Baronii annalibus correctæ, sed partem non
 millesimam eorum, quæ corrigenda restant,
 observat Montacutius *part. 1. orig. ecclesiast.*
p. 5. Sinistrum Cardinalis Perronii de Baro-
 nio judicium legitur *in Perronianis p. 28.* Ba-
 ronium nullibi in suis annalibus magis excla-
 mare & paratragædiari, quam ubi ad despe-
 rationem & silentium adigitur, notat Voetius
in desperata causa papatus pag. 659. Lepide
 autem Dannhæverus noster Baronium cum
 Actæonè comparat, a suis ipsius canibus la-
 cerato, quia non pauci ex ipsis Pontificiis Ba-
 ronium passim impugnarunt. A Jesuitis cum
 contemni, quia ex illorum ordine non est, ex
 Simplicii Verini h. e. Salmasii epistola ad Pa-
 cium notat Dn. D. Alberti *in judicio de Re-*
mon-

mondo p. 37. Extat quidem Gasparis Scioppiii epistola ad Baronium, in qua ipsi gratias agit, quod per ipsius annales ad fidem ecclesiæ Romanæ perductus fuerit. Extat vero & alia epistola ejusdem Scioppiii ad Fulgentium Theologum Venetum, in qua profitetur Baronium partim ex ignorantia, partim ex negligentia multa falsissima scriptis mandasse, ita ut Monachus quidam affirmaverit, se ex ejus annalibus collegisse duo millia errorum. Addit Baronium contra conscientiam suam adulterasse doctrinam christianam cum summo præjudicio Principum, exhortando Pontificem ad usum gladii secularis, quam hæresin Scioppius longe pestilentiorē esse existimat, quam aliam quamcunque sive a Luthero & Calvino, sive a quovis alio hæresiarcha in medium prolatam. Utramque Scioppiii epistolam, cum exemplaria rarius inveniuntur, denuo in lucem publicam produxit Magnificus Mayerus, quo sidere nunc Gryphiswaldensis Academia resplendescit, in *eclogis de fide Baronii & Bellarmini*, ubi & plura Pontificiorum malam Baronii fidem acculantium testimonia, Carmelitarum, Benedicti-

c

dicti-

dictinorum, Cisterciensium, Dominicanorum, Augustinianorum, fratrum ordinis Minorum, Hispanorum, Gallorum, Italicorum, Germanorumque collegit, quæ ibi videri poterunt. Pauli Sarpii iudicium de Baronii annalibus legitur in ejus epistola ad Casaubonum, quam simul cum Casauboni responso Bœcleri historiæ universali adjecit Johannes Gottlieb Möllerus, quæ duæ epistolæ etiam Christiani Kortholti Disquisitionibus Anti-Baronianis Lipsiæ & Hamburgi A. 1708. editis præmissæ sunt. Neque tamen negari potest, Baronio multum nos debere, cum multa vetera monumenta in lucem produxerit, neque raro historiæ magnam lucem attulerit. Interim nimis liberales sunt, qui annales Baronii ita commendant, quasi nihil in iis desiderari possit, quos inter Bisselius *in medulla historica* *tomo I. p. 463.* Etsi vero hoc opus Baronius Centuriis Magdeburgensibus oppositum esse voluerit, raro tamen harum Centuriarum mentionem facere voluit, quod non aliam ob causam viri docti factum hæsiolantur, quam ne crebra illarum mentione lectorum curiositas

sitatem ad inquirendas & evolvendas illas centurias excitaret.

X. Duodecim hos Baronii tomos, quibus totidem seculorum historia continetur, nonnulli, ut ab illis quoque, qui linguæ latinæ minus gnari sunt, legi possent, in varias linguas transtulerunt, nonnulli quoque in eorum gratiam, quibus tantæ molis volumina vel emere non licet, vel perlegere non vacat, exiguo libello coarctarunt, quos inter LUDOVICUS AURELIUS PERUSINUS, qui Baronii epitomen in Italia primum edidit, deinde & in Germania Monasterii A.C. 1638. impressam. Nec defuit, qui alphabeticum indicem rerum & locorum omnium memorabilium ad totum Baronii opus conficeret, nempe Cardinalis de LAVRÆA, cujus indicem in Baronii tomos posthumum Romæ A. 1694. impressum Vir celeberrimus L. Otto Menckenius ante aliquot annos mihi communicavit, paucis etiam memoratum in actis Eruditorum *Supplement. Tom. II. p. 544.*

XI. Uberior est epitomæ annalium Baronii, quam JOHANNES GABRIEL BISCIOLA Mutinensis adornavit, quam Lugduni A. 1602.

editam refert Ribadenira *in catalog. Scripto-
rum Societatis Jesu* p. 120. In Sotvvelli bi-
bliotheca *Jesuitica* p. 497. additur editio Ve-
neta ejusdem anni. Mihi ad manus est edi-
tio Colonienfis, cujus prior tomus A. C. 1602.
excusus in anno 536. desinit, posterior A. C. 1614.
impressus ad annum usque 1002. progreditur,
in quo decimus annalium Baronii tomus ter-
minatur. Nec ulterius progressus est Biscio-
la. Etsi enim in editione Colonienfi anni
1614. tertia quoque pars accesserit, quæ epi-
tomen II. & 12. tomi Baroniani continet, ter-
tia tamen illa pars alienum supplementum est
ab Henrico Spondano mutuo acceptum.

XII. Nam etiam HENRICUS SPON-
DANUS Apaniensis Episcopus Baronianos an-
nales in epitomen contraxit, quæ cum pri-
mum A. C. 1612. lucem publicam adipexisset,
sepius postea variis in locis impressa fuit. Per-
peram Jesuitam vocat Spondanum *Whear*
in relectionibus historicis p. 272. & *in lemma-
tibus illius capitis* pag. 268. Ea forte etiam
Hoörnbeckius Spondanum inter Jesuitas nu-
meravit, cum *in miscell. libr. I. p. 23.* J. Spon-
danum vocat, nisi forte per literam J. Johan-
nem

nem Spondanum nominare voluit. Sed utrumque falsum est, cum Spondanus neque Jesuita fuerit, neque Johannis nomen gesserit. Cæterum feliciorum fuisse Spondanum, cum Baronii tomos in epitomen redegit, quam cum eosdem continuavit, judicat Godeavivius *in præfatione ad historiam suam ecclesiasticam*. In alias linguas Spondani epitomen redactam refert Perraultius *de Viris illustribus* p. 11.

XIII. ABRAHAMI BZOVII historia ecclesiastica, quæ Colonia A. C. 1617. prodit, hic etiam memoranda venit, cum & illa sit epitome annalium Baronii, quamvis etiam simul ex aliis Viris illustribus & historicis monumentis eam se collegisse profiteatur. Divisa est in duos tomos, quorum primus ad annum usque 800. secundus usque ad annum 1198. qui in Baronii annalibus ultimus est, progreditur. Hanc Bzovianam epitomen Sagittario ignoram fuisse produnt verba, quibus *in introductione sua* p. 322. usus est.

XIV. Haud minus ad Baronianas epitomas referri posse JOHANNIS HORATHI SCOGLII historiam ecclesiasticam Romæ 1622.

& 1624. editam observat Calixtus in *apparatu* p. 196. Mihi ad manus est editio anni 1642. cujus hic est titulus: *A primordio ecclesie historia Joannis Horatii Scoglii Cathacensis. Cum Chronologia ab orbe condito ad Annum Domini M. DC. XL.*

*Quæ Baronius Cardinalis & ultra,
Mille bis centum alii conscripsere annis
Voluminibus diffusa innumeris
Historia Auctor digereit breviloqua.
Integer, verax, clarus in Historia.*

Romæ M. DC. XLII. Testatur autem autor in epilogo hujus operis, quod ita Baronio antesignano usus fuerit, ut aliqua etiam ab aliis autoribus acceperit. Interim ipsum Baronii imprimis vestigi legisse vel ex eo patet, quod ultra annum 1198. in quo Baronius substitit, non progrediatur. Memorandus etiam hic est CORNELII SCHULTINGII thesaurus antiquitatum ecclesiasticarum ex septem prioribus tomis annalium Baronii collectus, & cum singularibus scholiis contra Centuriatores & Calvinistas ordine alphabetico contextus, quem Coloniae A. 1601. editum paulo post 1603. Octavi Tomi Baroniani epitome excepit.

XV. Porro cum annales Baronii in anno 1198. substitissent, operæ quæque pretium visum est eosdem continuare. Et quia hæc continuatio jure quodam hæreditario Congregationi Oratorii, cujus socius Baronius fuerat, relicta videbatur, ODORICUS RAYNALDUS id muneris in se suscepit, & dum viveret octo tomos Baronianis annalibus adjecit. Primus Romæ prodiit A. 1646. qui a tempore, quo Baronius desinit, usque ad A. 1254. progreditur, additis ad calcem græce & latine ex versione Leonis Allatii duabus orationibus Nicephori Blemmidæ de processione Spiritus S. quæ orationes etiam in Leonis Allatii Græcia orthodoxa Tom. I. A. C. 1652. prodierunt. Secundus Baronii a Raynaldo continuati tomus, qui A. C. 1648. lucem publicam adspexit, ab A. C. 1254. qui ultimus primi tomi fuerat, iterum incipit, & in A. C. 1304. terminatur. Subjectæ sunt loco appendicis constitutiones concilii Budensis A. C. 1279 celebrati. Successit anno 1652. tomus tertius, qui ab anno 1305. usque ad annum 1334. procurrat, & liberali additione nonnullorum in tribus his tominis præ-

prætermiſſorum clauditur. Quartus tomus eodem anno 1652. editus in anno 1378. deſinit. Secutus eſt anno 1659. tomus quintus, qui ab anno 1378. iterum incipiens ad annum uſque 1417. deducitur. Adduntur in fine Baldi de Peruſio allegationes pro pontificatu Urbani inter reliqua ejus opera non impreſſæ, nec non Johannis de Lignano tractatus pro Urbano VI. Eodem anno 1659. ſextus quoque tomus prodiit, qui ab anno 1417. iterum exorſus in anno 1454. gradum ſiſtit. Septimus & octavus tomus, quorum ille uſque ad annum 1503. hic uſque ad annum 1534. extenditur, an. 1663. prodierunt. Cum autem Baronii tomos a nonnullis in epitomen contractos Raynaldus obſervaret, ſibi quoque in octo tomis, quos ad Baronium adjecit, idem faciendum ratus eſt. Edidit ergo itidem Romæ 1667. annales eccleſiaſticos ex octo tomis ad unum pluribus auctum redactos. Cæterum cum Raynaldus moriens tomum quoque 21. annalium eccleſiaſticorum, ſeu continuati Baronii tomum 9. reliquiſſet, in duas partes diſtributum quarum prior ab anno 1534. uſque ad annum 1549. poſterior uſque ad annum 1565. deducitur

tur, hic etiam tomus bipartitus qualitercunque a Socio quodam Congregationis Oratorii revisus & typis mandatus est Romæ 1676. & 1677. qui tamen jam impressus per aliquot annos Romæ latuit, antequam publici juris fieret, quod anno demum 1689. factum est. Leguntur in ultimo hoc tomo, quemadmodum & in præcedentibus variæ epistolæ Pontificum Romanorum aliorumque, cum Raynaldus id imprimis sibi propositum habuisset, ut epistolarem quam vocat historiam ex Romanæ ecclesiæ scriniis & bibliotheca Vaticana contexeret. Observat autem autor ephemeridum Parisiensem *anni 1689. p. 102.* quod multis monumentis publicis nullum in suo opere locum reliquerit Raynaldus, cum Curia Romanæ non favere viderentur. Et hanc causam esse dicit, quod omiserit consilium 4. Cardinalium & aliorum Prælatorum Paulo III. datum, quod etiam in novissimis conciliorum tomis omissum deprehenditur. Cur autem posthumus hic Raynaldi fœtus tam diuturna captivitate Romæ detentus fuerit, antequam libertate in publicum prodeundi potiretur, emunctæ naris viri haud difficulter subodo-

d

ran-

rantur. De cætero post Raynaldum annalibus ecclesiasticis continuandis e sociis Congregationis Oratorii susceptus est Leander Coloredus Cardinalium collegio nunc adscriptus, ut indicat Papebrochius commentario prævio ad vitam Philippi Nerii *Tom. VI. Maji p. 462.*

XVI. Quamvis autem Congregatio Oratorii Romana continuationem Baronii hæreditario quodam jure sibi vindicaret, eam tamen diligentia sua antevertit ABRAHAMUS BZOVIVS Dominicanæ familiæ Doctor Theologus, quem Dorscheus in *sermone de pace in terris p. 14.* gente Polonum, audacia historicum, desiderio Cardinalem appellat. Is enim non solum epitomen Baronii supra memoratam, verum etiam octo tomos Baronii a se continuati vulgavit, antequam primus Raynaldi tomus in lucem prodiret. Et primus quidem tomus in anno 1299. secundus in anno 1378. tertius in anno 1431. quartus in anno 1447. quintus in anno 1471. sextus in anno 1503. septimus in anno 1534. & octavus in anno 1564. desinit. Prodiit ista Bzoviana Baronii continuatio Coloniae 1616. & sequent.

To-

Tomo tertio annexæ sunt Nicolai Jansenii animadversiones & scholia in apologiam nuper editam, de vita & morte Johannis Duns Scoti adversus Abrahamum Bzovium, quemadmodum etiam tomo 8. annexus est Theodori Amydeni libellus de Pietate Romana, nec non vita Sylvestri II. a Bzovio scripta, item vita ac passio Adalberti Ursini a Sylvestro II. consignata, ut alios tractatus his tomis insertos taceamus. Qua occasione, & quibus adminiculis hoc opus aggressus fuerit, in præfatione ad lectorem ipse Bzovius exponit, cujus vitam & scripta breviter recenset Staravolscius in *centuria Scriptorum Polonorum* p. 131. ubi nonnullos notat, qui de Bzovii annalibus sinistre judicarunt. Paulo fusior Staravolscii de Bzovio ejusque scriptis relatio legitur præfixa tomo 20. annalium, qui Bzovii octavus est, ubi inter alia refertur Bzovium præter epitomen annalium Baronii duodecim annalium tomos edidisse, adeoque tomorum numero Baronium æquasse. Ego hætenus plures quam octo tomos non vidi. Nec plures video memorari in bibliotheca Slusiana p. 448. ubi tamen etiam additur ejusdem Bzovii

Pius V. seu annalium ecclesiasticorum Tomus posthumus Romæ 1672. impressus. Cum autem Pius V. immediate Pio IV. successerit, in cuius ultimo anno octavus Tomus terminatur, nescio an præter illos tomos octo & posthumum tres alii Bzovii tomi prodierint. Cæterum Bzovium adulatione erga Pontifices Romanos Baronio superiorem esse, in reliquis omnibus inferiorem, judicat Hoornbeckius in *miscellaneis* p. 22. ubi corrigendum est quod ait, Bzovium sex tantum tomos Baronii annalibus adjecisse, item quod ait, autorem mediatum fuisse epitomen annalium ex Baronio & aliis collectam, sed mutato consilio ad continuationem annalium perrexisse. Nam epitomen illam jam pridem editam esse supra thesi 13. jam notavimus. Bzovium ordinis potius sui quam ecclesiæ annales scribere tradit Godeau in præfat. ad historiam ecclesiasticam Gallico idiomate conscriptam.

XVII. Brevior Raynaldo & Bzovio in continuandis Baronii annalibus fuit HENRICUS SPONDANUS, qui cum annales Baronii in epitomen redegisset, cuius supra mentionem fecimus, tribus tomis Baronium con-

tinua-

tinuavit, ab A. C. 1198. ubi Baronii terminus est, ad annum usque 1640. progressus. Ad-
dita est ab amico Spondani appendix posthu-
ma sex annorum ab anno 1641. ad 1646. Exem-
plar, quo utor, impressum est Lugduni 1678.
Observationes quædam in Spondani annales
ecclesiasticos A. 1656. edidit Anonymus de
Arminis, sub quo nomine latere Hierony-
mum de Marinis Equitem Genuensem, indi-
cavit Johannes Petrus Jacobus Villanius in
tractatu Italico, quo Scriptoribus quibusdam
personatis larvam detraxit, memorato in actis
eruditorum *A. 1690. p. 363.* Præmissa est tomo
primo continuati Baronii vita Spondani au-
tore Petro Frizonio Theologo Parisiensi Et si
vero Spondanus Raynaldo & Bzovio tomo-
rum numero & mole cedat, eum tamen dili-
gentia & judicio illos superare judicat Cave
in prolegom. histor. liter. p. 26. Aliud visum
Godeavio, cujus judicium supra thes. XII. ad-
duxiimus.

XVIII. Exercitationes ad Baronii appa-
raturum, & priores tomi primi annos Londini
A. C. 1614. edidit ISAACUS CASAUBONUS
Francofurti 1615. recusas. His mortem sibi

accelerasse Casaubonum, cum gravi dolore conficeretur, quod editas non probari animadvertisset, figmentum est Scheilderi in epistola ad Tegnagelium, quæ legitur in Lambecii *bibliotheca Vindobonensi* Tom. I. p. 153. ubi Scheilderus addit, quod multi doluerint materiam triumphî Casauboni morte sibi ereptam, qui jam calamus adversus ipsum strinxerant. Casaubonum vero ad argumentum hoc tractandum honestis præmiis in Anglia obstringi optabat Petrus Molinaeus, veritus, ne ex Anglia dimissus Genevensium odio ad Papistas transiret, quæ de re ipsius epistola ad Jacobum Montacutium videri potest, edita a Colomesio post Clementis epistolas ad Corinthios p. 280. Importunum quidem & malevolum Baronii censorem, interdum tamē tollendis relinquenda admiscentem appellat Possinus in spicilegio evangelico, quod subjunctum est catenæ Græcorum Patrum ad evangelium Marci p. 422.

XIX. His Casauboni exercitationibus contra Baronium diatribas suas, quæ in duas partes divisæ sunt, opposuit JULIUS CÆSAR BULENGERUS editas Lugduni 1617. Contra
Bulen-

Bulengero se opposuit Casauboni vindex, RICHARDUS MONTACUTIUS, cujus anti-diatribæ adversus priorem partem diatribarum Bulengeri ex officina Hulsiana A. C. 1625. editæ prostant. Neque hic silentio præmittendæ ejusdem Montacutii origines ecclesiasticæ, quarum prior pars Londini 1636. posterior autem pars ibidem 1640. impressa est. Ita autem in his originibus versatur, ut de rebus ad Christi historiam spectantibus racemationem quandam instituat, & modo Baronium, modo ipsum quoque Casaubonum perstringat. Antequam autem origines suas ecclesiasticas ederet, præmisit apparatus, in quo omnia illa argumenta pertractat, quæ Baronius in suo ad annales apparatu tractaverat. Impressus est hic Montacutii apparatus Oxoniæ 1635. Idem Montacutius jam olim A. 1622. etiam analecta exercitationum ecclesiasticarum ediderat, quæ ab apparatu in eo tantum differunt, quod in apparatu magis expoliantur, quæ in analectis jam discussa fuerant. Cæterum cum more Episcoporum in Anglia quodammodo papizans veterum ceremoniarum tenacior sit, quam Reformati velint,

lint, quos haud raro satis acerbè perstringit, male apud illos passim audit. Conferatur Voetius *part. 1. disput. p. 15 part. 2. p. 16. seq. p. 23. seqq.* item *politic. ecclesiast. part. 1. libr. 3. p. 339.* Rivetus *Tom. 2. p. 1085.* Vedelius in præfatione dedicatoria tractatus sui de Deo Synagogæ, & alii.

XX. Præter Bulengerum Casauboni exercitationes impugnavit ANDREAS EUDÆMON JOHANNIS. Scripsit enim non solum responsionem ad c. 4. exercitationis I. Casauboni editam Colonia 1615. verum etiam refutationem exercitationum Casauboni libris II. comprehensam, & Colonia 1617. editam. Sed adversus hunc Eudæmonem Casauboni vindicias scripsit JOHANNES PRIDEAUX impressas Oxoniæ A. C. 1624.

XXI. Impugnavit præterea Casauboni exercitationes HERIBERTUS ROSWEIDUS, qui eo ipso anno, quo suas exercitationes Casaubonus ediderat, Antverpiæ vulgavit legem talionis XII. tabularum Cardinali Baronio ab Isaaco Casaubono dictam retaliationē retortam. Verum Rosveido respondit JACOBUS CAPELLUS. Scripsit enim tres libros vindicia-

ciarum pro Casaubono, quorum primus Rosweido, secundus Andrea Eudæmoni, tertius Bulengero oppositus est, quod Capelli opus editum est Francofurti A. 1619. Hunc Capelli tractatum eodem anno refutare conatus est Rosvveidus in Anti-Capello, sive explosione næniarum Jacobi Capelli, quas famæ Casauboni accinuit. Nec segnis fuit responsio Capelli. Nam eodem anno 1619. Sedani edidit assertionem bonæ fidei adversus strophas Heriberti Rosvveidi, seu vindicias pro Casaubono adversus Rosvveidum assertas & recognitas. Neque ad hanc responsionem Rosvveidus acquievit. Edidit enim Antverpiæ 1620. Syllabum malæ fidei Capellianæ, excerptum ex Jacobi Capelli mendaci assertionem bonæ fidei.

XXII. Fuit præterea inter Casauboni adversarios PETRUS LANSSELIUS, qui disputationem omnium notarum sive calumniarum a Casaubono in exercitationibus ad Baronium Justino Martyri inustarum edidit, quæ cum Justini Martyris operibus impressa est Parisiis A. 1615. & 1636.

XXIII. Casauboni exercitationes in Ba-

ronium aliquantum continuavit ADAMUS TRIBBECHOVIUS, cujus exercitationes ad Baronii annales, ubi Casaubonus desit, Kilonii impressæ sunt 1666. Incipit ab anno Tomi primi Baroniani 34. num. 232. & desinit in ejusdem anni num. 287. Recusæ sunt istæ Tribbechovii exercitationes Lipsiæ & Hamburgi A. C. 1708.

XXIV. Præmissæ sunt recentiori huic editioni D. CHRISTIANI KORTHOLTI Disquisitiones Anti-Baronianæ, quarum septem jam antea Kilonii A. 1677. prodierant; nempe 1. de domo Nazarethico-Lauretana. 2. de suffragiis pro defunctis. 3. de Purgatorio. 4. de confirmationis sacramento. 5. de ordinis sacramento. 6. de extrema unctione. 7. de traditionibus non-scriptis. Octava autem in hac editione accessit de reliquiarum cultu, cui etiam subjicitur exercitatio ad 6. canonem Concilii Nicæni Baronio & Bellarmino opposita.

XXV. De rebus sacris & ecclesiasticis exercitationes historico-criticæ, in quibus Cardinalis Baronii annales ab Anno Christi XXXV, in quo Casaubonus desit, expenduntur;

tur; Tum & multa adversus Bellarminum, Lightfootum, Pagium & alios discutiuntur, plurimique historiae & chronologiae errores emendantur, auctore SAMUELE BASNAGIO Flottemanvilleo Ultrajecti 1692. prodierunt. Incipiunt Basnagianae hae exercitationes ab anno tomi primi Baroniani 35. & desinunt in anno 44. num. 89. Ulterius autem in his exercitationibus perrecturus non videtur, cum ex amicorum consilio annales politico-ecclesiasticos a nato Christo usque ad A. C. 645. edere maluerit, quorum tres tomi priores Rotodami A. 1706. prodierunt, qui usque ad A. C. 602. pertingunt.

XXVI. Epitomen lucubrationum criticarum Casauboni ad annales Baronii, una cum Davidis Blondelli animadversionibus nonnullis ad Baronium, edidit in suo Anti-Baronio ANDREAS MAGENEL sive MAGENDEUS, in quo & ipse nonnulla adversus Baronium notavit. Titulus hujus operis ita se habet: *Anti-Baronius Magenelis, seu animadversiones in annales Cardinalis Baronii: cum epitome lucubrationum criticarum Casauboni in Tomi primi annos 34. Auctore Andrea Ma-*

gendo, *Ecclesiasta Benearnensi*. Quibus accesserunt quædam ad Baronium animadversiones Davidis Blondelli. Lugduni Batavorum Anno 1679. Observat autem Magendeus, quemadmodum viperæ toxicum in capite gerunt, ita Baronium imprimis duobus prioribus tomis, seu tribus prioribus seculis, maximam veneni sui heterodoxi partem recondidisse, ideoque se operam dedisse dicit, ut imprimis fidei controversias attingeret, nec ullum vel Scripturæ textum, vel Patrum testimonium a Baronio prolatum absque responsione solida, & omnes Cardinalis technas diluente relinqueret, quin & sæpius hunc Romanæ ecclesiæ Goliathum suo ipsius gladio jugularet. Verum nihil esse in Magendei observationibus anti-Baronianis, quod cum Casaubonianis animadversionibus conferri mereatur, judicat Colomesius *in bibliotheca selecta p. 113*. Et quamvis Magendeus in epistola dedicatoria scribat, quod trium primorum seculorum annales libellæ Patrum appendat, quia in illis Baronius potissimum sudavit, ut ecclesiæ suæ erroribus patrocinetur, ultima tamen Magendei animadversio ostendit, quod
ne

ne dimidiam quidem primi seculi partem absolverit.

XXVII. Examen perpetuum in annales Baronii conscripsit JOHANNES HENRICUS OTTIUS, cujus prima, secunda & tertia centuria impressæ sunt Tiguri A. 1676. Reliquæ centuriæ, etsi pridem promissæ, lucem publicam, quod sciam, nondum aspexerunt. Hortium pro Ottio nominat Pagi in præfatione suæ Criticæ, ubi chronologiam ab hoc autore neglectam desiderat, aliaque in ipsius examine reprehendit.

XXVIII. Novo huic Baronii adversario novus Baronii vindex se opposuit AUGUSTINUS REDING, Abbas Einsidelensis in opere, cui hunc titulum fecit: *Vindex veritas annalium ecclesiasticorum Eminentissimi ac Reverendissimi sacre Romanæ ecclesiæ Cardinalis Caesaris Baronii adversus arrogatum Job. Henrici Ottii Tigurini examen perpetuum. Autore Reverendissimo & Illustrissimo S. R. I. Principe ac Domino, Domino Augustino, exempti Monasterii Einsidlenfis Ordinis S. Benedicti Abbate &c. ac Helveto-Benedictina Congregationis visitatore centuria prima.*

Typis Monasterii Einsidlensis per Josephum Reymann Anno Christi M. DC. LXXX. Num & secundam & tertiam Octii centuriam refutaverit Redingius, me latere fateor.

XXIX. Nec hic tacenda ANTONII PAGI Doctoris Theologi Ordinis Minor. Convent. S. Francisci *Critica Historico-chronologica in annales Baronii, in qua rerum narratio defenditur, illustratur, suppletur, ordo temporum corrigitur, innovatur, & Periodo Græco-Romana munitur*, cujus primus tomus quatuor priora secula complexus Parisiis A. C. 1689. lucem publicam aspexit. Novam editionem primi hujus tomi procuravit Franciscus Pagi, Antonii nepos, & ejusdem Ordinis Theologus, quo obstetricante etiam tomus secundus, tertius, & quartus foetus posthumi in lucem protracti sunt. Quatuor ergo tomis jam constat Antonii Pagi critica in annales Baronii, qui excusi sunt Coloniae Allobrogum A. C. 1705. Accesserunt etiam in hac editione veterum Pontificum Romanorum catalogi decem hactenus inediti, qui primo tomo post dissertationem de Periodo Græco-Romana inserti sunt.

XXX.

XXX. Baronii adversariis accensendus etiam GOLDASTUS. Prodiit enim A. C. 1607. *Melchioris Haiminsfeldii Goldasti Rationale constitutionum Imperialium αὐτοσχέδιασθον* sive extemporale, in quo cum ipsis constitutionibus argumenta dicuntur, tum sacri Romani Imperii jura adversus Caesaris Baronis Cardinalis Romani annales elenchos præscribuntur. Quod Rationale tot irrationabilibus deliri cerebri confartum mendaciis, convitiis & maledicentiis, quot nec ipse nequam Spiritus, quo agitabatur, excogitari posse ab ullo confideret, Spondanus in præfatione suæ epitomes annalium Baronii egregie calumniatur. Nec in aliis scriptis Baronium notare omisit Goldastus, adversus quem pro vindicando Baronio apologiam pro Baronio contra Goldastum, ejusdemque apologiæ contra Replicatorem defensionem Jesuita GRETSERUS edidit.

XXXI. Inter JOHANNIS DARTIS opera canonica Parisiis 1656. edita, parte 3. quæ varia ejus opuscula continet, quarto loco occurrunt: *in annales ecclesiasticos Caesaris Baronii, & Isaaci Casauboni exercitationes, animadversiones Jo. Dartis, in quibus Baronius*

ronius quidem tanquam ab Aristarcho arguitur, sed a Casauboni tanquam Phalaridis sagittis liberatur; ad Virum Ill. Antonium Sequerium sacri Consistorii Consiliarium & Senatus Franciæ Præsidem eximium. Sed illæ Dartis animadversiones A.C. 1616. primum editæ, & numero paucæ sunt, ac momenti non adeo magni.

XXXII. GERARDO JOHANNI VOSSIO propositum aliquando fuisse contra Baronium scribere, ex Gulielmi Laudi ad eum epistola constat. Eundem animum habuit ABRAHAMUS SCULTETUS, ut testatur ipse *in medulla Patrum part 3. p. 219.* cujus verba ob insigne de Baronio testimonium hic repeto: *Dignissima Historiographo vox est Caesaris illa Baronii: annales nostros omni suspicionem mendacii carere volumus. Quod si, quam animose hoc scripsit, tam fortiter id prestitisset; esset profecto, cur de annalibus istis orbi christiano gratularemur. Verum enimvero tantum abest, ut a mendaciorum suspicionem sibi temperaverit Baronius, ut mendacia ipsa magno numero in annales suos congesserit. Quæ si quis melioris judicii falce rescuerit,*

non

*non jam amplius solidum historiae corpus, sed
ex sanguine & vix ossibus suis haerens σκελετόν est
habiturus. Vera me scribere, docebunt dispu-
tationes in Baronium meae, quas suo tempore,
volet modo Deus, cum vera antiquitatis & an-
tiquae veritatis studiosis communicabo. Sed
neutrius proposito respondit eventus. Idem
dicendum de CHRISTIANO LUPO, &
HENRICO NORISIO. Nam Norisio qui-
dem emendatio annalium Baronii in men-
tem veniebat, sed cum Lupum eodem labo-
re occupari cognosceret, consilium mutabat.
Interim vero etiam Lupo causae nescio quae
obstiterunt, quo minus spem de Baronii e-
mendatione factam impleret. Verum de Ba-
ronio ejusque epitomatoribus, continuatori-
bus, adversariis, & vindicibus satis egimus.*

XXXIII. Præter Centuriatores & Baro-
nium copiose historiam ecclesiasticam pertra-
ctavit NATALIS ALEXANDER Theologus
Parisiensis ordinis Dominicani. Hic enim hi-
storiæ ecclesiasticæ in selecta capita distribu-
tæ, & suis dissertationibus illustratæ, volumi-
na duo & triginta in 8. Parisiis vulgavit. Exor-
sus est hoc opus ab historia ecclesiastica No-

vi Testamenti, cui usque ad seculum XVII. continuata 26. volumina impendit, quæ A.C. 1676. & sequentibus impressa sunt. Præmittit cujusque seculi synopsis certis capitibus atque articulis inclusam, in quibus imprimis Pontificum Romanorum, Scriptorum ecclesiasticorum, persecutionum, hæresium & schismatum, nec non Imperatorum Romanorum historiam exponit. Accedunt in primo seculo capita quædam de Christo, Apostolis & evangelii prædicatione, in 4. & sequentibus seculis de conciliis & politia ecclesiastica, in seculo 6. & sequentibus capita de Regibus Francorum & Hispanorum, in seculo 7. & seqv. caput de Regibus Anglorum, in seculo 15. & 16. caput de Regibus & Imperatoribus Turcarum.

XXXIV. In dissertationibus suis ad hæc historię ecclesiasticę capita interdum integros Dallæi tractatus refutandos suscipit. Nam in dissertatione 4. secundi seculi tractatum Dallæi de jejuniis, in dissertatione 10. ejusdem tractatum de confirmationis sacramento, in dissertatione 16. ejusdem tractatum de usu Patrum, in dissertatione 25. seculi 5. ejusdem tra-

Etatum de religiosi cultus objecto, & in dissertatione 8. sexti seculi ejusdem tractatum de imaginum usu refellere nititur. Non raro autem ejus dissertationes aliis Pontificiis sunt oppositæ, ut seculo I. dissertatio 14. in qua negat S. Jacobum in Hispaniam venisse, dissertatio 17. de canonibus apostolicis, dissertatio 18. de constitutionibus apostolicis, dissertatio 20. de epistolis veterum Pontificum decretalibus; seculo IV. dissertatio 24. de ficta Constantini donatione; Seculo VII. dissertatio 2. de Pontifice Honorio a sexta Synodo œcumenica juste damnato; Seculo XI. & XII. dissertatio 2. de Gregorio Septimo, quem contra praxin veteris ecclesiæ, & contra ipsum verbum Dei jus Imperatores exautorandi sibi arrogasse arguit, item dissertatio 9. qua non soli Pontifici judicium in causis fidei competere probat; Seculi XIII. & XIV. dissertatio 3. in qua potestatem Pontificis Romani in temporalia Regum sive directam sive indirectam negat, dissertatio 8. de jure Regaliæ, dissertatio 9. de disidiis inter Bonifacium Octavum & Philippum Pulchrum, dissertatio 12. directæ contra propositionem Johannis de Monteso-

no asserentis, eorum, quæ fidem tangunt, examinationem & decisionem ad solum Pontificem pertinere, cui dissertationi subnexum est censorium suffragium A. C. 1683. in Sorbona ab autore solenniter dictum de propositione: *ad solam sedem Apostolicam divino immutabili privilegio spectat de controversiis fidei judicare*, quæ propositio in censorio hoc suffragio prolixè refutatur; Seculi XV. & XVI. dissertatio 4. de autoritate & sensu decretorum 4. & 5. sessionis in Synodo Constantiensi de generalis concilii supra Papam autoritate, dissertatio 5. de mente Constantiensis concilii circa potestatem ecclesiæ in temporalia Regum, dissertatio 6. opposita libello Francisci d' Enghien de autoritate sedis Apostolicæ in Reges, ut plures alias hujusmodi Autoris dissertationes Pontificiis quibusdam Scriptoribus oppositas taceamus.

XXXV. Et priora quidem hujus historiæ ecclesiasticæ N. T. volumina sereno cœlo & tranquillo mari lucem aspexerunt, siquidem Pontifex Romanus Innocentius XI. apostolicam suam benedictionem per Cardinalis Cybo literas ipsi impertire dignatus est, & Generalis

ralis Magister Ordinis Dominicani Antonius de Monroy semel iterumque huic operi applausit, cujus literas Natalis Alexander una cum Cardinalis Cybo literis primæ parti seculi xv. & xvi. præfixit. Verum post editionem xi. & xii. seculi gravis tempestas adversus ipsum excitata est. Præiverunt hanc tempestatem literæ prædicti Magistri Generalis Ordinis Dominicani, Archiepiscopi postea Compostellani, datæ d. 31. Maji A. 1683. quibus ipsum, quod Romani Pontificis auctoritatem fodicare ausus fuisset, graviter reprehendit, & in grave fulmen nubes corrugari indicavit. Erupit illud fulmen d. 10. Julii A. 1684. quo Innocentius XI historiam ecclesiasticam Natalis Alexandri, in qua tum usque ad seculum 13. progressus fuerat, cum omnibus ejus operibus proscripsit, eorumque descriptionem, impressionem, lectionem & usum omnibus christianis sub pœna excommunicationis interdixit. Legitur illud Breve in novellis Reipubl. literariæ *mensæ Octobris A.C. 1684. art. 7. p. 260.* Nec mitius actum est cum historia seculi xiii. & xiv. item xv. & xvi. quam simili fulmine percussam ipse Alexander refert,

fert, in præfatione seculi xv. & xvi. ubi etiam duriora subinde mandata, & pœnas gravissimas decernentia contra se ab Archiepiscopo Compostellano emissa queritur.

XXXVI. Quamvis vero Autor in his tempestatibus adversus se excitatis benignam Regis Galliæ auram & securum sub ejus præsidio portum expertus fuerit, eo tamen in sensu se Pontifici adulari velle dicit, quo Tertullianus Christianos Deo non solum obsequi, sed etiam adulari cupit. Et forte ne novas Romanæ Curia iras in se excitaret, ab historia seculi decimi septimi tractanda abstinuit, quas evitare non potuisset, si in referendis dissidiis, quæ inter Ludovicum XIV. Gallia Regem, & Innocentium XI. Pontificem Romanum de jure Regaliæ intercesserant, aut in quatuor propositionibus, quibus Clerus Gallicanus A. C. 1682. Pontificum Romanorum potestatem limitavit, aut aliis hujusmodi materiis pro Regis sui autoritate stetisset, & libertatem Gallicanæ ecclesiæ vindicasset. Quamobrem omissa seculi 17. historia selecta historiæ ecclesiasticæ Veteris Testamenti capita in eum, qui ipsi commodus visus est, ordinem redegit,

egit, & dissertationibus suis illustravit. Prodiit historia illa Veteris Testamenti ecclesiastica sex voluminibus in 8. comprehensa Parisiis A.C. 1689. Argumenta autem dissertationum, quæ illis voluminibus continentur, in supplemento I. ad acta Eruditorum p. 538. & seqv. recensentur, nec opus esse puto, ut hic denuo illa repetam.

XXXVII. Constat igitur historia ecclesiastica Natalis Alexandri, si historia V. & N. T. conjungitur, tomis duobus & triginta minoris formæ seu in 8. qui membratim & per partes lucem publicam viderunt. Verum nova editio majoris formæ seu in Folio, quæ Parisiis 1699. prodiit, in octo tomos est digesta. En titulum primi tomi: *R. P. Natalis Alexandri Ordinis FF. Prædicatorum in sacra Facultate Parisiensi Doctoris & emeriti Professoris, Historia ecclesiastica Veteris Novi-que Testamenti, ab orbe condito ad annum post Christum natum millesimum sexcentesium: Et in loca ejusdem insignia dissertationes historica, chronologica, critica, dogmatica; In octo divisa Tomos: Ante quidem per partes, nunc autem conjunctim & accuratius edita: Rerum*

NOVA-

novarum accessione, scholiis & indicibus locupletissimis aucta, illustrata, ornata. Tomus primus. In hac nova editione accedunt aliquæ dissertationes, quæ antea seorsim ab Autore vulgaræ fuerant. Edidit enim Natalis Alexander A. 1679. dissertationem polemicam *de confessione Sacramentali adversus libros 4. Johannis Dallei Calvinistæ, divinam ejus institutionem & usum in ecclesia perpetuum impugnantes.* Eodem anno edidit quoque dissertationum ecclesiasticarum triadem, nempe I. dissertationem *de divina Episcoporum supra Presbyteros eminentia*, adversus Blondelli apologiam sententiæ Hieronymi de Episcopis & Presbyteris, cui dissertationi accessit *questio de Chorepiscopis*; II. dissertationem *de sacrorum Ministrorum cœlibatu*; & III. *de Vulgata Scripturæ S. versione.* Cum autem hanc dissertationem de Vulgata versione Claudius Frassenius *in disquisitionibus suis biblicis lib. 2. c. 6.* impugnandam suscepisset, ubi Natalem Alexandrum historiæ ecclesiasticæ compilatorem & hæreticorum exscriptorem appellat, eumque variis hujusmodi titulis traducit, Natalis Alexander A. C. 1682. dissertationem eccle-

clesiasticam, apologeticam & anticriticam ad-
verius Claudium Frassenium, seu *dissertatio-
nis Alexandrinae de vulgata Scriptura sacra
versione vindicias* Parisiensibus typis imprimi
curavit; crimen plagii a Frassenio sibi obje-
ctum primo statim & secundo articulo a se
declinans, & in ipsum Frassenium retorquens.
Edidit quoque seorsim A. C. 1680. in eadem
urbe *dissertationes historicas & criticas de S.
Thoma Aquinate*, seu apologetica pro S. Tho-
ma opuscula, quorum prius inscribitur: *Ex-
postulatio cum Patre Oliva Societatis JESU
Præposito Generali de injuria S. Thoma illata
ab Henschenio & Papebrochio officium vene-
rabilis Sacramenti illi abjudicantibus*; poste-
rius autem: *Collatio Dominicani cum F. Mino-
re de titulo Præceptoris S. Thoma ex elogio A-
lexandri Halensis expungendo*. Quibus opu-
sculis accedit *Panegyricus Angelico huic Do-
ctori dictus*. Has ergo dissertationes seorsim
antehac editas Alexander novæ editioni hi-
storiæ suæ ecclesiasticæ, suo quamque loco, in-
seruit. Adjecta etiam est novæ huic editioni
nova *dissertatio* his maxime temporibus, ut
judicat, necessaria *adversus errores Begvar-*

dorum in Quietistis redivivorum, qua spuriorum Mysticorum fanaticum systema funditus everti, & periculosa eorum dogmata refelli dicit. Accesserunt vero etiam ad novam hanc historiae ecclesiasticae editionem scholia, quibus, si pauca historiam veteris testamenti illustrantia excipiantur, occasionem dedit indiculus Anonymus Religiosorum quorundam Censorum, qui varios in Natalis Alexandri historiae ecclesiasticae errores annotarunt. Cum enim Cardinalis quidam hunc indiculum Natali Alexandro communicasset, historiam suam ecclesiasticam adversus illas censuras brevibus scholiis vindicare voluit.

XXXVIII. Scribere se adversus Alexandrum voluisse dicit SERAPHINUS PICCINARDUS, ejusdem cum Alexandro ordinis, in præfatione ad novum opus, quod Prædestinatus inscribitur, sed addit, se nausea & bile commotum hunc scriptorem æternum abjecisse. Verum nausea illa inde forte orta est, quod vires suas huic proposito impares cognosceret. Sane illa, quæ in prædicta præfatione contra unum & alterum Alexandri locum profert, tam putida sunt, ut sine nausea vix legi possint.

sint. Papebrochius in *præfatione ad conatum historico-chronologicum ad catalogum Pontificum Romanorum p. 5. & 6.* excusat se, quod sæpe Natalem Alexandrum allegaverit, cum illa in Belgio scripserit antequam decretum contra Natalem Alexandrum Romæ conderetur, ubi addit hanc declarationem, quod impressa pro non impressis haberi velit, & promittit insimul, quod in sexto & septimo tomo Maji, antequam prælo tradantur, expungere velit quæcunque loca auctoris hujus mentionem facientia. Verum hoc promissum Papebrochius non servavit, unde novis excusationibus ipsi opus fuit in responsione ad exhibitionem errorum per Sebastianum a S. Paulo evulgatorum *part. 1. artic. 3. §. 6. p. 94* & passim alibi.

XXXIX. Antequam a Natali Alexandro discedamus, memoranda est Theologi Ulmensis Celeberrimi D. ELLE VEIELII *υῦν ἐν ἀγίοις* dissertatio isagogica in selecta historiae ecclesiasticæ capita, sive dissertationes historicas, chronologicas, criticas, dogmaticas Natalis Alexandri, quæ Ulmæ A. C. 1699. lucem publicam aspexit. Distinctus est hic

Veielii tractatus in articulos XIV. quorum hæc est series: Articuli. I. de instituto & opere Nat. Alexandri, cum judiciis adversariorum ipsius. II. Judicia Nat. Alexandri de Patribus. III. de obelis Nat. Alexandri in Scriptores Pontificios. IV. de telis Nat. Alexandri in FF. Minoritas & Carmelitas. V. de ecclesiæ Gallicanæ & Academiae Paris. prærogativis, & infallibili judicio doctrinali. VI. Censuræ Nat. Alexandri in Papas Romanos. VII. Invektivæ Nat. Alexandri in Reges Angliæ & Reges Hispaniæ. VIII. Criminationes Nat. Alexandri in Augustos Romano-Germanicos, & breves vindiciæ. IX. Improperia Nat. Alexandri in Lutherum, Brentium, Chemnitium, Gastium & ecclesiam Confessioni Aug. addictam cum vindiciis. X. Nat. Alexander sibi metipso & doctrinæ Romanensi adversus, nostræ vero propitius. XI. Pseudhermenia Nat. Alexandri. XII. Malignitas Nat. Alexandri in Germanos, & ignorantia rerum Germanicarum. XIII. Censuræ Nat. Alexandri in Reformatos. XIV. Stricturæ Nat. Alexandri in varios Scriptores.

XL. LUCÆ OSIANDRI Epitome historiæ ecclesiasticæ sedecim centurias continet,

net, e quibus prima, secunda, & tertia Tubingæ A. 1592. cæteræ sequentibus annis ibidem impressæ sunt. Cum octavam centuriam absolvisset & metueret, ut si eo, quo cœperat, modo ad reliquas centurias procederet, eo usque victurus non esset, donec decimam sextam centuriam, quæ imprimis magna cum diligentia tractari merebatur, attingeret, hanc statim omissis tantisper intermediis centuriis aggressus est, & duobus tomis absolvit. Hac autem centuria 16. absoluta etiam 9. 10. 11. 12. 13. 14. & 15. Centurias uno volumine breviter complexus est. In prioribus centuriis centurias Magdeburgenses velut in epitomen redegit, ita tamen, ut cujusque seculi historiam non juxta certas materias, sed juxta temporum ordinem digesserit, & subinde nonnulla alia adjecerit, nec raro sua ipsius monita & judicia subjunxerit. In posterioribus autem centuriis 14. 15. & 16. Centuriatores Magdeburgenses continuavit. De hac Osiandri historia ecclesiastica agens Joh. Henricus Hottingerus in *bibliothecario suo quadripartito* p. 406. scribit, quod Osiander Centuriatorum vitula non infeliciter, sed cum laude araverit.

XLI. Ethic ipse quoque HOTTINGERUS inter historiæ ecclesiasticæ Scriptores non incelebris est, quippe cui sedecim seculorum historiam ecclesiasticam in novem tomos distinctam debemus. Et primus quidem tomus enneadem seu novem priora secula continet, in quibus ita versatur, ut de christianismo, judaismo, & gentilismo, nec non de harmonia doctrinæ Reformatæ cum doctrina illorum seculorum, & de falsa denique ecclesia agat, quibus in seculo 7. 8. & 9. etiam Muhamedismus additur. Secundus tomus dyadem, seu decimum & undecimum seculum eadem methodo pertractat. Tertius tomus triadem seculorum, seu seculum 12. 13. & 14. exhibet. Quartus tomus seculum 15. sistit, cujus sectioni primæ subjecta sunt gesta Andreæ Archiepiscopi Craynensis cum Petri Numagen commentariis, ex bibliotheca Tigurina ecclesiæ in lucem protracta. Reliqui autem tomi circa seculum 16. versantur. Quintus enim tomus, seu prima seculi 16. pars, de natura & politia hujus seculi, nec non de ecclesia Orientali & Occidentali Pontificia agit. Tomus sextus, seu secunda pars seculi

culi 16. cui hypotyposis totius operis & epistola de ratione conscribendæ historiæ reformationis præmittitur, de ecclesia Reformata tractare incipit, ubi necessitas reformationis & offendiculum infidelium ex Pontificiorum doctrina, & reformationis causa efficiens exponitur. Tomus septimus, seu tertia pars seculi 16. agit de causis impulsivis reformationis, & in specie de indulgentiis, nec non de colloquiis & disputationibus publicis in religionis negotio habitis. Tomus octavus, seu quarta pars seculi 16. cui appendicis loco tam oratio de statu ecclesiæ Tigurinæ, quam uberior ecclesiæ Tigurinæ historia subjungitur, de reformantium ac Zwinglii imprimis vocatione ordinaria & extraordinaria ejusdemque doctrina tractat. Nonus denique tomus seu quinta pars seculi 16. de causis adjuvantibus reformationem deque ejus impedimentis agit. Plures historiæ hujus de Reformata ecclesia tomos fuisset editurus Hottingerus, nisi vitæ stamen morte inopinata abruptum fuisset, ut narrat Heideggerus in historia de vita & obitu Hottingeri, quæ ultimo tomo hujus historiæ ecclesiasticæ præfixa est, ubi hanc hi-

sto-

storiā eo imprimis nomine commendat, quod res Judaismi & Muhamedismi accurate exponat. Primus hujus operis tomus A.C. 1651. Tiguri in lucem prodiit, quem cæteri sequentibus annis exceperunt, nempe A. C. 1653. 1654. 1655. 1664. 1665. 1666. & 1667.

XLII. Brevius historiā ecclesiasticā a Christo nato usque ad medium seculi decimi septimi succincte & perspicue deduxit HIERONYMUS KROMAYERUS, Lipsiensis Academiae Theologus. Inscribitur ejus historia ecclesiastica Lipsiæ aliquoties impressa *Ecclesia in Politia*, quia singulis seculis Imperatorum historiā præmittit. Toti autem operi compendium historiæ Romanæ præfixum legitur.

XLIII. JOHANNES MICRÆLIUS in Syntagmate historiā ecclesiæ omnium, quod in dialogi formam compositum est, ab ecclesia patriarchali ad Molaicā, & inde ad Christianā progreditur, quam in diversas periodos distribuit. Prima est sub Imperatoribus ethnicis usque ad Constantinum Magnum. Secunda sub Imperatoribus Græcis usque ad Carolum Magnum. Tertia sub Imperatoribus Germanicis usque ad tempus

reformationis. Quarta a reformatione usque ad Autoris tempora procedit. Accessit in editione quarta A. 1679. continuatio historię ecclesiasticę per DANIELEM HARTNACCIIUM, in qua de schismatibus & sectis nonnullis agit, quę vel a Micrælio breviter tantum recensitę, vel post ejus tempora exortę sunt, ut Socinianorum, Arminianorum, Conradi Vorstii, Syncretistarum, Henrici Nicolai, Mennonistarum, Davidis Georgii, Valentini Weigelii, Esaia Stifelii & Ezechielis Methi, Christiani Hohburgii, Jacobi Böhmii, Quackeorum, Labadistarum, Antonia Burignonia, Brownistarum, Independentium, Stengerorum, Jansenistarum, Quietistarum, Francisci de Salignac Fenelon, Cartesianorum, Coccejianorum, Payonistarum, Neonomorum in Anglia, Isaaci Peyrerii & Præadamitarum, Naturalistarum, Hobbesianorum, Benedicti Spinosę, Richardi Simonis, & Matthiæ Knuzii atheistę. In quinta editione anni 1699. loca in margine citata adjecit, & continuationem ita adornavit, ut historia hæresium & schismatum locupletior exhibeatur.

XLIV. TIMANNI GESSELI Medici-
næ in Belgio Doctoris historia sacra & eccle-
siastica in duas partes divisa est, quarum pri-
or ab orbe condito usque ad A. C. 726. pro-
greditur, altera in A. C. 1025. definit. Sco-
pum suum, quem sibi in hac historia ecclesia-
stica præfixit, ipse statim in titulo indicat,
cum se pio affectu conari asserit, ut viam ad
pacem ecclesiæ aperire possit, quo fine etiam
ad calcem secundæ partis irenica quædam
monumenta vulgavit, quorum nonnulla in
præfatione partis primæ non procul a fine re-
censentur.

XLV. FRIDERICI SPANHEMII histo-
ria ecclesiastica variato subinde habitu pro-
diit. Nam A. C. 1675. in lucem publicam
emisit Lugduni Batavorum introductionem
ad historiam & antiquitates sacras cum ap-
pendice chronographica & critica. Præmit-
titur in hac introductione methodus isagogi-
ca ad chronologiam sacram, hanc excipit e-
pitome isagogica ad historiam veteris testa-
menti cum summaria Palæstinæ veteris descri-
ptione, deinde epitome isagogica ad histori-
am ecclesiasticam novi testamenti usque ad
sc-

seculum decimum tertium. Sequuntur tandem canones isagogici ad Criticam ecclesiasticam, seu ad fontes genuinos ecclesiasticæ antiquitatis, & fraudes circa monumenta primæ antiquitatis. Idem Spanhemius ibidem A. 1689. edidit summam historiæ ecclesiasticæ a Christo nato ad seculum 16. inchoatum. Præmittitur doctrina temporum, seu introductio chronologica ad historiam ecclesiasticam præcipue veteris testamenti. Præcessit hanc summam historiæ ecclesiasticæ ibidem A. C. 1683. uberior introductio ad chronologiam & historiam sacram ac præcipue christianam ad decimum usque seculum, cum castigationibus annalium Baronii, & recentiorum in Gallia Pontificia Scriptorum. Et hæc editio in duos tomos distincta est, quorum primus usque ad seculum VII. procedit, secundus in seculo X. subsistit. Rursus Spanhemius A. C. 1694. breviorẽ introductionem ad historiam sacram utriusque testamenti ac præcipue christianam usque ad cœptam in Saxonia & Helvetia reformationem uni tomo inclusam publici juris fecit, quæ editio in titulo omnium purgatissima dicitur. Accedunt duæ ejusdem oratio-

nes, una de degenerere christianismo, altera de corruptis & emendandis studiis. Novissime Spanhemii historia ecclesiastica inter ejus opera prodiit Lugduni Batavorum A.C. 1701. Primus enim operum istorum tomus continet geographiam, chronologiam, & historiam sacram atque ecclesiasticam utriusque temporis.

XLVI. CHRISTOPHORI SANDII nucleus historię ecclesiasticę primum A. C. 1668. Cosmopoli h. e. Amstelodami prodiit, ubi & posterior editio anni 1676. lucem publicam adspexit, etsi titulus illius Coloniae nomen præ se ferat. Compositus autem est hic nucleus cum præmisso tractatu de veteribus Scripto-ribus ecclesiasticis in gratiam Arianorum, quorum sectę Sandius se addixit, unde in hoc scripto Ariana i. e. pessima fide passim agit. Addidit Sandius A. C. 1678. appendicem nuclei sui continentem nonnulla addenda, confirmanda & emendanda, cum defensione hujus nuclei adversus Samuelem Gardinerum, cujus responsoria ad Sandium epistola, cum nova Sandii ad Gardinerum epistola in hac appendice itidem legitur.

XLVII

XLVII COMPENDIUM HISTORIÆ ECCLESIASTICÆ, Ducis Ernesti jussu IN USUM GOTHANI GYMNASII scriptum in duos libros dividitur, quorum primus A. C. 1666. editus ab orbe condito ad natum usque Christum, secundus A. C. 1670. vulgatus a Christo nato usque ad medium seculi decimi septimi procedit. De autoribus hujus compendii illustri Seckendorffio qui priorem librum, & Johanne Christophoro Artopœo, qui posteriorem conscripsit, & totius hujus operis Directore Celeberrimo Bœclero videatur Summe Reverendus D. Fechtius *in præfatione isagogica ad Bœcleri histor. universal. p. 8.* Indicem in hoc compendium confecit Henricus Ernestus Treiberus sæpius cum compendio vulgatum.

XLVIII. GEORGII HORNII historia ecclesiastica itidem ab orbe condito ad Auctoris usque ætatem pergit. Prodiit primum Lugduni Batavorum A. C. 1665. In editione Lipsiensi 1673. annotationes quædam DANIELIS HARTNACCII accesserunt. Postea A. C. 1687. MELCHIOR LEYDECKERUS Hornianum hoc historiæ ecclesiasticæ compendium

annotationibus suis illustravit, historiæ veteris testamenti Ludovici Capelli historiam judaicam adjunxit, & præterea historiæ novi testamenti supplementum ab anno 1666. ubi Hornius desit usque ad A. C. 1687. adornavit. In novissima historiæ ecclesiasticæ Hornianæ editione ad Hartnaccii & Leydeckeri notas & observationes, & Capelli compendium historiæ judaicæ, & Leydeckeri supplementum JOHANNES DANIEL CRAMERUS Professor Hanoviensis novum supplementum adjecit, quod ab anno 1687. ubi Leydeckerus substitit, ad annum usque 1701. perducitur. Prodiit autem ultima hæc editio Francofurti A. C. 1704.

XLIX. JOHANNIS PAPPI Epitome historiæ ecclesiasticæ A. C. 1584. edita post præmissum de Scriptoribus historiæ ecclesiasticæ proœmium tria tantum historiæ ecclesiasticæ capita pertractat. Agit enim primo de conversionibus gentium, deinde de persecutionibus ecclesiæ & piorum martyriis, & tertio de hæresibus & conciliis œcumenicis. Cum autem Pappus brevitati studuerit, & in prioribus ecclesiæ seculis subsisteret, epitomen istam

augere & continuare voluit M. EUSEBIUS BOHEMUS Jun. Cygneus S. Theol. Studiosus, cujus epitome historiae ecclesiasticae Wittebergæ A. C. 1626. in lucem emissa 1. de scriptoribus ecclesiasticis, 2. de conversionibus gentium, 3. de persecutionibus & martyriis, 4. de hæresibus & conciliis œcumenicis, & 5. de repurgatione & propagatione ecclesiæ veræ & religionis christianæ agit. Postea etiam HENRICUS KIPPINGIUS Pappi epitomen recognovit suisque notis & auctariis illustravit, & supplementum historicum de initiis & progressu religionis vindicatæ, insertis quoque aliis seculorum 16. & 17. memorabilibus, adjunxit. Quæ Kippingii auctaria & supplementa una cum ipsa Pappi epitome partim Jenæ partim Francofurti annis 1661. & 1662. impressa sunt.

L. Historia ecclesiastica MICHAELIS BUCHINGERI Scriptoris Pontificii, quæ Moguntia A. C. 1560. impressa est, duplicem exhibet faciem, unam ecclesiæ catholicæ quam vocat, cujus præcipua pars est catalogus Pontificum Romanorum a Petro usque ad Paulum IV. altera vero ecclesiæ antichristianæ in qua

qua de Tyrannis, Hæreticis & falsis fratribus agitur.

LI. Insigne compendium historiæ ecclesiasticæ in varios Studiosæ juventutis usus A. C. 1701 conscripsit & edidit Dn. D. JOHANNES ANDREAS SCHMIDIUS Theologus in Academia Julia celeberrimus & Abbas Mariæ Vallengis, qui etiam hoc ipso, quem nunc agimus, anno 1708. historiam ecclesiasticam veteris testamenti publicavit.

LII. Nec inutilem operam navavit Theologus Academiæ nostræ Lipsiensis Primarius Dn. D. ADAMUS RECHENBERGIUS, cum A. C. 1697. in Studiosæ Juventutis commodum historiæ ecclesiasticæ Summarium adornavit, cujus prima pars historiæ ecclesiasticæ V. Testamenti delineationem chronologicam exhibet, secunda autem pars historiam ecclesiasticam N. Testamenti seu Christianam complectitur. Subjectum est huic summario Claudii judicium de Patribus Græcis & Latinis ex operibus ejus posthumis excerptum, & D. Martini Chemnitii oratio de lectione Patrum. Equidem in primam editionem errata quædam irreperunt, quale est, quod p. 299. Saidus
Pa-

Patriarcha Alexandrinus, & Euty chius Batri-
ci filius tanquam diverſi Scriptores memo-
rantur, verum & hoc & alia quædam hujus-
modi errata ab ipſo Autore in indice ſphal-
matum extantiorum animadverſa & correctæ
ſunt. Debebat igitur Typopræphus hoc, alia-
que errata ab Excellentiffimo Autore obser-
vata, in ſecunda, tertia, quarta & quinta edi-
tione corrigere, ſaltem indicem erratorum
primæ editioni additum in novis editionibus
non omittere debebat, ut ipſi lectores ex illo
menda illa emaculare poſſent. Quod cum a
Typographo neglectum fuerit, contigit ut
Dn. H. G. VVeland, qui Rechenbergianum
hiſtoriæ eccleſiaſticæ Summarium in tabulas
Lipſiæ 1706. impreſſas redegit, in errorem in-
duceretur, & nunc alios quoque in errorem
inducat, cum p. 42. inter ſæculi X. Scriptores
refert Saidam Patriarcham Alexandrinum, &
huic tanquam diverſum ſubjungit Euty chium
Medicum & Chronologum, qui Arabica lin-
gua ſcripſit, cum tamen in indice erratorum
primæ editionis Vir celeberrimus eundem
eſſe Saidam & Euty chium jam pridem no-
taverit.

LIII. Neque hic tacenda, quæ eodem anno Lipsiæ prodiit historia ecclesiastica novi Testamenti κατ' ἐπιτομὴν a Christo nato usque ad seculum 17. inclusive, sistens statum ecclesiæ sub Imperatoribus, Schismata, Hæreses, Synodos & ecclesiæ Doctores, edita ex Manuscripto D. CHRISTIANI KORTHOLTI Professoris Theologi in Kiloniensi Academia Primarii.

LIV. JOH. GEORGII LAYRIZ Ducis Saxo-Vinar. Concionatoris Aulici Supremi & Superintendentis Generalis, Synopsis historiæ ecclesiasticæ Novi Testamenti ante plures annos dextro & congruo ordine concinnata, nunc vero perpetuis annotationibus ultra dimidium aucta, & figuris æncis pro memoria illustrata Lipsiæ A. C. 1700. lucem publicam aspexit, non indigna quæ historiæ ecclesiasticæ Studiosis commendetur.

LV. Ejusdem Aulæ Vinariensis Ecclesiastes & diœceseos Inspector Generalis, JOHANNES KROMAYERUS cum epitome libri christianæ concordia Lipsiæ A. C. 1657. in usum ecclesiarum & scholarum Ducatus Saxonicæ Vinariensis edidit indiculum historiæ eccle-

clesiasticæ in hac editione suppletæ. Incipit ab origine mundi, & desinit circa tempora Synodi Dordracenæ.

LVI. Simili brevitate usus est ex Rē-formatis DANIEL PAREUS, qui universalis hīstorīæ ecclesiasticæ medullam ex vasto & varie disperso tot sanctorum Patrum, Theologorum & hīstorīæ ecclesiasticæ Scriptorum corpore justo ordine concinnavit, & edidit Francofurti A. C. 1638.

LVII. Ad hīstoriam ecclesiasticam Novi Testamenti introductionem memoriæ juvandæ ergo per tabulas synopticas adornavit M. JOHANNES STUBNERUS illustris ad Fontes Salutis Gymnasii Conrector, quibus facies ecclesiæ christianæ sub Imperatoribus, præcipuis Doctoribus, Pontificibus Romanis, Tyrannis, Heterodoxis, una cum Scriptoribus hīstorīæ ecclesiasticæ, conversarum gentium, Eruditorum pariter, & potissimorum conciliorum, colloquiorum, Academiarum &c. syllabo repræsentatur, Norimbergæ A. 1684. Postea clarissimus Autor etiam tabulas synopticas ad hīstoriam ecclesiasticam Veteris Testamenti concinnavit, & simul cum tabulis

synopticis N. Testamenti ibidem Anno Christi 1690. vulgavit.

LVIII. THOMÆ HOBBIJ vel Hobbesii Malmesburiensis historia ecclesiastica carmine elegiaco concinnata Augustæ Trinobantum A. C. 1688. vulgata est. Verum hic tractatus in dialogi morem carmine elegiaco conscriptus historiæ ecclesiasticæ nomen non meretur, cum autor id sibi negotii datum crediderit, ut indifferentissimum religionum commendaret, & theologiam polemicam in Patribus Nicænis aliisque orthodoxis acerbè perstringeret.

LIX. HERIBERTI ROSWEIDI historia ecclesiastica a Christo nato usque ad pontificatum Urbani VIII. in duos tomos divisa, qui Antverpiæ A. C. 1623. prodierunt, inter ejus scripta in bibliotheca Jesuitica memorantur. ANDRÆ SERVATII VELLEI historiam ecclesiasticam Hafniæ A. C. 1579. prodiisse in Königii bibliotheca legi.

LX. AUGUSTINI RIBOTHI Florum christianum, seu epitomen historiæ ecclesiasticæ A. C. 1666. Parisiis editam refert Cornelius a Beughen in bibliographia historica pag. 208. Ejus-

Ejusdem epitomes editionem A. C. 1677. emissam memorat bibliotheca Slusiana.

LXI. ONUPHRII PANVINII Eremitæ Augustiniani historiam ecclesiasticam manuscriptam inter literaria bibliothecæ Vaticanæ cimelia asservari Schelstratenus in antiquitate illustrata Romanæ editionis passim indicat. Prodiit interim Panvinii hujus chronicum ecclesiasticum ab imperio Julii Cæsaris usque ad Maximilianum II. A. 1568. cui præmittitur index autorum, ex quibus tam chronicon hoc ecclesiasticum, quam historiam ecclesiasticam nondum hætenus editam concinnavit.

LXII. Ex HIERONYMI VIGNERII historia ecclesiastica collationem Episcoporum & imprimis Aviti Viennensis coram Gundebaldo Rege Burgundionum adversus Episcopos Arianos, & alia quædam monumenta tomo V. sui Spicilegii inseruit Lucas D' Acherius, qui etiam in præfatione illius tomi Vignerii vitam & scripta recenset. Verum historiam illam ecclesiasticam, seu potius Episcoporum orbis Gallici Vignerius morte præventus non edidit, sed inter manuscripta sua reliquit. NICOLAI autem VIGNERII,

quem Hieronymus Vignerus parentem habuit, historiam ecclesiasticam a Christi baptismo usque ad A. C. 1559. quæ Gallico idiomate scripta est, Leidæ A. C. 1601. prodisse ex Telleriana bibliotheca p. 247. didici.

LXIII. Præter Nicolaum Vignerium Gallico idiomate historiam ecclesiasticam scripsit ANTONIUS GODEAU Episcopus Venciensis, qui post præmissam brevem historię ecclesiasticę ab Adamo ad Christum delineationem historiam ecclesiasticam novi Testamenti a Christo usque ad X. seculum deduxit. Quod opus tanti habitum, ut jam aliquoties typis exscriptum fuerit. Est enim mihi ad manus quarta editio quinque tomis distincta, Parisi A. C. 1674. & 1678. in fol. impressa, & ab Autore revisa, & nonnullis in locis locupletata.

LXIV. Eodem nempe Gallico idiomate historiam ecclesiasticam scripserunt AB-BAS DE CHOISY, cujus tomus primus tria prima secula complexus Parisiis A. C. 1703. secundus, qui ab anno 306. usque ad annum 378. progreditur, A. C. 1704. & tertius, qui ab anno 378. exorsus in anno 565. substitit A. C. 1705. lucem publicam aspexit; & ABBAS

FLEU-

FLEURY, cujus historiæ primus tomus primum & secundum seculum, secundus tertium, tertius partem quarti seculi usque ad A. C. 362. quartus, quintus, sextus, septimus & octavus historiam ecclesiasticam ab A. C. 362. usque ad annum 679. tomus nonus historiam ab anno 679. usque ad annum 794. decimus historiam ab anno 794. ad annum usque 858. undecimus historiam ab anno 858. usque ad annum 952. persequitur, qui tomus A. C. 1705. Parisiis prodiit, ubi hæc historia in 4to. majoris formæ editur. Editio autem Bruxellensis in octavo historiam hanc ecclesiasticam exhibet.

LXV. Referenda huc etiam LUDOVICI ELLIES DU PIN Doctoris Theologi in Sacra, quæ dicitur, Facultate Parisiensi, & Philosophiæ Professoris Regii, Bibliotheca autorum ecclesiasticorum itidem Gallice ab Autore scripta. Etsi enim prima fronte opus hoc ad specialem historiæ ecclesiasticæ partem, quæ de Scriptoribus ecclesiasticis agit, pertinere videatur, posteriores tamen hujus operis tomus non solum de Scriptoribus ecclesiasticis, sed etiam de aliis historiæ ecclesiasticæ

cæ

cæ capitibus agunt. Occasionem huic mutationi præbuerunt dissidia quædam Dupinium inter & alios enata. Bossuetus enim Episcopus Meldensis ægre tulit, quod Dupinius asseruisset, Patribus trium priorum seculorum peccatum originis non satis cognitum fuisse, quodque alia quædam in hæreticorum favorem in nova sua bibliotheca docuisset, qua de re videri potest epistola ad Basnagium scripta, & ab ipso edita in historia *des Ourages des Scavans 1692. mens. Septemb. p. 140.* Quin etiam Benedictinus quidam adversus Dupinium insurrexit, & A. 1691. animadversiones quasdam contra novam Dupinii bibliothecam vulgavit, qui eodem anno in illa bibliothecæ suæ parte, qua septimi & octavi seculi Scriptores recensuit, respondit. Quo responso insuper habito anno 1692. alter animadversionum tomus secundo Dupinii tomo oppositus prodiit, in cuius præfatione etiam primus animadversionum illarum tomus adversus Dupinii responsum vindicatus legitur. His igitur litibus enatis Bossuetus, qui æmulatione quadam tacite accensus fuerat, quod eodem tempore, quo ipse suas in
Psal-

Psalms notas edidit, etiam Dupinius commentarium suum in Psalmos vulgavit, auctoritate sua facile effecit, ut Dupinius bibliothecam suam Scriptorum ecclesiasticorum sub prætextu errorum illa contentorum continuare prohiberetur. Quo facto Dupinius, ne contra interdictum bibliothecam suam continuare videretur, in posterioribus tomis formam hujus operis simul cum titulo mutavit. Hinc historia seculi IX. in editione Parisiensi non amplius nova bibliotheca autorum ecclesiasticorum inscribitur, etsi etiam hic tomus de Scriptoribus ecclesiasticis noni seculi agere non omittat, sed historia controversiarum aliarumque materiarum ecclesiasticarum in nono seculo tractatarum. Qualis mutatio etiam in sequentibus tomis facta est. Unde tres ultimi tomi historiam seculi 16. tractantes inscribuntur: *histoire de l'Eglise & des Auteurs Ecclesiastiques du seizieme siecle*, i. e. historia ecclesiæ & autorum seculi decimi sexti. Patet igitur ex ipsis titulis editionis Parisiensis, Dupinium in posterioribus tomis a seculo IX. usque ad XVI. non solum de Autoribus ecclesiasticis, sed etiam de aliis rebus ad

k

hi-

historiam cujusque seculi ecclesiasticam spectantibus egisse, ideoque inter Scriptores historiae ecclesiasticae referendum esse.

LXVI. Neque hic tacendus Dn. SEBASTIANUS LE NAIN DE TILLEMONT, quippe qui Gallica lingua edidit: *Memoires pour servir a l'histoire ecclesiastique des six premiers siecles. Justifiez par les citations des Auteurs originaux; avec une chronologie, ou l'on fait un abregé de l'histoire ecclesiastique & profane; & des Notes pour eclaircir les difficultez des faits & de la chronologie*, seu commentarios ad conscribendam historiam ecclesiasticam sex priorum seculorum utiles, qui per allegationes Autorum originalium confirmantur & notis illustrantur. Opus hoc Parisiis in 4to, Bruxellis autem in 12mo prodit. Et in Parisiensi quidem editione, quæ mihi ad manus est, primus tomus, qui Christi & Apostolorum tempora continet, Parisiis A. 1693. secundus, qui ad annum usque 177. pergit, A. 1694. tertius ab anno 177. ad 253. progrediens A. 1695. quartus ab anno 253. usque ad finem tertii seculi A. 1695. quintus persecutionem Diocletiani & Licinii, & martyres,

res, quorum epocha ignoratur, complectens A. 1698. sextus de Donatistis usque ad Episcopatum Augustini, de Arianis usque ad imperium Theodosii Magni, item de concilio Nicæno & aliis agens A. 1699. septimus historias particulares ab anno 328. usque ad annum 375. ut & origines Eremitarum, Cœnobitarum, Congregationum & Canonorum Regularium comprehendens A. 1700. octavus, qui vitam Aθανασii, & Sanctorum, qui ab anno 378. usque ad annum 394. defuncti sunt, ut & historiam hæreseos Messalianorum & Priscillianistarum delineat, A. 1702. prodiit, Tomus 9. 10. 11. & 12. nondum, quod sciam, prodierunt. Interim eodem anno, quo octavus tomus prodiit, nempe A. 1702. simul lucem publicam aspexit tomus 13. quo vita Augustini & simul Donatistarum & Pelagianorum illius temporis historia exponitur.

LXVII. DIONYSII MUDZAERTS historiam ecclesiasticam ab orbe condito usque ad A. C. 1624. Belgica lingua scriptam memorat Valerius Andreas *in bibliotheca Belgica* p. 190. JACOBI LEYDECKERI historia ecclesiastica V. & N. Testamenti ab orbe condito

usque ad A. 1691. Belgice scripta, recensetur in actis erud. Tom. II. Supplem. p. 61. Alias hujusmodi historias ecclesiasticas peregrino idiomate scriptas recensere supersedeo.

LXVIII. Inter historias ecclesiasticas Germanice scriptas famosum imprimis opus est GODOFREDI ARNOLDI, quod inscribitur Unparthenische Kirchen- und Reher-Historie von Anfang des neuen Testaments bis auf das Jahr Christi 1688. Frankfurt am Mayn A. C. 1699. At pulcro tituli nimium ne crede colori, quisquis titulum hunc legis. Nihil minus est hæc ecclesiastica historia, quam eine unparthenische Historie. Omnis candor, omnis fides hic prorsus exulat. Mendaciis, calumniis, variisque strophis, falsis allegationibus, corruptis, mutilatis, in alienum sensum detortis Autorum verbis omnia sunt referta. Κυβεία & πανουργία πρὸς τὴν μεθοδείαν τῆς πλάνης utramque in hoc opere facit paginam. Cum enim Autor id tantum negotii sibi proposuisset, ut orthodoxam doctrinam ejusque doctores acerbè perstringeret, heterodoxos autem tanquam carissimos suos fratres excusaret, defenderet, & commendaret, facere id non poterat, nisi
fron-

frontem perderet, & omnem pudorem decoqueret. Conferantur de hac Arnoldi historia ecclesiastica partium fanaticarum studio deditissima, scripta quæ sequuntur: D. ELIÆ VEIELII præfatio concionum in posteriorem Petri epistolam. H. G. W. E. M. augenscheinliche Erweisung / daß der vermessene Keger = Patron Gottfried Arnold das Valentinianische Keger = Fragmentum Theodoti weder verständlich noch treulich übersezet / und damit seine schlechte Wissenschaft in der Griechischen Sprache selbst verrathen habe / cum præfatione Theologi Ulmenfis modo laudati D. Eliæ Veielii. ERNESTI SALOMONIS CYPRIANI, olim Professoris in Academia Julia, nunc Athenæi Casimiriani Directoris & Theol. P. P. ordinarii, allgemeine Anmerkungen über Gottfried Arnolds Kirchen = und Keger = Historie / worinnen bescheidenlich und gründlich erwiesen wird / daß Arnold vermöge seiner vorgefaßten Meinungen nothwendig partheyisch schreiben / seine Klagen wider die Kirche auf schwache Gründe bauen / und einiger Scribenten Meinung so gar verdrehen müssen / daß auch nur in einem halben paragrapho der Sinn und die Worte Augustini denen Donatisten zum Behuff / über sechsmahl verfälschet worden / Helmstadii A. C. 1700. quibus observationibus in editione tertia Francofurti & Lipsiæ

A. C. 1701. procurata accessit partim eine Antwort auf alle dagegen edirte Schriften / partim ein Vorbericht von Arnolds Religion / partim fernere Anmerkungen von dessen historischen Verfälschungen und Fehlern. *Ejusdem* fernere Proben von Gottfried Arnolds Partheilichkeit / vornehmlich die Geschichte derer Quacker / Brownisten / Dr. Krellens / und Jacob Böhm's betreffende / cum præfatione ad D. Veielium Francofurti & Lipsiæ A. 1702.

ANONYMI, qui se einen Liebhaber der Wahrheit nominat, aufrichtige Vorstellung vieler von Herrn M. Gottfried Arnold verübter fürseßlicher Verfälschungen an alten und neuen Scribenten / und ärgerlicher Vertheidigung der bößhaftigsten Ketzer und Atheisten / womit derselbe seine so genannte unparthenische Ketzers - Historie beflecket / und damit Cordate Männer zu seiner Bestraffung genöthiget hat. Ulm / A. 1702. JOH. FRIDERICI CORVINI, Pastoris Hornburgensis Primarii, gründliche Untersuchung der so genannten unparthenischen Kirchen - und Ketzers - Historie / und einiger anderer Schriften Gottfried Arnolds / in welcher klar und deutlich gezeiget wird / daß er in derselben nichts weniger als unparthenisch sich erwiesen / sondern vielmehr nach allen Kräften wiewol ganz vergeblich / sich bearbeitet / die historische Wahrheit unverantwortlich zu verfälschen / alle / auch die ärgsten Ketzer und Ketzereyen von Anbeginn zusamt einigen Verfolgern der Kirchen zu verthätigen / die Kirche Gottes auf

auf das äußerste zu schmähen / auch gar zu leugnen /
dero rechtschaffenste Lehrer / und die ersten Christli-
chen Kayser zu verunglimpfen / die in Gottes Wort
fest gegründete / und der Kirchen Gottes anvertrau-
ete theure Beilage der heilsamen Glaubens-Lehre /
theils ungewiß und zweifelhaftig zu machen / theils
gar über einen Hauffen zu werffen / hingegen allen
falschen Lehrern und Irrthümern wiederum einen
freyen Gang zu öffnen. Da denn die von ihm al-
legirte Autores mit Mühe und Fleiß nachgeschlagen /
die darinnen von ihm begangene Verkehrungen und
falsa ans Licht gestellet / seine falsche hypothesen histo-
rice und theologice nach dem Göttl. Wort und der
ersten Kirchen Lehre examiniret / und dargethan
wird / daß er solches nicht etwan aus Versehen oder
Irrthum / sondern ganz vorseßlich den Leser zu ver-
leiten / und zu confundiren / gethan habe. Daben
denn zugleich einige seiner andern Schrifften in et-
was beleuchtet / und mit der Keger-Historie zusam-
men gehalten werden. Alles GOTT / und seinem
eingebornen Sohn JESU zu Ehren / zu Ret-
tung der Wahrheit / und allen frommen Christen zur
aufrichtigen Warnung sich vor diesen höchstschädli-
chen Schrifften zuhüten / auf vieler Gottseliger Her-
zen Verlangen vorgestellt / und zum Druck über-
geben. Franckfurt am Mayn. A. C. 1701. in Fol.
ANDREÆ DAVIDIS CAROLI, Ephori Kirchheimen-
sis, Wirtenbergische Unschuld durch Christliche Prü-
fung dessen / was Herr Gottfried Arnold von des
Löbl. Herzogthums Wirtenberg Regenten / Regie-
rung

runge und Lehrern / beverab von dem sel. D. Jacobo Andrea, aufgezeichnet und seiner so genannten Kirchen- und Ketz- Historie einverleibet hat; aus Liebe der Wahrheit / zur Ehre Gottes und Erläuterung verschiedener merckwürdiger Stücke der Wirtenbergischen und anderer Kirchen- Geschichten gründlich und bescheidenlich dargethan. Ulmæ A. 1708. cujus tractatus præfatio indicat Arnoldum Philostorgio, qui in sua historia ecclesiastica omnia, quæ ad defensionem Arianorum & Eunomianorum, & denigrationem orthodoxorum facere visa sunt, compilavit, & Sandio, cujus nucleus historię ecclesiasticę rectius Arianismi commentatio diceretur, & Zwickero venerandam ecclesię antiquitatem pessimis quibusdam convitiis proscindente, longe pejorem esse, cum non unius & alterius sed omnium sectarum patrocinium in se suscepit. D. JOHANNIS FECHTII disputatio de studio Theologię polemicę contra Arnoldum, respondente Johanne Joachimo Arends Rostochii A. 1704. habita; *Ejusdem* critica contra criticam Arnoldi, h. e. judicia veteriora in Judicia ejus iniquiora de Davide Chytræo lata, quæ sub Fechtii præsidio defendit Rostochii M. Joachimus Manzel A. 1704. *Ejus-*

Ejusdem dissertatio Theologica G. Arnoldo opposita, exhibens brevem enodationem quæstionis, utrum libri symbolici vere an æquivoce dicantur divini? respondente Daniel Henr. Becmann Rostochii A. 1705. *Ejusdem* vindiciarum pro veritate adversus Arnoldi criminationes institutarum tessaras pro disputatione circulari & ordinaria, proposita eodem anno respondente Justo Henrico Runcken. Dn D. JOH. FRIDERICI MAYERI disputatio de Pædobaptismo Apostolorum temporibus coævo contra Arnoldum, respondente M. Nicolao Grubb, Gryphisvaldiæ A. 1708. D. JOHANNIS JOACHIMI ZENTGRAFII vindiciæ Lutheri contra Arnoldi historiam ecclesiasticam defensæ a M. Joh. Friderico Herttenstein, Argentorati A. 1702. D. SAMUELIS SCHELGUIGII ex historia ecclesiastica disputatio de Ebionitis contra Arnoldum Gedani habita A. 1700. respondente Jacobo Joachimo Wendio. D. PHILIPPI LUDOVICI HANNECKENII Arnoldus *divisoputias* convictus, quem sub ejus præsidio ventilandum proposuit Autor Fridericus Christianus Feustkingius, Wittebergæ A. 1699. *Ejusdem* FEUSTKINGII, nunc Theologiæ
1 Do-

Doctoris , Arnoldus ἐλεγχόμενος , oder kurze
doch gründliche Widerlegung der fürnehmsten Ein-
würffe / worinnen Gottfried Arnold seinen Adeptis
und begeisterten Weibes Personen das Wort
hat reden wollen. Francof. & Lipsiæ A. 1704.
D. GOTTLIEB WERNSDORFII Disputa-
tio , qua contra Arnoldum demonstrat, quod
liber Sapientiæ & Ecclesiasticus pro canonicis
non sint habendi, respondente Andrea Schu-
berto A. 1702. D. VALENTINI ERNESTI LOE-
SCHERI Disputatio , qua Thomæ Müntzeri
doctrinam & facta ex idoneis monumentis
examinavit, & G. Arnoldi hac etiam in parte
lapsus exposuit, respondente M. Georgio Ni-
colao Kieslingio, Wittebergæ A. C. 1708. M.
DAVIDIS SCHULTETI innocentia Theologo-
rum Hamburgensium contra Arnoldum as-
serta , Hamburgi A. C. 1706. D. POLYCARPI
LYSERI, Præsulis Capituli Winstorpiensis
officium pietatis seu scriptum apologeticum,
quo Proavum suum D. Polycarpum Lyserum
Electori Saxoniae a Consiliis Ecclesiasticis,
Confessionibus & Concionibus Aulicis Pri-
mariis adversus Arnoldi historias vindicat
Lipsiæ 1704. TOBLÆ PFANNERI, qui etsi Ar-
nol-

noldum quodammodo excusare satagat, non omnia tamen, quæ Arnoldus in sua historia ecclesiastica effudit, probare audet, unparthenisches Bedenken über Arnolds unparthenische Kirchen- und Keger-Historie sambt dessen kurzer Beantwortung / und darauf erstatteter Erläuterung / Gothæ A. 1701. Autor der Monatlichen Auszüge A. 1702. Mens. Jun. Autores des Alten und Neuen 1701. p. 102. seq. ut alia scripta Arnoldo opposita taceamus. Vir quidam Celeberrimus in præmio ad Examen novæ Theologiæ hunc Arnoldum historiæ hæreticæ conditorem facundum sed virulentum, ac conciliorum œcumenicorum hostem capitalem vocat. Addit tamen se jam de eo meliora sperare, postquam in gratiam cum nostra ecclesia rediit, & tessera ejus h. e. Augustanæ Confessionis sub religione juramenti subscripsit. Bonum id factum, nisi forte Arnoldus idem cum Poireto sentiat, qui statuit, religionem in animo consistere non in externo opere, ideoque hominem salva conscientia aliam religionem externa professione simulare, & aliam corde amplecti posse. Inter Patronos Arnoldi est ejusdem furfuris Scriptor PETERSENIUS, qui inter alia scripto quodam germani-

co Untersuchung &c. quod A. 1701. Francofurti prodiit, pudendum falsi crimen ab Arnoldo sciente & volente in vertendis nonnullis Dannhaueri verbis commissum fuisse contra manifestam veritatem & suam ipsius conscientiam negare non veretur.

LXIX. Præter historiam suam ecclesiasticam & hæreticam in 4. partes divisam idem Arnoldus Francofurti A. 1703. vulgavit *Supplementa, illustrationes und emendationes* zur Verbesserung der Kirchen-Historie. Annexæ sunt huic Supplemento Anonymi cujusdam observationes sub titulo: aufrichtige Anmerkungen über die bißher erregten Streitigkeiten wegen der Kirchen- und Ketz-Historie des Herrn Arnolds / nec non Herrn Volckmayers über Hn. Arnolds Kirchen- und Ketz-Historie von Zacharias Gözen / Rectore der Dñnabrückischen Schule heraus gegeben. Neque hic tacendum *compendium historia ecclesiastica* ab Arnoldo adornatum. Prodiit enim Lipsiæ A. C. 1708. Gottfried Arnolds kurzgefaßte Kirchen-Historie des alten und neuen Testaments / quod compendium antea etiam Anno 1697. & 1700. ibidem lucem aspexit.

LXX.

LXX. D. JOH. WILHELMI ZIEROLDI tractatum, qui inscribitur: Einleitung zur gründlichen Kirchen-Historie / mit der Historia Philosophica verknüpffet / & A. 1700. Stargardix prodiit, ut & alteram partem, cujus titulus: gründliche Kirchen-Historie von der wahren und falschen Theologie, anderer Theil A. 1703. Francofurti vulgatam, hoc loco commemorare operæ pretium vix est. Cui plura de illa cognoscere lubet, is Maxime Reverendi Bucheri Menses adeat.

LXXI. Adolphus Clarmundus in quæstionibus suis de historia ecclesiastica, quas germanice haud ita pridem edidit, inter recentiores historiæ ecclesiasticæ Scriptores refert etiam D. MATTHIAM ZIMMERMANNUM ob amœnitates historiæ ecclesiasticæ ab eo editas. Verum istæ amœnitates historiæ ecclesiasticæ nihil aliud sunt, quam Dorothei Asciani (sub quo nomine Matthias Zimmermannus latere voluit) tractatus de montibus pietatis. Cum enim ille tractatus sub hoc titulo paucos emtores inveniret, Typographus ut scriptum hoc lectu non indignum vendibilius faceret, titulum mutavit. Quamobrem

non est, ut in hoc tractatu historiam aliquam ecclesiasticam quæramus, etsi multa historiæ ecclesiasticæ inservientia, imprimis quoad papatum, in eo reperiantur.

LXXII. D. CASPARIS SAGITTARII indiculus historiæ ecclesiasticæ A. C. 1698. Jenæ editus in Clarmundi quæstionibus p. 103. ab egregia methodo & eruditione commendatur. Verum in catalogo Scriptorum Sagittarii, vel ab ipso editorum, vel post ejus mortem a Summe Reverendo Abbate Mariævallensi D. Joh. Andrea Schmidio edendorum, nullam illius indiculi mentionem invenio. Quamobrem nescio an forte Clarmundus ad Sagittarii introductionem in historiam ecclesiasticam respexerit, quæ tamen non A. 1698. sed 1694. Jenæ prodiit.

LXXIII. In hac ipsa Sagittarii introductione c. 15. inter Scriptores historiæ ecclesiasticæ universales recensetur PHILIPPUS LUDOVICUS AUTHÆUS, cujus index historiarum in religionis negotio gestarum Francofurti 1675. lucem aspexit, MARTINUS NESSELIUS, qui ex Cluverii epitome compendium historiæ ecclesiasticæ adornavit, Rinthelii ex-
cu-

cusum A. 1614. & ANONYMUS, cujus brevium historiae ecclesiasticae chronographicum Francofurti A. 1689. prodiit. In eadem introductione c. 17. inter Pontificios historiae ecclesiasticae universalis Scriptores memoratur ARNOLDUS MERMANNUS, qui tamen eam tantum historiae ecclesiasticae partem, quae de conversionibus gentium agit, tractavit, quae historia Antverpiae A. 1563. & 1572. seorsim, & in chronico chronicorum Ecclesiastico-Politico prodiit per Johannem Gualtherium Belgam, seu Janum Gruterum collecto, cujus tomo primo pag. 96. hoc Mermanni scriptum legitur tali ornatum titulo: *Theatrum conversionis gentium totius orbis, sive Chronologia de vocatione omnium populorum, & propagatae per universum orbem fidei christianaeque religionis descriptio, autore Arnoldo Mermanno.* In eodem Sagittariae introductionis capite recensentur AUGUSTINI MANNI selectae historiae rerum in ecclesia, Romae A. 1612. editae; & MATTHIAE CHEFNEUX catholicae ecclesiae ab origine mundi ad Christum, & a Christo usque ad nostra tempora speculum A. 1662. & 1666. impressum.

LXXIV. JOHANNIS RIOCHÆ Compendium temporum & historiarum ab ascensione Domini in cœlum usque ad annum 1576. Parisiis editum memorat Waddingus in *bibliotheca Scriptorum ordinis Minorum* p. 224. JACOBI GAULTERII tabulam chronographicam status ecclesiæ catholicæ a Christo nato usque ad annum 1614. Lugduni A. 1609, & sæpius tam in Gallia, quam alibi editam Sorwelli bibliotheca Jesuitica p. 365. prodit. Eadem bibliotheca pag. 368. commendat JACOBI GRANDAMICI chronologiam christianam de Christo nato, & rebus gestis ante & post nativitatem, cujus editio secunda Parisiis 1668. tribus voluminibus prodiit.

LXXV. Pertinet huc etiam libellus minutis characteribus Hamburgi A. 1693. impressus, quo status ecclesiæ orientalis & occidentalis, concilia generalia & particularia, ut & Scriptores ecclesiastici, nec non schismata, hæreses & opiniones ab ecclesia damnatæ, lectoris conspectui exhibentur. Autor hujus conspectus chronologici est GULIELMUS MARCELLUS Pontificiæ religioni addictus, ideoque Luthero & evangelicæ ecclesiæ mi-

minus æquus, quem tamen alias ob novam eamque non injucundam methodum laude sua non defraudari cupit latinus hujus opusculi interpres.

LXXVI. FRANCISCUS a S. AUGUSTINO MACEDO Lusitanus, Jesuitico primum ordini addictus, sed postea in Fratrum Minorum sodalitium se conferens, Magister Conimbricensis, Lector sui Ordinis Jubilatus, Exlector Regius Madriti, Romæ in Collegio de propaganda fide & in Sapientiæ Collegio Theologiæ & historiæ ecclesiasticæ Professor, Exqualificator S. Officii Romani, Concionator & Consiliarius Regis Christianissimi, Lusitaniæ Regis Historicus Latinus, Civis Venetus, & in extrema senectute Publicus in Academia Patavina Professor, præter alia scripta, quæ ab Alegambio & Sotvvello in Bibliotheca Jesuitica, & Nicolao Antonio in *bibliotheca Hispana tom. I. p. 236.* & a Gregorio Leti in *Italia regnante part. 3. pag. 192. seq.* recensentur, edidit *Medullam historia ecclesiastica emaculatam, emdullatam & vindicatam. Patavii typis Petri Mariæ Frambotti 1671. in fol.* Est autem hic tractatus idem pla-

m

ne,

ne, excepto titulo & dedicatione, cum illo, quem antea ediderat sub hoc titulo: *Affertor Romanus, seu Vindiciae Romani Pontificis & Pontificatus, Romæ A. C. 1666. per Mancinum in fol.*

LXXVII. Veteris Testamenti annales sacros, & ex profanis præcipuos, ab O. C. usque ad Christi passionem, duobus tomis comprehensos scripsit AUGUSTINUS TORNIELLUS, qui hos annales post primam editionem Mediolanensem, & duas Francofurtenses, in quarta editione, quæ ex Plantiniana officina Antverpiæ A. 1620. emissæ est, mendis quibusdam expurgavit, & nonnullis additamentis locupletavit.

LXXVIII. Torniellum æmulatus Jêsuita JACOBUS SALIANUS annales ecclesiasticos Veteris Testamenti ab orbe condito usque ad Christi nativitatem, connexis annalibus imperii Assyriorum, Babyloniorum, Persarum, Græcorum atque Romanorum in sex tomos digessit, qui Parisiis A. 1618. & sequentibus, & postea etiam Coloniae A. 1620. in lucem prodierunt. Ego quarta editione utor Parisiis A. 1641. impressa, quæ secundis
ipfi-

ipsius auctoris curis auctior & melior in titulo dicitur. Epitome horum annalium prodiit Parisiis A. 1635. Enchiridium autem, seu annalium illorum & ipsius epitomes medulla Coloniae 1638. Flavium Iosephum in his annalibus passim exagitat Salius, rationesque reddit in praefatione ad lectorem, quae secundo tomo praefixa legitur. Verum hanc ipsam ob causam Salius a Viris quibusdam doctis male audit, quod in ipsius annalibus per omnes fere paginas Iosephi reprehensio utramque paginam faciat.

LXXIX. Neque hic tacenda CHRI-
STIANI SCHOTTANI historia sacra V. T. seu
exercitationes historicæ in sacram Scripturam
& Josephum, per modum commentarii in hi-
storiam sacram Sulpitii Severi, quoad illam
partem, quæ ad vetus testamentum spectat.
Distributa autem est hæc Schottani biblio-
theca in duos tomos, quorum primus ab A-
damo ad Mosen, secundus a Mose ad Chri-
stum, seu eversam ab Herode Hassanonæo-
rum dominationem procedit. Impressum
est hoc opus Franekeræ A. C. 1661. quo pri-

m 2

mus

mus tomus prodiit , & 1664. quo secundus tomus lucem publicam adspexit.

LXXX. Insignem quoque industriam in annalibus V. T. digerendis exhibuit JACOBUS USSERIUS Armachanus Archiepiscopus, qui ultra etiam progressus annales suos a prima mundi origine usque ad extremum templi & reipublicæ Judaicæ excidium deduxit. Impressa est prior annalium veteris Testamenti ab Usserio conscriptorum pars Londini A. 1650. altera autem pars, quæ Maccabæorum & N. T. historiam complectitur, ibidem 1654. impressa est, ut testatur index Scriptorum Usserii, quem Gulielmus Batesius in vitis selectorum quorundam virorum a se collectis & editis exhibet p. 749. Conjunctim annales V. & N. Testamenti impressi sunt Parisiis A. C. 1673. cui editioni subjuncta est ejusdem Usserii chronologia sacra post mortem Autoris a Thoma Barlow Oxoniæ 1660. seorsim edita.

LXXXI. Breviori libello, qui Londini A. 1685. impressus est, ANTONIUS LE GRAND historiam a mundi exordio ad Constantini M. usque tempora deduxit, ut AN-
TO-

TONII BOLERANI Florum sanctum ab orbe condito usque ad Christi tempora Parisiis A. 1674. editum, quem a Mabillonio in tractatu de studiis monasticis inter libros selectos bibliothecæ ecclesiasticæ referri video, & alios taceamus.

LXXXII. JACOBI CAPELLI historia sacra & exotica ab Adamo usque ad Augusti ortum Sedani A. 1612. lucem publicam aspexit. Est autem illa historia quoad priores annos ab initio rerum usque ad annum ante Christum 521. in codice, qui manuscriptus superest, longe auctior, ut Jacobi illius Capelli ex Fratre Ludovico nepos, Jacobus Capellus junior indicat in indice Scriptorum Patris & Patruī sui, quem novellis eorum operibus a se nuper editis præfixit. Ubi etiam inter inedita Jacobi Capelli scripta refertur ejus historia ecclesiastica ab ortu Christi usque ad annum 848. quæ multis in locis mutila dicitur, nec non ejusdem Jacobi Capelli historia Christi & Apostolorum quatuor voluminibus comprehensa, ab anno ante natum Christum 7. usque ad annum Christi 70. & aliquot sequentes. Sed omissis ineditis illis

Jacobi Capelli scriptis referre potius convenit historiæ ecclesiasticæ centurias 5. ab Augusti ortu usque ad Valentinianum III. cui præmissa est synopsis historiæ ab O. C. usque ad annum Christi 1622. quo anno illæ centuriæ Sedani in lucem prodierunt. Conferatur de Jacobo Capello Colomesii *Gallia Orientalis* pag. 157.

LXXXIII. Haud segnius in studio historiæ ecclesiasticæ laboravit Jacobi frater LUDOVICUS CAPELLUS. Huic enim debemus chronologiam sacram ab orbe condito ad eundem reconditum, indeque ad ultimum Judæorum excidium deductam, quæ Parisiis 1655. edita, iterumque Londini in apparatu ad Biblia polyglotta Waltoni, quin etiam seorsim Tiguri A. 1673. lucem publicam adspexit. Debemus præterea eidem Ludovico Capello historiam apostolicam illustratam, cum compendio historiæ judaicæ, Genevæ A. 1634. & Londini in Bibliis Criticis tom. 9 impressam.

LXXXIV. Historiam ecclesiasticam in dramate quodam sacro, quod Christe-
idem inscripsit, partim ænigmatice, partim
aper-

aperto commentario delineavit D. JOHANNES CONRADUS DANNHAUERUS, cujus operis primus tantum actus, trisecularem ecclesiæ sortem, a Christo in cœlos sublimato usque ad Constantinum M. in throno terrestris victoriæ confidentem exhibens, lucem publicam adspexit Argentorati 1646. editus. Reliqui actus penes ejus Discipulos & hæredes manuscripti asservantur

LXXXV. Eorundem trium seculorum historiam ecclesiasticam a Christo usque ad Constantini in ecclesia gesta totidem libris pertractavit CONRADUS HORNEJUS, qui tamen compendium suum historiæ ecclesiasticæ Brunsvici A. 1649. editum non a Christi adscensione, sed a Christi nativitate auspiciatur.

LXXXVI. Quatuor priorum seculorum antiquitates BALTHASAR BEBELIUS edidit, in quibus de Scriptoribus ecclesiasticis, ministerio, doctrina, disciplina, ritibus, conciliis, persecutionibus, hæresibus, aliisque rebus ad ecclesiasticam historiam spectantibus concinno ordine differit, ac postremo Pontificiorum aliorumque adversariorum argumen-

menta ex seculorum illorum Scriptoribus petita nervose confutat. Antiquitates trium priorum seculorum conjunctim uno volumine Argentorati A. 1669. prodierunt. Antiquitates autem quarti seculi in duos tomos distributæ sunt, quorum prior A. 1679. posterior 1680. in lucem prodiit. Neque hic silentio prætermittendæ sunt ejusdem antiquitates Evangelicæ & Judaicæ ex quatuor Evangelistis erutæ, & ex Patribus illustratæ; ut historiam ecclesiæ antediluvianæ, & Noachicæ ab eodem conscriptam taceamus.

LXXXVII. Quinque seculorum historiam ecclesiasticam, cui tamen etiam civilis jungitur tribus tomis dedit JOHANNES HENICHIIUS, quorum primus tria prima secula complectens A. 1669. secundus de quarto seculo agens 1670 & tertius isque posthumus, qui quinti seculi historiam continet, 1674. Rinthelii prodiit. Adjuncta est tomo 2. appendix satis prolixa in usum eorum, qui homileticam artem excolunt, plurima Chrysostomi dicta exhibens.

LXXXVIII. D. JUSTI SOEFFINGII Superintendentis Rudolstadiani Schwarzbürgici

gici historia quinquesecularis, seu rerum in ecclesia & politia christiana gestarum per secula a Christo nato V. Jenæ A. 1674. prodiit. Idem etiam historiam seculorum sequentium usque ad sec. XVI. elaboravit. & per modum disputationum in Gymnasio Rudolstadiensi habitare edidit.

LXXXIX. Sulpitii Severi, inter veteres historiæ ecclesiasticæ Scriptores non ignobilis, a Juliani imperio usque ad Henricum Aucupem continuavit CHRISTIANUS SCHOTTANUS, quæ continuatio impressa est Franeckeræ A. 1656. Alia Sulpitii Severi continuatio usque ad Caroli V. imperium ex Sleidani libris de quatuor summis imperiis adornata Lugduni Batav. A. 1626. in publicam lucem prodiit.

XC. Cum apparatu Theologico GEORGII CALIXTI Helinstadii A. 1661. impressa est historia ecclesiæ occidentalis per octavum & sequentia aliquot secula.

XCI. Commentarium de rebus sæculi IX. & X. Argentorati An. 1656. vulgavit JOH. HENRICUS BOECLERUS, qui tamen commentarius non tantum in ecclesiasticis, sed etiam in civilibus rebus occupatur. Methodus, qua

n

uti.

utitur, hæc est, ut per seriem Germanicorum Cæsarum a Carolo M. usque ad Ottonem III. procedat.

XCII. JACOBI USSERII tractatus de christianarum ecclesiarum in Occidentis præsertim partibus successione & statu Londini A. 1613. Hannoviæ A. 1656. iterumque Londini una cum antiquitatibus ecclesiæ Britannicæ, seu tractatu de primordiis ecclesiæ Britannicæ A. 1687. prodiit

XCIII. Historiam ecclesiasticam seculi XV. in thesauro antiquitatum, seu opere historico, quod Francofurti A. 1662. lucem publicam adspexit, pertractavit ELIAS EHINGERUS. Intelligit autem per seculum XV. illud tempus, quod ab anno 1500. usque ad 1600. fluxit, & rectius seculum XVI. dicitur. Cæterum in hoc thesauro id imprimis agit Autor, ut doctrinam seculi XVI. cum doctrina priorum seculorum conferat, variasque disputationes cum adversariis instituat.

XCIV. Historiam ecclesiasticam seculi XVI. in tabulis Rostochii A. 1690. impressis repræsentavit, & elegantem dissertationem de ubertate & fructu, qui ex historia illius seculi

culi redundat, præmisit Celeberrimus Rostochiensis Academiae Theologus D. JOHANNES FECHTIUS, qui etiam similes tabulas chronologico-historicas ab anno 1541. usque ad annum 1613. edidit in Supplemento historiae ecclesiasticae seculi XVI. seu syntagmate epistolarum a plurimis Theologis ad Marbachios scriptarum, quod præmisso insigni ad has epistolas apparatu Durlaci A. 1644. lucem publicam adspexit.

XC V. Annalium Evangelii renovati decadem I. ab anno 1516. usque ad annum 1526. Heidelbergæ A. 1618. vulgavit Calvinianarum partium Theologus ABRAHAMUS SCULTETUS, qui etiam 1620. secundam decadem ab anno 1526. usque ad annum 1536. adjunxit.

XC VI. Historiam Lutheranismi seu ecclesiae Reformatæ libris 6. descripsit LUDOVICUS MAIMBURGIUS ob alia quædam scripta, quibus Innocentium XI. offendit, Jesuitarum societate, cui per 55. annos addictus fuerat, exclusus, ut ipse in præfatione ad historiam Calvinismi memorat. Tres priores libros ex Lutheranismi historia latine reddidit, & simul confutavit, eaque occasione historiam eccle-

fiasticam seculi decimi sexti ab anno 1517. usque ad annum 1546. quo Lutherus obiit, egregie illustravit Illustris SECKENDORFIUS, cujus commentarius de Lutheranismò A. 1692. Lipsiæ prodiit, cum prior ejus pars multis postea accessionibus locupletata jam anno 1688. prodisset.

XCVII. De statu religionis & reipublicæ sub Caroli V. imperio ab initio reformationis libros 26. ex archivo Argentoratensi aliisque actis publicis composuit JOHANNES SLEIDANUS. Quem ita hoc opus elaborasse Carolus V. judicavit, quasi aut Sleidanus suus Cancellarius, vel Cancellarii sui arcanorum suorum apud Sleidanum proditores fuerint, quod certis autoribus sibi constare asserit Berneggerus in demolitione idoli Lauretani, etsi Posslevinus in *bibliotheca* tomo 2. p. 404. Carolum V. sæpe de Sleidano dixisse referat: *nebulo ille mentitur*. Strenue vero etiam mentitus est Bartholomæus Latomus, qui se probaturum jactavit, quod errorum undecim millia in Sleidani historia reperiantur. Prodiit hoc Sleidani opus primum Argentorati A. 1555. ex officina Riheliana. Secuta est mox editio Ant-

Antverpiensis ex officina Simonis a Bosco, addidis notis marginalibus, quæ editio invito Sleidano & inscio prodiit. Secundæ Argentoratensis editionis, quæ vivo adhuc Sleidano prodiit, meminit Hortlederus in præfatione Actorum belli Germanici, in qua Sleidani causam prolixè egit. In alia Argentoratensi editione, quæ post Sleidani mortem iterum ex officina Riheliana prodiit, accessit liber 26. qui hætenus desideratus fuerat, & apologia Sleidani Cochleo aliisque obrectatoribus opposita; Notæ marginales, quæ ab ipso Sleidano composita non fuerant, in eadem editione correctæ, & nonnunquam aliæ substitutæ sunt. In editione Argentoratensi anni 1578. Michaelis Beutheri commentarii, & Justini Gobleri summaria singulorum capitum accesserunt, ut Hertzius in tractatu de Scriptoribus rerum Germanicarum *part. 2. sect. 2.* indicat. Et hinc forte Varilasius occasionem arripuit obrectandi, quasi editiones Sleidani sæpius mutatae & interpolatae fuerint, quem aliosque Sleidani obrectatores refutat Seckendorfius in additione I. ad præloquium ad historiam Lutheranismi, & in scholiis sive supplementis ad in-

dicem historicum sect. 71. Laudaverit ne an vituperaverit Sleidanum Carolovitius dicere solitus Sleidani historiam omnem superiorum historicorum fidem sibi adimere, in medio relinquit Thomas Pope Blount in tractatu, quem censuram celebriorum Autorum inscribit, pag. 444. Verum si Dresseri orationem de usu historiarum legisset, quam ibidem allegavit, & qui illud Carolovitii judicium p. 645. allegavit, non laudantis, sed vituperantis illa verba fuisse, ignorare non potuisset. Cæterum quanti hæc Sleidani historia a plurimis habita fuerit, vel inde judicare licet, quod non solum toties impressa, sed etiam in Germanicam, Belgicam, Gallicam, Italicam, & alias linguas translata fuerit.

XCVIII. Continuatio Sleidani usque ad annum 1618. sub nomine GOTTHARTI ARTHUSII Francofurti prodiit. Verum eam, cum ab Arthusii Mercurio Gallo-Belgico sæpe discrepet, magnaque ex parte Gallicam Rudolphi Bothereji historiam exprimat, Autori huic suppositam suspicatur OSEAS SCHADÆUS, qui germanicam Sleidani versionem recognovit, & continuationem usque ad annum

num 1620. addidit, cujus priores libri ex Michaelae Beuthero, & Conrado Lauterbachio, qui & ipsi Sleidanum continuaverant, concinnati, posteriores ab ipso Schadao elaborati sunt. Prodiit Sleidanus hic Germanicus cum suis continuationibus Argentorati A. 1625. Aliam Sleidani continuationem MICHAEL CASPAR LUNDORPIUS usque ad annum 1610. deduxit; cui continuationi addi possunt ejusdem Lundorpii libri duo de bello sexennali civili Germaniæ, seu commentariorum de statu religionis & reipubl. ab anno 1617. usque 1622. editi Francofurti A. 1622. Neque hic tacendus HENRICUS PANTALEON, qui non solum Sleidani historiam primus in vernaculam linguam transtulit, quod postea a Beuthero quoque & aliis factum est, verum etiam tribus libris latine & germanice Sleidanum continuavit, ut ipse ad calcem prosopographiæ suæ testatur. Arthusius autem paulo ante memoratus etiam Mercurium suum Gallo-Belgicum Sleidano succenturiatum dicit, eumque ab anno 1555. quem Sleidani ultimum esse dicit, incipit. Impressus est primus tomus Francofurti A. 1609. reliqui tomi, qui plures numero sunt, annis sequentibus.

XCIX. Inter Sleidani adversarios fuit LAURENTIUS SURIUS, cujus commentarii rerum in orbe suo tempore gestarum Coloniae 1568. & 1574. quousque ejus historia pervenit, impressi sunt, Gallico etiam & Germanico idiomate donati. Exagitat hanc Surii historiam Autor libelli Germanici, qui inscribitur *der Bienen Korb part. 5. c. I. p. 194. seq.* Contra hoc opus commendat Andreas de Saussay asserens, quod SURIUS hunc librum tanquam antidotum JOHANNIS SLEIDANI historiae opposuerit, eique silentium perenniter imposuerit. Scilicet Sleidano silentium SURIUS haud difficulter imponere potuit, qui Sleidano jam pridem mortuo historiam suam evulgavit.

C. JOH. HEINRICI BOECLERI de rebus seculi post Christum natum 16. liber memorialis cum commentario A. 1685. Argentorati prodiit, iterumque Kilonii 1697. cum supplementis JOH. BURCHARDI MAJI, Eloquentiae & Historiarum in Kiloniensi Academia Professoris, qui etiam plurima prioris editionis menda emaculavit. Ubi obiter noto, extare etiam Boecleri historiam universalem quatuor primorum seculorum, a Joh. Gottlieb Möllero

lero Rostochii A. 1695. in 4to & Sedinii A. 1699. a D. M. Fr. in 8vo editam. Utrique editioni præmissa est Summe Reverendi D. Johannis Fechtii præfatio isagogica, ubi inter alia Bœcleri historiam universalem ab orbe condito usque ad Christi nativitatem A. 1680. Argentorati editam memorat, sed tantum tres priores mundi ætates ab exordio mundi usque ad regnum Davidis complexam, cum cæterarum editio promissa quidem, sed fides nondum liberata fuerit.

CI. Historiæ ecclesiasticæ compendium a reformatione Zwinglii & Lutheri ad nostra usque tempora, vulgavit D. JOHANNES ANGELUS BERNIERA Italus Ultrajecti ad Rhenum A. C. 1703.

CII. In historia ecclesiastica seculi XVII. edenda occupatus fuit JOH. WOLFGANGUS JÆGERUS Theologus Tubingensis celeberrimi nominis, ut & Cancellarius & ecclesiæ Præpositus, qui primum hujus seculi decennium A. 1691. secundum 1692. & tertium 1693. Tubin-

bingæ vulgavit. Inter autores, quibus usus est, commendat Nanum, qui historiam suam ab anno 12. hujus seculi exorsus usque ad annum 72. Italico idiomate continuavit. Titulus primi decennii est: *Historia ecclesiastica seculi decimi septimi, in qua fata ecclesiæ Protestantium indicantur, Conclavia Pontificum Romanorum omnia referantur, diversi motus & schismata in eccles. Christ. & inprimis Syncretismus, Naturalismus, Bobemismus, Borrisismus, Quietismus, Arminianismus, Amyraldismus, Fansenismus, Cartesianismus, Coccejanismus: recentesque in Gallia & Anglia controversiæ ob oculos dilucide ponuntur: cum parallelismo profana.* Eodem titulo gaudet decennium secundum. Tertii autem decennii titulus ita se habet: *Historiæ ecclesiasticæ cum parallelismo politicæ seculi XVII. decennium III.*

CIII. Integram seculi XVII. historiam ecclesiasticam scripsit Dn. ANDREAS CAROLI Abbas San-Georgianus in Ducatu Wirtembergico sub titulo: *Memorabilia ecclesiastica seculi a nato Christo decimi septimi, juxta*
ta

ta annorum seriem notata & convenienti ordine digesta. Tomus I. qui antequam huius seculi dimidium exhibet, A. C. 1697. Tomi II. pars prima, quæ duo dimidii posterioris decennia complectitur, A. 1698. pars secunda itidem duo decennia continens 1699. & tertia denique pars, quæ circa ultimum decennium occupatur, A. 1702. Tubingæ prodiit.

CIV. Memoriarum ecclesiasticarum Tomum I. Gallico idiomate Parisiis A. C. 1690. vulgavit Abbas ROQUIUS. In his memoriis primum de ecclesiæ amplitudine, ejusque extra & intra Europam propagatione, deinde vero de Reformatorum in Gallia persecutione, quam conversionem appellat, aliisque rebus memorabilibus, quæ anno 1685. & 1686. contigerunt, agit. Errata quædam huius operis notantur in actis erudit. A. 1691. p. 153. seq. E quibus etiam cognosci potest VARILASII opus de revolutionibus Europæ ob religionem, quod recensetur in actis A. 1686. 1687. 1691; item BOSSUETI historia de variationibus Protestantium, relata in actis 1689. & refutata a

Basnagio adversus quem Bossuetus suam historiam postea defendere conatus est. Quorum etiam BURNETI scripta spectant Varillio & Bossueto opposita, quorum summa item in actis eruditorum recensetur.

CV. Recensui hactenus recentiores historiae ecclesiasticae Scriptores praecipuos, quorum aliqui, etsi civilem historiam non plane omiserint, majorem tamen ecclesiasticae quam civilis rationem habuerunt. Quod si addere vellemus illos, qui civilis historiae non minorem aut etiam majorem quam ecclesiasticae habuerunt, sive plura secula recensuerint, ut Calvisius in opere suo chronologico, Helvicus in suo theatro, Raynaudus in tabulis chronologicis, & breviario historiae sacrae & humanae, Cluverus in epitome historiae universalis, Jonstonus in suo Polyhistore, ut & in compendio historiae civilis & ecclesiasticae, Dresserus in Isagoge historica, Sleidanus in tractatu de IV. Monarchiis, Matthias in theatro historico, Petavius in rationario temporum, Boxhornius in historia universali, Lætus

tus in compendio historiae universalis, Christianus Weisius Gymnasii Zittaviensis Rector, dum viveret, optime meritus, nunc beate defunctus, Fautor Compater & Amicus meus æstimatissimus, in tabulis chronologicis, Samuel Basnagius in annalibus ecclesiastico-politicis, quorum tres priores tomi a Christo nato usque ad annum Christi 602. excurrunt, & plures alii, sive brevius temporum spatium emensi fuerint, ut Julius Cæsar Bulengerus, Paulus Jovius, Jacobus Augustus Thuanus, aliique, qui tantum sui temporis historias scripserunt, præfatio hæc ipsum tractatum chartarum numero vel æquatura vel superatura esset. Quamobrem hæc de recentioribus historiae ecclesiasticæ Scriptoribus dixisse sufficiant. Unicum adhuc moneo, nempe quod Christeidos Dannhauerianæ, cujus actus primus supra th. 84. a nobis recensitus est, secundus actus alteram trisecularem ecclesiæ sortem, a Constantino M. usque ad triumphum Hera-

clii Imperatoris exhibens, haud ita pridem Havniæ A. C. 1708. ex Manuscripto codice, cura Joh. Frid. Wandalini prodierit, optandumque est, si qui reliquas hujus sacri dramatis partes in scriniis suis habent, ut illas quoque publico non invideant.

CVI. Præsens, quem Juventuti historiæ ecclesiasticæ Studiosæ consecro, tractatus ad historiam primi seculi ecclesiasticam pertinet, cujus aliqua capita selecta pertractantur. Et *primum* quidem caput de Scriptoribus ecclesiasticis primi seculi agit, quorum plerique pseudepigraphi sunt & suppositi. Unde Pontificii non audiendi sunt, cum falsæ suæ doctrinæ antiquitatem ex ejusmodi scriptis stabilire satagunt, Gibeonitis illis similes, qui cum ad Josuam accederent, se ex longinquis regionibus advenisse simulabant, ideoque verbis ad fraudem compositis mucidos quos in peris suis gerebant panes, & detritos, quos pedibus suis adaptaverant,

rant, calceos ostentabant. Quod autem nihil scriptorum præter apostolica & canonica ex primo seculo integre & sine suspitione falsi, vel interpolationis argumentis ad nos pervenit, Viri quidam docti divinæ providentiæ tribuunt, quæ prospicere voluit, ne ob vicinitatem temporum alia si extarent, cum Apostolicis confunderentur, & magis æstimarentur humanitus quam divinitus scripta. Cæterum variæ fuerunt causæ, cur ævo apostolico pauci admodum libris scribendis operam dederint, quas recenset Maxime Reverendus Dn. D. Schmidius in programmate de Historicis rerum sacrarum deperditis, quod ejus compendio historiæ ecclesiasticæ N. T. præfixum est. *Secundum* tractatus mei caput agit de conciliis primi seculi, quæ omnia, uno Hierosolymitano excepto, vel conficta, vel congressibus potius quilibuscunque, quam conciliis proprie sic dictis annumeranda sunt. Capite *tertio* in plures sectiones distributo perlustro doctrinam, quæ scriptis ecclesiasticis primi seculi
fi.

sive genuinis, quæ forte rectius interpolata dicerem, vel suppositis continentur. *Quartum* caput inscribitur de Hierarchia ecclesiastica variisque institutis, ritibus & ceremoniis primi seculi, ubi imprimis primatus Petri & Pontificum Romanorum impugnatur, & instituta quædam primo seculo perperam afficta memorantur. Quæ autem Centuriatores Magdeburgenses *cent. 1. libr. 1. & 2. utrobique cap. 6. & 7.* de primi seculi politia & gubernatione ecclesiæ, variisque ritibus & ceremoniis, ex Evangelistarum & Apostolorum scriptis collegerunt, repetere hic noluimus. *Quintum* caput de hæresibus tractat, in quo tanto breviori mihi esse licuit, quod jam olim dissertationem de hæresiarchis primi seculi ediderim. *Sextum* caput persecutiones & Martyres præcipuos recenset. *Septimum* denique circa alias personas & res primi seculi memoratu dignas versatur.

CAPUT I.



CAPUT I.

De

Scriptoribus & scriptis ecclesiasticis seculi primi.

I.



AGARI AD CHRISTUM
EPISTOLA CUM E-
PISTOLA CHRISTI
RESPONSORIA legi-
tur apud Eusebium *libr. 1.
hist. eccles. c. 13.* Nicepho-
rum *libr. 2. c. 7. hist. eccles.*
& alios, inter quos Con-
stantinus Porphyrogenne-
ta in narratione de Edesse-
na Christi imagine per Combefisium edita *p. 79.* epi-
stolæ Christi nonnulla assuit, quæ apud Eusebium non
leguntur. De sigillo, quo Christus hanc epistolam
obsignasse perhibetur, videatur Cedrenus *Compend. hi-
stor. Tom. I. p. 167.* & codex Vindobonensis, de quo a-

A

git

git Lambecius *biblioth. Vindobon. Tom. V. p. 9.* In Armenorum lingua epistolæ illæ leguntur apud Clementem Galanum *de conciliatione eccles. Armenæ cum Romana part. I. c. 6.* Persice exhibentur in evangelica Christi historia per Xavierium conscripta *pag. 355. 356.* Arabice apud Gregorium Abul-Pharajum *in historia Dynastiarum p. 71. & 72.* a quo Arabico exemplari plane diversa est Arabica Christi ad Abgarum epistola, quam ex codice MSC. cum versione sua latina exhibet in notis ad Persicam Christi historiam Ludovicus a Dieu *p. 611. & 612.* Prolixius de illis epistolis egi in Dissertatione de pseudepigraphis Christi, Mariæ & Apostolorum, quæ appendici dissertationis de hæresiarchis ævi apostolici & apostolico proximi adjecta est, ubi & varias veterum quorundam Scriptorum de illis epistolis relationes, & recentiorum quorundam lapsus, nec non varia de istis epistolis judicia recensui, illorumque sententiæ accessi, qui hypobolimæas esse statuunt. In alteram partem inclinat Græbius, qui in Spicilegio Patrum *Tom. I. tam in præfatione p. 1. & seq. quam in notis p. 313. seq.* de his epistolis agit, & inter alia rationes, quibus istæ epistolæ impugnari solent, diluere conatur. Verum argumentis, quæ contra γνησιότητά harum epistolarum urgeri possunt, non satisfacisse Grabium, recte judicat doctissimus Fabricius in codice apocrypho N. T. in quo *p. 316. & seqv.* epistolas illas cum scholiis suis exhibet; præter quem conferri etiam poterit Samuel Basnagius in annalibus politico-ecclesiasticis *A. C. 29. n. 37. & seqv.*

II. Sub B. VIRGINIS MARIAE nomine tres extant epistolæ, una ad Ignatium, altera ad Messanenses, tertia ad Florentinos. Et EPISTOLAM quidem AD IGNATIUM Sixtus Senensis libr. 2. bibliothecæ suæ sanctæ sub voce Mariæ, & plerique Ignatianarum epistolarum editores vulgarunt. Etsi vero Petrus de Natalibus in *cat. g. Sanct. libr. 3. c. 64.* & quidam alii ejus furfuris Scriptores hujus epistolæ meminerint, tanti tamen illorum testimonia non sunt, ut contra totius genuinæ antiquitatis silentium huic epistolæ aliquid autoritatis conciliare possint. Vnde frustraneus est Petri Halloixii conatus, qui *Tom. I. illustr. eccles. orient. Scriptorum pag. 464.* in quæstione singulari, quam suæ pro scriptis Ignatii apologiæ subnectit, hanc epistolam genuinam esse contra Baronium, Bellarminum, & Christophorum a Castro probare contendit. Sanè & ipse Halloixius suis rationibus diffidere videtur. Postquam enim multum pro hac epistola laboravit, tamen in conclusione liberam cuique, quodcunque in hac re voluerit, statuendi facultatem relinquit. Hac igitur libertate utentes Mariæ epistolam ad Ignatium non a beata Virgine, sed ab impostore aliquo scriptam esse judicamus.

III. EPISTOLAM MARIAE AD MESSANENSES Hebraice exaratam A. C. 430. in tabulario Messanenensi repertam tradit in chronico suo Pseudo-Dexter, qui etiam ad A. C. 86. dixerat: *apud Messanenses celebrem esse memoriam B. Virginis Mariæ missa ipsis ab eadem dulci epistola.* Quæ verba explicans

4 CAP. I. DE SCRIPTORIBUS ET SCRIPTIS

Franciscus Bivarius in *notis ad Dextrum* p. 177. hanc epistolam Hispanice & Latine exhibet. Eandem Johannes Baptista Laurus commentario suo de annulo pronubo inseruit, ex quo Rivetus *libr. 2. apolog. pro Virg. Maria c. 9.* hanc epistolam brevi censura addita exhibet. Præter L. Dextrum Adrianus Lyraus in Trifagio Mariano pro hac epistola adducit Constantinum Lascarium, qui hebraice scriptam, & jam olim græce a Paulo translant epistolam in latinum sermonem transmississe perhibetur, ut alios taceam nominatos a Varenio in *rationar. sec. 1. p. 149.* qui omnes istos recentiores esse observat, quam ut autoritate sua hanc epistolam genuinam esse probare possint. De Melchioris Incoferi tractatu, quo hanc epistolam vindicare conatus est, ejusque fati, & duplici editione egi in dissertatione de Pseudepigraphis Christi, Mariæ & Apostolorum *cap. III. p. 115.* Nec minus pro hac epistola pugnant Marcellus Laurus, qui testante bibliotheca Jesuitica concionem de hac epistola Messanæ habuit, & habitam ibidem A. C. 1642. edidit; Paulus Bellius, qui eadem bibliotheca referente tractatum de gloria Messanensium A. C. 1627. Messanæ publicavit, & Benedictus Selvagus, qui sua pro Messanensium pietate apologia epistolam Mariæ ad Messanenses velut nutantem e discrimine eripuit, ut Leo Allatius in suis ad antiquitatum Etruscarum fragmenta animadversionibus p. 94. loquitur. Verum omnes hujus epistolæ Patroni magno conatu magnas nugas egerunt. Quod probe animadvertens Dux Ossunæus, cum ipsi in templo Metropolitano hanc epistolam osculandam & adorandam

randam Archiepiscopus obtulisset, Messanenſium ſuperſtitionem tacite irridebat, longe rectius, inquiens, B. Virgo rebus noſtris conſuluiſſet, ſi locupletes literas cambii nobis reliquiſſet, quibus ad Turcas proſligandos nunc oportune uteremur, ut ex ejus vita per Gregorium Letum deſcripta refert doctiſſimus Fabricius in Codice apocryphi. N. T. p. 846. Memoriam hujus epiſtolæ Franciſcus Carrera in Pantheo ſuo Siculo recolit d. 3. Jun. p. 136. ubi inter alias ineptias autographum hujus epiſtolæ forte a cœlo raptum ſuſpicatur. Quam jacturam ne Meſſanenſes nimium lugerent, Antiſtes quidam Græcus ſpem recipiendi autographi illis fecit, & mox exemplar hujus epiſtolæ hebraice pia fraude ſcriptum ſub lateribus certo loco abſcondit, quam impoſturam poſtea viri religioſi detexerunt, ut narrat Rocus Pirrus in Sicilia ſacra, & ex eo Mabillon *de re diplomatica lib. I. c. 6. p. 25.*

IV. EPISTOLAM MARIÆ AD FLORENTINOS ex Caniſio, Lyræo aliisque Pontificiis Scriptoribus exhibent Varenius *in rationario ſeculi I. p. 148.* & Samuel Andreæ in diſputatione de epiſtolis Mariæ ſub finem, aliique. Et pro hac epiſtola Bivarius in *notis ad Dextrum p. 178.* adducit Hieronymum Savanarolam, qui de hac epiſtola d. 25. Octob. A. C. 1495. concionem ad Florentinos habuit, inter ejus opera editam. Verum operæ pretium non videtur his Mariæ epiſtoliis immorari, quibus commendandis nonnulli Pontificii tantum temporum & chartarum cum oleo & opera perdiderunt.

V. LITURGIAM sub nomine PETRI græce & latine Gulelmus Lindanus Antverpiæ A. 1589. & postea Johannes a S. Andrea Canonicus Parisiensis Parisiis A. 1595. edidit ; quæ posterior editio A. 1624. Austario græco - latino bibliothecæ Patrum Parisiensis tom 2. & bibliothecæ Patrum Parisiensis A. C. 1654. inserta legitur. Hanc Petro suppositam esse prolixè probat Cardinalis Bona *rer. liturg. libr. I. c. 8.* cujus argumenta in dissert. de pseudepigraphis Apostolorum *c. 13. p. 228.* retulimus. Præter Bonam ex Pontificiis hanc liturgiam tanquam spuriam reprobant le Nourry in apparatu ad bibliothecam Patrum Lugdunensem *p. 65. edit. in octav.* Ellies du Pin in *dissert. prelim. ad bibl. diss. 2. c. 6.* Natalis Alexander *hist. eccles. sec. I. part. 1. p. 39.* Labbe *de Scriptor. eccles. Tom. 2.* & alii. Ex Reformatis consuli poterunt Cocus in *censur. Script. eccles. p. 12.* Rivetus *Critici S. libro 1. c. 3.* Mornæus de *Missâ libr. 1. c. 2. p. 44.* Ex nostris Gerhardus *Conf. Cathol. Tom. 1. p. 421.* Varenius in *rationario secul. I. p. 121.* & imprimis Dorscheus in *mysaria Missæ pag. 257.* ubi quam infirma sit, quam Lindanus pro hac liturgia scripsit, apologia ostendit. Puto igitur non prius probatum iri, quod genuina sit hæc Petri liturgia, quam cum Jesuita Raynaudus in tractatu de prærogativis pentecostes christianæ probaverit, duce & auspice Petro primam missam in festo Pentecostes celebratam fuisse : Vnde etiam temere inquit, quo vestium & ceremoniarum apparatu, & juxta quam liturgiæ formam sacrificium illud peractum fuerit. Qua de re ipsi transigendum erit cum Johanne Marone, qui in

com-

commentario ad liturgiam Jacobi apud Ecchellensem in *notis ad Catalogum Hebed Jesu p. 48.* primam Missam in hebdomade, qua Spiritus S. visibiliter super Apostolos effusus est, feria quarta a Jacobo celebratam fuisse tradit.

VI. De EPISTOLÆ AD LAODICE-
NOS, QUÆ PAULO TRIBUI SOLET, variis
editionibus, & occasione hanc epistolam fingendi,
diversisque loci *Coloss. IV, 16.* ubi Paulus epistolæ τῆς
ἐκ Λαοδικείας mentionem fecit, interpretationibus, egi
in dissert. de Pseudepigraphis Christi, Mariæ & Apo-
stolorum c. 6. & num hodierna ad Laodiceños eadem
sit cum illa, quam Hieronymus ab omnibus explosam
asserit, quam Philastrius in ecclesia lectam fuisse ne-
gat, & quam Theodoretus fictam nominat, incertum
esse dixi; certum tamen esse minime dubitavi,
nullam epistolam Pauli ad Laodiceños, quæ ge-
nuina sit, vel olim extitisse, vel hodie extare. In-
ter alia mentionem feci editionis A. C. 1595. a Ste-
phano Prætorio procuratæ. Nunc addo, etiam inter
Prætorii opuscula, ab Henrico Ammersbachio A. 1675.
collecta, hanc epistolam latine & germanice cum non-
nullis prolegomenis & germanico ad illam epistolam
commentariolo legi, & tanquam insigne Pauli scri-
ptum commendari. De editione Wormatiensi A. 1529.
Argentoratensi 1530. Bremensi 1692. & quibusdam aliis
hujus epistolæ editionibus dixi in præfatione ad Biblia
Germanica Lutheri a Clarissimo Dn. M. Reineccio
hoc ipso anno edita. Peculiares autem dissertationes
de

8 CAP. I. DE SCRIPTORIBUS ET SCRIPTIS

de hac epistola ediderunt Argentorati 1671. D. Isaac Faustus, & Gießæ 1680. D. Kilianus Rudrauffius.

VII. Mutuas PAULI AD SENECA M & SENECAE AD PAULUM EPISTOLAS, nempe octo Senecæ ad Paulum, & sex Pauli ad Senecam, & sic in univ ersum 14. in bibliotheca sua sancta *libr. 2. p. 89. & sequ.* edidit Sixtus Senensis. Easdem Jacobus Faber Stapulensis libro 13. suorum in Paulinas epistolas commentariorum inseruit, & suis annotationibus illustravit. Uterque autem has epistolas tanquam genuinas veneratur. Nec alia mens Bivario *in notis ad Dextrum p. 123.* ut nonnullos alios taceamus. Et fatendum quidem est, non recentem esse harum epistolarum notitiam, sed earum meminisse non solum malæ notæ Scriptores, nempe fabulatorem illum, qui Lino tractatum de passione Petri & Pauli supposuit, & Chronographum, qui Lucii Dextri Hieronymo coævi nomen mentitur, sed ipsum quoque Hieronymum in catalogo Scriptorum ecclesiasticorum, & Augustinum in epistola ad Macedonium, quorum autoritate Scriptores nonnulli persuasi, has Pauli & Senecæ epistolas genuinas esse crediderunt. Alii vero, etsi commercium aliquod literarium Senecam inter & Paulum intercessisse concedant, genuinas tamen utriusque literas intercuisse, & eorum loco spurias, quæ nunc circumferuntur, epistolas successisse censent, in qua sententia versatur Natalis Alexander *hist. eccles. sec. I. p. 91.* Verum probabilius statuitur, nullas unquam inter Senecam & Paulum literas reciprocatas, sed illas quoque ab impostore

store quodam confictas fuisse, quas Hieronymus & Augustinus ex vulgi rumore a Seneca & Paulo scriptas referunt. Certe neque Justinus, neque Clemens Alexandrinus, neque Tertullianus, neque Eusebius, neque alii priorum seculorum Scriptores ullam amœbarum Senecæ & Pauli literarum mentionem fecerunt, quam omissuri non fuissent, si aliquam rei tam memorabilis noticiam habuissent. Quicquid autem sit de epistolis Pauli & Senecæ, quas Hieronymus & Augustinus memorarunt, certum est hodiernas *voðeas* suam ubivis prodere. Unde Nicolaus Antonius in bibliotheca veterè Hispanica *libr. I. cap. 8.* epistolas has percurrens in singulis aliquid, quod desideret, deprehendit. Deinde de universis pronunciat, quod neque styli exilitas, neque sensus obscuritas personis illis conveniat. Addit insuper Consulum notas posterioribus epistolis subiectas vitiosas esse. Præterea hæ epistolæ Senecam a christiana religione non alienum indicant, cum tamen ex Tacito constet, quod Seneca jam moriturus stagno calidæ aquæ, quod ingressus fuerat, proximos servorum resperferit addita voce, libare se liquorem illum Jovi liberatori, quæ verba a Christiano homine aliena esse, nemo non videt. De cætero Dupinius in tractatu præliminari, seu prolegomenis ad biblia *lib. 2. c. 7. pag. 119.* epistolas Pauli & Senecæ, quæ hodie circumferuntur, easdem esse cum iis, quæ Hieronymi & Augustini ævo lectæ sunt, ex eo probat, quod verba, quæ ex his epistolis Hieronymus allegat, adhuc in epistola II. legantur. Quod contra doctissimum Basnagium observamus, qui hodiernas Pauli & Senecæ lite-

ras a priscis, quas Hieronymus manibus suis trivit, & oculis usurpavit, diversas esse ex eo probat, quod in hodiernis epistolis illa non legantur, quæ Hieronymus sua ætate in Pauli & Senecæ epistolis se legisse dicit. Observamus tamen etiam adversus Dupinium, quod argumento non plane infallibili utatur. Potuit enim recens quidam impostor verba quædam Hieronymianis similia de industria epistolis a se confictis addere, ut lectores eo magis de antiquitate harum epistolarum persuaderentur. Sed hæc de mutuis Pauli & Senecæ epistolis dicta sufficiant, de quibus plura legere cupientes adire poterunt D. Johannem Albertum Fabricium, qui in codice apocrypho N. T. p. 880. has epistolas denuo cum notis suis edidit, variorumque Scriptorum de illis testimonia cum eruditis scholiis præmisit, ut clarissimorum Virorum D. Ægidii Strauchii, & D. Christiani Kortholti dissertationes de Senecæ christianismo taceamus. Inter eos autem, qui mutuas Pauli & Senecæ epistolas ediderunt, referendus Judocus Chlichthoveus, qui, cum Lovanii A. C. 1513. in ædibus Theodorici Martini Alostensis Pauli & reliquorum Apostolorum epistolas ederet, etiam Pauli ad Laodicenses epistolam, & mutuas Pauli & Senecæ epistolas subjunxit, quas in hac editione multum discrepare ab aliis editionibus ex humanissimis Thomæ Crenii ad me literis intellexi, cujus etiam liberalitati hoc Apostolicarum epistolarum volumen gratus debeo.

VIII. ACTA PAULI ET THECLÆ,
quæ, ut Tertullianus *libro de baptis. c. 17.* & Hieronymus

mus in *Catalogo Script. eccles. c. 7.* testantur, Presbyter quidam Asiaticus sub Pauli nomine confinxit, hodie non amplius extare, dixi in *dissert. de pseudepigr. Christi, Mar. & Apost. c. 5.* Sed postea A. C. 1698. Oxoniæ Johannes Ernestus Grabe in *spicilegio Patrum & Hæreticorum Tom. I. p. 95. & sequ.* edidit Martyrium sanctæ & gloriosæ Protomartyris & Apostolatu defunctæ virginis Theclæ, textui græcō, quem Bodlejana bibliotheca suppeditavit, novam versionem addens, & postea versionem latinam antiquam ex alio Bodlejane bibliothecæ codice subjungens. Et hæc Pauli & Theclæ acta Grabius illa ipsa esse putat, quæ a Presbytero Asiatico conficta Tertullianus asseruit. Verum id mihi minime probabile videtur ob rationes, quas adduxi in tractatu de bibliothecis Patrum *cap. 20. p. 700. & sequ.* ubi illam Grabii sententiam prolixè refutavi. Quamobrem acta hæc Pauli & Theclæ a Grabio vulgata non minus fide indigna judico, quam illa, quæ a Simeone Metaphraste & Basilio Seleuciensi conscripta sunt. Sane si talis & tanta Thaumaturga fuit Thecla, qualem & quantam Grabianus impostor eam fuisse narrat, Lucas Pauli individuus fere comes in actis Apostolicis ejus mentionem silentio prætermisurus non fuisset, cum longe majora & notatu digniora fuerint, quæ impostor Grabianus de Thecla memorat, quam quæ Lucas in actis de Thabea vel Lydia memorat. Valeant igitur aniles illæ de Thecla fabulæ.

IX. LITURGIA MATTHÆI, quæ vulgo Missa Æthiopum & canon universalis inscribitur,

latine edita est in bibliotheca Patrum Parisiensi Bignæi *edit. 1. tom. 4. & edit. 2. tom. 6*, nec non in bibliotheca Patrum Parisiensi Anni 1654. *tom. 6.* & in Lugdunensi *tom. 27.* inter scripta, quorum autores incerti sunt & ætas ignoratur. Nam hujus quoque Missæ & autor & ætas obscura est. Certum tamen est, quod sequiori ævo scripta sit, unde passim ut opus spurium reprobat. Conferantur ex Pontificiis Bona *rer. liturg. lib. I. c. 8.* & Natalis Alexander *secul. I. part. 1. cap. 11. art. 1.* ex Reformatis Rivetus *Critic. s. libr. 1. c. 3.* ex nostris Gerhardus *Conf. Catbol. Tom. I. p. 423.*

X. MATTHÆI TRACTATUS DE NATIVITATE Mariæ quasi a Matthæo hebraice scriptus, & ab Hieronymo latine versus inter pseudepigrapha Hieronymi *tomo 2. editionis Erasmiæ, & tomo 9. Victoriæ editionis*, præmissa Chromatii & Heliodori ad Hieronymum, & Hieronymi ad Chromatium & Heliodorum epistola, legitur. Eundem tractatum novissime in codice suo apocrypho N. T. Dn. D. Johannes Albertus Fabricius denuo edidit, doctisque scholiis illustravit. Neander in epistola nuncupatoria suorum apocryphorum hunc tractatum appellat librum Joachim, sive de nativitate Mariæ. Vincentius autem Bellovacensis in speculo historico eundem nominat historiam Joachimi & Annæ, & Hieronymo ascribit *libr. 7. c. 64.* quemadmodum & Anselmus, Trithemius alique hunc librum Hieronymi titulo dignantur. Sed hunc tractatum neque a Matthæo hebraice scriptum, nec ab Hieronymo la-

latine verum esse facile apparet. Unde illum tanquam spurium reprobant Sixtus Senensis *biblioth. S. libr. 2.* Canus *loc. theolog. libr. II. c. 6.* Petavius *de incarnat. libr. 14. c. 7.* & alii. Eadem sententia est Baronii in *apparat. ad annal. sect. 39. & 44.* quod Baronii iudicium approbat Casaubonus *exercit. 1. ad apparat. Baron. c. 15.* Idem Casaubanus dicto loco in Christophorum a Castro Jesuitam Hispanum invehitur, quod librum hunc pseudepigraphum a pestilentissimo hæretico profectum nugarumque plenum tueri ausus fuerit, quam invectivam repetit Hospinianus in addendis ad tractatum de festis christianis. Sed Rosweidus in lege talionis Christophori a Castro patrocinium contra Casaubonum suscipit *p. 107. & seqq.* At Casaubonum etiam contra Rosweidum prolixè vindicavit Richardus Montacutius in *analect. exercitat. 5. sect. 4. & brevius in apparatu VIII. ad origines ecclesiasticas p. 299.* Cæterum etsi Pseudo-Hieronymus tractatum suum de nativitate Mariæ a tractatu notissimi impostoris Seleuci Manichæi, qui etiam Lucius, Leucius, Leontius, Lentius, Lentitius & Leutitius nonnullis appellatur, distinguere velle videatur, veretur tamen Vossius *de Genealog. Christi p. 34.* ne hic impostor librum, quem ex hebraico sermone se vertisse simulat, vel ex Gnosticorum libro de stirpe Mariæ, vel ex isto Seleuci libro de Mariæ nativitate exscripserit, & tantum nonnulla Gnosticorum & Manichæorum portenta, cæteris fabulis retentis, rescuerit. Quo loco Vossius etiam Jesuitam Hispanum supra memoratum Christophorum a Castro notat, qui autorem hujus libri, si

non Hieronymum, saltem veterem aliquem & pium Scriptorem esse pronunciat, quasi pius esse Scriptor possit, qui sub Chromatii & Heliodori, & maxime Hieronymi larva orbi Christiano turpiter imponere ausus est. Fulberti Carnotensis iudicium de hoc scripto videatur in ejus sermone de ortu almæ Virginis Mariæ, quem edidit Combefisius *Tom. VIII. biblioth. concionator. p. 118.*

XI. LITURGIAM SEU MISSAM JACOBO ASCRIPTAM Romæ 1526. Demetrius Ducas, & Parisiis 1560. Gulielmus Morelius edidit. Ex priori editione textum græcum, ex posteriori latinum mutuatus est Ducas in auctario græco-latino bibliothecæ Patrum Parisiensis 1624. Latine hanc Missam exhibet etiam Gulielmus Eifengreinius de Nemetto Spirensis in primo Centenario adversus Magdeburgenses Ingolstad. Anno 1566. edito *fol. 197. sequ.* ut alias editiones taceamus. Quid ex Johannis Maronis & Dionysii Episcopi Amed commentariis in hanc liturgiam, & Jacobi Edesseni epistola ad Thomam Presbyterum de hac liturgia referat Abraham Ecchellenensis; quid de usu hujus liturgiæ in ecclesia Hierosolymitana ex vita Euthymii tradant in analectis suis græcis Fratres Benedictini e congregatione S. Mauri Parisienses; quos Scriptores pro autoritate hujus liturgiæ Leo Allatius in epistola ad Nihusium, quæ inter *Cyprianæ* ejus legitur, allegaverit; quid contra Richardus Simonius in annotationibus ad apologiam Gabrielis Seyeri, item in tractatu de collatione ceremon-

moniarum judaicarum cum ritibus christianis, liturgiæ Jacobi opposuerit; quas ob causas Jacobi liturgiam a Basilio & Chrysostomo mutatam Proclus in libello de traditione divinæ liturgiæ, & Amphilocheus in vita Basilii tradiderint; & quibus rationibus Jacobi liturgiam Nicolaus le Nourry in apparatu ad bibliothecam Patrum impugnaverit, dixi in dissertatione *de pseudepigraphis Christi & Apostolorum c. 13. thes. 4. & seqv.* Nunc addimus in libro liturgiarum, quo Græci utuntur, legi tantum Missam Chrysostomi, Missam Basilii M. & Missam præ-sanctificatorum, Jacobi autem, ut & Petri, Marci, & Clementis liturgias a Græcis negligi, nisi quod Missa Jacobi semel quotannis in Hierosolymitana ecclesia legatur, ut testatur Allatius *de libr. eccles. Græc. p. 16.* Addimus insuper Petrum Arcudium, cum prius statuisset, Cyrillum Hierosolymitanum uti consuevisse liturgia Jacobi, postea *sub finem c. 33. libr. 3. de concordia ecclesiæ occidentalis & orientalis* sententiam hanc retractasse, cum deprehenderit, a posterioribus Græcis multa addita fuisse. Præterea structuram sermonis in hac liturgia tam elegantem esse observat, ut nulla ex parte hebraïsmum sapiat, ideoque valde sit dubium, an hæc liturgia Jacobum autorem habeat, nisi eam multum mutatam fuisse dicere velimus. At certum est Jacobi liturgiam non tam sequentibus sæculis auctam & interpolatam, quam sub Jacobi nomine confictam fuisse. Unde Pontificii orationes pro defunctis, necessitatem vinum eucharisticum cum aqua miscendi, sacrificium Missæ, & alios errores ex Jacobi liturgia frustraneo conatu probare con-

contendunt. Ante Proclum nulla ejus mentio occurrit. Nam quod Baronius *ad A. C. LXIII. 17.* pro hac Missa Cyrilli Hierosolymitani catecheses allegat, & verba nonnulla Cyrilli ex Jacobi liturgia desumpta esse putat, in eo oppido fallitur, cum verba illa non ex Jacobi liturgia in Cyrilli catecheses, sed ex Cyrilli catechesibus in Jacobi liturgiam transferint. Sane si Patres 4. & 5. seculi Jacobi liturgiam cognitam habuissent, vocem *ὁ υἱος τοῦ πατρὸς* contra Arianos, & vocem *θεοῦ γεννητός* contra Nestorianos ex Jacobi liturgia, quæ utramque vocem adhibet, firmare potuissent. Quamobrem multis post Jacobi ævum seculis hanc liturgiam, quæ Jacobi nomen præ se fert, compositam fuisse necesse est, quod etiam Anachoretarum, Confessorum, Monasteriorum, templorum, aliarumque ejusmodi rerum mentio, & variorum rituum a seculo apostolico alienorum descriptio confirmat. Conferantur quæ contra Jacobi liturgiam proferunt Gerhardus *confess. cathol. Tom. I. p. 418.* Dannhauerus *in Christeid. p. 893.* Varenius *in rationar. secul. I p. 124.* Dorscheus *in Mysaria Miss. p. 251.* Cave *hisor. liter. Scriptorum eccles. p. 9.* Cocus *censur. p. 16.* Rivetus *Critici S. libr. I. c. 3.* Mornæus *libr. I. de Miss. c. 2. p. 39.* Hoornbeck. *miscell. libr. I. p. 41.* Basnag. *annal. polit. eccles. ad A. C. 58. p. 695.*

XII. De PROTEVANGELIO JACOBI egi *in dissert. de pseudepigraphis Christi, Maria & Apostolorum c. 4.* & *in dissert. de Gulielmo Postello thes. 22.* Primum prodiit Basileæ A. C. 1551. ex versione Gulielmi Postelli cum Præfatione Theodori Bibliandri, qui

moniis, non immerito ambigat, concedit tamen quod Nicolaus Methonensis in libello ad hæsitantes asserit, nempe ecclesiæ Alexandrinæ omnino aliquam liturgiam a Marco traditam fuisse. At ne hoc quidem probari posse arbitramur, Marcum Ecclesiæ Alexandrinæ peculiarem aliquam liturgiæ formam scripto tradidisse.

XVI. JOHANNIS MARCI ACTA BARNABÆ græce & latine ex versione Cardinalis Sirleti publici juris fecit Papebrochius in actis Sanctorum Junii *Tom. II. d. XI. p. 431. & sequ.* ubi memorat codicis Vaticani hunc esse titulum: *Περίοδοι καὶ μαρτύριον τοῦ ἁγίου Ἀποστόλου Βαρναβᾶ*, itinerarium & martyrium S. Apostoli Barnabæ. Sed acta ista ex mendaciis consuta esse Baronius *ad A. C. 51.* jampridem judicavit. Nec dubium est, pseudepigrapha esse hæc acta, quicquid Sigebertus Gemblacensis *de Scriptoribus ecclesiast. c. 2.* de passione Barnabæ per Johannem Marcum scripta retulerit. Nec ipse Papebrochius hæc acta pro genuinis venditare audeat.

XVII. De DIONYSII AREOPAGITÆ scriptis egi in dissertatione de Patribus apostolicis §. 41. *& sequ.* Ac primum quidem præcipuas editiones latinas, græcas, & græco-latinas, quæ vel conjunctim Autoris hujus opera, vel separatim unum alterumve opusculum exhibent, nec non codices aliquos MSCros, & varios horum operum Scholiastas recensui. Plures editiones operum Dionysii Areopagitæ recensent Nicolaus le Nourry in apparatu suo ad Lugdunensem Patrum

bibliothecam *libr. I. dissert. 10. c. 21.* & Laurentius Cozza in vindiciis Areopagiticis *part. 2. c. 22.* Deinde paucis probavi, Dionysium Areopagitam, cujus ad christianam fidem conversio in actis apostolicis *Act. XVII, 34.* commemoratur, scripta hæc, quæ sub Areopagitæ Dionysii nomine feruntur, minime elucubrasse. Prolixius hoc argumentum tractavit Johannes Dallæus, qui Genevæ A. 1666. duos libros de scriptis Dionysii Areopagitæ & Ignatii edidit, & in primo libro ultra 40. argumenta producit, quibus scripta, quæ sub Dionysii Areopagitæ nomine circumferuntur, supposita esse probat, variisque eorum, qui contrariam sententiam defendunt, exceptionibus, objectionibus & cavillationibus respondet. Præter Dallæum conferri poterunt Rivetus *Critic. S. lib. I. c. 9. 10. 11.* Cocus in *cenfura quorundam Scriptorum p. 92.* Edmundus Albertinus *de eucharist. libr. 2. p. 260.* Pearsonius in vindiciis epistolarum Ignatii *part. I. c. 10.* Usserius in *dissert. de scriptis Pseudo-Dionysii*, quæ legitur in ejus historia dogmatica de sacris vernaculis, Voetius *part. I. disputt. p. 894.* Hoornbeckius *Miscellan. libr. I. p. 80.* Scultetus medulla Patrum *part. 1. p. 483.* Vedelius *ad epistolas Ignatii p. 125.* & Reformati quod sciam, omnes, e quibus Casaubonus suo Dionysianorum operum exemplari hæc verba adscripsit: *bunc autorem apostolicis temporibus vixisse, stupor est credere, furor velle id aliis persuadere, asinos esse oportet, qui hoc sibi persuaderi sinunt.* E Lutheranis Dionysii scripta hypobolimæa esse judicant post ipsum Lutherum centuriatores Magdeb. *centur. I. p. 625.* Flacius in *responsione ad invectionem Bruni p. 38.* Gerhardus Confess. Cathol.

Tom.

Tom. I. p. 621. & seq. Tubingenses resp. 1. ad Jeremiam Patriarcham p. 174. & respons. 2. p. 315. Dannhauerus in Christeid. p. 901. Bebelius in antiquit. eccles. sec. 4. p. 91. Varenius in rationario sec. I. p. 34. Dorscheus in Syllog. p. 31. & seq. item in indice iniquit. p. 50. & alii. Socinianorum quæ sit sententia, patet ex Socini defensione animadversionum in assertiones Collegii Posnaniensis, ubi asserit pag. 693. (Tom. II. operum) perspicuum esse, quod omnes latinæ ecclesiæ Romano Pontifici non parentes scripta Dionysii Areopagitæ pro adulterinis habeant. Nec desunt inter ipsos Pontificios, qui Dionysium Areopagitam verum esse scriptorum sub hoc nomine editorum autorem sibi minime persuadere possunt, quos inter Laurentius Valla ad Act. 17. Erasmus Roterodamus ad Act. 17. ubi etiam Gulielmi Grocini Angli sententia recensetur, Thomas Cajetanus in commentario ad Act. 17. Cardinalis Bona rerum liturgic. libr. I. c. 8. Christianus Lupus in dissert. de 6. Synodo c. 3. p. 781. & in not. ad Tertullianum de præscriptione p. 159. Papebrochius in responsione ad exhibitionem errorum per Sebastianum a S. Paulo vulgatorum part. 1. artic. 5. p. 144. & part. 2. artic. 13. p. 2. Imprimis vero in Gallia multi docti viri inventi, qui, etsi haud nescirent, Parisienses Theologos A. 1521. Lutherum, & A. 1527. Erasm. Roterodamum eam ob causam gravi censura notasse, quod scripta Dionysii Areopagitæ pro genuinis non agnovissent, non obstantibus illis censuris cum Luthero & Erasmo scripta illa Dionysii Areopagitæ nomen mentiri censuerunt. Nominavi ex his in prædicta dissertatione de Patribus Apostolicis p. 148. Paschasium

Quesnelium cujus sententia de Dionysio Areopagita qualis fuerit, cognosci potest ex ejusdem epistola, in qua post allegatas quinquaginta rationes concludit, Autorem horum operum, quem ortu Judæum, natione Ægyptium, professione Monachum, disciplina Platonicum fuisse asserit, sexto seculo vixisse, & Nestorianorum odio actum plus quam par fuit ad Eutychianorum & Severianorum partes declinasse. Quesnelio *p. 151. & 152.* addidi Gerardum du Bois, qui in historia ecclesiæ Parisiensis *libr. 6. c. 3.* imprimis quatuor illa argumenta urget, quæ jam olim contra *γνησιότητά* Scriptorum Dionysii Areopagitæ a nonnullis adducta fuerunt, & in quibus diluendis Theodorus quidam Presbyter in Photii bibliotheca primo statim loco nominatus, oleum dubio procul & operam perdidit. Adjeci porro *p. 159.* Johannem Launojum, qui hac de re egit in judicio de scriptis Dionysii Areopagitæ, quod inter ejus opuscula de duobus Dionysiis legitur, Johannem Morinum in *tractatu de sacris ordinationibus part. 2. in præfatione ad ritus ordinationum* ex Dionysio descriptos *c. 1. & seqv. p. 23.* & Philippum Labbeum in *addit. ad Tom. I. de Scriptoribus eccles. p. 765.* Nunc ulterius addo Carolum le Cointe in *annalibus ecclesiasticis Francorum Tom. 8. ad A. C. 835. sect. 130. & seqv.* Ludovicum Ellies du Pin in *bibliotheca Autor. eccles. Tom. I. p. 34.* Richardum Simonium in *Not. ad Gabrielis Severi Philadelphiensis Metropolitæ opera*; Isaacum Habertum in *archieratico*; Dionysium Petavium, qui se Dionysii Areopagitæ scripta pro spuriiis habere passim prodit; Nicolaum le Nourry in *apparatu libr. I. dissertat. 10. c. 2.*

Et seqq. tribus; Dn. de Tillemont *in memoriis eccles. Tom. I. p. 134.* item *in notis p. 566. Et seqv.* ubi inter alia asserit, omnes eruditos, qui aliquam antiquitatis notitiam habent, ferme sine omni exceptione in eo convenire, quod scripta Dionysii Areopagitæ nomen ferentia multis post Areopagitæ mortem seculis ab alio quodam composita fuerint; Antonium Godeau, qui *in bistor. eccles. ad A. C. 99.* doctos pæne omnes dubitare dicit, an opera hæc vere sint Dionysii Areopagitæ; & Nicolaum Fabrum, cujus sententiam ex Antonio Mornaco repetit Dallæus de scriptis Dionysii *pag. 205.* Si Tenzelio *in dialogis mensuris A. 1696. p. 80.* fides adhibenda foret, eruditis Gallis, qui Dionysii Areopagitæ scripta pro spuris habent, annumerandus etiam esset Natalis Alexander. Verum hic Tenzelium memoria fefellit. Natalis enim Alexander *dissertat. 21. seculi I.* communem Pontificiorum de Areopagitæ scriptis sententiam sequitur. Est autem communis Pontificiorum sententia, scripta sub Dionysii Areopagitæ nomine vulgata non alium, quam cujus nomen præ se ferunt, autorem habere. Ita sentiunt præter alios Matthæus Galenus in proluxa præfatione ad Hilduini Areopagiticæ *p. 30. seqv.* Jodocus Clichtoveus *in Anti-Luthero libr. I. c. 5. 6. 7. 8. 9.* Martinus Delrio *in vindiciis Areopagiticis*, Leonardus Lessus *in epistola ad Lansfeliū*, & ipse Lansfeliū *in disputatione apologetica de S. Dionysio*, Baronius *in annal. Tom. II. p. 36. Et seq. editionis Romane*, Petrus Halloixius *Tom. I. eccles. Oriental. Script. quest. 2. ad vitam Dionysii p. 175.* Feuardentius *in Theomach. Calvinist. libr. 12. c. 17.* Johannes Novius *in*

*apologia pro scriptis Arcopagitæ contra Laurentium Val-
lam*, Sixtus Senensis *libr. 2. biblioth. sanctæ*, Sanderus *de
visibili monarchia p. 260.* Possevinus *in apparatu Tom. I.*
Andreas Schottus *in sibiis ad Bibliothecam Photii*,
Petrus Annatus *in methodico ad positivam Theologiam,
apparatu libr. 4. art. 9. & alii*, e quibus Emmanuel Schel-
stratenus *in antiquit. illustr. part. 2. dissert. 3. c. 3.* scripta
hujus Dionysii post 10. secula a Luthero primum im-
pugnata fuisse per impudentissimum mendacium ca-
villatur. Idem Schelstratenus *in tractatu de disciplina
arcani c. 7. artic. 2.* causam, quod Dionysii Arcopagitæ
scripta prioribus seculis incognita fuerint, ex disciplina
arcani arcessere conatur, quæ sententia a Tenzelio in
dissert. de disciplina arcani illiusque vindiciis haud im-
merito refutatur, cum non minus absurda sit quam il-
lorum, qui Arcopagitæ scripta primis ecclesiæ seculis
vel a Gentilium Philosophis abscondita, vel ab hæreti-
cis occultata, vel per magnas ecclesiæ calamitates sup-
pressa somniant. Non minus temeraria est Bellarmi-
ni assertio *in tractatu de Scriptoribus ecclesiasticis p. 43.*
asserentis, de Dionysii operibus viros doctos & catho-
licos nihil dubitare, sed solos hæreticos Lutheranos &
quosdam sciolos. Quæ assertio si vera est, ipsum Bel-
larminum neque doctum, neque catholicum, sed vel
hæreticum Lutheranum, vel sciolum fuisse oportet,
cum *libro 2. de confirmatione S. jam vero* Dionysium A-
reopagitam inter illos autores numeret, quos antiquis-
simos & optimos esse ait, licet incertum sit, an sint il-
li, quorum nomina præ se ferant. Inter recentissimos
Pontificios, qui ex instituto Dionysio Arcopagitæ scri-
pta

pta sub ejus nomine vulgata vindicant, est Laurentius Cozza da S. Laurentio Ord. Minor. de observantia, Romanæ Provinciæ Lector Jubilatus, diœces. Viterb. Examinat. Synodal. & S. Congregat. Indicis Consultor, qui Romæ A. 1702. vindicias Areopagiticas in publicam lucem emisit. Duabus autem partibus istæ vindiciæ constant. In priori parte Autor sententiam, quæ Dionysii Areopagitæ opera pro genuinis agnoscit, variorum scriptorum veterum & recentiorum judiciis confirmat. Sunt autem ista judicia S. Maximi, Michaelis Syngeli, Johannis Erigenæ Scoti, Theodori Presbyteri, Anastasii Bibliothecarii, Suidæ, Johannis Saraceni, Thomæ Vercellensis, Alberti Magni, Thomæ Aquinatis, Georgii Pachymeræ, Dionysii Carthusii, Marsilii Ficini, Johannis Trithemii, Jacobi Fabri, & quorundam aliorum seculi 16. & 17. scriptorum, quibus autor suum quoque judicium subnectit, quod tale est, scripta Dionysii Areopagitæ non esse pseudepigrapha, spuria, & supposititia, sed hagiographa, genuina, & a tanto Doctore vere edita, & dementem se fore, si conclamante tota antiquitate, & cunctis fere ab incunte seculo 7. per undecim secula conspirantibus catholicis, hæreticorum judiciis acquiesceret, & multitudine relictâ paucorum sententiam sequeretur. Num vero multitudo errantium errorum parit patrocinium? Et ubi quæso Catholici conspirant, Dionysium Areopagitam genuinum esse? Num ergo hæreticis annumerat Laurentium Vallam, Theodorum Gazam, Antonium Faventinum, Gulielmum Grocinum, Erasmus Roterodamum, Beatum Rhenanum, Johannem Fischerum Roffensem Epi-

Episcopum, Thomam Cajetanum Cardinalem, Cælium Rhodiginum, Georgium Cassandrum, Gabrielem Albaspinæum, Johannem Launojum, Johannem Morinum, Nicolaum Fabrum, Antonium Godellum, Cardinalem Bonam, Christianum Lupum, Danielelem Papebrochium, Paschasium Quesnelium, Gerardum du Bois, Philippum Labbeum, Carolum le Cointium, Elies du Pinium, Richardum Simonium, Habertum, Petavium, Nourrium, Tillemontium & alios? Et ubi quæso universa antiquitas conclamat, Dionysii opera genuina esse? Certe si Justinus, si Irenæus, si Clemens Alexandrinus, si Origenes & alii primitivæ ecclesiæ Patres, qui prioribus quinque seculis floruerunt, ullam horum operum notitiam habuissent, eorum auctoritatem hæreticis, quotiescunque occasio tulit, opponere omisuri non fuissent. Saltem Eusebius in historia ecclesiastica, & Hieronymus in catalogo Scriptorum ecclesiasticorum tanta tanti viri opera, si jam tum in rerum natura fuissent, silentio involuturi non fuissent. Audiamus tamen rationes, quibus Cozza judicium suum confirmare nititur. Prima ratio est, si Dionysius Areopagita non sit verus autor tractatuum & epistolarum, quæ sub ejus nomine circumferuntur, sed alius quidam ab apostolico ævo aliquot seculis remotus, absurdum hoc inde sequi, quod autor horum operum mendax & impostor fuerit. Ego vero sine omni absurditate dici posse arbitror, mendacem & impostorem fuisse, quisquis sub larva Dionysii Areopagitæ scripta illa elucubravit, nec dubito putidissima & viro apostolico indigna mendacia his scriptis contineri, quale est,
cum

qui variis argumentis huic evangelio fidem & auctoritatem conciliare conatur. Inter alia Eusebii & Hieronymi silentium huic evangelio nihil obesse putat, cum Epiphanius utroque antiquior traditionis hujus mentionem fecerit. Qua in re memoria ipsum fugit, cum Eusebius ante quarti seculi medium obierit, Epiphanius autem post quarti seculi medium florere cœperit. Idem Bibliander scriptum hoc non quidem canonicis Scripturis æquiparari, at nec inter apocryphorum deliramenta rejici, sed in ecclesiasticorum & hagiographorum numero haberi velit. Refert etiam Postellum testari hunc libellum publice in orientalibus ecclesiis legi, nec de autore dubitari, & ipsum Postellum æstimare hoc evangelium ut genuinum inter libros Theologicos, & basin atque fundamentum totius historiæ evangelicæ, & initium evangelii secundum Marcum. Primam hanc Basileensem editionem tres aliæ Basileenses secutæ, Latina A. C. 1555. in orthodoxographis Heroldi, & græco-latina in apocryphis Michaelis Neandri A. C. 1564. & in monumentis orthodoxographis Grynæi A. C. 1569. Novissime Hamburgi A. C. 1703. Dn. D. Fabricius in codice apocrypho N. T. hoc protevangelium græce & latine, additis eruditis prolegomenis & scholiis, publicavit. Inconsiderate autem agit Sixtus Senensis, cum *libr. 2. bibl. otb. S.* hæreticos, quos vocat, sui temporis suggillat, quod evangelium hoc pseudepigraphum typis excudi fecerint. Quem imitatus Simonius Protestantibus editionem hujus evangelii exprobrat. Non enim tam Protestantibus hujus evangelii editio debetur, quam Gu-

lielmo Postello homini Pontificio, qui hoc evangelium ex oriente advexit, latine vertit, & Oporino Basileenfi typographo imprimendum dedit, qui tandem Bibliandro adhortante hunc libellum diutius apud se latere noluit. Unde non male Montacutius *in analectis exercit. 5. sect. 3. extat*, inquit, *edente G. Postello, dignum certe patella operculum, Jacobi protevangelium*. Quo loco Montacutius longe aliter quam Postellus de hoc protevangelio scribit. Cum enim Postellus totam evangelicam historiam sine hoc protevangelio ob Atheos periclitari sibi persuaferit, Montacutius observat, quod ex putida hujus protevangeli lacuna multa ridicula, inepta, fabulosa Damascenus, Germanus, Nicephorus, Cedrenus aliique in suas historias, homilias, panegyres, & alia scripta transtulerint. Idem *exercitat. 7. sect. 2.* hoc evangelium insigne cujusdam impii impostoris opus, & hæretici hominis *μυθολόγημα*, dignum Postello & inventore & interprete appellat. Exempla quædam fabularum ex ista mythologia adducit Hoornbeekius *in miscellaneis libr. I. c. 1. p. 31.* Schmidius *in Pseudo-Novo Testamento p. 19. & sequ.* Ellies du Pin *in prolegom. ad bibl. libr. 2. pag. 89.* & alii. Et hæ fabulæ abunde produnt, hujus protevangeli autorem non esse Jacobum Apostolum. Quod etiam Leo Allatius *in notis ad Eustathium p. 285. & sequ.* agnoscit, ubi observat, quod autor hujus protevangeli ab Eustathio in commentario ad hexaemerum *p. 70.* non Jacobus Apostolus, sed *Ἰακώβος τις*, Jacobus aliquis, & ab Epiphanio Monacho *Ἰακώβῳ Ἑβραϊῷ*, Jacobus Hebræus, appellatur.

XIII. NICODEMI EVANGELIUM

de passione & resurrectione Christi Grynæus inter monumenta orthodoxographa, quæ vocat, latine edidit Basileæ 1569. Editionis Lipsiensis A. C. 1516. meminit Sandius *in nucleo hist. eccles. pag. 10.* Editionem Antverpiensem anni 1534. memorat Gesnerus *in bibliotheca univers. p. 517.* Editionis Venetæ A. 1522. (quæ evangelium Nicodemi una cum Mechthildis revelationibus, epistola Lentuli, visione Esaïæ, visione S. Alberti Episcopi Agrippinensis de octo regulis vitæ humanæ meritoriis in Missa sibi oblatis, & Erythræ Sibyllæ vaticinio ab excidio Trojano usque ad sæculi consummationem, exhibet) meminit Voetius *part. 2. disp. theologic. p. 1062.* Versionem germanicam Marpurgi 1555. editam sibi ad manus fuisse refert Christophorus Theodorus Chüden in dissertatione de Pseudo-Novo Testamento, quam sub præsidio summe Reverendi Abbatis Dn. D. Schmidii in Academia Julia 1699. habuit. Ego aliud versionis germanicæ exemplar ad manus habeo, quod neque nomen interpretis, neque locum & tempus editionis indicat. Versio Anglo-Saxonica paucis abhinc annis Oxoniæ prodiit. Novissime Vir celeberrimi nominis D. Joh. Albertus Fabricius in codice apocrypho N. T. Nicodemi evangelium cum scholiis suis vulgavit. Verum quemadmodum imago illa Nicodemi, quæ Lucæ apud Italos Christum crucifixum in regio schemate ita repræsentat, ut ejus caput corona aurea, corpus veste serica, pedes calceis argenteis iisque inauratis exornentur, quemvis potius quam Nicodemum sculptorem habet, etsi vulgus illam statuam a Ni-

codemo fabrefactam sibi persuasum habeat : ita & evangelium, quod Nicodemi dicitur, quemvis potius quam Nicodemum Christi discipulum autorem habet. Tot enim nugis & fabulis oppletur, ut mirum foret, si Copti in Missa sua illud legerent, quod Sandius in nucleo suo eumque secutus Hallervordius in bibliotheca sua curiosa *p. 284.* asseruerunt. Verum doctissimus Ludolfus *in commentar. rer. Æthiop. p. 18.* me docuit, Nicodemi evangelium, quod Coptitæ in Missa sua legunt, non esse apocryphum hoc & adulterinum Nicodemi evangelium, de quo nunc agimus, sed Christi cum Nicodemo colloquium, quod Johannes in sua evangelica historia retulit, ut jam alibi monui, nempe in dissertatione de Patribus apostolicis, quam bibliothecæ Patrum apostolicorum a me editæ præfixi *thef. 15. & 16.* ubi etiam speciminis loco aniles quasdam fabulas hoc evangelio comprehensas retuli. Idem autem evangelium Nicodemi nonnunquam etiam *act. 1. Pilati* nominari observat Daenius in præfatione ad Hieronymi cujusdam Græci disputationem, additque catalogos Anglicanos autorem hujus evangelii prodere Gregorium Turonensem. Quod Daenius ex Casparis Barthii notis ad Gallum Confessorem *p. 108.* depromsit, ubi recte observatur, frivolis ejusmodi commentis, qualia Nicodemi evangelium exhibet, non tam ecclesiæ deserviri, quam eandem hostium suorum ludibrio exponi.

XIV. Progredior ad EPISTOLAM BARNABÆ, cujus prima editio Oxoniensis a Jacobo Vsserio procurata antequam absolveretur, incendio periit.
Hanc

Hanc excepit Hugonis Menardi editio græco-latina, quæ ejusdem notis illustrata cum præfatione Lucaë Dacherii Parisiis 1645. lucem publicam aspexit. Secutæ editiones Amstelodamensis A. 1646. ab Isaaco Vosio procurata, Helmstadiensis 1655. a Madero vulgata, Parisiensis 1672. inter Patres apostolicos Cotelerii, Lugdunensis Batavorum 1685. inter varia sacra Stephani le Moyne, Oxoniensis eodem anno e theatro Sheldoniano, & Antverpiensis 1698. seu potius Amstelodamensis inter Patres apostolicos Johannis Clerici, de quibus editionibus egi in dissertatione de Patribus apostolicis, quam bibliothecæ Patrum apostolicæ græco-latinae a me editæ præmissi, ubi etiam germanicam Godofredi Arnoldi, & Anglicam Gulielmi Wakai versionem memoravi. Novam editionem omnibus hætenus recensitis præstantiorem cum notis Dodwelli & Bernardi prelo paratam esse indicat Dn. Cave *Scriptor. eccles. histor. liter. part. 2. p. 12.* Cujus novæ editionis promovendæ gratia etiam Papebrochius rogantibus viris doctissimis Johanne Millio & Thoma Smith, græca quæ ad Barnabam habuit ad Dodvvelum misit, ut testatur ipse Papebrochius in actis Sanctorum Jun. *Tom. II. p. 460.* Quis autem epistolæ hujus autor sit, eruditi certant, & adhuc sub judice lis est. Equidem Clemens Alexandrinus *libr. 2. Stromatum* autorem hujus epistolæ Barnabam Pauli adiutorem & unum ex 70. Discipulis, quem modo Apostolum Barnabam, modo Apostolicum Barnabam nominat, fuisse asserit. Nec desunt inter recentiores, qui hanc epistolam genuinum Barnabæ Viri Apostolici foetum esse judicant, e quorum

numero Anglicus interpres Wakæus, qui propterea hanc epistolam omni errore liberam ejusque autoritatem humana majorem esse statuit, Placidus Puccinellus, qui A. 1649. Barnabæ epistolam latine in Italia vulgavit, eamque Viro Apostolico Barnabæ ascribere non dubitavit. Eandem sententiam fovent Isaacus Vossius *in notis ad epistolam Barnabæ p. 309.* Bullus *in defensione fidei Nican. p. 29.* Hammondus *diff. I. de jur. Episc. p. 22.* Pagi *ad A. C. 49. num. 4.* Ex nostris Calovius *in confessione Martyrum cap. 1. sect. I.* Bebelius *antiquit. eccles. sec. I. p. 2.* Ex Novatoribus Arnoldus in prolegomenis ad germanicam hujus epistolæ versionem, Peterfenius in nube testium veritatis *libr. 2. pag. 58. & alii.* Etsi vero Pearsonius in lectionibus ad acta Apostolorum *p. 44.* asserat, neminem fuisse, qui hanc epistolam Barnabæ Pauli comiti non tribuerit, contrarium tamen haud difficulter demonstrari poterit. Quod enim Barnabas Pauli cooperarius hanc epistolam scripserit, non credidit Gul. Laudus in epistola ad Hugonem Menardum, nec ipse Menardus epistolæ hujus editor. Conferantur etiam Cotelerius in prolegomenis ad epistolam Barnabæ, Stephanus le Moynes *in dissertatione de Barnaba*, Tillemontius *hist. eccles. Tom. I. p. 689.* Spanhemius *in introductione ad historiam eccles. sec. I. sect. 10. & in quaternione dissertat. p. 310.* Natalis Alexander *hist. eccles. Tom. I. pag. 616.* Bochartus *in hierozoico Tom. I. pag. 1000.* Dallæus *de pseudepigraphis apostolicis libr. 2. c. 4.* Gatakerus *in cinn. p. 12.* Suicerus *in thesauro ecclesiastico p. 1192.* & plures alii, qui varia in epistola Barnabæ deprehenderunt, quæ

quæ Pauli Apostoli cooperario non bene congruunt, unde illum hujus epistolæ autorem esse sibi persuadere non possunt. Num vero duo fuerint Barnabæ, unus major, nempe Pauli cooperarius, & alter minor, epistolæ hujus autor, quæ Schotani est sententia in *diatriba de autoritate versionis LXX. p. 117.* an forte Judæus aliquis Alexandrinus ad Christianam fidem conversus, Imperatoris Hadriani temporibus hanc epistolam elucubraverit, ut Tenzelius in *florum sparsione ad Hieronymi catalogum Scriptor. eccles. c. 6. p. 17. & sequ.* prolixè probare satagit, suo loco jam relinquimus. Id certum est, satis antiquum esse hujus epistolæ autorem, cum Clemens Alexandrinus & Origenes ejus testimoniis usi fuerint. Nec minus certum est, quod hæc epistola ab Eusebio *libr. 3. c. 25.* adulterinis scriptis annumeretur, & Hieronymus in catalogo suo hanc epistolam inter apocrypha legi testetur, h. e. inter pseudepigrapha & suppositicia, quo sensu Hieronymus sæpius in catalogo suo apocryphi voce utitur. Ceterum de veteri hujus epistolæ interprete nihil addimus, quem Philastrium Brixientem Episcopum fuisse ex fide codicis Manuscripti Corbejensis refert Papebrochius in *actis Sanctorum Junii Tom. II. pag. 457.* ubi typographi vitio pro Philastrio Philostorgius ponitur, quod erratum *p. 460.* iterum obrepit. Imprudenter autem agit Ellies du Pin in *bibliotheca Autor. ecclesiast. Tom. I. p. 15.* cum eos imprudentiæ arguit, qui hanc epistolam a Barnaba Apostolo scriptam negant, quasi ipsi sint perspicatiores, quam Clemens Alexandrinus & Origenes Barnabæ ayo longe propiores. Qua ratione Dupinius

sibimet ipsi imprudentiam exprobrat, cum & ipse nonnunquam tanquam spuria rejiciat, quæ Clemens Alexandrinus & Origenes tanquam genuina commendaverunt.

XV. MARCI LITURGIAM Johannes a S. Andrea Canonicus Parisiensis Parisiis A. 1583. græce & latine vulgavit, & Fronto Ducaus A. 1624. ibidem bibliothecæ Patrum græco-latinae inseruit. Sed hanc liturgiam tanquam spuriam rejicit Theodorus Balsamon, ut patet ex supplemento locorum Balsamonis, quæ in codicibus MSCTis Parisiensibus desiderata, & ex Vaticanæ bibliothecæ codicibus exscripta sunt ad canonem 32. Synodi in Trullo p. III. etsi Beveregius *in annotat. ad Synodicon p. 134.* verba illa de Marci liturgia ex scholio alterius cujusdam marginali Balsamoni addita fuisse suspicetur. Quicquid autem sit de illo supplemento, certum interim est, Marci liturgiam nullius fuisse apud Balsamonem autoritatis. Nam ad 1. interrogationem Marci cujusdam in Jure græco-Romano *libr. 5. p. 362.* respondet, quod nec S. Scriptura, neque canon aliquis Synodice editus, liturgiam aliquam a Marco conditam fuisse tradat, ideoque hæc liturgia recipi non debeat. Nec immerito Balsamon Marci liturgiam rejiciendam esse censuit. Multa enim in hac liturgia occurrunt, quæ ab apostolico ævo aliena sunt, ut probant Natalis Alexander *sec. 1. part. 1. p. 84.* Nourry *in apparatu diff. 2. c. 3.* aliique. Cardinalis autem Bona *de rebus liturgicis libr. 1. cap. 8.* et si illam, quæ ad nos pervenit, a Marco scriptam esse, deficientibus per multa secula veterum Patrum testi-

mo-

cum hic Pseudo-Dionysius *in libro de divinis nominibus cap. 3.* fingit se & Hierotheum, & Timotheum, & multos alios fratres, & ipsos divino spiritu plenos Hierarchas, præsente etiam Jacobo & Petro Apostolis, Hierosolymis ad contuendum B. Virginis corpus convenisse, cui fabulæ neminem nisi delirantem vel omnis judicii expertem fidem adhibiturum existimo. Quo sine autem hic impostor apostolicam ætatem simulaverit, & sub hac larva nugarum fumos vendiderit, non opus est ut hic prolixè disquiramus. Secunda Cozzæ ratio est, quod Antiareopagitæ, ut ita loquar, de tempore, quo scripta hæc supposita perhibentur, non conveniant. Et negari certe non potest, esse in hac questione, inter eos, qui Dionysii Areopagitæ opera spuria esse consentiunt, aliquem dissensum. Nonnulli enim hunc scriptorem cum Pearsonio in vindiciis epistolarum Ignatii *part. 2. c. 10.* postremis Eusebii temporibus scripsisse conjiciunt, quæ ratione Pseudo-Dionysius ad quartum seculum referendus esset, quæ sententia illis etiam placuit, qui vel Apollinarium sive Seniorem sive Junioem, vel Didymum sub Dionysii Areopagitæ nomine latere judicant, ut Centuriatores *cent. 4. p. 1129.* Bebelium *sec. 4. part. 1. p. 91.* & alios, qui Pseudo-Dionysium ad quartum seculum retulerunt, taceamus. Alii cum Ulserio in dissertatione de scriptis Dionysii Areopagitæ scriptorem hunc ad quintum seculum rejiciunt, cui sententiæ etiam favet Josephus Scaliger *de emend. temp. l. 6. p. 539.* Nec desunt, qui cum Dodwello *in tractatu de jure laicorum sacerdotali p. 389.* scripta Dionysii Areopagitæ nomen præ se ferentia

sexto seculo (non tantum ætate Gregorii M. ut Cozza Dodwelli sententiam refert) sed forte ab ipso Gregorio M. supposita fuisse suspicantur. Veruntamen ex isto dissensu inferri non potest, eorum sententiam præferendam esse, quæ hæc scripta genuinum Dionysii Areopagitæ fœtum esse profitentur. Qualis enim est hæc consequentia: Antiareopagitæ non conveniunt, an Scriptor hic quarto, an quinto, an sexto seculo floruerit, ergo verum est, quod patroni operum Areopagitæ asserunt, nempe quod scriptor hic apostolica ætate vixerit, & verus sit operum sub ipsius nomine editorum autor? Annon etiam Patroni operum Areopagitæ inter se dissentiunt, dum alii hæc scripta Patribus primitivæ ecclesiæ cognita fuisse, alii vero eadem prioribus seculis in occulto mansisse tradunt, cujus occultationis causam alii inter ipsos infelicibus ecclesiæ factis, alii Philosophorum Gentilium astutiæ, alii Hæreticorum perfidiæ, alii ipsi Dionysio, qui scripta sua ob sublimitatem non revelari voluerit, tribuunt. Num vero Cozza ex isto dissensu inferri patietur, opera Dionysii Arcopagitæ esse spuria & pseudepigrapha? Tertiam rationem Cozzæ suppeditat materia horum operum, quam per omnia ætati Dionysii Areopagitæ consentire somniat. At quam falsum hoc sit, res ipsa loquitur. Sane jam olim Theodori Presbyteri tempore nonnulli hoc Dionysii Arcopagitæ scriptis objiciebant, quod in illis variarum traditionum mentio fieret, quæ post Apostolorum ætatem successu temporis in ecclesia invaluerunt, & Theodorum quidem & hanc & alias difficultates Dionysii scriptis objectas pro virili dissol-

ve-

vere studuisse testatur Photius *cod. 1. sue bibliotheca*, at quomodo Theodorus id præstiterit, neque Photius indicat, neque aliunde constat. Quarta Cozzæ ratio in eo posita est, quod a tempore, quo hæc scripta Dionysii cognita, examinata & probata fuerunt, nemo, nisi forte aliquis sciolus ausus sit iis contradicere, donec post plura secula Lutherus & alii Novatores hæc scripta impugnarunt. At non latuit Cozzam primum cognita fuisse Dionysii Areopagitæ scripta in collatione Orthodoxos inter & Severianos instituta, & in illa ipsa collatione Severianos hæreticos ad Dionysii Areopagitæ scripta provocasse, Orthodoxos autem scripta illa respuisse, quæ collatio circa A. C. 533. instituta est, & a Labbeo exhibetur *Tom. IV. Concil. p. 1763*. Nec latuit Cozzam post illam collationem Dionysii scripta laudata fuisse ab his culpata ab illis, quod patet ex S. Maximi præfatione ad scholia in Dionysium, & Theodori Presbyteri scripto apud Photium loco paulo ante allegato. Postea sequiori ævo, cum & in literis barbaries, & in religione superstitio crevit, simul etiam opinio de genuinis Dionysii Areopagitæ scriptis in illa temporum caligine invaluit, donec in ipso renascentium literarum diluculo Valla, Cajetanus, Erasmus, Lutherus alii-que larvam huic Scriptori detraherent. Quinta Cozzæ ratio ab antiqua & legitima operum Dionysianorum possessione arcessitur. Quam possessionem probaturus ex primo vel secundo seculo testem Ignatium producit, quem in epistola ad Trallianos ea, quæ de Angelis & cœlestibus virtutibus differit, ex Dionysii Areopagitæ scriptis mutuatum suspicatur. Sed quo-

modo Ignatius illa ex Dionysio mutuari potuit, cum Ignatiana Angelicorum ordinum enumeratio a Dionysiana multum differat? Præterea, si *Baronium ad A. C. CIX. n. 35.* sequamur, Ignatius omnium primus novem Angelorum ordines conjunctim enumeravit, & ante Dionysium Areopagitam scripsit, quæ Baronii sententia si vera est, necesse est falsam esse Cozzæ sententiam, qui cum Gulielmo Budæo statuit, Ignatium novem Angelorum ordines a Dionysio didicisse. Præterea locus ille Ignatii non in sincera, sed interpolata ejusdem ad Trallianos epistola legitur. Ex tertio seculo Cozza Origenem & Dionysium Alexandrinum, ex quarto Gregorium Nazianzenum, Athanasium, Hieronymum, & Chrysostomum, ex quinto Basilium Seleuciensem, Cyrillum Alexandrinum, & Andream Cæsariensem allegat. Verum illa Patrum testimonia partim ex dubiis & spuriiis illorum scriptis desumpta sunt, partim nullam plane Dionysii mentionem faciunt, aut, si faciunt, de quo Dionysio sermo sit, in ambiguo relinquunt; partim quidem sententias aliquas exhibent, quæ ex Dionysio Areopagita depromptæ videri possunt, ita tamen comparatæ sunt, ut rectius Pseudo-Dionysius illas ex istis autoribus mutuatus dicatur, quæ de re in dissertatione de Patribus apostolicis *p. 144. & seqv.* jam aliqua breviter monui, nec ut plura addam opus est. Patrum 6. 7. & sequentium seculorum additione Cozza supersedere potuisset, cum illis temporibus Dionysii Areopagitæ opera jam cognita fuisse utrinque concedatur. Nec video, quid Cozzam juvare possit catalogus Patrum, qui Dionysii Areopagitæ me-

mi.

minerunt, per secula distributus, & ex Lansfelii disputatione apologetica de S. Dionysio repetitus. Non enim quaestio est, an singulis seculis Dionysii Areopagitæ mentio facta fuerit, sed an singulis seculis Dionysii Areopagitæ scripta cognita, & pro genuinis habita fuerint. In altera vindiciarum suarum parte Cozza eorum judicia recenset, qui Dionysii Areopagitæ opera spuria esse minime dubitarunt, & objectiones ab illis motas solvere conatur. Multum igitur se torquet, quomodo Dionysius Areopagita Timotheo pridem defuncto scripta aliqua dedicare potuerit? quomodo hic Dionysius sententiam aliquam ex Ignatii epistola ad Romanos allegare potuerit, cum tamen mortuus fuerit antequam Ignatius epistolam ad Romanos scriberet? quomodo Dionysius Apostolorum coætaneus tot traditiones & tantum ceremoniarum apparatus circa templa, altaria thurificationes, catechumenos, poenitentes, energumenos, Monachos, eorumque habitum & tonsuram, baptismi & eucharistiæ administrationem, mortuorum exequias, & alia in scriptis suis commemorare potuerit, cum tamen illi ritus Apostolorum ævo in ecclesiam inveci nondum essent? & quæ sunt plura ejusmodi dubia, quæ quam infelici successu Cozza enodare annisus fuerit, instituti nostri ratio non patitur, ut multis exponamus. Eodem autem anno, quo in Italia Cozza pro vindiciis scriptorum Dionysii Areopagitæ peculiarem librum edidit, nempe A. 1702. etiam in Gallia Parisiis novus Dionysii Areopagitæ vindex prodiit, qui Gallice peculiarem librum de Dionysio Areopagita in lucem publicam emisit.

Et si autem autor nomen suum suppresserit, prorsus tamen latere non potuit. Nam Michael Felibien Monachus Benedictinus e Congregatione S. Mauri in historia Abbatiae S. Dionysii Autorem hunc anonymum prodit, & Claudium Davidem appellat. Tribus autem capitibus hac Davidis dissertatio constat. Primo probandum suscipit, omnes ecclesiae Patres, omnes summos Pontifices, omnia concilia, omnes celebres Doctores & Historicos opera Dionysii Areopagitae pro genuinis agnovisse, siue ante collationem Constantinopolitanam cum Severianis A. 533. institutam, siue durante illa collatione, siue post illam vixerint. Sed quam miserabilis est asserti hujus probatio! Primus Patrum, quos allegat, est Dionysius Alexandrinus tertii seculi scriptor, quem scholia in Dionysium Areopagitam elucubrasse ex fide recentiorum quorundam Scriptorum memorat. At recentioribus illis Scriptoribus antiquiores opponi possunt, qui de istis Dionysii Alexandrini scholiis silent, quin etiam recentiores illi, quos adducit, Scriptores sub Dionysii nomine non celeberrimum illum tertii seculi Scriptorem, sed Dionysium quendam Rhetorem intellexisse videntur. Alter testis, quem pro Dionysio Areopagita ex Patribus producit, est autor quaestionum ad Antiochum, qui sub Athanasii larva prodiit, omnique fide indignus merito judicatur. Pseudo-Athanasium in hac Claudii Davidis dissertatione excipit Nazianzenus, qui num per aliquem ex Majoribus, qui de hymno angelico optime philosophatus est, Dionysium Areopagitam Pauli discipulum intellexerit, unde constabit? Locus Chrysostomi,

mi, qui Dionysium Areopagitam volucrum cœli appellasse dicitur, ex spuria ejus de Pseudo-prophetis homilia desumptus est. Johannem Darent & Isaacum Syrum, quos Patribus quarti seculi Claudius David annumerat, longe recentiores esse Johannes Morinus abunde probavit. Cyrilli Alexandrini libros, e quibus Acephali Dionysium Areopagitam allegarunt, Orthodoxi a Cyrillo Alexandrino scriptos esse inficiati sunt, ut refert Liberatus *in breviario c. 10.* Quæ de Juvenali Hierosolymitano in gratiam Dionysii Areopagitæ referuntur, unius Nicephori fabulosi & mendacis Scriptoris fide nituntur. Eat ergo nunc Claudius David, & probet universos S. Patres Dionysii Areopagitæ opera tanquam genuina commendasse, cum ne unum quidem ex quinque prioribus seculis probatum Patrem nominare potuerit. Eat nunc & probet universa sacra concilia de genuinis Dionysii Areopagitæ scriptis testari, cum tamen ex tot priorum seculorum conciliis ne unicum quidem pro Dionysio allegare potuerit. Eat & probet omnes summos Pontifices Dionysii Areopagitæ scripta tanquam genuina approbasse, cum ne unicum quidem ex Romanis priorum seculorum Pontificibus allegare potuerit. Unde tandem ad fabulosa miracula conversus Dionysii Areopagitæ scripta ab ipso cœlo confirmata fuisse vanissime nugatur. In capite secundo hujus dissertationis ex optimis regulis criticis, quibus scripta genuina a spuris distinguere solent, probare conatur scripta Dionysio Areopagitæ tributa legitimum esse hujus autoris factum. Verum ex ejusmodi criteriis contrarium potius
cla-

clarissime evinci potest. Est certe criterium scripti pseudepigraphi, si autor aliquis pro antiquo venditur, & omni tamen sanæ antiquitatis testimonio destituatur, si in scripto aliquo, quod apostolicæ ætatis esse fingitur, mentio fiat talis disciplinæ aut politiæ, taliumque rituum & cerimoniarum, quæ longe recentiores sunt apostolica ætate, si in scripto aliquo, quod illustri viro tribuitur, insignes parachronismi, aut etiam historiæ probatis Scriptoribus incognitæ, & cum circumstantiis personarum, loci, temporis, aliisque male coherentes occurrant, si in scripto primam antiquitatem mentiente pueriles fabulæ & aniles næniæ referantur, si scriptor aliquis hæresium suo ævo nondum motarum mentionem faciat, ut alia hujusmodi criteria taceamus, quæ operibus Dionysii Areopagitæ ad *veritatem* eorum probandam facili negotio applicari possunt. Tertio denique & ultimo hujus dissertationis capite Claudius David ad illos progreditur, qui Dionysii Areopagitæ opera spuria esse censent, tam Anonymos, quam certo nomine signatos, tam veteres, quam recentiores, tam Lutheranos & Reformatos, quam Pontificios, & in his Vallam, Erasmus, Morinum, Launojum, Tillemontium, Quesnelium, & Petavium, & ad argumenta horum Antiareopagitarum respondere conatur. Verum non minus ac Cozza, & alii quidam scriptorum Areopagitæ vindices, magno conatu magnas nugas venditat, & miramur in hodierna literarum luce quemquam adhuc inveniri, qui ista scripta tanquam genuina venerari possit. Multo magis miramur Joh. Wilhelmum Petersenium in Lutherana eccle-

clesia educatum, qui tamen postea ad Libertinos nostri temporis defecit, in nube testium *libr. 2. p. 64.* eo absurditatis procedere, ut eos falli putet, qui Dionysium hunc hypobolimæis Scriptoribus annumerant, & contra asserere minime dubitet, Scriptorem illum divinissimum divino actum spiritu res sublimissimas consignasse. Easdem cum Petersenio tibias inflavit ejusdem furfuris Scriptor Godofredus Arnoldus, qui in historia sua ecclesiastica & hæresiologica *lib. 1. c. 2. §. 9. & 10.* scripta sub Dionysii Areopagitæ nomine conficta tanquam genuina defendere non dubitavit, quo nomine ipsum merito castigavit Dn. D. Feustkingius in Arnoldo *ἀνισογενίας* in re sacra convicto. Alibi tamen Arnoldus hunc Scriptorem vocat den Autorem, der sich unter den Nahmen Dionysii Areopagitæ versteckt gehabt / quam inconstantiam Arnoldo exprobrat Corvinus in der gründlichen Untersuchung *c. 21. §. 18.* Conferatur etiam Arnoldi tractatus *de historia & descriptione Theol. mystic. c. 10.* ubi se Dionysium hunc primis duobus seculis inferere noluisse dicit, cum plerique Scholasticorum, quos vocat, adeo ipsi adversentur, ut nullo modo eum Pauli discipulum & primævæ ecclesiæ Doctorem agnoscere velint, etsi paulo post Dionysii hujus characterem omnino apostolicum & divinum ab illuminatis reperiri tradat. Unde mirum est, Arnoldum, qui dubio procul se inter illuminatos esse judicat, in Scholasticorum gratiam Dionysium Areopagitam primi & secundi seculi Scriptoribus inferere ausum non fuisse. Postea, a quibus Dionysii scripta allegata, laudata & commendata, scholiis illustrata & latine versa

fuerint, recenset, & inter alia a Jacobo Thomasio Ambrosium Camaldulensem cum Ambrosio Calepino confundi animadvertit, varias quoque operum Dionysii Areopagitæ editiones commemorat, Laurentium autem Vallam & Erasmus hæc in dubium vocare conatos fuisse dicit, cum uterque literatus, & ideo spiritualia spiritualiter judicare incapaces fuerint. Quæ ratio si valeat, etiam ipse Dionysius Areopagita, cum literatus dubio procul, & inprimis in Platonica Theologia, quæ apud illuminatos magni æstimatur, probe versatus fuerit, spiritualia spiritualiter judicare incapax fuisse dicendus erit. Varias insuper operum Dionysii Areopagitæ editiones Arnoldus hic recenset, & tandem, quam discrepantes Protestantium sententiæ de his scriptis fuerint, exponit, & tam quæ rationes pro Dionysii scriptis, quam quæ contra illa allatæ fuerint, exponit, observans, Protestantes semel inchoata adversus Romano-Catholicos lite & disputatione, partim pro interesse suo non aliter potuisse, quam hæc Dionysii Areopagitæ, & similia antiqua scripta posthabere vel postponere, partim etiam ob innumerabiles verbales literalesque disputationes parum internæ & abstractivæ huic docendi methodo attendere potuisse, quæ quietam, abstractam & pacificam requirat vitam, quin etiam ipsos plerumque seculari & mundano externoque vivendi genere his rebus minime quadrante involutos esse. Si autem Protestantes plerique seculari & mundano externoque vivendi genere his rebus mysticis minime quadrante involuti de scriptis Areopagitæ non recte judicare poterunt, quæ impudens Arnold-

noldi est calumnia, quomodo Pontificii mundano, seculari & externo vivendi genere involuti eandem cum illuminato Arnolde sententiam de genuinis Arcopagitarum scriptis sententiam fovere poterunt? & si Protestantes cœpta semel contra Pontificios lite ob innumera- biles verbales & literales disputationes de Dionysio minus dextre judicare potuerunt, quomodo Arnoldus, qui tot lites in historia sua ecclesiastica & aliis scriptis contra Protestantes instituit, nihilominus internæ & abstractivæ huic docendi methodo, quæ juxta ipsum quietam & pacificam vitam requirit, attendere potuit? o cœcas talium illuminatorum mentes! o pe- ctora cœca!

XVIII. De MARCELLI CONFLICTU SIMONIS PETRI CUM SIMONE MAGO, quem mutilum Ludovicus Jacobus a S. Carolo ad calcem bibliothecæ suæ Pontificiæ, integrum Fridericus Nausea inter rhapsodias de vitis, miraculis & passionibus Apostolorum sub nomine Anonymi Philalethi Eusebiani editas, & Franciscus Maria Florentinius in martyrologio Hieronymiano ediderunt, egi in dissertatione de Hæresiarchis ævi apostolici *Sect. I. c. 2. tb. 7. & in appendice hujus dissertationis c. 2. thes. 13. 14. 15. & 16. ut & in dissertatione de Patribus Apostolicis p. 24.* Nec opus est, ut ista hic repetam. Addo tantum judicium celeberrimi Cave in historia literaria Scriptorum ecclesiasticorum his verbis expressum: *ego, si tanti res esset, ut conjecturis indulgerem, hunc libellum potius Marcello I. Episcopo Romano tribuendum esse existimarem.*

XIX. PRESBYTERORUM ET DIACONORUM ACHAJÆ de passione Andreæ epistolam post Mombrinium Lipomannum & Surium in actis Sanctorum edidit Laurentius de la Barre in historia sua christiana, & Andreas du Saussay in tractatu de gloria Andreæ. Num Baronius hanc epistolam ut spuriam rejecerit, ut nonnulli contendunt, disquisivi in dissertatione de Patribus Apostolicis *thes.* 25. Ibidem indicavi, quibus argumentis Andreas du Saussay hujus epistolæ γνησιότητι & authoritatem probare sategit, & quid de ejus responsionibus ad Edmundi Albertini objectiones sentiendum videatur *thes.* 26. breviter indicavimus, simulque hanc epistolam omnino pseudepigraphis scriptis annumerandam esse judicavimus, qua in re nonnullos ex ipsis Pontificiis, & in his Dupinium *biblioth. Script. eccles. Tom. I. p. 27. lat. editionis*, & Tillemontium *in memoriis hist. eccles. Tom. I. p. 620. & seq.* consentientes habemus.

XX. ABDIÆ BABYLONII HISTORIAM CERTAMINIS APOSTOLICI primus Basileæ A. 1552. edidit Wolfgangus Lazius, quem miramur hos carbones a se inventos pro magnis thesauris venditasse. Plures editiones indicat Fabricius in codice apocrypho N. Test. ubi & ipse post alios denuo hunc Scriptorem cum suis annotationibus vulgavit *pag. 388. & seqq.* Abdiæ historiam cum Manuscriptis Gladbachensibus ab Henrico Rosvveido diligentissime collatam memorat Papebrochius *Tom. 2. actorum Junii p. 435.* ubi etiam eandem historiam cum præfatione Melitonis.

nis Episcopi, manu Reinoldi Dehnii ex plus quam sexcentorum annorum codice Henrici Julii Baronis de Blum transcriptam addit. Qui autem Abdiam etiam in bibliothecis Patrum quærendum existimant, eos vel aliorum autoritas, vel sua ipsorum memoria fefellit.

XXI. LINI LIBRI DUO DE PASSIONE PETRI ET PAULI bibliothecis Patrum, ut & Jacobi Fabri Stapulensis Commentario in epistolas Paulinas, & Laurentii de la Barre historiæ christianæ inserti sunt. Eos in monumentis orthodoxographis Basileensibus græce editos dum Labbeus *tom. 2. de Scriptor. eccles. p. 28.* asserit, dupliciter magnus hic Criticus & gravissimus aliorum censor labitur. Nam primum hi libri in monumentis Orthodoxographis Basileensibus ne latine quidem extant. Deinde hi libri nunquam græce prodierunt, & ne quidem græce unquam scripti sunt, quicquid Sixto Senensi *libr. 2. Biblioth. S. p. 78.* & aliis nonnullis videatur. Non minus dupliciter labitur Ulricus Velenus in libro, quo Petrum Romanum non venisse probat, cum Lini libros a Jacobo Fabro latinitate donatos tradit. Nam græce nunquam scripti sunt, & a Fabro quidem latine editi, non autem latinitate donati. Ludovico Jacobo a S. Carolo, qui in bibliotheca sua Pontificia *libr. 1. p. 153.* Lini libros de martyrio Petri & Pauli Vefontione in Gallia puros & sinceros asservari tradit, imposuit Chiffletius, qui in Vefontione sua *part. 2. p. 9.* somnio isto delectatur. Si Lorini conjecturam *comment. ad Act. XVIII, 12.* sequamur, dicendum erit eundem illum impostorem, qui

mutuas Pauli & Senecæ epistolas confinxit, Lino quoque foetum hunc alienum supposuisse. Id certum est, falsum esse titulum, quem hi libri præ se ferunt, quos Nourrius in apparatu ad BB. PP. *dissert. 6.* tanquam ab imperito nebulone scriptos æternis tenebris sepeliri debuisse judicat. Conferatur etiam Barthius in *adversariis libr. 43. c. 13.* ubi hunc autorem, quisquis fuerit, nonnullis scholiis & animadversionibus illustrat.

XXII. CLEMENTIS ROMANI OPERA nemo plenius collegit, quam Joh. Baptista Cotelarius in Patribus suis Apostolicis Parisiis 1672. & qui Cotelarianam hanc Patrum Apostolicorum collectionem in Belgio renovavit Johannes Clericus. Occurrunt inter hæc Clementis Romani opera CANONES APOSTOLICI, qui ab Apostolis sanciti, & a Clemente collecti perhibentur. Non est autem idem illorum canonum in omnibus editionibus numerus. Nonnullæ enim editiones quinquaginta tantum exhibent; quem numerum in suis canonum collectionibus Dionysius Exiguus, Isidorus Mercator, Cresconius & alii Latini sequuntur. Nec differt ab his editionibus epitome Hadriani apud Canisium *tom. 6. antiquar. lect.* etsi in ea nonnunquam duo vel tres canones in unum contrahantur, ideoque 45. tantum canones apostolici numerentur. Aliæ vero editiones 85. canones apostolicos numerant, quem numerum Johannes Scholasticus, Photius, alique Græci ratum habent, quibus editionibus etiam annumerandæ, in quibus aliqui contrahuntur, ideoque tantum 84. vel 82. vel 81. vel 77. vel

75 canones apostolici numerantur. Scholiis suis hos canones illustrarunt e Græcis Johannes Zonaras, Theodorus Balsamon & Alexius Aristenus, quorum scholia Gulielmus Beveregius in suo Synodico conjunctim græce & latine exhibet, qui & ipse canones Apostolicos doctissimis annotationibus exposuit, quod etiam a Cotelerio in notis ad Patres apostolicos factum est. Quid autem de canonibus apostolicis statui debeat, non una eademque est Pontificiorum sententia. Severinus enim Binius *Tom. I. concil. p. 24.* duos tantum ex canonum apostolicorum numero, nempe canonem suæ editionis 65. & 84. & Cardinalis Aguirre *Tom. I. conciliorum Hispania dissert. 3. excurs. 6. & 8.* quinque tantum nempe 46. 47. 65. 67. & 84. pseudepigraphos esse censet. At Bellarminus *de Script. eccles. p. 54.* in numerandis supposititiis Apostolorum canonibus longe liberalior est, dum quinque & triginta posteriores omnes reprobat, & tantum quinquaginta priores pro legitimis agnoscit. Nec alia videtur sententia Antonii Constantini a Castrovillare Ordin. Minimorum S. Francisci de Paula Exprovinciali in dissertatione de canonibus Apostolorum Romæ 1697. edita. Cum enim in primo capite *sect. 5.* quinquaginta priores canones recensuisset, *hos*, inquit *p. 28. quinquaginta canones tantum ut vere ab Apostolis conditos defendam.* Et in indice *p. 356.* dicit: *triginta quinque Apostolorum canones, quos supra 50. Græci recipiunt, cum Romana ecclesia rejicimus.* Mirum ergo est, quod in eadem pagina paulo post etiam 35. canones posteriores tanquam apostolicos recipere videatur, cum ait: *regulas illas sive*

50. *sive plures ab Apostolis conditas convincitur ex ipsius ecclesiae, quae nec decipere nec decipi potest, universali consensu.* Si autem universali ecclesiae consensu, quem infallibilem existimat, convinci potest, etiam posteriores canones Apostolicos ab ipsis Apostolis conditos fuisse, nescio quomodo bonus ille Frater eos rejicere audeat. Et quomodo universalis ecclesiae consensus locum habere potest, si Romana ecclesia tantum quinquaginta priores canones Apostolicos admittat, & reliquos triginta quinque, quos Græca ecclesia æque ac priores veneratur, rejiciat? Sunt autem etiam nonnulli inter Pontificios, qui universos canones, qui Apostolicorum titulo gaudent, pro adulterinis agnoscere non verentur, ut Tilleraontius *in memor. eccles. Tom. II. p. 178.* Dupinius *in bibliotb. nov. pag. 21.* Petrus de Marca *libr. 3. de concordia sacerdotii & imperii cap. 2.* ubi collectionem horum canonum post A. C. 258. cum & Apostoli & Clemens Romanus jampridem terris emigrassent, factam esse judicat; Gabriel Albaspinæus, qui *libr. I. observat. c. 13.* nonnullos ex canonibus apostolicis ab Apostolorum successoribus seu viris apostolicis, non tamen ab ipsis Apostolis constitutos, reliquos autem successu temporis additos arbitratur; Cabassutius *in notit. concil. p. 7.* qui ante seculum quintum jam adultum canones apostolicos innotuisse negat, & Natalis Alexander *sec. I. dissert. 17.* eidem Cabassutii sententiæ inhærens. At nec desunt inter Pontificios, qui canones Apostolicos universos ipsis Apostolis autoribus acceptos referunt, e quibus Franciscus Turrianus in tractatu contra Magdeburgenses toto libro

bro I. canonum illorum defensionem in se suscipit, eosque ab Apostolis in concilio Hierosolymitano sanctos, & sibi persuadet, & aliis persuadere conatur. Inter Reformatos nullus est, quantum scio, qui non canones apostolicos cum Dallæo *libr. 3. de pseudepigraphis apostolicis* legitimum Apostolorum factum esse neget, sunt tamen inter illos nonnulli, qui canonibus apostolicis longe antiquiorem ætatem tribuunt, ac a Dallæo factum est, dum canones illos secundo vel tertio seculo procusos statuunt, ut Blondellus *de Episcopis & Presbyteris sect. 3. p. 317.* & in *prolegomenis ad Pseudo-Isidorum c. 12.* Gulielmus Beveregius in annot. ad Synodicum, ut & in codice canonum illustrato & vindicato, in quo suam sententiam contra Matthæum Larroquanum Dallæi hyperaspisten tueri satagit, Petrus Gumingius in tract. de jejuniis antepaschali, & Jacobus Usserius, qui in prolegomenis ad epistolas Ignatii posteriores quidem canones apostolicos ad sextum seculum rejicit, priores tamen quinquaginta tertio seculo collectos arbitratur. Quicquid autem sit de tempore, quo canones apostolici Apostolis suppositi fuerunt, certum est, ab Apostolis eos conditos non fuisse, nec leviter Johannem Damascenum errasse, qui *libr. 4. de orthodoxa fide c. 18.* canones Apostolorum libris Novi Testamenti annumeravit. Non minus erravit Sixtus Senensis, qui in *bibliotheca sua sancta libr. 2. p. 49.* asserit canones apostolicos ab Athanasio in Synopsi inter hagiographa numerari, & Tertullianum in libro adversus Praxeam canones Apostolorum per manus nobis traditos affirmasse. Quod falsissimum esse comperiet,

quisquis illa Tertulliani & Athanasii scripta perlustrare voluerit, etsi Sixti Senensis oscitantia etiam Bellarminum in tractatu de Script. eccles. implicita fide oscitantem fecerit. Rectius Damasceno de canonibus apostolicis judicavit Gelasius Papa in decreto, quo libros approbatione dignos a rejiculis discernit. Ibi enim canones apostolicos non inter libros Novi Testamenti, sed in apocryphorum classe collocat. De quo Gelasii judicio plura dixi in dissert. de Pseudepigraphis Christi, Mariæ, & Apostolorum c. XI. *thes. 25. & sequ.* ubi etiam alios veteres, penes quos canones apostolici exiguae autoritatis fuerunt, recensui. Rationes autem varias, ob quas canones apostolici pro legitimo foetu agnosci non possunt, e nostratibus adducunt Centuriatores *cent. 1. part. 2. p. 544.* Osiander in *epitome hist. eccles. centur. I. libr. 3. c. 4.* Gerhardus in *confessione cathol. libr. 1. general. part. 2. c. 6. p. 394. & sequ.* Varenius in *rationario seculi I. p. 57. & sequ.*

CONSTITUTIONUM APOSTOLICARUM, quæ a Clemente Romano digestæ perhibentur, varias editiones a Carolo Capellio, Petro Crabbio, Johanne Carolo Bovio, Francisco Turriano, editore Parisiensi operum Clementis, Laurentio Surio, Dominico Nicolino, Severino Binio, Frontone Duæo, Philippo Labbeo, & Johanne Baptista Cotelerio procuratas recensui in dissertatione de pseudepigraphis Christi, Mariæ & Apostolorum c. 12. Has vero constitutiones non indignas esse, quæ canoni Scripturæ interserantur censuit Stapletonus, nec desunt alii inter Pon-

tificios, qui hoc opus maxime commendant, & ut genuinum defendunt, quod ex instituto factum est a Bovio (non Bosio, ut ex errore typographico in Possevinii apparatu *Tom. I.* legitur) & majori conatu a Turriano, non quidem in tractatu contra Magdeburgenses scripto, ut Rivetus in *Critico sacro libr. I. c. 2.* sibi persuasit, sed in præfationibus, scholiis & explanationibus apologeticis tam græcis quam latinis, quibus constitutiones apostolicas a se editas exornavit. Eundem constitutiones apostolicas defendendi laborem promittebat e Reformatis Richardus Montacutius in apparatu *origin. eccles. p. 394.* quin etiam in scriptis contra Seldenum se hoc labore jam defunctum suaviter somniabat, etsi nihil tam magnifica pollicitatione dignum hætenus in ejus scriptis visum fuisse viri docti animadverterint. Sed Montacutio opposui in dissertatione superius allegata Reformatos reliquos omnes, & in his imprimis Johannem Dallæum, qui in tractatu de pseudepigraphis apostolicis per totum librum primum & secundum constitutiones apostolicas spurias esse clarissime demonstravit. Bovio & Turriano opposui Christianum Lupum, qui in scholiis ad canones conciliorum *part. 2. p. 868.* volumen hoc ab homine Ariano, & tam in dogmatibus quam in ritibus maculato, confarcinatum esse, & vindices hujus operis Bovium & Turrianum bonas horas male collocasse judicat. Opposui etiam Bovio & Turriano Natalem Alexandrum, qui integra dissertatione 18. sæculi I. has constitutiones ab Apostolorum ævo & ecclesiæ doctrina alienas esse probat. Potuissim etiam Turriano opponere Possevinum, qui in appa-

tu Tom. I. sub voce *Clemens* ingenue fatetur, Turrianum non apud omnes effecisse vel evicisse, quod constitutiones illæ sint apostolicæ & legitimæ a Clemente conscriptæ. E Græcis adduxi Zonaram, qui *in scholiis ad c. 60. apostolicum* constitutiones apostolicas inter *ἡδεπίγραφὰ τῶν ἀσθεῶν βιβλία* numeravit, & Patres concilii 6. generalis in Trullo habiti, qui can. 2. constitutiones apostolicas reprobant, cum jampridem hæretici nonnulla falsa & a pietate aliena in ecclesiæ exitium constitutionibus illis intruserint. Porro has constitutiones omni genuinæ antiquitatis testimonio destitui probavi, & ad testimonia, quæ ex Dionysio Areopagita, Ignatio, Polycarpo, Irenæo, Tertulliano, Dionysio Alexandrino, Eusebio, Athanasio, Epiphanio, Petro Alexandrino, Gregorio Nazianzeno, Philastrio, Euthalio Sulcensi, Cyrillo Hierosolymitano, Chrysostomo, Hieronymo, Asterio, Proclo, aliisque Patribus pro constitutionum illarum antiquitate allegari solent, breviter respondi. Dixi etiam nonnihil de constitutionibus apostolicis, quæ apud Abyssinos receptæ sunt, & de quibus apud Ludolphum *in comment. hist. Æthiop. libr. 3. c. 4. n. 30.* plura legi possunt. Conclufi tandem non solum ab Apostolis has constitutiones profectas non fuisse, sed ne id quidem probari posse, quod seculis apostolico proximis jam cognitæ fuerint, quam constitutionum antiquitatem Bona Cardinalis, Johannes Morinus, Johannes Fronto, Petrus de Marca, Gabriel Alaspinaeus, Johannes Gregorius, David Blondellus, Gulielmus Beveregius & alii statuunt. Nullo enim idoneo argumento id probari potest, potius rationes.

sup-

suppetunt, quæ tribus prioribus seculis constitutiones apostolicas ignotas fuisse evincunt. Quarto autem seculo omnino constitutiones quædam apostolicæ innotuerunt, quæ postea circa sextum seculum ab homine quodam Ariano corruptæ & interpolatæ sunt, unde mirum non est quod constitutiones apostolicæ, quæ Epiphaniî ævo toleratæ fuerant, postea ab Episcopis in Trullo congregatis reprobatæ fuerint, & apud Græcos male audire cœperint, etsi Photius in bibliotheca c. 112. difficultates, quæ constitutionibus apostolicis objici possunt, non plane insuperabiles arbitretur. Cotele-rii sententiam de constitutionibus apostolicis adduxi in *dissert. de Patribus apostolicis p. 218.* ubi etiam observavi, quod etsi apologia Augustanæ Confessionis ad artic. 7. de ecclesia constitutiones apostolicas ipsis Apostolis tribuere videatur, apologia tamen decretum de paschate cum fratribus ex circumcissione celebrando ex Epiphaniî sententia decretum Apostolorum nominet, & præterea *διατάξις* illa apostolica ab Epiphaniio ex constitutionibus apostolicis adducta, & in apologia Augustanæ Confessionis repetita in hodiernis apostolicis constitutionibus non amplius legatur, sed potius contraria constitutio ibi reperiatur. Unde patet constitutiones apostolicas ab Epiphaniio usurparas cum hodiernis easdem non esse, quamvis etiam illæ, quas Epiphanius habuit, ab ipsis Apostolis neque scriptæ neque traditæ fuerint. Conferantur etiam de constitutionibus apostolicis Chemnitius *exam. concil. Trident. part. 4. p. 778.* Gerhardus *Confess. Cathol. lib. 1. gen. part. 2. c. 7. p. 409.* Varenius *rationar. sec. I. p. 97.* Scultetus

in medulla Patrum part. 1. lib. 2. c. 5. Chamier *panstratia Cathol. Tom. I. libr. 5. c. 13.* Jacobus Usserius *in prolegomenis ad epistolas Ignatii c. 6. & sequ.* Zieglerus *in dissertat. de orig. & increment. jur. canon. §. XIV. p. 9.* & Conringius *de purgatorio §. 32. p. 49.* ubi miratur Bellarminum hoc constitutionum opus ad incrustandos errores Pontificios non raro allegare, & tamen in tractatu de Scriptoribus ecclesiasticis solidis argumentis probare, quod fœtus hic Apostolis & Clementi sit suppositus. Quod num satis sit consentaneum illi laudi, qua vulgo fertur, Bellarminum per totam vitam nullius mendacii sibi conscium fuisse, aliis judicandum Vir doctissimus relinquit. Addit ibidem tres alios Jesuitas, qui constitutiones apostolicas tanquam opus adulterinum explodunt nempe Petrum Halloixium *in not. ad vitam Polycarpi c. 6. ad vitam Ignatii c. 2. & in apologia pro scriptis Dionysii Areopagite c. 3.* Dionysium Petavium *libr. 2. de doctrina temporum c. 57. & in notis ad Epiphanii heres. 70.* & Antonium Possevinum, cujus judicium de Turriano infelici constitutionum apostolicarum vindice jam supra allegavimus. Quod autem de constitutionibus apostolicis dictum est, nempe eas Clementi suppositas fuisse, idem dicendum est de CLEMENTIS LITURGIA, quæ his constitutionibus inserta legitur.

CLEMENTIS ROMANI RECOGNITIONUM LIBRI X. Berolini A. 1702. germanice prodierunt cum Godofredi Arnoldi præfatione, in qua inter alia §. 23. varias editiones ex latina Rufini versio-

ne

ne diversis locis & temporibus vulgatas recenset, quas inter nihil fere discriminis esse asserit, nisi quod nonnunquam variæ lectiones & mutationes quarundam vocum & distinctionum occurrant. Verum id falsumprehenditur. Nam Cotelariana editio libr. 3. integra quædam capita exhibet, quæ neque in Sichardiana editione omnium prima A. 1526. Basileæ excusa, neque in Gruteriana, quam Germanica versio sequitur, nec in aliis ante Cotelarianam publicatis leguntur. Sub initium præfationis Arnoldus varia hujus operis nomina, & antiquitatis de illo testimonia adducit. Et negari certe non potest, has Clementis recognitiones, quæ Petri periodos vel itinerarium describunt, Scriptoribus tertii & sequentium sæculorum non incognitas fuisse. Unde in dissertatione de Patribus apostolicis *pag. 222.* observavi, in Bœcleri historia universali *p. 14.* falso asseri, quod libros recognitionum Isidorus Peccator vel Mercator Clementi supposuerit, cum recognitiones istæ multis ante Isidorum Mercatorem sæculis in ecclesia notæ fuerint. Nolim tamen doctissimo Bœclero, quem Argentorati inter Præceptores meos colui, crasum hoc erratum imputare, sed exscriptori aut typographo, qui, quæ Bœclerus de Clementis Romani epistolis decretalibus tanquam malis Isidori Mercatoris mercibus scripserat, ad Clementis ἀναγνωρισμὸν seu recognitiones perperam transtulit. Etsi vero hoc recognitionum opus ad supposititias Isidori merces non pertineat, dubium tamen non est, quin ab alio quodam antiquiori impostore Clementi suppositum fuerit, quod ex variis quibus scatet erroneis dogmatibus,

&

& plurimis quas continet fabulis non difficulter præsumi potest. Sane Baronius *ad A. C. 51. num. 53.* ex his libris tanquam cœnoso gurgite ejusmodi portentosa mendacia, & insana deliria deducta esse scribit, quæ non tantum ab eruditis viris improbanda, sed ab omnibus, qui vel levissime ecclesiasticarum rerum peritia tincti sunt, procul rejicienda esse minime dubitat. Et Barthius in *adversariis libr. 45. c. 5.* hos libros, etsi antiquos & bonarum rerum plenos, ita tamen legendos statuit, ac si Apulejus de asino aureo, vel alius Scriptor fabulosus legeretur. Displicet hoc Barthii judicium Arnolfo §. 13. ideoque Barthio Vendelinum opponit, qui in divinatione de tempore Clementis hos libros non in totum dramaticos esse judicat. At Vendelinus, dum hos libros non ex toto dramaticos esse judicat, saltem magna ex parte dramaticos agnoscit. Bardefanis Syri fragmentum ab Eusebio *libr. 6. præpar. Evangel. cap. 10.* relatum ex Clementis recognitionibus excerptum esse dicit Arnoldus, non probat. Nihil vero impedit, quo minus dicamus, quod potius personatus Clemens verba illa ex Bardefanis dialogo exscripta suo operi inseruerit. Quin etiam celeberrimo Cave in *historia literaria p. 48.* non improbable videtur, huic ipsi Bardefani, quem Valentinianorum hæresi infectum fuisse Epiphanius *heres. 56.* testatur, potius quam Clementi Romano decem recognitionum libros tribui debere. Quisquis autem decem ἀναγνωρισμὸς vel ἀναθεωρισμὸς libros Clementi Romano supposuerit, hæreticum illum fuisse dubitandum minime videtur. Unde mihi non displicet judicium Ni-

co-

colai le Nourry, qui in apparatu ad BB. PP. *libr. I. disertat. XI. art. 7.* autorem hujus operis virum quidem doctum, attamen hæreticorum ac imprimis Ebionitarum erroribus addictum fuisse censet, quod mihi utique verosimilius videtur, quam quod hæreses his libris aspersæ ab alienis manibus intrusæ fuerint, quod Arnoldo placet, qui simul addit, quod hæretica dogmata huic operi intrusa jampridem a Rufino & aliis expuncta & sublata fuerint, ac nihil amplius in his libris expurgandum restet, quod falsum esse eorum lectio ostendit. Ad objectionem Bellarmini observantis in hoc opere Platonica nonnulla dogmata absurde Apostolo Petro adscribi, ita respondet Arnoldus, ut omnino Platonicum Christianismum sibi vel maxime place-re non dissimulet. Gratia autem sit Arnoldo, qui tandem Vossio, Ludovico a Dieu, Dallæo, Sixto Senen-si, Chamiero, Coco, Bellarmino, Baronio, Pererio, Nourrio & aliis vitio verti nolit, quod libros recognitionum pseudepigraphos esse judicaverint. Tribuit hoc ipsorum ignorantia & præjudiciis, quod loca quædam & expressiones Clementis, cum receptis suis hypothesibus conciliare non potuerint, cum omnino nonnulla primo intuitu obscura & ἀτοκα videantur, so lange nicht der Geist der Weisheit selber (moria spiritum forte nominare voluit) einen Aufschluß in solchen dunkeln und paradoxen Sachen gibt. Unde cogitandum cuilibet relinquit, ob nicht mancher Vortrag / der dem einen Leser schwer / ja unerträglich und falsch dünket / dem andern leicht und fest gegründet seyn könne? und ob nicht jenes aus allzugrosser Unerkänntniß

in Göttlichen Dingen / aus partheyischen vorgefaßten Meynungen und Unreinigkeit des Herzens kommen könne / gleichwie dieses aus einem geheiligten erleuchteten Sinn / welcher allein geistliche Dinge geistlich richten kan ? Impura ergo sunt juxta Arnoldum nondumque illuminata & sanctificata eorum corda, qui Clementis Romani recognitiones genuinas esse videre non possunt, contra vero illuminatos & sanctificatos sensus habent, qui Clementis recognitionum legitimos natales agnoscunt, variasque fabulas illis comprehensas, quin etiam sententias a Spiritu S. in Scriptura damnatas, tanquam divina oracula venerantur. Qualis illuminatio etiam Petersenio obtigit, quippe qui in nube testium *libr. 2. pag. 60.* Clementem Pauli cooperarium recognitionum autorem esse minime ambigit. Parum autem ad commendandas Clementis recognitiones facit, cum Arnoldus eas quondam libris novi testamenti annumeratas fuisse ex Athanasii Synopsi S. Scripturæ memorat. Nam Athanasius refert, eas inter τὰ ἀντιλεγόμενα novi testamenti numeratas fuisse, in qua classe etiam Thomæ evangelium, & alia hujus furfuris & nullius pretii scripta collocata fuerint. Ex quo Athanasii loco Johannem Ernestum Grabium conclusisse miror, quod recognitionum autor catholicus fuerit. Num vero etiam Clementina, quæ apud Athanasium in prædicta Synopsi eandem ἀντιλεγόμενων classem occupant, catholicum autorem habent ? Id ego non crediderim. Caterum idem impostor, qui sub Clementis nomine decem hos recognitionum libros scripsit, jam antea decem alios recognitionum libros scri-

scripserat, ut ipse *libr. 3.* narrat, ubi librorum illorum argumenta breviter recenset. Verum priores illi decem recognitionum libri pridem perierunt. Breviter hoc loco etiam commemoranda fraus Arnoldi, qui germanicæ Clementinarum recognitionum versioni hoc anno 1708. novum titulum priori sublato affixit, cum malæ illæ merces sub priori titulo paucos emtores invenerint. Prior titulus erat: Des heiligen Clementis von Rom Recognitiones oder Historie / von denen Reisen und Reden des Apostels Petri / in Zehen Büchern: Nunmehr ins Teutsche übersehet / mit einem Vorbericht Gottfried Arnolds. Berlin / verlegt Johann Michael Rüdiger. 1702. Novus autem titulus est: Historia von der Lehre / Leben und Thaten derer beyden Apostel und Jünger Christi Petri und Pauli ausgefertiget von Gottfried Arnold / iziger Zeit Inspector zu Berleberg. Rostock und Leipzig / verlegt Christian Gotthold Garmann 1708. ubi nulla amplius Clementis mentio apparet, contra vero novus editionis locus & novum Typographi nomen occurrit, ita ut novum plane opus editum videatur, etsi solus operis titulus mutatus fuerit, in præfatione autem & ipsa versione omnia ut antea fuerant, relictæ fuerint. Videat autem quæso lector quam belle novus titulus cum præfatione conveniat. Cum enim in novo titulo nulla S. Clementis mentio præmissa fuerit, tamen in præfatione dicitur: Der vorgesezte Nahme des heiligen Clementis &c.

CLEMENTINA seu Clementis Romani homilias 19. Cotelarius, qui primus eas græce & latine

edidit, nugis & erroribus Ebionitarum imprimis scholam redolentibus, scatere non dissimulat. Sintne hæc Clementina a Cotelerio edita eadem cum Clementinis, quorum Athanasius in Synopsi Scripturæ meminit, & quæ Nicephorus *libr. 3. hist. eccles. c. 18.* τῇ ἐκκλησίᾳ ὑπαρῶντα, seu ecclesiæ multum accepta fuisse scribit, an ab iis diversa, aliis dispiciendum relinquo. Id certum est Clementina hæc a Cotelerio edita pseudepigraphis Clementinis merito adnumerari. Præmissa est his Clementis epistola Petri ad Jacobum, quæ prædicationes suas ipsi missas non temere Ethnicis communicari monet, ne adulterentur. Cui epistolæ subiecta est præscripta a Jacobo formula contestationis, qua ille, cui hi libri communicantur, cum multis execrationibus cælum, terram, aquam & aerem testatur, quod hos libros fideliter custoditurus nec adulteraturus sit, nec ullo pacto cuiquam daturus, nisi quem intra sex annos dignum probaverit & exploraverit. Hanc Petri epistolam ad Jacobum excipit Clementis epistola ad Jacobum Hierosolymitanum Antistitem ejusque Presbyteros & Diaconos cum cæteris fratribus, quæ epistola primum græce & latine, deinde latine ex Rufini interpretatione exhibetur, de quibus epistolis idem ac de ipsis 19. homiliis Clementinis judicandum est.

CLEMENTIS EPITOME GESTORUM PETRI cum Clementis Romani operibus semel iterumque prodiit, seorsim etiam a Perionio vulgata. Petri Lambecii de hac epitome judicium Cotelerio conforme, ut & Casparis Barthii de eodem scripto

pto censuram in *dissertatione de Patribus apostolicis* p. 227. & sequ. retuli. Nunc addo, quod celeberrimus Caveus in historia literaria Symeonem Metaphrastem hujus epitomes autorem non improbabili conjectura suspicietur.

CLEMENTIS EPISTOLAS QVINQUE DECRETALES, quarum I. Jacobo, II. itidem Jacobo, III. omnibus Episcopis aliisque Clericis cunctisque Principibus majoribus & minoribus, IV. Julio & Juliano, & V. civibus Hierosolymitanis inscripta est, Isidorus Mercator sub Clementis nomine confinxit, quemadmodum & aliis primorum seculorum Episcopis Romanis impostor ille ejusmodi epistolas decretales ex variorum Scriptorum sententiis & laciniis centonum instar confutas affingere non erubuit. Quas veterum Romanorum Pontificum a Clemente ad Siricium decretales epistolas collegit, & simul pseudepigraphas esse ad oculum demonstravit David Blondellus in tractatu, qui inscribitur, Pseudo - Isidorus & Turrianus vapulantes, Genevæ A. 1628. edito. Etsi autem Turrianus in tractatu contra Magdeburgenses scripto per totum librum 2. 3. 4. & 5. & multi alii Pontificii has Clementis & aliorum veterum Pontificum epistolas tanquam genuinas tueri annitantur, & Cardinalis Aguirre *Tom. I. conciliorum Hispaniæ* impudentissime asserat, ante A. C. 1562. quo Centuriatores has epistolas impugnarunt, neminem has epistolas pro spuriis habuisse, saniora tamen sunt de his epistolis & sinceriora quorundam inter ipsos Pontificios Labbei, Petri de Marca, Natalis Alexandri, Gerbasii, Dupinii, Nicolai

Antonii, Launojii, Pagii, Christiani Lupi, Cardinalis Bonæ, & aliorum judicia, quos inter Stephanus Baluzius in præfatione ad Antonii Augustini dialogos de emendatione Gratiani, harum epistolarum compilatorem impudentissimum nebulonem appellat.

CLEMENTIS PRIOREM AD CORINTHIOS EPISTOLAM CUM FRAGMENTO POSTERIORIS Patricius Junius Oxonii A. 1633. primus vulgavit, & græcæ prioris textui latinam suam versionem ac eruditas notas adjecit. Alias editiones utriusque Clementis ad Corinthios epistolæ Junianam secutas in dissertatione de Patribus Apostolicis *rbef.* 76. retuli, quas hic repetere non vacat. Non igitur amplius locum habet, quod sua ætate Magdeburgenses, & Baronius scripserunt, Clementis epistolas ad Corinthios hodie non extare, etsi etiam nostra ætate viri quidam docti non defuerint, qui duas Clementis epistolas ad Corinthios toties editas pro deperditis habuerunt, ut Johannes Palatius in notis ad gesta Pontificum Romanorum A. 1687. editis, quo tempore aliquoties hæ epistolæ in lucem publicam emissæ fuerant. Num verò Clementis epistolæ ad Corinthios, quæ hodie circumferuntur, eadem sint cum illis, quæ in primitiva ecclesia lectæ sunt, si quæramus, non pauci de priori Clementis ad Corinthios epistola ita loqui amant, ac si eam genuinam esse nemo unquam dubitasset. Colomesius *in opusculis p. 50. & in paralipomenis de Scripturibus eccles. pag. 220.* solo Gatakero excepto, omnes eruditos in γνησιότητι hujus epistolæ consentire arbi-
tra-

fratur. Poterat Gataketo addere ex Lutheranis Hülsemannum in scripto Germanico, cui titulus: *Der Calixtinische Gewissens-Wurm pag. 940.* & Calovium in *bibliis illustratis Tom. IV. p. 250. & sequ.* quorum argumenta in *dissert. de Patr. apost. p. 244. & sequ.* adduxi, & quid ad ea responderi soleat, breviter indicavi, tandemque conclusi, quod hæc epistola, etsi eam spuriam & adulterinam esse probari non possit, & omnino eorum argumenta, qui hanc epistolam genuinam agnoscunt, præponderare videantur, non tamen adeo illibata & incorrupta per tot seculorum decursum ad nostram usque ætatem pervenerit, ut nullas plane interpolatoris manus experta fuerit, cui sententiæ salvis aliorum iudiciis adhuc inhæreo. Quantum autem posteriorem Clementis ad Corinthios epistolam attinet, Grabius in *Spicilegio Patrum Tom. I. p. 264. & sequentibus* plane negat, secundam aliquam ad Corinthios epistolam a Clemente unquam scriptam fuisse. Nam quæ Eusebii & Hieronymi ævo pro secunda Clementis ad Corinthios epistola venditata fuit, hanc Grabius tertio seculo sub nomine Clementis confictam suspicatur. Certe ante Eusebium & Hieronymum nullus Patrum duarum Clementis ad Corinthios epistolarum meminit. Prioris ad Corinthios ante Eusebium & Hieronymum Irenæus, Clemens Alexandrinus, Origenes & alii meminerunt. At de secunda Clementis ad Corinthios altum est in tribus prioribus seculis silentium. Nam locum Dionysii Corinthii apud Eusebium *libr. 4. hist. eccles. c. 23.* de duabus Clementis ad Corinthios epistolis intelligere, necesse non est.

Agit

Agit enim ibi Dionysius de epistola, quæ sua ætate a Sotere Episcopo Romano ad Corinthios missa fuerat, quam dicit in ecclesia die dominica lectam fuisse, & deinceps quoque legendam ὡς καὶ τὴν προτέραν διὰ κλή-
 μωνος γεγραμμένην, sicut & illam priorem a Clemente
 scriptam, seu ut Stephanus le Moyne in notis ad varia
 Sacra p. 1067. legendum suspicatur: ὡς καὶ τὸ πρότερον
 ἡμῶν διὰ κλήμωνος γεγραμμένην, sicut & illam, quæ nobis
 olim a Clemente scripta est. Memorantur igitur in
 verbis Dionysii Corinthii duæ quidem epistolæ ad Co-
 rinthios scriptæ, non tamen duæ a Clemente Romano
 ad illos scriptæ, ut Beveregius, Cotelierius & alii qui-
 dam viri docti verba ejus interpretantur, sed una a
 Clemente, altera ratione temporis posterior a Sotere
 scripta, cujus respectu Clementis epistola προτέρα, seu
 τὸ πρότερον γεγραμμένη dicitur. Si enim Dionysius Co-
 rinthius de duabus Clementis epistolis locutus fuisset,
 dicendum esset, utramque Clementis epistolam pari
 pretio habitam, & utramque in ecclesiis lectam fuisse.
 At Eusebius libr. 3. c. 38. *hystor. eccles.* scribit, sciendum
 esse, quod etiam secunda quædam Clementis epistola
 esse dicatur, attamen eam non perinde ac priorem
 magni æstimari, nec se eam a veteribus usurpatam me-
 minisse. Quæ Eusebii verba Hieronymus in Catalogo
 Scriptorum ecclesiasticorum ita exponit, ac si secunda
 illa Clementis ad Corinthios epistola a veteribus plane
 reprobata fuisset. Et profecto, si secunda Clementis
 ad Corinthios epistola ab Eusebio & Hieronymo me-
 morata alia non fuit, quam quæ hodie, etsi non am-
 plius integra, superest, mirandum non est, eam in exi-
 guo

guo pretio fuisse habitam, & facile consentimus Jo-
hanni Morino, qui merito hanc epistolam a S. Patribus
adulterinam judicatam fuisse judicat, cujus rationes vi-
deri possunt in *exercit. bibl. lib. 1. exercit. 9. c. 4. p. 213.*
Nec refragamur viris quibusdam doctissimis, qui hoc
fragmentum, quod pro secunda Clementis epistola ven-
ditari solet, potius ad Clementis *διδασκαλίαν*, seu *διδασκαλίαν*,
vel etiam ad homiliam aliquam Clementi ascriptam
pertinere putant, cum nullam epistolæ formam in hoc
fragmento observare liceat. Undecunque autem
fragmentum hoc excerptum sit, certum est, quod Cle-
mentem Romanum autorem non agnoscat.

XXIII. HERMÆ PASTOREM seu LI-
BROS TRES, quorum primus *ecclesia* titulo gaudens
quatuor visiones, secundus specialiter *Pastoris* nomine
insignitus, duodecim mandata, & tertius *similitudinum*
dictus decem similitudines comprehendit, Jacobus Fa-
ber & Nicolaus Gerbelius seorsim, Heroldus & Gry-
naeus in orthodoxographis, Margarinus de la Bigne &
alii in bibliothecis Patrum, Caspar Barthius cum Clau-
diano Mamerto & Paciano, Johannes Baptista Cotele-
rius inter Patres apostolicos, & Episcopus Oxoniensis
simul cum Barnabæ epistola vulgavit. Quod autem
Nourrius in *apparatu suo diff. 4.* Hermæ Pastorem etiam
in Heroldi hæreseologia editum asserit, in eo a Lab-
beo erroris hujus duce fallitur, quemadmodum etiam
in tota illa dissertatione sæpius hallucinatur. Nam ar-
tic. 3. hunc Hermam eundem fuisse, cujus Paulus Rom.
XVI, 14. meminit, persuadere conatur, etsi tandem sub

finem illius articuli id in medio relinquat. Deinde in sequentibus articulis hos libros tot fabulis, deliriis & erroribus refertos meras divinas veritates continere somniat. Sanius est Samuelis Basnagii de Herma & ejus Pastore judicium, qui in annalibus Politico-ecclesiasticis ad A. C. 157. Herma scriptum tot erroribus obnoxium, ab Herma Pauli discipulo scriptum non esse, prolixè probat. Alia tam Veterum quam recentiorum Pontificiorum, Reformatorum, & Lutheranorum de Herma in bonam & malam partem judicia adduxi in dissert. de Patribus Apostolicis, ubi a thesi 55. ad 65. de Herma egi, & inter alia ejus Pastorem nec ab Herma Pauli discipulo, nec ab Hermete Pii I. Fratre, nec ab Hermete Trismegisto, nec ab aliquo Monacho conscriptum ostendi. Græca quædam Herma fragmenta Cotelerius collegit, quibus Gravius exiguum aliquod supplementum adjecit *Tom. I. Spicileg. p. 303.* Magnam autem partem Herma græce exhibet Pseudo-Athanasii doctrina ad Ducem Antiochum, quam antea ineditam Benedictini in nova operum Athanasii editione 1698. publici juris fecerunt.

XXIV. MARTIALIS LEMOVICENSIS epistolæ duæ una ad Burdegalenses, & altera ad Tolosanensium post primam Jodoci Badii Ascensii editionem A. 1521. procuratam, in Micropresbyterico, Orthodoxographis, & Bibliothecis Patrum prodierunt. Easdem Hamburgi A. 1614. Geverhartus Elmenhorstius cum Gennadio de dogmatibus ecclesiasticis in lucem edidit, & notis suis simul illustravit. Qui eas a Morel-

lio

lio græce editas asserit Miræus in *auctar. c. 18.* non minus fallitur, quam Vossius, qui Martialem hunc inter Græcos Scriptores retulit *lib. 2. de Histor. Græcis c. 9.* quem tamen errorem ipse Vossius *de Historicis Latinis p. 336.* postea agnovit, qua de re jam alibi, nempe in dissertatione de Patribus Apostolicis thes. 28. a me actum est, ubi & plura de hoc Martiali ejusque epistolis notavi, quas spurias nemo, nisi magna judicii inopia laborans, inficiabitur. Nec melioris metalli est VITA MARTIALIS LEMOVICENSIS AB AURELIANO EJUS DISCIPULO SCRIPTA, quam Laurentius Surius in vitis Sanctorum d. 30. Jun. & alii ediderunt.

XXV. PROCHORI HISTORIAM DE JOHANNIS EVANGELISTÆ VITA & MORTE græce & latine Michael Neander inter apocrypha, quæ græco-latinae Lutheri catechesi subjecit, & Johannes Jacobus Grynæus in monumentis orthodoxographis ediderunt. Eandem latine in historia sua sacra Parisiis A. 1583. Laurentius de la Barre vulgavit & scholiis suis illustravit. Etsi autem autor hujus historiæ in titulo Prochorus ille, cujus Lucas in actis meminit, fuisse perhibeatur, nempe unus e septem primis Diaconis & S. Stephani Protomartyris Collega, falsissimum tamen id esse plurimi ex ipsis Pontificiis, quos in dissertatione de Patribus Apostolicis p. 46. nominavi, fatentur. Ex Reformatis videatur Hoornbeckius in *miscellaneis lib. I. c. 15.* Ex nostris Gerhardus in *Conf. Cathol. Tom. I. general. p. 619.*

XXVI. De Evangeliiis Petri, Thomæ, Philippi, Bartholomæi, Andreæ, Matthiæ, Judæ Ischariotæ, de Evangelio omnium Apostolorum, de evangelio secundum Ægyptios, de Evangelio secundum Hebræos, sub quo evangelium Encratitarum, evangelium Ebionitarum, & evangelium Nazaræorum viri quidam docti comprehendunt, de evangelio Barnabæ, et si quæ sint alia hujusmodi falsa evangelia, qualia Muhamedanis non displicuisse ex evangelio infantia Christi, per Henricum Sikiu Trajecti ad Rhenum A. 1697. edito colligi potest, de actis Pauli, Petri, Andreæ, Thomæ, Johannis, Philippi, de periodis seu itinerariis Thomæ, Petri, Johannis & aliorum Apostolorum, de tertia Pauli ad Corinthios epistola, de Apocalypsis Petri, Pauli & Thomæ, de doctrina Petri, de prædicatione Petri, de prædicatione Pauli, de Matthiæ traditionibus, de didascalia Barnabæ aliisque hujusmodi scriptis præter ea, quæ in dissertatione de pseudepigraphis apostolicis dixi, nihil addo, cum hæc scripta vel plane interierint, vel ex eorum naufragio exigua tabula seu fragmenta relicta fuerint, e quibus nonnulla Græbius in Spicilegii sui Tom. I. ut & Fabricius in codice apocrypho N. T. colligunt, præter quos celeberrimi Theologi Helmstadiensis D. Joh. Andr. Schmidii dissertatio de Pseudo-Novo Testamento, & nostra dissertatio de Pseudepigraphis Apostolorum c. 4. & seqv. videri poterit. Nihil etiam addimus de scriptis, quæ nonnulli Josepho Arimathæo, Lazaro, Stephano, Cratoni, Cœcilio, Jasoni, Evodio, Zenæ, Hierotheo, & Visbio tribuerunt, cum scripta illa nunquam in lucem emissa fuerint, & forte illorum ple-

pleraque in rerum natura nunquam fuerint. Sufficiant ergo quæ de istis scriptis in dissert. de Patribus Apostolicis thes. 13. 14. 17. 22. 27. 29. 30. 31. 32. & 33. monui. Nihil denique addo de Marcella, quæ B. Marthæ sororis Lazari, cujus pedissequa fuisse perhibetur, vitam plenarie scripsisse fingitur ab Eysengreinio in centenario I. Magdeburgensibus opposito fol. 196. Idem fol. 209. sanctum quendam Eutropium gesta & martyria Simonis & Judæ literis consignasse tradit. Idem eodem fol. ex male intellectis Dionysii pseudo-Arcopagitæ verbis S. Barnabæ scripta de divina pace, quiete & silentio tribuit. Sed de his quoque aliquid addere supersedemus.

CAPUT II.

De

Conciliis primi seculi.

I

UNicum tantum concilium primo nati Christi seculo habitum fuisse Gesnerus *libr. 2. de Conciliis c. 1.* & alii agnoscunt; nempe Hierosolymitanum illud, cujus acta a Luca in actis Apostolicis c. XV. consignata sunt. Occasionem huic concilio dederunt turbones quidam, qui necessitatem circumcisionis & justitiæ legalis urgebant. Quæ doctrina, cum Paulo & Barnabæ Antiochiæ tum versantibus multum negotii facesseret, eaque res fere ad seditionem spectaret, placuit Antiochenæ ecclesiæ Paulum & Barnabam, & non-

I 3

nul-

nullos alios Hierosolymam mittere, ut hanc controversiam ad Apostolos & Presbyteros deferrent. Illis igitur Hierosolymam advenientibus habitum est ibi concilium, in quo disceptatum fuit, num, qui valentem coram Deo justitiam & æternam salutem consequi cupiunt, ad observandam circumcisionem & leges Mosai-
cas ceremoniales pariter & morales adstringi debeant? Affirmativam sententiam nonnulli ex Pharisaica secta ad christianam fidem conversi tueri conabantur, negativam autem Apostoli tenebant, e quibus Petrus, cum illa quaestio jam satis ultro citroque ventilata fuisset, asserbat, non esse credentium cervicibus jugum, cui ferendo etiam Patrum humeri impares fuissent, imponendum, cum præter gratiam Domini nostri Jesu Christi nulla alia mortalibus pateat, aut unquam patuerit salutis via. Quem Petri sermonem cum Jacobus suffragio suo confirmasset, decrevit concilium, a Gentilibus conversis circumcisionem & rigorosam Mosaicæ legis observantiam exigere non debere, sed hoc tantum illis, quo cum Judæis eo suavius coalescerent, injungendum esse, ut ad tempus aliquod, donec Synagoga Judaica honeste sepeliretur, ab idolothytis, & sanguine, & suffocato, & sacrificiis meretriciis abstinerent. Et hoc decretum a Spiritu S. Supremo hujus concilii Præsidente dictatum, aliis quoque ecclesiis per epistolam synodicam communicatum fuit. Conferantur de hoc concilio Dannhauerus *in diatyposi concilii Hierosolymitani*, Raithius *in comitiologia ecclesiastica de concilio Hierosolymitano*, Ottius *in examine annalium Baronii perpetuo ad A. C. 51.* & alii. Bellarmino & aliis Pontificiis, qui Pe-

Petrum hujus concilii Præsidentem fuisse contendunt, videtur contradicere Alphonsus Tostatus, qui Jacobum omnibus aliis in hoc concilio assistentibus majorem fuisse, & definitivam sententiam protulisse asserit. Num vero inter turbones illos, qui tumultu excitato Apostolis concilii hujus congregandi necessitatem imposuerunt, præcipuæ partes fuerint Cerinthi hæresiar- chæ, ut refert Philastrius *de hæresibus* c. 36. quem et- iam Epiphanius *hæres.* 8. certaminum, quæ Act. XI. & XXI. contra Petrum & Paulum ex judaismi zelo nata sunt, autorem, & Pseudo-Apostolorum magistrum fu- isse tradit, suo loco jam relinquimus, facile interim Hieronymo credentes, qui Cerinthum legem evangelio commiscuisse memorat epistola 89.

II. Gulielmus Eysengreinus *in centenario primo Magdeburgensibus opposito part. 2. fol. 68. & sequ.* concilium hoc Hierosolymitanum neque primum ne- que ultimum primi seculi fuisse putat, sed duodecim hujus seculi concilia memorat, nempe Hierosolymita- na decem, unum Antiochenum, & unum Miletanum. *Primum* Hierosolymitanum concilium in electione Matthiæ factum esse dicit ex Act. I. *Secundum* Hiero- solymitanum in electione septem Diaconorum ex Act. VI. *Tertium* Hierosolymitanum in missione Petri & Johannis ad conversos Samaritanos ex Act. VIII. Ve- rum tres illi Apostolorum congressus concilia proprie dicta & synodales conventus non fuerant. *Quartam* Hierosolymitanam synodum fuisse dicit, in qua Apo- stoli symbolum apostolicum condiderunt, quod ita ab
ipsis

ipsis compositum fuisse credit, ut Petrus dixerit: *credo in Deum Patrem omnipotentem*, Andreas: *& in Iesum Christum Filium ejus*, Jacobus major: *qui conceptus est de Spiritu S.*, & sic etiam cœteri suas singuli sententias addiderint. Verum ut probari non potest, quod quisque Apostolorum peculiarem articulum ad symbolum apostolicum concinnandum addiderit, quasi cento aliquis consuendus esset: ita nec id probari potest, quod talis symboli apostolici compositio in concilio aliquo Hierosolymitano adornata fuerit. In *quinta* synodo Hierosolymitana juxta Eysengreinium Apostoli, ut divinum cultum instituerent, & evangelicas leges stabilirent, fidelium cœtu in certos ordines distributo, singulis ordinibus officia & propriam vivendi normam dederunt, sacra, cerimonias, preces, jejunia, variosque ritus instituerunt. Has autem traditiones ab Apostolis non scriptis, sed viva voce ecclesiis communicatas, postea Pauli comitem & familiarem Clementem octo constitutionum apostolicarum libris comprehendisse fingit. Verum ut constitutiones illæ apostolicæ Apostolis affictæ sunt: ita & hoc concilium fictitium esse abunde patet. *Sextam* synodum Hierosolymitanam pro divisione Apostolorum varias orbis provincias inter se partientium factam esse comminiscitur. *Septimam* autem Hierosolymitanam synodum in obitu B. Virginis Mariæ congregatam fabulatur, omnesque Apostolos divinitus convocatos excepto Thoma ejus exequiis adfuisse fingit. *Octavam* Hierosolymitanam synodum vocat, quam in thesi præcedente unicam adeoque & primam & ultimam primi seculi synodum fu-

fuisse judicavi. *Nona* Hierosolymitana Synodus illi est, in qua, ut offensio Judæorum vitaretur, legalia ad tempus fuerunt permessa ex Act. XXI. Verum de hac congregatione idem sentiendum, quod de prima, secunda & tertia Synodo Hierosolymitana supra dictum est. *Decima* denique Hierosolymitana Synodus ab Eysengreinio convenisse dicitur, cum Simeon in locum Jacobi Fratris Domini Episcopus Hierosolymitanus eligeretur. Atque his decem Synodis Hierosolymitanis unam Antiochenam addit Eysengreinius, in qua canones, qui vulgo apostolici dicuntur, conditos somniat. Verum quid de istis canonibus apostolicis statui debeat, in præcedenti capite dictum est. Unde facile colligitur, quid de Antiochena hac Synodo statui debeat. Tandem & Synodum Miletanam addit, in qua Paulum Presbyteris Ephesinis Miletum convocatis valedixisse ex Act. c. XX. memorat. Verum ista Presbyterii Miletani & Ephesini congregatio conciliis perperam annumeratur.

III. Fictitium quoque est concilium illud Antiochenum, in quo novem canones conditi perhibentur, quos Franciscus Turrianus ex codice quodam MSto edidit, & tanquam vere apostolicos defendit *libr. I. contra Centuriat. Magdeburg. c. 25.* Fictitium, inquam, est hoc Antiochenum concilium, & cum illo Antiocheno, in quo Eysengreinius 85. canones apostolicos sancitos nugatur, pari passu ambulat. Conferatur Dallæus *libr. 3. de Pseudepigraphis apostolicis c. 22.* & ex ipsis Pontificiis Natalis Alexander *diff. 19. primi seculi.*

IV. Duo concilia ab Ignatio Episcopo Antiocheno & Martyre habita Ruelius *in conciliis suis Tom. I. p. 269. & 270.* memorat. Et in uno quidem decretum fuisse ait, ne pascha cum Judæis Luna 14. sed Dominica proxima celebretur, & ut contra hoc decretum peccantes, eorum participes judicentur, qui Christum interfecerunt. In altero autem Ignatii concilio decretum fuisse dicit, ut pro sabbatho dies dominica, qua Christus resurrexit, celebretur. Prioris decreti fundamentum quarit in epistola Ignatii ad Philippenses c. 44. Verum in illo loco nulla concilii mentio occurrit. Præterea totam illam epistolam spuriam esse constat, & si aliunde id non constaret, ex hac ipsa sententia, quod pascha cum Judæis celebrari non debeat, satis colligi id posset. Polycarpus enim Ignatio familiaris, & alii Episcopi Asiatici festum paschatos Luna 14. celebrare minime dubitarunt, ut patet ex epistolis Polycratis & Irenæi ad Victorem apud Eusebium *libr. 5. c. 24.* Nec dubium est, Ignatium quoque hunc morem tenuisse. Fuit enim, ut se in epistola ad Romanos appellat, Syrorum Episcopus. Syros autem usque ad tempora concilii Nicæni pascha eodem cum Judæis tempore celebrasse Athanasius in epistola ad Africanos testatur. Mirum ergo est, impostorem, qui sub Ignatii nomine epistolam ad Philippenses confinxit, contrariam Ignatio sententiam attribuisse. Alterius decreti fundamentum ex epistola ad Magresianos c. 9. Ruelius depromit. Verum etsi ex isto loco diem Dominicam loco sabbathi Ignatii ævo celebratam fuisse colligi possit, nullum tamen ibi alicujus concilii vestigium apparet.

V. Im-

V: Imprimis vero fictis primi seculi conciliis & illud annumerari debet, in quo ab Apostolis immaculatam Virginis Mariæ conceptionem decretam Cœlestinus de Sfondrata Cardinalis in tractatu suo, qui innocentia vindicata inscribitur, asserit. Itane vero Apostoli in concilio aliquo immaculatam Deiparæ conceptionem decreverunt, qui neminem mortalium excepto Christo a peccati reatu excipiendum decernunt, dum omnes in Adamo peccavisse Rom. V, 12. & Scripturam omnia sub peccatum conclusisse Gal. III, 22. testantur? Cur ergo Pontifices Romani, qui se Apostolicæ sedis Successores esse jactant, hanc litem de immaculata Mariæ conceptione inter Franciscanos & Dominicanos tantis contentionibus agitatam dirimere non ausi, & cœlestem sapientiam hoc mysterium mortalibus nondum revelasse causari sunt? Cur non responderunt, jampridem Apostolos in concilio congregatos hanc controversiam decidisse, & decretum de immaculata Mariæ conceptione promulgasse? Sed de hoc concilio jam alibi egi, nempe in fasciculo observationum miscellanearum observ. I.

CAPUT III.

De

*Doctrina primi seculi seu potius
Scriptorum ecclesiasticorum, qui
ad primum Seculum vulgo
referri solent.*

CAPITIS III. SECTIO I.

De

*Symbolo Apostolico, ejusque
Doctrina.*

I.

IN voce Symboli similitudinem nonnulli depromptam arbitrantur ab amicis commune aliquod symposium ita instruuntibus, ut singuli peculiare aliquod ferculum ad illud conferant. Alii in voce symboli ad tesseram militarem respici existimant, quo & socii mutuo dignoscuntur, & ab hostibus discernuntur; vel etiam ad tesseras, quibus veteres in pactis & contractibus loco tabellarum vel syngrapharum utebantur, cum symbolum sit tessera pacti, quod cum Deo in baptismo inimus. Alii denique e Gentilium mysteriis vocis hujus originem arcessunt, quibus initiati per certa signa muta partim, partim vocalia a profano vulgo, quod procul ab interioribus templorum adytis esse jubebatur, distinguebantur, quam postremam sententiam amplectitur Anonymus quidam Anglus, cujus historia symboli apostolici Londini secunda vice A. C. 1703. prodiit, nunc etiam ex Anglicano sermone in latinum versa, & Lipsiæ A. C. 1706. typis tradita. Quod autem hic autor symbolum apostolicum coram gentilibus sollicite celatum, & ne ipsis quidem catechumenis, nisi
bre-

brevi ante baptismum suscipiendum tempore traditum & expositum fuisse statuit, persuadere mihi non possum. Extant enim in publicis Veterum scriptis formulæ quædam symbolo apostolico non absimiles, quas coram nemine celatas fuisse constat, etsi inter lac simplicis doctrinæ plebejis & rudioribus instillandum, & inter solidum cibum perfectioribus proponendum discrimen servaretur. Sane Irenæus *lib. I. cap. 2.* asserit, quod ecclesia per universum orbem usque ad fines terræ seminata ab Apostolis & eorum discipulis acceperit illorum *fidem, quæ est in unum Deum, Patrem omnipotentem, qui fecit cælum & terram, mare & omnia, quæ est in unum Jesum Christum Filium Dei, incarnatum, pro nostra salute, & in Spiritum S. qui per Prophetas locutus est.* Conferantur, quæ de mysterio Trinitatis neque coram gentilibus, neque coram catechumenis occultato contra Schellstratenum pro ixe disserit Tenzelius *exercit. select. part. 2. p. 42. & seq.*

II. Ipsos Apostolos, antequam e Palæstina in totum terrarum orbem dispergerentur, symbolum hoc composuisse communis fere Pontificiorum est sententia, cui pauci ex nostratibus accedunt, & illi quidem imprimis, qui ope hujus symboli diversas Christianæ religionis sectas conciliari posse statuerunt. Verum ut ipsos Apostolos hoc symbolum verbotenus composuisse probari non potest: ita oleum & operam perdunt, qui mediante hoc symbolo syncretisimum religionum introducere moliuntur. Nam primum Symbolum Apostolicum adæquata credendorum norma

non est, multique fidei articuli in illo plane omitti deprehenduntur, e. g. de satisfactione & merito Christi, de justificatione per solam fidem, de fide justificante, de imputatione justitiæ Christi, de unione personali, de processione Spiritus Sancti, de universali Dei gratia, de universali Christi merito, de attributis divinis, de peccato, de lege, de regeneratione, de pœnitentia, de prædestinatione, de verbo Dei, de baptismo & eucharistia, & plures alii. Quomodo ergo Lutherani cum Papistis & Calvinistis ope symboli apostolici conciliari possunt in his articulis, quorum in symbolo apostolico nulla plane mentio facta est? Quantum autem deinde articulos attinet, symbolo Apostolico comprehensos, Calviniani & Papistæ alio longe sensu verba symboli explicant, ac a Lutheranis juxta Scripturas exponuntur, ut Dannhauerus in triplici tabella probat Sigalioni in Crœsiadem Hyperaspisten subjecta, quarum una symbolum apostolicum in sensu ecclesiæ orthodoxæ, altera in sensu Papæo, & tertia in sensu Reformatorum exhibet. Quas tabulas Dannhauerianas stricturis suis perstringere ausus est Samuel Marefius in disputatione theologica partim elenctica, partim apologetica de tribus symbolis apostolicis scilicet Lutheranorum, Pontificiorum, & Reformatorum nuper a Theologo quodam Argentoratensi editis, quæ Marefiana Disputatio in sylloge disputationum ejus selectiorum *Tom. I. p. 700. & seqq.* legitur. Sed quid de his stricturis sentiendum sit, ipse Dannhauerus, qui in appendice Hodomoriæ suæ Calvinianæ stricturis Marefii suas antistricturas opposuit, *pag. 3344. & seqq.* demon-

stra-

stravit. Nec minus a sensu symboli apostolici orthodoxo quam longissime discedit sensus Arminianus, quem delineat Scherzerus in tabella, quæ tribus Dannhæuerianis tanquam quarta adjungi potest, & Socinianus, quem Rechenbergius in appendice ad libros Symbolicos exhibet. Qualis ergo concentus Papistarum, Calvinianorum, aliorumque sectariorum cum Lutheranis sperandus erit, si sectæ illæ sensum symboli apostolici ad suas hypotheses detorqueant? Conferantur quæ contra Syncretistas de symbolo apostolico notavit Calovius *Tom. I. Systemat. p. 235. seq. 243. sequ. 838. sequ. 902. & sequ.* & in Syncretismo Calixtino *pag. 8. & sequ.* Ex Reformatis ab hac sententia, quod ipsi Apostoli sint symboli autores, non plane alienus est Thomas Tullius in expositione symboli apostolici *p. 5. & seq.* etsi addat, symbolum apostolicum si non ab ipsis Apostolis conditum sit, in ecclesia tamen proxime ab illorum temporibus obtinuisse.

III. Eysengreinii sententiam statuentis Apostolos in concilio quodam Hierosolymitano symbolum apostolicum ita concinnasse; ut quisque suam quasi symbolam ad hoc symbolum contulerit, in præcedenti capite recensuimus. Quam sententiam, etsi Luciani narrationibus aut historiæ de 70. Seniorum cellulis annumeranda videatur, alii quoque inter Pontificios tuentur. Quod nonnunquam tanto cum zelo factum est, ut parum abfuerit, quin dissentientes tanquam hæreticos tractarent. Sane cum Laurentius Valla ab inquisitore hæreticæ pravitatis rogatus quid de

de symbolo apostolico sentiret, respondere non dubitaret, in concilio Nicæno illud compositum fuisse, & jam sententiam suam multis argumentis probare vellet, regerebat Inquisitor, non jam probandi, sed revocandi tempus esse, unde Valla ut periculum evaderet respondere cogeatur, se de symbolo hoc credere, quod pia mater ecclesia credit, ut ipse Valla refert *libr. 4. adversus Poggium*, ex quo decerptus est tractatus Argentorati A. C. 1512. hoc titulo impressus : *calumnia Theologica Laurentio Vallensi Neapoli olim intentata, quod negasset symbolum membratim articulatumque per Apostolos esse compositum.* Et recte quidem Valla symbolum hoc ab ipsis Apostolis articulatum membratimque compositum negavit, at in eo erravit, quod Patres concilii Nicæni hujus symboli autores fuisse statuerit, etsi hanc sententiam in antidoto ad Nicolaum V. pluribus argumentis probare annisus fuerit, ut Erasmus in apologia ad libros Alberti Pii Carporum Principis retulit. Tolerabilior tamen est hæc Vallæ sententia quam Sandii, qui hoc symbolum in concilio Nicæno ab Arianis contextum in Nucleo suo *p. 167.* asseruit, quam sententiam Bebelius *antiq. eccles. sec. 4. p. 879. & 881.* merito refutavit.

IV. Præter Vallam inter Pontificios Erasmus Roterodamus an symbolum apostolicum ab ipsis Apostolis conditum sit, dubitavit. Scripsit enim in præfatione ad Matthæum : *Symbolum an ab Apostolis proditum sit nescio.* Qua propositione cum crabrones Parisienses irritasset, qui in censura contra Erasinum edita

tit.

tit. XL. hanc Erasmi assertionem impietati deservientem scandalose propositam judicarunt, Erasmus in declaratione sua ad censuram Facultatis Theologicae Parisiensis propositionem suam de symbolo Apostolorum vindicavit, id imprimis urgens, quod juxta Cyprianum (pro quo Rufinum nominare debuisset, cujus expositio in symbolum apostolicum perperam Cypriani operibus annumerata fuit) symbolum hoc in diversis ecclesiis diversum fuerit. Si enim ab ipsis Apostolis hoc Symbolum scriptum fuisset, nemo ausurus fuisset aliquid addere vel adimere, sicut Evangelistarum scriptis nemo temere aliquid addere vel adimere ausus est. Sermonem autem illum Augustini, in quo singulos symboli articulos a singulis Apostolis promulgatos fuisse narratur, Erasmus pseudepigraphum esse judicat, idque cuilibet attento lectori ipsum stylum persuasurum esse minime dubitat. Multo minus etymologicum illorum argumentum audiendum esse censet, qui symboli vocem a bolo derivant, quasi quilibet Apostolorum bolum suum ad hanc fidei formulam contulisset. Totam autem illam narrationem Erasmus vel pictorum, quibus non minus ac Poetis quidlibet audendi semper fuit æqua potestas, vel alicujus, qui catechumenorum memoriam consulere voluit, commentum fuisse suspicatur. Inter recentiores Pontificios symbolum apostolicum ab ipsis Apostolis conditum inficiatur Elies du Pin tom. I. bibliothecæ suæ, qui etiam suam Sententiam adversus anonymum Censorem (Petitdidierium ut creditur) in responso quod sexto tomo novæ suæ bibliothecæ subjecit p. 27. vindicavit. Quid Mar-

cus Ephesius Juliano Romani Pontificis legato, symbolum ab ipsis Apostolis contextum asserenti responderit, legi potest apud Sylvestrum Sguropulum in historia concilii Florentini *sect. 6. c. 6.*

V. Rationes, quæ symbolum apostolicum ab ipsis Apostolis profectum non fuisse persuadent, videri possunt apud Vossium in dissertatione de symbolo apostolico, quæ in ejus tractatu de tribus symbolis prima est, Tenzelium in *exerc. de Symbolo Apostolico*, Neumannum in *dissertat. historico-theologica de conditoribus symboli apostolici*, Heideggerum in *dissert. de symbolo apostolico*, quæ est decima quinta Tomi secundi selectarum ejus exercitationum, Voetium in *disput. de symbolo apostolorum Tom. I. disp. p. 64.* Dorscheum in *Collegio didascalico MSC.* cujus verba exhibet Zimmermannus in *analect. p. 230.* Hermannum Witsium *exercit. I. de symbolo apostolico*, Mosén Amyraldum in *exercit. ad symbolum apostolicum p. 16. & seq.* Basnagium in *exercitationibus anti-Baronianis p. 471. & in annalibus politico-ecclesiasticis ad A. C. XLII. sect. 17. & seq.* Waltherum in *centuria miscellaneorum quest. 97.* Königium in *casibus conscientie catecheticis pag. 104.* Chamierum in *panstratia catholica Tom. I. libr. 9. c. 10.* Rivetum in *catholico orthodoxo artic. 1. qv. 9.* Dannhauerum in *christeide act. 1. thetr. 1. phen. 9.* Carpzovium in *Isagog. ad libros symbol. p. 40. 41. & alios.*

VI. Etsi vero symbolum apostolicum ratione formæ, quam nunc habet, ab Apostolis conditum non fuit

fuerit, ratione tamen materiæ apostolicum illud esse non negamus, cum omnes articuli hoc symbolo comprehensi apostolicam doctrinam contineant. Et primæ quidem hujus symboli lineæ ductæ videntur in formula baptismi a Christo præscripta, quando is discipulos suos in nomine Patris, Filii & Spiritus S. baptismum administrare jussit. Quæ baptismi formula occasionem dedit a baptizandis confessionem fidei in Patrem, Filium & Spiritum S. exigendi, quæ confessionis formula successu temporis propter varias occasiones, & imprimis ob hæreticos in primitiva ecclesia exortos, qui varia fidei capita impugnarunt, a Viris Apostolicis eorumque successoribus, ex doctrina & scriptis apostolicis subinde aucta fuit, donec in eam, quæ nunc symbolum apostolicum gaudet, formam transiit, quod, quo præcise tempore factum fuerit, determinari vix potest. Mirum autem est, Scriptores quosdam Pontificios has symboli additiones & variationes successu temporis factas non inficiari, & tamen hoc symbolum ab ipsis Apostolis simul & semel compositum tueri. Agnoscit certe Christianus Lupus Lovaniensis quondam Theologus *in scholis ad Tertullianum de præscript. adversus hæret. c. 13. p. 267.* ecclesias Orientales, Africanas, & Rhodanenses ad verba primi articuli, *credo in Deum*, particulam *unum* adjecisse, ut Gnosticorum de duplici Deo fabulam damnarent. De Africanis ecclesiis id probat ex variis Tertulliani testimoniis, de Rhodanensibus ex variis locis Irenæi, putatque vel ipsum Irenæum, vel ejus antecessorem Pothinum ejus mutationis autorem esse, & hanc additionem adhuc A. C. 1368. in concilio Vau-

rensi viguisse observat, mox omnium primum mutationis illius autorem Clementem Romanum fuisse suspicatur, qui juxta Irenæum *libr. 3. c. 3.* Corinthiorum fidem reparavit, & annunciavit, quam recens ab Apostolis acceperant traditionem. De Orientalibus ecclesiis id probat ex Rufino, qui in expositione symboli (inter opera Cypriani *edit. Rigalt. p. 508.*) omnes Orientis ecclesias ita symbolum recitare dicit: *credo in unum Deum.* Addit additamentum illud ex Africa forte etiam in Sardiniam pervenisse, cum Lucifer Calaritanus in libro de vitanda hæreticorum communione illo usus fuerit. Observat præterea additamentum illud postea ab Afris iterum expunctum, cum Augustinus communiter legat: *credo in Deum.* Circa voces *creatorem cæli & terræ*, sintne ab ipsis Apostolis prospectæ, an ab aliis ad symbolum additæ, mirum est quantum se Lupus torqueat. Quod olim hæc verba non fuerint in symbolo ecclesiæ Romanæ ex Rufino colligit, observans eadem omiſsa esse a Novatiano in *libro de Trinitate*, & Leone M. *epistola 10. ad Flavianum Episcopum Constantinopolitanum c. 2.* cujus verba contra Eutychianum quendam calumniatorem defendit Vigilius *libr. 4. contra Eutych. c. 1.* asserens verba symboli Romæ ab Apostolorum temporibus non aliter tradita fuisse ac a Leone adducta fuerant. Confirmat Lupus ulterius hanc sententiam ex eo, quod Marcellus Ancyranus coram Julio Episcopo Romano symbolum Apostolorum professus verba illa de creatore cæli & terræ non addiderit, quod probat ex Epiphanii *panario heres. 72. c. 3.* Attamen & contrariam sententiam, quod

quod nempe ipsi Apostoli verba *creatorem cæli & terræ* symbolo inseruerint, suis argumentis non destitui existimat. Nam articulum hunc esse originale & ab ipsis Apostolis profectum, non ab aliis adjectum, fortissime suadere ait Irenæum, qui diserte dicit, quod S. Clemens apud Corinthios traditam ab Apostolis regulam, quæ annunciat *unum Deum omnipotentem factorem cæli & terræ*, promulgaverit. Verum si hoc argumentum alicujus valoris est, etiam fortissime ex prædictis Irenæi verbis persvaderi poterit particulam *unum* in primo articulo, cum & illa in prædictis Irenæi verbis legatur, originale & ab ipsis Apostolis symbolo insertam esse, quam tamen Lupus ab aliis ob Gnosticorum hæresin adjectam arbitratur. Nimirum Lupus particulam *unum*, cum hodie in symbolo apostolico non extet, ab Apostolis profectam negat, verba autem *creatorem cæli & terræ*, quia hodie in symbolo leguntur, semper in ecclesiæ Romanæ symbolo lecta pronunciat, etsi admodum fluctuet, & ubi certum pedem figat, non inveniatur. Addit Lupus & aliud primi articuli additamentum, dum ex Rufino refert, Aquilejensem ecclesiam ad primum articulum ob Sabellianam & Patripassianam hæresin verba *invisibilem & impassibilem* addidisse.

VII. In secundo articulo agnoscit Lupus ecclesias quasdam legisse : *& in unum Jesum Christum*, idque propter hæresin Cerinthi, qui Jesum a Christo dividebat. Agnoscit, quod Rufini ætate neque Romanum neque Orientale symbolum verba *descendit ad*

infernus legerit, siquidem Rufinus ipse in expositione symboli id testatur. Et quamvis Henricus Vicus Oosthovii Toparcha in opusculo de Christi descensu ad inferos Rufinum mendacii arguat, Lupus tamen Rufini relationem multis aliis testimoniis confirmat, etsi non inficietur, potuisse hunc articulum ab ipsis Apostolis symbolo inferi, cum Aquilejensis ecclesia a Marco Evangelista plantata eum semper in suo symbolo haberit. Alias variationes symboli in secundo articulo a Lupo agnitas brevitatis studio præterimus.

VIII. Circa tertium articulum observat in symbolo Aquilejensi, Africano, quin & Romano veteri *ecclesiam* non fuisse cognominatam *catholicam*, nec dissimulat a Pamelio cum Rufinianam symboli apostolici expositionem inter Cypriani opera ederet, epitheton illud contra veterum exemplarium fidem nimis liberaliter adjectam fuisse, quod etiam a Vossio jam ante notatum fuerat. Asserit tamen vocem hanc valde antiquam esse, a Cypriano & Tertulliano frequenter usurpatam, etiam Græcis non incognitam fuisse, imo a Græcis ad Latinos pervenisse. Quin etiam fieri potuisse censet, ut ipsi Apostoli hoc epitheton symbolo inferuerint, incertum tamen id esse profitetur, etsi de antiquitate hujus vocis minime dubitandum esse statuat. Circa eundem articulum tertium ex Rufino observat, Aquilejensem ecclesiam ad verba *resurrectionis carnis* particulam *hujus* addidisse, ut indicaret, eam ipsam carnem resurrectionem esse, quam fideles symbolum profitentes signaculo crucis fronti imposito con-

contingunt. Qua de re Rufinus non solum in expositione symboli, sed etiam suarum adversus Hieronymum invectivarum libro I. agit his verbis: *ad majorem rei fidem addo aliquid amplius: & calumniosorum necessitate compulsus, singulare & precipuum Ecclesie nostrae mysterium pando. Etenim cum omnes Ecclesie ita sacramentum symboli tradant, ut postquam dixerint peccatorum remissionem, addant carnis resurrectionem: sancta Aquilejensis Ecclesia Dei spiritu futuras adversum nos calumnias providente: ubi tradit carnis resurrectionem, addit unius pronomini syllabam: & pro eo quod ceteri dicunt, carnis resurrectionem: nos dicimus, hujus carnis resurrectionem: quo scilicet frontem, ut mos est, in fine symboli signaculo contingentes: & ore carnis hujus videlicet quam contingimus resurrectionem fatentes: omnem venenata adversum nos lingua calumnians aditum praestruamus.* (Tom. V. operum Hieronymi editionis novae Parisiens. 1706. p. 263.) Ex quibus Rufini verbis hoc etiam patet, quod olim articulus de resurrectione carnis in symbolo apostolico ultimus fuerit, postea vero etiam articulus de *vita aeterna* accesserit, cui additamento forte Platonicos & Origenistas, variationem status post mortem asserentes, occasionem dedisse Lupus conjicit.

IX. Mirari ergo subit, quod Lupus, qui tot symboli apostolici mutationes & additiones successu temporis factas agnoscit, nihilominus adversus Marcum Ephesium, nec non contra Gerardum Johannem Vossium aliosque probare contendat, Apostolos esse hujus symboli autores. Quod argumentum non solum in alle-

allegatis scholiis ad Tertullianum de præscriptionibus adversus hæreticos pertractat, sed etiã in scholiis ad canones & decreta Synodorum generalium & provincialium Tom. I. ubi præmittitur dissertatio de symbolo apostolico & Nicæno, cujus cap. 2. apostolicam symboli originem non quidem probare audet autoritate erroris illius Judæi, qui a tempore passionis Christi in orbe adhuc vagari dicitur, & quem Matthæus Paris ad A.C. 1228. de Apostolorum divisione & prædicatione, & symbolo multa retulisse tradit, neque autoritate Johannis Ragusini, qui in concilio Basileensi adversus Rockyzanam Hussitarum Primatem disputavit, symboli apostolici auctoritatem vindicavit, cum is probationibus suis aliqua falsa admiscuerit, interim tamen multos alios irrefragabiles testes hanc opinionem de Apostolis symboli autoribus confirmare putat. Cum autem huic sententiæ tot symboli varietates & additiones adversari videantur, difficultati huic se obviam ire posse Lupus existimat, si inter symbolum traditum & scriptum distinguat, & scriptum quidem symbolum non item symbolum oretenus traditum his mutationibus obnoxium fuisse asserat. Cujus distinctionis illustrandæ causa addit, symbolum fuisse ex iis, quæ scripto mandari antiqua arcani disciplina non permiserit, & ne catechumenis quidem, ut illud pro juvanda memoria describerent, concessum fuerit, sed omnes auditu illud perdiscere oportuerit. Verum si antiqua arcani disciplina symbolum describi non permisit, quomodo distinctio inter symbolum scriptum & traditum servari poterit? Et unde probari poterit apostolicum sym-
be-

bolum nunquam scriptis mandatum fuisse? Adducit quidem Lupus Hieronymum in epistola ad Pammachium epist. 61. contra Johannem Hierosolymitanum, ubi symbolum fidei & spei nostræ ab Apostolis traditum non in charta, sed in tabulis cordis scribi dicitur, verum ipse Lupus agnoscit, non defuisse Scriptores ecclesiasticos, qui scriptis suis hujus symboli articulos inseruerunt, quod etiam ante pacem a Constantino Augusto ecclesiis datam a Tertulliano factum esse dicit. Sane etiam symbolum Nicænum ex arcani disciplina in historia sua ecclesiastica exprimere non audebat Sozomenus, ne forte illud iis, qui mysteriis nondum sunt initiati, si in historiam suam ecclesiasticam inciderent, innotesceret, ut ipse *libr. I. histor. eccles. c. 20.* refert, at neque Eusebium, neque plures alios Scriptores ea superstitione tenuit, ut symbolum Nicænum chartis inscribere dubitarent. Nec ullius ponderis est ratio, ob quam Rufinus symbolum apostolicum non scriptum sed oretenus traditum fuerit, nempe *ut certum esset neminem hac ex lectione, quæ interdum pervenire etiam ad infideles solet, sed ex Apostolorum traditione didicisse,* quasi vero ea quæ oretenus traduntur non æque ac ea quæ scripto consignata sunt, ad infideles pervenire possint. Et si symbolum apostolicum scribi non debuit, falsum erit, quod Cardinalis Julianus Cæsarinus Marco Ephesio in concilio Florentino respondit, nempe symbolum apostolicum, quale ipsi Apostoli tradiderunt, Romæ in Archivis servari tanquam primarium monumentum, ut refert Sguropulus in *bist. concil. Florent. sect. 6. c. 6.* Quod tamen Marcus Ephesius credere noluit,

M

luit, & forte nemo id temere credet, donec primarium illud monumentum ex Archivis Romanis prodeat, ut appareat, Romanam ecclesiam Apostolorum ævo eandem plane symboli apostolici formam habuisse, quam nunc habet. Id vero nunquam, ut opinor, demonstrabitur. Unde & Lupus adhuc aliud sententiæ suæ effugium quærit, distinguens inter verba symboli & inter ejus sensus seu sententias, & non tam verba quam sensus ab apostolico charismate profectos pronuncians. Verum & hæc distinctio Lupum nihil juvat, cum statum controversiæ non feriat. Symbolum enim apostolicum quoad sensus & sententias Apostolorum doctrinæ conforme esse Vossius, contra quem Lupus disputat, non negavit, sed tantum asseruit, symbolum apostolicum, quod hodie sub illo nomine in ecclesiis traditur, ab Apostolis verbotenus scribi non potuisse, cum hoc symbolum temporis successu in variis ecclesiis varie mutatum fuerit. Quam Vossii sententiam tacite approbat Paschasius Quesnelius. Postquam enim *dissert. 14. ad opera Leonis M.p. 713.* observaverat, ex Leonis epistolis ad Monachos Palæstinæ, ad Flavianum Constantinopolitanum aliisque locis manifestum esse, quod Pontifex in ea fuerit sententia, omnes quotquot erant per universum orbem ecclesias eodem, quo utebatur Romana, symbolo apostolico pariter usas in traditione symboli ante baptismum, subjicit, hac de re consulendum esse doctissimum Vossium in *dissert. I. de tribus symbolis*, qui contrariam amplexus est opinionem, *nec enim*, ait, *de his plura dicere a-*
pimus est. Quæ postrema verba satis innuunt, Ques-
 ne.

nelium magis ad Vossii quam ad Pontificis Leonis M. sententiam inclinasse.

X. Si Natalem Alexandrum *diff. XI. primi seculi* evolvamus, deprehendimus, quod ipse quoque cum plerisque Pontificiis defendere conetur, symbolum, quod apostolicum vocatur, ab Apostolis traditum esse. - Cum autem ipsum non lateret, symbolum hoc non in omnibus ecclesiis iisdem verbis pronunciatum fuisse, nec eundem sententiarum numerum in recitatione hujus symboli apud omnes ecclesias obtinuisse, sed in hac ecclesia paucioribus, in alia pluribus sententiis symbolum apostolicum constituisse, & ex eo inferri posse, quod Apostoli hoc symbolum iis sententiis, eo ordine, & iisdem verbis, quibus nunc in ecclesia recitatur, non composuerint, respondet, negari quidem non posse, quod verba & sententiæ symboli in variis ecclesiis variaverint, interim in Romana ecclesia ejusmodi variationes non contigisse, sed in sola ecclesia Romana symbolum apostolicum eo ordine, iisque plane verbis & sententiis recitari, quo ab Apostolis traditum est. Id probat ex Ambrosii *libr. I. epist. 7. ad Siricum*, ubi dicitur: *ecclesia Romana symbolum Apostolorum intemeratum semper custodit & servat*, & ex Rufini exposit. symboli, ubi asseritur, quod *in ecclesia urbis Roma nulla hæresis exordium sumserit*. Vnde Natalis Alexander factum esse putat, quod cum in aliis ecclesiis ob novellas hæreses emergentes nonnulla symbolo apostolico adjecta fuerint, sola Romana ecclesia, quippe ab ortu novarum hæresium libera his additamentis non usa fuerit. Verum ut ecclesia Romana non minus ac

alia variis hæresibus infestata fuit, quicquid Rufinus de illa celebrat: ita etiam de ecclesia Romana dici non potest, quod symbolum apostolicum quoad verba & sententias intemeratum semper custodiverit. Recte enim Jesuita Johannes Garnerius *not. ad librum Diurnum Roman. Pontif. p. 161. 162.* observat, hodiernum symbolum apostolicum in tribus articulis a symbolo veteris Romanæ ecclesiæ differre. Nam in primo symboli veteris Romani articulo mittebantur verba: *creatorem cæli & terra*, quæ in hodierno leguntur, & Garnerius ob Manichæos mundum a Diabolo conditum asserentes, & Romæ Leonis M. tempore detectos, addita existimat. In secundo Romani symboli veteris articulo mittebantur verba: *descendit ad inferos*, quæ in hodierno symbolo leguntur, & juxta Garnerii conjecturam Eutichianis Christi animam negantibus quinto seculo opposita fuerunt; quæ conjectura ex falsa hypothese Garnerio nata est, quasi sola Christi anima ad inferos descenderit. In tertio symboli Romani veteris articulo mittebantur verba: *& vitam æternam*, quæ in hodierno symbolo leguntur, & juxta Garnerium occasione Origenistarum temporalem & mutabilem electorum felicitatem statuentium symbolo tum addita fuerunt, cum liber Origenis *περὶ ἀρχῶν* Romæ visus est. Et triplicem hanc Romani symboli veteris mutationem, quæ ex Rufiniana symboli expositione constat, Natalis Alexander inficiari non potest, excipit tantum quoad primum articulum, verba *creatorem cæli & terra* in veteri symbolo Romano omissa esse, quod sub vocabulo *omnipotentem* facile includerentur. Si autem
hæc

hæc verba non explicite in symbolo veteri apostolico lecta sunt, sed tantum implicite, quatenus creator cœli & terræ sub Dei omnipotentia continetur, non video, quomodo probare possit symbolum hodiernum apostolicum quoad ipsa verba cum veteri symbolo Romano convenire. Excipit quoad secundum articulum, verba *descendit ad inferos* contineri sub verbis *sepultus est*, quam solutionem ex Rufino depromptam esse dicit. Sed quomodo hanc Rufini solutionem approbare potest Natalis Alexander, qui cum aliis Pontificiis articulum de Christi descensu ad inferos recte a sepultura distinguit, etsi cum iisdem descensum Christi ad inferos de descensu animæ Christi in limbum Patrum male explicet. Fateatur igitur necesse est, symbolum hodiernum apostolicum cum veteri Romano neque eodem verborum tenore, neque eodem sententiarum, numero convenire. Quoad tertium articulum excipit verba *vitam æternam* omissa quidem esse in veteri symbolo Romano, interim tamen virtute contineri sub verbis *resurrectionem carnis*. Verum hæc etiam exceptio scopum non ferit. Probandum enim Alexander in se suscepit, symbolum hodiernum apostolicum eodem ordine, iisdem verbis & sententiis recitari, quibus ab ipsis Apostolis traditum est, quod tantum abest, ut probare potuerit, ut potius contrarium fateri cogatur, dum agnoscit, quod Apostoli articulos de creatore cœli & terræ, & de descensu Christi ad inferos, & de vita æterna implicite tantum sub aliis articulis complexi fuerint, hodiernum autem symbolum apostolicum tres illos articulos explicite profiteatur.

XI. Cum autem symbolum, quod apostolicum vulgo dicitur, Apostolorum ætate iisdem, quibus nunc recitatur, verbis & sententiis, ab ipsis Apostolis compositum non fuisse satis constet, eorum sententia approbari non potest, qui hujus symboli in scriptis apostolicis aliquoties mentionem injectam fuisse sibi persvadent. Sunt qui Johannem cum in epistola secunda scribit: *ἰf quis ad vos veniat, & ταύτην τὴν διδαχὴν non afferat, eum nec in domum recipite, nec ave ei dicite*, per ταύτην τὴν διδαχὴν s. per hanc doctrinam symbolum apostolicum intellexisse existimant, & inde colligunt, symbolum apostolicum Apostolorum ætate tesseræ hospitalis instar fuisse, sine qua christiani peregre euntes a nemine hospitio excepti fuerint. Sunt qui Paulum ad symbolum apostolicum respicere statuunt, cum τὰ σοιχεῖα τῆς δόξης τῶν λογίων τῶ Θεῷ Hebr. V, 12. aut ἀναλογίας τῆς πίστεως Rom. XII, 6. aut τὴν καλὴν παράκαλσιν 2. Tim. I, 14. nominat. Sunt qui a Judæis symbolum apostolicum τὴν ἀπαξ παραδοθεῖσαν τοῖς ἀγίοις πίσιν vocari arbitrantur. Verum his dictis ad symbolum illud, de quo nunc agimus, apostolicum respici gratias dicitur.

XII. Etsi autem hoc symbolum verbotenus ab Apostolis conditum non sit, doctrinam tamen apostolicam, ut jam supra notavimus, in illo contineri certum est, etsi ejus verba a multis perverso sensu expli-centur. Et exercitii quidem causa perversos ejusmodi sensus symbolo huic affinxerunt Jesuitæ, ut ostenderent, quam facile auctoris alicujus scripta in alienum sen-

sensum detorqueri possint, si quis vim illis inferre velit. Quod Jesuitarum factum excusat & approbat Theophilus Raynaudus *in syntagmate de libris propriis* p. 37. & *in tractatu de bonis & malis libris* p. 294. ubi perversam illam symboli expositionem a Jesuitis excogitatam exhibet. Verum Johannes Vergerius Abbas Sancyranus, qui sub Petri Aurelii nomine latere voluit, *in apologia Episcoporum Galliae* p. 72. per blasphema ejusmodi exercitia atheismo fores aperiri, & sanam doctrinam ludibrio exponi monuit. Quomodo autem Pontificii, Calviniani, Sociniani & Arminiani serio symbolum apostolicum pervertant, ostendunt tabulae, quarum supra mentionem fecimus, unde in variis symboli expositionibus omnia probanda, sed bona tenenda sunt.

XIII. Inter veteres symbolum apostolicum scripto exposuit Photinus hæreticus, de quo peculiari dissertatione egi *heptad. dissert. diff. 6.* Ita autem Photinus in explicatione symboli hujus versatus est, non ut rationem dictorum audientibus explicaret, sed ut simpliciter & fideliter dicta ad argumentum sui dogmatis traheret, ut refert Rufinus Aquilejensis Presbyter, qui & ipse apostolicum symbolum exposuit. Et Photini quidem tractatus pridem periit. Rufini autem expositio symboli apostolici non solum inter Rufini, sed etiam inter Cypriani & Hieronymi opera legitur. Alios quosdam veteres, qui symbolum apostolicum explicarunt, recenset Bona *in Psalmodia* c. 16. p. 325. ubi nominat Ambrosii tractatum in symbolum apostolicum, Leonis M. sermonem II. in passione Domini, & ser-

sermonem contra hæresin Eutychetis, Augustini tractatus de fide & symbolo, de symbolo ad Catechumenos, enchiridion ad Laurentium & varios sermones, Chrysostomi homiliam de symbolo, quam tamen latini auctoris esse existimat, Venantii Fortunati exegezin in symbolum, Chrysologi sermonem 56. & sequentes, Athanasii epistolam ad Jovinianum, Maximi Taurinensis homiliam de expositione symboli, D. Thomæ opusculum 16. & Dionysii Carthusiani opusculum de vita Curatorum. Ex recentioribus Pontificiis prolixè in symbolum apostolicum scripsit Angelus del Bas, cujus expositiones in symbolum apostolicum Romæ A. 1596. paulo ante auctoris mortem, & iterum A. 1614. ex typographia Vaticana, nondum tamen integræ, sed septem tantum articulos complexæ, & in articulo de Christo ad judicandos vivos & mortuos venturo finientes, prodierunt. Tomus enim secundus reliquos articulos continens, quem Lucas Waddingus *in bibliotheca Scriptorum ordin. Minor. p. 24.* se editurum promisit, nondum, quod sciam, evulgatus est. Extat etiam Erasmi Rotodami dilucida & pia expositio symboli, quod Apostolicum dicitur, ut Johannem Hesselium, Robertum Bellarminum & alios taceamus. Ex Reformatis hoc symbolum explicarunt Moses Amyraldus in exercitatione ad symbolum apostolicum, quam Jacobo Capello suo in Salmuriensi Academia Collegæ dedicavit, Johannes Pearsonius Episcopus Cestriensis in expositione symboli apostolici, Anglice primum scripta, & postea juxta quintam editionem Anglicanam in linguam latinam translata & Francofurti ad Viadrum A. 1690. edita,

Her-

Hermannus Witsius in exercitationibus ad symbolum apostolicum, quarum tertia editio ab Autore recognita Amstelodami A. 1697. prodiit, Johannes Heinrichus Heideggerus in duabus dissertationibus de symbolo apostolico, quæ insertæ sunt tomo 2. dissertationum selectarum, Thomas Tullius in expositione symboli apostolici, quam suo præcipuorum Theologiæ capitulum enchiridio didactico adjunxit, cujus quinta editio Oxonii A. C. 1700. lucem publicam aspexit, & Anonymus Anglus in historia symboli apostolici, quæ ex Anglicano sermone in latinum translata Lipsiæ A. C. 1706. prodiit, quibus Lambertus Danæus, Matthias Martinius & alii plures addi possunt. Ex nostris videri poterunt Nicolaus Selneccerus in secunda parte *Pædagogicæ christianæ*, Christophorus Irenæus in explicatione symboli apostolici germanice scripta, cujus titulus: *Symbolum apostolicum, das ist / die Artickel unserß Christlichen Glaubens ausgeleget / mit Vermeldung und Widerlegung allerley Irrthum und Ketzereyen / beyde alte und neue / so dawider entstanden /* Försterus in *problematicis catecheticis*, Schilterus in *thesauro catechetico*, Dannhauerus in *lacte catechetico part. 3. 4. & 5.* aliique.

XIV. Non patitur autem instituti nostri ratio, ut cum his autoribus aliisque symboli apostolici interpretibus singulos hujus symboli articulos pertractemus. De uno atque altero aliqua notasse sufficiat. Profitemur ergo in hoc symbolo fidem nostram in Deum Triunum, Patrem, Filium & Spiritum Sanctum. Patris enim nomen, quod statim sub initium symboli

occurrit, hic non essentialiter prout omnibus Trinitatis personis commune est, sed personaliter pro prima Trinitatis persona accipi dubium non est, unde etiam talis hujus denominationis ratio attendenda est, quæ Pater a Filio & Spiritu S. distinguitur. Est autem personalis ille Patris character activa generatio, quia ab æterno Filium sibi coæternum generavit. Anonymus Anglus, qui historiam symboli Apostolorum edidit, etsi in voce Patris ad æternam Filii generationem respici non plane inficietur, imprimis tamen Patris nomen hoc loco omnium rerum autorem causam atque originem significare statuit, & suspicatur hoc Patris nomen Gnosticis in symbolo oppositum fuisse, cum illi Deum aliquem inferiorem Patrem Regemque omnium appellarent, adversus quos symbolum apostolicum Patris nomen summo Deo vindicasse putat *p. 61. & seqq. edit. latina.* Quæ ratio etsi subtiliter excogitata sit, vereor tamen ne a veritatis scopo aberret. Antequam enim Gnosticorum colluvies emergeret, christiani in nomine Patris, Filii & Spiritus S. baptizabantur, ex qua baptismi formula nomen Patris in symbolum apostolicum derivatum esse plane mihi persuadeo. Quod autem in Patris nomine respectus ad æternam Filii generationem habeatur, confirmari potest ex sequentibus verbis, ubi Christus Filius Dei unigenitus dicitur, quod nomen Christo non aliam ob rationem competit, quam quia ex substantia Patris ab æterno generatus est Ps. II, 7.

XV. Equidem Anonymus Autor historię symboli apostolici quatuor alias causas adducit, ob
 quas

quas Christum Filium Dei appellari existimat, nempe (1) quia Spiritus S. virtute miraculose conceptus est, *Luc. I, 35.* (2) quia a Patre ex mortuis resuscitatus & ad aliam vitam quasi genitus fuit, *Actor. XIII, 33.* (3) quia speciali Dei voluntate ad officium suum a Patre sanctificatus & missus est *Job. X, 36.* & (4) quia sedens ad dextram majestatis Dei omnium hæres constitutus est *Hebr. I, 2. & seq.* Verum hæc ex Sociniano-
rum lacunis hausta sunt, nec probari possunt. Fuit enim Christus Filius Dei, antequam in utero B. Virgini-
nis a Spiritu S. conciperetur, fuit Filius Dei, antequam ex mortuis resuscitaretur, fuit Filius Dei, antequam ad officium suum sanctificaretur, & in mundum mitteretur, fuit denique Filius Dei, antequam omnium hæres constitueretur. Neque dicta a Socinianis & autore anonymo allegata probant, quod probare debent, ut ostendit Calovius *Tom. III. System. pag. 621. & seqv.* Interim in anonymo autore historiæ symboli apostolici hoc probandum est, quod æternam Filii generationem ex patris substantia haud perinde ut Sociniani neget, sed eam voce *unicum vel unigenitum* in symbolo indicari concedat.

XVI. Episcopus & alii Arminiani æternam Filii generationem ex Patris substantia creditu necessariam inficiantur, cum in symbolo apostolico nulla ejus mentio injiciatur. Verum hypothesis illa falsa est, quod omnia creditu necessaria symbolo apostolico contineantur. Deinde verò & hoc falsum est, quod æterna Filii generatio in symbolo apostolico non commemoretur. Nam & Patris, & Filii, & quidem uni-

geniti mentio æternam illam Filii ex Patris substantia generationem innuunt. Conferantur, quæ contra Episcopium differit Georgius Bullus in judicio ecclesiæ catholice de necessitate credendi, quod Dominus noster Jesus Christus sit verus Deus, c. 5. ubi etiam autor irænici irënicorum Daniel Zwickerus refutatur, qui ipsum symbolum indicare censet, cur Christus Dei Filius vocetur, nempe quia a Spiritu S. conceptus, ex Maria natus, passus sub Pontio Pilato, crucifixus mortuus & sepultus est, descendit ad inferos, tertia die resurrexit, ad coelos ascendit, sedit ad dextram Patris venturos judicare vivos & mortuos, quasi his verbis delineetur, de quali Dei Filio symbolum loquatur. Quis enim credat in tam brevi & conciso symbolo tam proximam Filii Dei descriptionem contineri, quæ ferme dimidiam ejus partem implet? Et quid Christi passio, crucifixio, mors, sepultura, & descensus ad inferos ad declarationem filiationis Christi faciunt? Postremo Bullus in eodem capite autorem quoque Racoviensis catechismi non immerito refutat, qui gloriatur, se suosque socios de Christi persona id solum credere, quod natura sit homo verus, qualem esse testatur fidei symbolum, quod apostolicum vocatur, & quod universi christiani amplectantur. Etsi enim omnes Christiani hoc symbolum amplectantur, non tamen in sensu Sociniano illud amplectuntur, sed in sensu orthodoxo & Scripturæ S. conformi, neque credunt in hoc symbolo tantum veram Christi humanitatem tradi, cum verba *Filium ejus unigenitum Dominum nostrum* etiam veram ejus Deitatem clarissime testentur.

XVII. Necessariam autem esse fidem in Christum verum Dei Filium ipsa scriptura inculcat. Indicat enim necessitatem præcepti, cum Johannes ait: *hoc est præceptum ejus, ut credamus in nomen Filii ejus Jesu Christi* 1. Joh. III, 23. Indicat etiam necessitatem medii, cum idem Apostolus ait: *quisquis confessus fuerit, quod Jesus sit Filius Dei, Deus in eo manet & ipse in Deo* 1. Joh. IV, 15. *nec mundum vincere potest, nisi qui credit, quod Jesus sit Dei Filius* 1. Joh. V, 5. Neque his dictis obstat, quod Johannes in eodem prioris suæ epistolæ capite dicit: *qui credit, Jesum esse Christum ex Deo natus est* 1. Joh. V, 1. ex quibus verbis Episcopus infert, hoc tantum esse necessarium, ut credamus Jesum esse Christum seu verum Messiam. Nam Johannes his verbis necessitatem fidei in Christum Filium Dei non excludit. Et quamvis Episcopus excipiat, quod aliud sit esse Filium Dei, aliud ab æterno generari, nec hoc, sed illud tantum creditu sit necessarium, cum a re ipsa ad rei modum non valeat consequentia, Scriptura tamen alium modum ignorat, quo Christus sit Filius Dei, quam generationem ab æterno factam, ideoque hæc generatio non ad rei modum, sed ad rem ipsam pertinet, nisi generalem modum dicere velis, qui ad questionem an sit spectat, qua de re Rappolti Theologia aphoristica in priorem Johannis epistolam pag. 523. & seqv. videatur.

XVIII. Vexatissimus est articulus symboli apostolici de Christi ad inferos descensu, tot sententiis & expositionibus obnoxius, ut omnes enumerare nimis longum foret. Aliquas tamen quin commemo-

rem omittere non possum. Et Samuel quidem Bochartus in *epistola ad Tapinum* p. 982. agnoscit, in symbolo apostolico Christi descensum ad inferos ab ejus morte & sepultura distingui, sed per descensum ad inferos nihil aliud intelligi existimat, quam quod Christus ad statum usque mortuorum humiliatus fuerit, & per triduum in eo manserit. Verum, si hoc tantum per Christi ad inferos descensum notaretur, non opus fuisset, brevissimo huic symbolo hanc particulam addere, quia ex verbis *mortuus & sepultus est, & tertia die resurrexit a mortuis* satis elucescit, Christum ad mortuorum usque statum pervenisse, & per triduum in eo permansisse. Neque per Bocharti sententiam, ut ipse sibi persuadet, ordini symboli optime consulitur, cum Christus jam antea, quam sepeliretur, in statu mortuorum fuerit. Quod autem hæc particula addita fuerit, ad triduanam in statu mortuorum permanentiam indicandam, probari non potest. Aliud enim est descendere ad inferos, aliud per triduum in statu mortuorum permanere. Falsum quoque est, quod Bochartus voces *scheol* & *ādn* nusquam de inferno usurpari dicit. Hæc enim sententia non minus a veritate aberrat, quam contraria Scriptoris alicujus anonymi, qui in disquisitione de statu animarum separatarum Anno 1670. edita asserit, voces illas nunquam in Scriptura S. aliter quam de inferno usurpari, etsi autor ille infernum fabulose describat, nempe per subterraneum omnium animarum separatarum, sive in judicium non venturæ, sive judicandæ, sive jam judicatæ sint, receptaculum, in quo

cas

eas quodammodo dormire & variis pro diversa conditione somniis affici, comminiscitur. Illud tamen Bocharto libenter largimur, quod descendere ad inferos in Scriptura nonnunquam idem sit, ac in mortuorum statum redigi. At per Christi ad inferos descensum nihil aliud quam statum mortuorum intelligi, ferri non potest, quia Christus ita ad inferos descendit, ut post vivificationem suam in Spiritu profectus spiritibus carcere infernali conclusis prædicaverit, iisque præconis instar edictum æternæ damnationis promulgaverit *1. Petri III, 18. 19.* Equidem Bochartus hunc locum de prædicatione, quæ temporibus Noæ facta est, intelligit, quæ sententia etiam pluribus aliis placuit, etsi diverso modo illam explicent. Nam Johannes Clericus *annot. ad Davidis Clerici qu. 18. p. 190.* per Christi Spiritum intelligit æternam ejus divinitatem, & per πνεύματα in Φυλακῇ bonos Angelos custodiæ hominum a Deo præfectos, quasi Petrus dixisset Christum in divinitate sua & Angelis sanctis ejus comitibus venisse ad antediluvianos, & prædicasse incredulis temporibus Noæ, & per hunc justitiæ præconem tota die manus suas expandisse. Quemadmodum enim ante everisionem Sodomæ Filius Dei cum duobus Angelis in terras descendit: ita eundem ante diluvium cum Angelis ivisse putat, ut Noachum de instante diluvio, nisi homines resipiscerent, admoneret. Nec mirum esse dicit, quod in historia diluvii Angelorum mentio non fiat, cum etiam in historia promulgatæ legis Moses Angelorum non meminerit, cum tamen *Act. VII, 34.* lex per Angelorum ministerium data memoretur. Eandem hujus dicti inter-

terpretationem repetit Clericus *in suis ad N.T. annotationibus Tom. II. p. 379.* Verum etsi hæc sententia Clerico ita arrideat, ut nullam magis cum verbis Apostoli convenire censeat, durum tamen est per πνεύματα ἐν Φυλακῇ custodes hominum Angelos intelligere, & dicere, quod Christus in Angelis h. e. una cum Angelis ad antediluvianos iverit. Parum quoque probabilitatis habet sententia Ariæ Montani, qui per πνεύματα ἐν Φυλακῇ animas in arca servatas intelligit, iisque Christum per Noachum prædicasse scribit. Potius, si Petrus de prædicatione Noachi temporibus facta loqueretur, cum Augustino *epist. 99. ad Evodium* dicendum foret, quod per πνεύματα ἐν Φυλακῇ intelligantur animæ antediluvianorum, quæ in tenebris ignorantiae & incredulitatis tanquam in carcere aliquo versatae sunt, vel cum Gerardo *comment. ad b. l.* quod Christus prædicaverit antediluvianis, qui nunc ob incredulitatem suam in carcere infernali constituti sunt, quam sententiam Gerhardus aliis præferendam judicat. Verum cum Petrus in antecedentibus verbis de Christi morte & vivificatione egerit, & in sequentibus verbis ejus resurrectionem, ascensionem in cœlum, & exaltationem ad Dei dextram describat, rectius, ut puto, alii Theologi prædicationem, de qua Petrus loquitur, illo tempore factam esse statuunt, cum Christus vivificatus ante resurrectionem suam virtute divina ad locum damnatorum ivit, & damnatis spiritibus incredulitatem, qua semetipsos in perniciem conjecerunt, exprobravit, iisque majestatem suam manifestavit. De sententia Lucæ Osiandri, qui antediluvianos quosdam an-

te

te mortem conversos, & post mortem in loco extra
cœlum & infernum tertio usque ad Christi ad inferos
descensum, per quem ex illo loco educti sunt, servatos
arbitratur; de Hesselio, qui Petrum de prædicatione
gentilibus in spiritali quadam captivitate sedentibus
per Apostolos facta loqui autumat; de Calvino, qui
Φυλακην per speculam, seu continuam animarum ante
Christi passionem expectationem explicat, aliisque hu-
jusmodi loci Petrini interpretationibus plura addere
non placet, sed ad Bochartum redire, & ad ea quoque
breviter respondere, quæ sub initium suæ epistolæ no-
tavit. Observat igitur articulum de descensu Christi
ad inferos in symbolo Nicæno non extare, & in Atha-
nasiano quidem legi, sed ibi sepulturam Christi omitti,
ideoque videri, quod Athanasius per Christi ad inferos
descensum ejus sepulturam intellexerit. Sed quantum
ad Athanasii symbolum attinet, breviter respondemus,
haud opus esse, ut autorem symboli Athanasiani sepul-
turam Christi & ejus descensum ad inferos pro uno
eodemque articulo habuisse sentiamus, cum forte se-
pulturam sub morte complexus fuerit, & sic articulum
de descensu Christi ad inferos non minus a sepultura
quam a morte distinxerit. Objectioni autem de sym-
bolo Nicæno, quam ante Bochartum alii quoque mo-
verunt, Brochmandus in loco de Christo *sect. 14. quest.*
1. ita respondet, ut in symbolo Nicæno etiam articu-
lum de Spiritu S. omissum esse dicat. Qua in re ipsum
memoria fefellit. Nam articulus de Spiritu S. in Ni-
cæno symbolo omissus non fuit. Rectius dixisset, o-
missos in concilio Nicæno articulos de ecclesia, remis-
sione

sione peccatorum, resurrectione carnis & vita æterna. Hi enim articuli postea in Constantinopolitano concilio additi fuerunt.

XIX. Ligtfootus in dissertatione ad articulum symboli apostolici de descensu Christi ad inferos, quæ legitur *Tom. I. oper. p. 759.* observari cupit, originalem symboli apostolici textum græcum esse, ideoque significationem vocis *ἀδης* attendendam; ethnicos autem *ἀδην* vocasse locum & statum post mortem in altero quasi mundo, & describere ut locum subterraneum in campos Elysios & tartara divisum. Quando ergo in symbolo dicitur, Christum descendisse *εἰς ἀδης*, nihil aliud significari existimat, quam quod anima Christi iverit in alterum mundum, & quidem in locum justorum s. cælum, quem locum etiam in Psalmo 16. *ἀδην* appellari scribit, ubi Christus ait: non derelinques animam meam in inferno. Etsi enim anima Christi in paradiso seu cælo fuerit, eam tamen ex desiderio pristinae cum corpore unionis sine corpore in paradiso seu cælo relinquere noluisse scribit. Putat ergo Ligtfootus, hunc articulum symbolo apostolico additum fuisse ob illos hæreticos, qui Christi animam negabant, quemadmodum præcedentes articuli de passione, crucifixione, morte & sepultura Christi hæreticis verum Christi corpus negantibus oppositi fuerunt. Verum falsa est illa hypothesis, quod Christus animæ tantum ratione ad inferos descenderit. Et si ad inferos descendere idem est, ac in alterum mundum ire, sive quis in beatorum sedes recipiatur, sive damnatorum societati adjungatur, sursum & deorsum, superi &
infe-

inferi permiscuntur. Quæ absurditas premit etiam Zwinglium, cui descendere ad inferos idem est, ac ascendere in Paradisum & Abrahæ sinum, & Christianum Schottanum, qui in prima dissertatione de vero sensu verborum: *descendit ad inferos*, existimat descendere ad inferos idem esse, ac in locum & statum animarum separatarum, sive beatarum, si felici obitu corpore egressæ fuerint, sive damnatarum, si in impietate excesserint. Falsa est præterea illa quoque Ligtfooti hypothesis, quod originalis symboli apostolici textus græcus sit, & articulus de descensu ad inferos ex voce *ad*, prout eam gentiles interpretati sunt, æstimari debeat; Romanæ enim ecclesiæ symbolum apostolicum originem suam debet.

XX. Amyraldus in *expositione symboli pag. 143.* observat, hunc articulum olim neque Romano neque orientali symbolo additum fuisse, & in aliis quoque veterum symbolis non legi, aut si in nonnullis legatur, articulum de sepultura Christi omissum deprehendi, unde suspicio nonnullis nata articulum de sepultura & de descensu ad inferos unum eundemque esse, & forte verba: *descendit ad inferos* explicationis causa in margine primum posita, sed successu temporis textui inserta fuisse, & sic parem cum reliquis articulis auctoritatem obtinuisse. Similia de hoc articulo profert Heideggerus *dissert. I. de symbolo apostol. p. 655.* ubi post Parkeri & Lavateri tractatus de descensu Christi ad inferos neminem emunctarum narium amplius dubitare asserit, quin verba illa de Christi ad inferos descensu ex symbolo Athanasiano primum in Nicæni ac postea

etiam apostolici symboli textum irrepsertint, quæ tamen toleranda & de mortuorum statu explicanda opinatur. Quin etiam non sine singulari Numinis providentia licet sero, (non tamen primum a Thoma Aquinate, ut Erasmus in sua catechesi statuit) ad symbolum accessisse asserit. Nescio autem unde Heideggerus habeat, articulum de descensu ad inferos ex Athanasii symbolo primum Nicæni ac deinde etiam apostolici symboli margini ascriptum fuisse. Nam in Nicæno symbolo nullum illius articuli vestigium apparet.

XXI. Witsius *in expositione symboli exercit. 18.* itidem observat articulum de descensu Christi ad inferos in plerisque antiquioribus symbolis omitti, aut ubi ponitur nullam sepulturæ mentionem fieri, nisi quod apud Socratem *libr. 2. c. 41.* legitur, Arianos Acacio ad dictos numero 50. Constantinopoli convenisse, ibique symbolum condidisse, in quo profitentur, se credere in Christum *θανέντα καὶ ταφέντα, καὶ εἰς τὰ κατὰ χθόνα διαληλυθέντα, mortuum, sepultum, & qui subterranea penetraverit*, quibus verbis sepulturam a descensu ad inferos distingui satis manifestum est. Etsi vero Witsius hunc articulum de descensu ad inferos per errorem in symbolum irrepsisse judicet, dum nempe primum ex Athanasiano symbolo margini apostolici symboli ascriptus, postea in ipsum textum translatus, & cum sepultura conjunctus est, pie tamen hoc caput credi asserit, modo sensu commodo id fiat. Hunc autem commodissimum sensum esse censet, ut Christus partim ratione corporis, partim ratione animæ ad inferos descendisse

disse dicatur, & ratione quidem corporis, dum sepultus & in statum mortuorum redactus est, ratione autem animæ, dum gravissimos angores passus est, non quidem in loco damnatorum, sed in oliveto & cruce, nec post animæ a corpore separationem, sed morti propinquus. Verum quod Christus ratione corporis sui per sepulturam ad inferos descenderit, ex eo probari non potest, quod symbola quædam, quæ descensum ad inferos memorant, de sepultura ejus sileant. Nam in istis symbolis articulus de sepultura Christi non sub descensu ad inferos, sed sub ejus morte continetur. Si autem Christus ratione animæ ad inferos descendit, quatenus gravissimos in passione sua angores toleravit, conveniens non esset, angores istos a vivente toleratos morti ejus & sepulturæ in symbolo postponi.

XXII. Johannes Pearson *exposit. symboli apost.* art. 5. p. 460. variis aliorum sententiis rejectis eam communi ecclesiæ omnium seculorum suffragio probatam esse putat, quæ docet, animam Christi, quamprimum per mortem a corpore separata fuit, in infernum seu locum, ubi separata hominum animæ detinentur, & non minus ab hac mundi parte, quam viventes occupant, quam a cœlis, ad quos Christus postea ascendit, distinctum se contulisse, & per triduum in piorum societate commoratum fuisse. Hunc autem descensum eo fine factum esse putat, ut æque mortui ac vivi sortem subiret. Verum Scriptura non in ipso statim mortis momento Christum ad inferos descendisse refert, sed Christum jam vivificatum ad damnatos spiritus profectum.

ctum asserit 1. Pet. III, 18. 19. Vnde etiam falsum cognoscitur, quod tantum animæ ratione ad inferos descenderit. Neque etiam scriptura commune omnium separatarum animarum receptaculum agnoscit, sed duplex, unum quietis, alterum tormenti. Et si Christus cum tantum in finem ad inferos descendit, ut mortui sortem subiret, descensu illo opus non fuisset, quia in ipsa morte mortui sortem jam subierat. Quæ etiam contra anonymum historiæ symboli apostolici autorem observanda sunt, qui circa hanc materiam iisdem fere Pearsonii vestigiis insistit.

XXIII. Plures Reformatorum sententias non addimus, sed ad Pontificios pergimus, e quibus Johannes Picus Mirandulæ Comes inter 900. conclusiones, quas Romæ disputandas exhibuit, hanc etiam posuit: *Christus non veraciter, & quantum ad realem presentiam descendit ad inferos, ut ponit Thomas & communis via, sed solum quoad effectum.* Quam conclusionem postea in apologia sua pag. 125. prolixe defendit. Post hanc Johannis Pici cum quibusdam sui ævi doctoribus contentionem, nova exorta est inter Cardinalem Cusanum & Jacobum Fabrum Stapulensem controversia. Cum enim Cusanus Christum nonnihil pœnarum apud inferos sustinuisse statuisset, Jacobus Faber in appendice ad psalmum: *in Te Domine speravi*, quam secundæ editioni quintuplicis sui psalterii A. 1513. præmisit, pluribus argumentis ostendit, Christum apud inferos nihil passum esse. Alias Papistarum de hoc articulo dissensiones refert D. Hoë in der *Haupt-Vertheidigung des*

des *Mugapffels* c. 67. p. 519. quas hic repetere nolumus. Addimus tantum, quæ Angeli del Pas in symboli apostolici expositione de descensu Christi ad inferos sententia fuerit. Statuit ergo *libr. 7. art. 5.* Christum ad inferos descendisse vere & proprie, libere, nulla coactione vel necessitate naturæ aut debiti, voluntati Patris obtemperantem, descendisse ipsum velocitate & celeritate incredibili, retenta secum divinitate, nec remansisse in sepulchro, nec in inferno desuisse, nec ibi quicquam passum fuisse, nec ibi detineri potuisse, descendisse ipsum non servum sed Dominum, descendisse solum, nec alium, quæ ipse præstitit, præstare potuisse, descendisse non secundum divinitatem, nec secundum corpus, sed secundum animam, & quidem secundum animæ substantiam & præsentiam, non solum secundum effectum, descendisse ipsum ad inferos subterraneos & loca poenarum, ad animarum receptacula, ad inferos Abrahamæ sinus, seu limbum Patrum, ad inferna purgatorii loca, ut omnes vel aliquos inde liberaret, & justis reliquis imposterum ibi purgaturis spem præberet, fidemque firmaret, animas eorum virtute suffragiorum liberandas, ad limbum infantum, quos ob Christi adventum tanquam objectum pulchrum & delectabile exultasse conjicit, ad locum damnatorum & dæmonum, ut illis insultaret, prædicaret, & eorum potestatem reprimeret, neminem vero ipsorum liberaret. Quas inter propositiones, ut nonnullæ veræ sunt, ita reliquæ falsissimæ, quod proluxa probatione non indiget,

XXIV. E Lutheranis Christianus Dreierus in der Erörterung etlicher Theologischer Fragen p. 717. & Calixtus in *Epitome doctrinae Juliae corollario capit. de Christo* egregie circa hunc articulum calvinizant, dum hunc articulum a Christi morte & sepultura distinctum esse negant, notati propterea a Summe Reverendo D. Fechtio in *dissert. Theologica de descensu Christi ad inferos* propos. I. §. 5. & 6. Johannes Brentius in catechismo suo duplicem Christi ad inferos descensum statuit, unum, cum adhuc corporalem in terris vitam agens inferni dolores suscepit, & alterum, cum de cruce depositus & sepulchro illatus prorsus interiisse visus est, quasi nulla vitae recuperandæ spes amplius superesset. Addit autem Brentius, non sentiendum esse, quod Christus post mortem suam passus sit aliquem in infernis dolorem. Contra Johannes Æpinus in enarratione Psalmi 68. Anno 1553. Francofurti edita prolixè asseruit, Christum in descensu suo infernali dolores & passionem in anima sua sustinuisse, adeoque descensum Christi ad inferos ad exinanitionis statum pertinere. Idem docuit Matthias Flacius in *Clav. Script. sub tit. inferni* ubi urget, quod descensus Christi gloriosus dici non possit, cum ascensio ejus huic descensui *Ephes. IV, 9. 10.* opposita gloriosa fuerit, ut cætera ejus argumenta taceamus. Et ipse quoque Lutherus, cum suum in Psalmos priores 22. commentarium ederet, in hanc sententiam inclinavit, dum verba Psalmi XVI, 10. de doloribus inferni, quos Christus post mortem passus fuerit, explicavit, hac tamen restrictione addita, se huic explicationi inhaerurum,

rum, donec meliora edoctus fuerit, quemadmodum etiam in epilogo hujus in priores psalmos commentarii lectorem, ut cum judicio eum legat, rogat, sibi que non omnia in eo placere ingenue testatur. Non igitur ex hoc in priores psalmos commentario Lutheri de Christi ad inferos descensu sententia haurienda est, sed potius ex homilia habita prid. Kal. Aprilis A. C. 1532. in vigiliis paschalibus, in qua se propterea articulum de Christi descensu ad inferos explicaturum dicit, ut post mortem ejus unicuique constare possit, quid de hoc fidei articulo crediderit. Legitur autem illa Lutheri homilia in postilla domestica sub initium partis æstivæ. Eadem quæ de Christi ad inferos descensu in concione illa Lutherus disseruit, anno sequenti 1533. repetiit in homilia Torgæ habita, quæ Tom. IV. Wittebergensi & Tom. VI. Jenens. & Altenburgensi legitur, & quam etiam Formula Concordiæ tam in epitome quam in declaratione *artic. 9.* commendat, cum in ea Lutherus pie admodum hunc articulum explicaverit, inutiles quæstiones refecuerit, & ad fidei simplicitatem Christianos exhortatus fuerit. Summam illius concionis Torgensis D. Daniel Cramerus in exegemate de descensu Christi ad inferos *part. 2. cap. 4. quest. 1. p. 261.* his verbis extrahit: (1.) *urget τὸ πῆλὸν hujus articuli.* (2.) *docet hunc quoque articulum superare captum rationis humane, & ob id præcisus ineptis disputationibus simpliciter fide tenendum esse.* (3.) *ostendit actum hunc descensionis extramundanum esse, & nullo modo conformem conditioni hujus vite.* (4.) *propter captum rudiorum posse quidem imagines fingi aut concipi,*

pi, ita tamen, ne imaginibus pueriliter inhereatur, sed ex conceptibus illis res abstrahantur plane divinae. (5.) quod Christus profectus sit in infernum, non ut ibi aliquid pateretur, sed quod descenderit ut victor & heros triumphans, confringens infernum, terrens Diabolo & predominans portis ejus. (6.) quod actio hæc descensionis non facta sit corporaliter, palpabiliter & crasso modo, sed modo incognito. (7.) quod totus Christus personaliter & presentialiter descenderit, idque non tantum per effectum. (8.) quod tota persona, nulla facta seclusione corporis ab anima, descenderit, ut juxta symbolum apostolicum simpliciter facemur, credo in Jesum Christum, in totam personam. (9.) plus tamen debere nos esse sollicitos de fructu hujus articuli addiscendo, quam de modo. Probat autem Lutherus in illis concionibus hunc articulum imprimis ex Psalmo XVI, 10. ubi Messias se in inferno non relictum iri asserit, quod oraculum de Christi ad inferos descensu Höpferus in suis ad Psalmos commentariis egregie explicat. Hanc igitur Lutheri sententiam sequitur Formula Concordiæ docens, Christum ad inferos descendisse, infernum omnibus credentibus destruxisse, nosque per ipsum & potestate mortis & Satanæ ab æterna damnatione atque adeo e faucibus inferni ereptos, quo autem modo hæc effecta fuerint, curiose non scrutandum esse. Cui simplicitati adhæserunt Theologi Witebergenfes Ægidius Hunnius, Salomon Gesnerus, David Rungius, & Johannes Georgius Volckmarus. Cum enim rumor spargere-tur ab Hubero disseminatus, quod de hoc articulo li-tes inter se alerent, scriptum ediderunt sub titulo:

Be

Beständige Widerlegung / in quo simpliciter ad Formulam Concordiæ provocarunt, solenniter protestari, quicquid hactenus de hac materia dictum scriptumve fuerit, id omne juxta mentem Formulæ Concordiæ explicandum esse.

XXV. Torgensem illam Lutheri concionem, quam Formula Concordiæ commendat, exagitat Joh. Christophorus Becmannus in Massonii anatomia universalis triumphante, quod in ea dicatur *tomo VI. Jennis Germanico fol. 76. b. & sequ.* Demnach pflegt mans auch also an die Wände zu mahlen / wie Christus hinunter fähret mit einer Chor-Kappen / und mit einer Fahnen in der Hand / für die Helle kompt / und damit den Teufel schlägt und verjagt / die Helle stürmet / und die seinen heraus holet. Wie man auch in der Oster-Nacht ein Spiel für die Kinder getrieben hat. Audiat vero ipsum Lutherum *fol. 77. a.* Solch Gemälde zeigt sein die Krafft und Nutz dieses Artickels darumb er geschehen / geprediget / und gegläubet wird / wie Christus der Hellen Gewalt zustöhret / und dem Teufel alle seine Macht genommen habe. Et paulo post: Sonst wenn ich auch wolte so klug seyn / wie etliche / die gerne hoch fahren / und unsere Einfältigkeit spotten / so künde ich auch wol scherzen und fragen / was er für eine Fahne gehabt / ob sie von Tuch oder Papier gewest sey / und wie es zugegangen sey / daß sie nicht in der Helle verbrand ist / Item was die Helle für Thor und Schlösser habe &c. Und also sein heidnisch die Christen verlachen / als die größten Narren / daß sie

solches glauben / das ist gar eine schlechte leichte Kunst. Et iterum : denn wir sind ja / Gott Lob / so grob nicht / daß wir glauben oder sagen / daß es leiblich so zugangen sey / mit äußerlichem Geprång . oder hülzen Fahnen / und Tuch / oder daß die Helle ein hülzen oder eisern Gebäu sey. Aber wir lassen beyde solch fragen / klügeln und deuten daheimen / und reden einfältiglich davon / daß man mit solchen groben Gemälden fasse / was dieser Artickel giebt / wie man sonst die Lehre von Göttlichen Sachen durch grobe äußerliche Bilde für giebt. Wie Christus selbst allenthalben im Evangelio dem Volck das Geheimnis des Himmelreichs durch sichtige Bild und Gleichnis fürhält. Et fol. 78. a. Sage nur einfältiglich also / wenn man dich fraget von diesem Artickel / wie es zugangen sey / das weiß ich warlich nicht / werde es auch nicht erdencken noch ausreden können / aber grob kan ich dir wol mahlen und in ein Bild fassen / von verborgen Sachen fein klar und deutlich zu reden / daß er ist hingangen / und die Fahne genommen als ein siegender Held / und damit die Thor aufgestossen / und unter den Teuffeln rumort / daß hie einer zum Fenster / dort zum Loch hinaus gefallen ist. So kompst du unzeitiger Klügling mit deiner beschmiffenen Klugheit und spottest / Ist das wahr / so höre ich wohl die Helle hat hülzen Thor / vom Zimmermann gemacht / wie ist sie denn so lang gestanden / daß sie nicht verbrand ist ic. ? Antwort / das wuste ich vorhin wol / ehe deine Klugheit gebohren war / und darffest mich nicht lehren / daß die Helle nicht von Holz und Stein gebauet ist / noch solche Thor und Fenster / Schlöffer

fer noch Kiegel hat / wie ein Haus oder Schloß auf Erden / und er nicht mit einer tüchern Fahnen sie hat zustoßet. - Idem Becmannus Urbani Regii sententiam perstringit, qui in Catechismo suo articulum de Christi ad inferos descensu ita explicet, ut a limbo Patrum Pontificio non procul abesse videatur. At cogitare debebat, etiam Oecolampadium, Zwinglium aliosque ab illo limbo procul haud abesse. Conferantur præter autores hactenus allegatos e nostris Johannes Meisnerus in tractatu de descensu Christi ad inferos, Henrici Eckhardi tractatus de eodem argumento, Johannes Benedictus Carpzovius in dissertatione de eodem argumento, Johannes Gottlieb Lucius in vindiciis dissertationis Carpzovianæ de descensu Christi ad inferos Cornelio Haseo Theologo Bremensi oppositis, Johannes Affelmannus in disputatione de descensu Christi ad inferos; ex Reformatis Bartholomæus Holzfus in dissertatione de hoc argumento, Cornelius Haseus in disputatione Theologico-Philologica περί τῆς κατὰ βάσιν τοῦ Χριστοῦ εἰς κατώτερα μέρη τῆς γῆς, & in epistola ad Theodorum Haseum de vindiciis Carpzovianis a quodam Lucio tentatis; e Pontificiis Walenburchii in tractatu de Christi descensu ad inferos contra Johannem Hundium Serenissimæ Neoburgicæ Prædicantem, pluresque alii.

XXVI. Circa verba symboli: *credo in Spiritum Sanctum* Sociniani admodum fluctuant. Nam Johannes Crellius *de uno Deo Patre lib. I. sect. 3. c. 2.* ita in Spiritum Sanctum credendum esse dicit, quo pacto & in ecclesiam catholicam, & in cætera, quæ ibi

recensentur, credendum esse multi veterum dixerint. Contra Socinus *animadvers.* p. 62. hanc Crellii sententiam invertit, dicens, quod non legendum sit : *credo in Spiritum Sanctum*, sed : *credo Spiritum Sanctum*, ut de aliis dicitur, quæ in symbolo sequuntur, cum alias sequeretur, in ea omnia, atque ita etiam in carnis resurrectionem, credendum esse. Ostorodus autem *instit.* p. 349. prorsus negat, articulum de Spiritu S. & reliquos, qui sequuntur, ad symbolum apostolicum pertinere, ut notat Calovius *in Theolog. natural. & revel.* p. 1528. Verum cum symbolum apostolicum ex baptismi formula natum sit, & non minus in nomen Spiritus S. quam Patris & Filii baptizemur, dubium non est, quin verba de fide in Spiritum S. ad apostolicum symbolum pertineant. Neque etiam dubium est, quin legi debeat : *credo in Spiritum Sanctum*, sicut in primo articulo legitur : *credo in Deum Patrem*. Nam ut Rufinus in explicatione symboli observat, *Spiritus S. memoratone adimpletur mysterium Trinitatis*. Alia vero ratio est ecclesiæ catholicæ, communionis sanctorum, remissionis peccatorum, resurrectionis, & vitæ æternæ. Nam hæc objecta fidei sunt non ratione fiduciæ, sed tantum ratione notitiæ. Itaque non dicimus *credo in catholicam ecclesiam*, sed *credo sanctam catholicam ecclesiam, communionem Sanctorum, remissionem peccatorum, carnis resurrectionem & vitam æternam*. At de Spiritu S. recte dicimus, *credo in Spiritum S.* quia non solum credimus esse Spiritum S. sed etiam in eum cordis nostræ fiduciam ponimus, & hac ipsa fiducia verum Deum illum agnoscimus. Etsi ergo
Spiri-

Spiritus S. in symbolo apostolico non expresse Deus nominetur, ejus tamen divinitas eo ipso asseritur, quod in eum credere dicimur. Pudeat ergo Arnoldum, qui in historia hæres. *part. I. l. 4. c. 8.* asserit, symbola veteris ecclesiæ de Spiritu S. divinitate nihil certi determinasse. Annon enim Irenæus *libr. I. adversus hæres. c. 2.* profitetur, ecclesiam ab Apostolis, eorumque Discipulis accepisse *fidem in unum Deum Patrem, omnipotentem omnium rerum creatorem, & in Jesum Christum Filium Dei pro salute nostra incarnatum, & in Spiritum Sanctum*, quæ fidei professio ut in pluribus aliis veteris ecclesiæ symbolis, ita etiam in Apostolico legitur. Valeant igitur Macedoniani cum suo promacho Arnolde, qui Spiritum S. creaturam & Dei servum asseruerunt. Valeant Simoniani, Gnostici, Sabelliani, Montanistæ, Ariani, alique Pnevmatomachi veteres. Valeat Guilielmina Bœma, quæ sibi ipsi nomen Spiritus S. arrogavit, cujus blasphemiam nostra ætate Buttleria quædam imitata est. Valeat Sandius, qui collectionem bonorum Angelorum Spiritum S. esse somniavit. Valeat Johannes Bidellus, qui Spiritum S. præcipuum Angelum esse somniavit. Valeant Campanistæ, quorum autor Campanus libellum edidit de restitutione S. Scripturæ, in quo asserit, quod post Apostolorum tempora nullus doctorum veram de divinitate sententiam tenuerit, sed omnes tenebris immersi fuerint, ipse vero demum mysterium divinitatis exploraverit & revelaverit. Quodnam vero est illud mysterium? unam Dei essentiam, & duas personas esse docet, nempe Patrem & Filium, Spiritum autem S. tan-

tantum aliquam Dei operationem esse dicit. Si rationem quæras, cur ita statuat, respondet hominem ad imaginem Dei conditum esse, maritum autem & uxorem unam esse carnem, & duas personas, unde infert etiam in Deo, ad cujus imaginem homo conditus est, esse unam essentiam & duas personas. Confirmat hanc sententiam verbis Christi: *ego & Pater unum sumus* Joh. X, & ex verbis ejusdem ad Philippum: *qui me videt, videt & Patrem* Joh. XIV, quæ Campani deliria recenset & confutat Christophorus Irenæus in *explicatione 3. artic. symbol. apostol. a p. 36. usque ad 78.* Valeat denique autor pathologiæ Dæmoniæ superiori anno M DCC VII. Lipsiæ editæ, qui divinæ particulam auræ in Pythagoræ, Platonis, & Stoicorum schola natam a Cerdonianis, Marcionitis, Manichæis, Priscillianistis & aliis veteribus hæreticis, nec non a Paracelsistis, Böhmistis, omnibusque hodiernis fanaticis adoptatam in Scriptura quærens non sine horrenda absurditate asserit, hanc divinæ auræ scintillulam, quam a gentilibus confectam, & postea ab hæreticis resuscitatam diximus, in S. Scriptura Spiritum Dei, vel Spiritum Domini, vel Spiritum κατ' ἐξοχὴν, & a solo Christo procedentem in Scriptura Novi Testamenti Spiritum S. dici asserit, nisi quod Luc. I, 35, in verbis: *Spiritus S. super Te veniet* &c. per Spiritum S. Filium Dei intelligi somniat *pathol. Demon. p. 65.* quæ deliria, cum ipsa narratione confutentur, autori suo nunc relinquimus.

CAPITIS III. SECTIO II.

De

Doctrina Barnabæ ex ejus epistola, quæ catholica cognominari solet.

I.

Auctorem hujus epistolæ non esse Barnabam Pauli cooperarium, sed alium antiquum Scriptorem, qui vel commune cum illo Barnaba nomen habuit, vel epistolam suam Viro illi Apostolico supponere voluit, in primo capite dictum est. Nam quod autor hujus epistolæ ab argumento consolatorio hoc nomen sibi asceverit, quia Barnabas juxta Act. IV, 36. idem est ac *ὁ υἱὸς παρακλήσεως*, probabile non videtur, cum argumentum hujus epistolæ non esse consolatorium, sed vel didacticum, vel paræneticum facile cuilibet apparet.

II. Paucissima autem de hujus Barnabæ doctrina apud Theologos occurrunt. Nam qui ante A. C. 1645. scripserunt, ut Magdeburgenses, Chemnitius, Scultetus, Gerhardus alique, epistolam hanc, quæ anno dicto primum e tenebris in lucem publicam emerfit, neque legere, neque aliquid ex ea excerpere

Q

potu-

potuerunt. Aliqui quidem scripserunt post editam Barnabæ epistolam, sed nullam ejus notitiam habuerunt, ut Varenius, qui in rationario Scriptorum ecclesiasticorum *seculi I. p. 133.* de Barnabæ epistola nihil quam fragmenta quædam apud veteres superesse scribit. Aliqui hanc epistolam editam non ignorarunt, sed forte nullum exemplar ad manus habuerunt, ut Bebelius, qui *antiquit. eccles. sec. I.* tria primi seculi monumenta genuina videri judicat, & inter hæc tria Barnabæ epistolam numerat, & tamen ex Barnabæ epistola nullum plane testimonium in illo capite adducit, quod de doctrina primi seculi agit. Quamobrem operæ pretium videtur de doctrina hujus epistolæ aliqua annotare.

III. Ac primum quidem illud observamus, dicta quædam S. Scripturæ in hac epistola aliter allegari, quam in sacro codice hodie leguntur. Exemplum occurrit c. 12. ubi ex *Exod. XVII, 14.* verba ita leguntur, ac si Deus dixisset, Dei Filium in novissimis diebus extirpaturum esse domum Amalek, cum in Fontibus nulla Filii Dei mentio ibi fiat, & in græco textu verba ita fluant: κατὰ γράφον τὸ τοῦ εἰς μνημόσυνον εἰς βιβλίον, καὶ ὁὗτος εἰς τὰ ὦτα Ἰησοῦ· ὅτι ἀλοιοῦν ἢ ἐξαλείψαι τὸ μνημόσυνον Ἀμαλήκ ἐκ τῆς ὑπὸ τὸν ἄρτον. ubi forte nomen Ἰησοῦ seu Josuæ occasionem dedit, de Filio Dei cogitandi, & verba illa ita transferendi: λάβε βιβλίον εἰς τὰς χεῖράς σου, καὶ γράψον ὃ λέγει Κύριος· ὅτι ἐκ ριζῶν ἐκκέψαι πάντες τὸν οἶκον τοῦ Ἀμαλήκ ὁ υἱὸς τοῦ Θεοῦ ἐπ' ἐξαγίων τῶν μερῶν. In eodem capite Barnabas ea, quæ *Esaiæ XLV, 1.* de Cyro dicta sunt, tanquam de Christo dicta allegat,

&c

& pro κύριον legit κυρίον, etsi hoc vitium non tam Barnabæ, quam ejus interpolatori tribuat Clericus *ap. crit. libr. 2. p. 280.* Huc etiam spectant, quæ de sputo in hircum emissarium jaciendo, nec non de lana coccinea circa ejus caput ponenda c. 7. memorantur, cum *Levit. XVI,* ubi de hirco emissario agitur, nulla ejus rei mentio occurrat, etsi etiam Tertullianus, sive Barnabæ epistolam legerit, sive aliunde illa hauserit, *adversus Judæos c. 14. & libr. 3. contra Marcion. c. 7.* hirci coccino circumdati, maledicti, consputati, convulsi, & compuncti meminerit, & in Judæorum scriptis lingua coccinea, seu frustum panni coccinei linguæ formam habens inter hirci cornua alligatum memoretur, quæ lingua coccinea in die expiationis album colorem induisse, & hac coloris mutatione signum reconciliationis divinæ dedisse perhibetur, quorum alludere nonnulli existimant verba Esaïæ: *si peccata vestra fuerint sicut coccinum, instar nivis albescent,* Es. I, 18. item verba Davidis: *fac mihi signum in bonum,* Psalm. LXXXVI, 17. Addunt etiam aliqui, inter Hierosolymam & locum, in quem hircus emissarius abductus fuit, in montibus fuisse speculas, & tabernacula certis spatiis distincta, & simul ac qui in ultimo tabernaculo fuit, observavit linguam coccineam in hirco albam factam, sudario motitato alteri in proximo tabernaculo commoranti signum dedisse, & hunc iterum sequenti, & sic brevi signum hoc reconciliationis divinæ & remissionis peccatorum Hierosolymitanis innotuisse, quorum iterum Esaïam alludere arbitrantur dicentem: *quam jucundi sunt super montibus pedes evangelizantis,* Es. LII, 7.

Videantur quæ de lingua illa coccinea differit Bochartus *bierozaic. tom. I. p. 656.* Stephanus le Moyne *not. ad var. sacr. p. 674.* & alii.

IV. Octavo suæ epistolæ capite Barnabas inter alia dicit: ἡ βασιλεία τῷ Ἰησοῦ ἐπὶ τῷ ξύλῳ *regnum Jesu in ligno.* In quibus verbis respexisse videtur ad verba Psalmi XCVI, 10. qui locus in Patribus nonnullis & aliis antiquis monumentis ita legitur, ac si David dixisset: *regnavit Dominus ex ligno*, ut patet ex Justini Martyris *dialogo cum Tryphone p. 298.* Tertulliani *adv. Jud. c. 11. & libr. 3. contra Marcion. c. 21.* Pseudo-Cypriano *tract. de mont. Sinai & Sion*, Pseudo-Ambrosio *comment. ad 1. Cor. XV.* Augustino *in expositione hujus Psalmi*, item libro octoginta quæstionum *quest. 69. Tomo IV. operum*, item ex altercatione ecclesiæ & Synagogæ, qui tamen tractatus, perinde ut octoginta quæstiones, ipsius Augustini esse non videtur, etsi *Tomo VI.* inter ejus opera legatur, ex Ephremi Syri *sermone de cruce p. 700.* Gregorii M. *homilia 6. in Ezechiel*, Gregorio Turonensi *hist. Francor. lib. 6. c. 5.* Isidoro Hispalensi *de vocatione gentium c. 26.* Cassiodoro & Arnobio *comment. ad hunc Psalmum*, Leone M. *sermon. 4. de passione*, nec non ex hymno passionali, sive Fortunati sive Theodulphi, ubi ita canitur:

Impieta sunt, quæ concinit

David fideli carmine,

Dicens in nationibus

Regnavit a ligno Deus.

Vt Bernhardum *sermon. de resurrectione*, Haymonem Halberstadiensem, Brunonem Herbipolensem, Bruno-

acm

nem Astensem in comment. ad h. l. aliosque taceamus. Imprimis vero etiam Copticis Psalteriis hæc verba *a ligno* addita fuisse Eduardus Bernardus in scholiis ad Barnabæ epistolam observat. De Psalterio Gothico idem asserit Ulserius *de 70. interpret. c. 4. p. 45.* ut Psalterium vetus Italicum, Psalterium Romanum & alia quædam vetera Psalteria taceamus.

V. Sunt qui cum Jacobo a Valentia hoc additamentum *a ligno* etiam in Origene & Hilario reperiri tradunt. Verum etsi Origenes in dicto Paulino Coloss. II, 15. pro verbis *ἐν αὐτῷ* vel *ἐν αὐτῶ* sæpissime in suis scriptis legat: *ἐν ξύλῳ*, dicto tamen Davidico, de quo nunc agimus, verba illa addidisse non deprehenditur, quemadmodum & omnem operam perdent, qui hanc interpolationem in Hilarii scriptis quærent. Non minus Jacobus Pinto fallit & fallitur, cum in Lactantio & in Psalterio Gallicano hæc verba *a ligno* legi sibi & aliis persvadet. Omnium vero maxime errat Johannes Morinus, qui *Exercit. biblic. libr. I. exercit. 6. c. 14.* dicere audet, quod antiqua OMNIVM PATRVM traditio verbis Davidicis *Dominus regnavit* addendum doceat *a ligno*, atque inde validissimum pro crucifixione Christi argumentum prompserit. Unde enim probabit Morinus, omnium Patrum traditionem esse, quod legi debeat: *Dominus regnavit a ligno*. Plurimi enim Patres oraculum hoc Davidicum plane non allegant. Aliqui vero dictum hoc ita allegant, ut verba *a ligno* omittant, ut Eusebius in demonstratione evangelica *libr. 2. c. 1.* & in commentario ad Psalmos, quem Dominus de Montfaucon nuper edidit, *Tom. I. collect.*

nov. Patr. Græc. p. 636. Gregorius Nyssenus libr. 2. de titul. Psalm. c. 9. Cyrillus Alexandrinus homil. de ram. palm. Tom. V. part. 2. p. 396. Apollinarius in paraphrasi Psalmorum p. 267. Hieronymus comment. in Psalm. Tom. VII. Theodoretus comment. in Psalm. Tom. I. oper. ubi & ipse textus & explicatio textus additamento illo caret, Theodorus Haracleota, & Anonymus Psalterii paraphrastes, quos Corderius Catenæ græcorum Patrum in Psalmos inseruit, Euthymius in Psalmos Tom. XIX. max. Patrum biblioth. Odo Astensis in Psalmos Tom. XX. max. Patr. biblioth. & alii. Omisit etiam hoc additamentum a ligno versio græca, qualem nunc habemus, versio vulgata, paraphrasis chaldaica, versio Syriaca & Arabica. Omisit hæc verba Symmachus, ut ex Theodoreto constat. Abest hoc additamentum in Psalterio Hieronymiano juxta hebraicam veritatem composito, ut alias Psalterii versiones nullam ligni mentionem facientes taceamus. Neque etiam in i. Paralip. XVI, 7. ubi totus Psalmus 96. repetitur, aliquid in fontibus legitur, quod verbis a ligno respondeat. Vbi ergo illa a Morino jactata omnium Patrum traditio, ex qua probare possit, quod ecclesia huic additamento supremam auctoritatem conferat? Qua assertione quam gravis sit Morinus vulgatæ versioni, quæ additamentum hoc omisit, atque adeo ipsi Romanæ ecclesiæ, quæ vulgatam pro authentica agnoscit, notavit Simeon de Muis in assertione Hebraicæ veritatis contra Morinum p. 204.

VI. Cum autem certum sit in Fontibus Hebraicis dicti illius Davidici nullam ligni mentionem
 fic-

fieri, mirum videri possit, unde interpolatio illa nata fuerit, quæ in nonnullis Psalterii versionibus, & tot Græcorum & Latinorum Patrum scriptis legitur. Pezronius in *antiquit. temp. p. 194.* Jacobus Pinto de *Christo crucif. libr. 4. tit. 5. l. 2.* & alii fontes Hebraicos a Judæis ex odio Christi & ligni ex quo regnavit corruptos suspicantur, quam sententiam Gulielmus Lindanus de *optimo genere interpret.* ex Psalterio Hebraico apud Anglos asservato confirmare nititur, in quo verba a Judæis erasa adhuc legi sibi persuadet. At fallitur & fallit, cum in illo Psalterio hemistichium Davidicum, de quo nunc agitur, totum omissum deprehendatur, ut Arias Montanus in opusculis ad apparatus Bibliorum Regionum indicat, inter quæ opuscula peculiaris animadversio de Anglicano illo Psalterio comparet. Nec magis hæc sententia ex Justinii dialogo cum Tryphone probari potest, ubi Judæi, quod verba a ligno ex Psalmo 96. expunxerint, arguuntur, siquidem ibi Justinus non de codicibus Hebraicis, sed de græcis agit. Cum enim in exemplaribus quibusdam græcis legeret: ὁ κύριος ἐβασίλευσεν ἀπὸ ξύλων, in aliis ὁ κύριος ἐβασίλευσεν, in posterioribus verba ἀπὸ ξύλων a Judæis malitiose erasa arbitratus est. Et forte etiam Judæi in græcis suis exemplaribus verba illa revera expunxerunt, si illa irreplisse deprehenderent. Id vero Judæis Justinus vitio vertere non debebat, cum ea in Hebraicis codicibus non deprehenderent, ut Drusius in quæstis per epistolas *epist. 8.* bene annotavit. Neque etiam ex eo verba hæc a ligno authentica esse probari poterit, quia David in sequentibus verbis ligna sylvarum compellat, ut a facie Do-

mini

mini exultent, quo argumento vere ligneo, ut Tertuliani phrasi loquar, utitur Salmeron *proleg.* 4. Nam David etiam cœlum, terram & mare exultare jubet, neque tamen ex eo inferri potest, quod David v. 10. dixerit: Dominus e cœlo, vel e terra, vel e mari regnavit. Nec majoris momenti est argumentum ex eo depromptum, quod ecclesia Romana certis temporibus hæc verba intonet:

Dicite in nationibus

Regnavit e ligno Deus.

Nam etiam in festo nativitatis ecclesia canit:

Cognovit bos & asinus,

Quod puer erat Dominus,

neque tamen ex eo temere aliquis colligat, in autentico Esaïæ textu legi, quod bos & asinus puerum Dominum cognoverint. Probari ergo non potest, quod Judæi Davidis verba in originali textu corruperint, & verba *e ligno* expunxerint. Certe Judæo Tryphoni apud Justinum sacri codicis depravatio tam horrendum crimen est, ac aurei vituli consecratio, vel liberorum in Damonum gratiam facta mactatio, vel ipsorum Prophetarum trucidatio. Ne potuissent quidem id Judæi facere, si vel maxime voluissent. Neque enim omnes hebraicos codices in manu sua habuerunt. Quod autem Salmeron statuit, Judæos suis clamoribus, cachinnis & contentionibus etiam Christianos eo adegisse, ut ex latinis & græcis codicibus verba illa delerent, tantum abest, ut sit probabile, ut sententia illa cachinnum potius, quam applausum mereatur. Quis enim credat, christianos ob Judæorum clamores, cachinnos, & con-

contentiones vel minimum sacri codicis apicem mutasse, vel etiam Judæos tale quid a christianis postulas-
se? Non latet sane Judæos, multa dogmatibus eorum
adversa in sacro codice legi. Veruntamen ea non ex-
purgant, sed falsis interpretationibus pervertunt. Nec
difficile illis esset, si in Psalmo 96. scriptum foret: Do-
minus regnavit e ligno, glossam aliquam a ligno cru-
cis alienam excogitare, qua de re plura dicta sunt in
exercitatione Theologico-philologica ad verba Davi-
dis a nonnullis interpolata: *Dominus regnavit a ligno*,
quam sub præsidio meo Dn. M. Johannes Schlegelius
Ulmenfis ante sexennium publice ventilandam propo-
suit, ubi etiam varias aliorum de hoc argumento opi-
niones recensuimus, & probabile existimavimus, verba
a ligno pro pia alicujus devotione addita fuisse, ut Jaco-
bus Faber in suis ad quintuplex Psalterium scholiis
fol. 141. statuit. Nec opus est, ut cum Balthasare Cor-
derio *Caten. Patrum in Psalm. Tom. II. p. 969.* hanc ad-
ditionem ab aliquo Psalterii interprete factam statua-
mus. Potuit enim ejusmodi additio etiam ab alio
christiano fieri. Et forte primum pius aliquis lector
verba illa ad exemplaris sui marginem posuit, quæ
postea cum hæc annotatiuncula pluribus arrideret, in
ipsum textum translata sunt, ut Nicolaus Fullerus *lib. 3.*
miscell. cap. 13. & Ludovicus Ferrandus *in Comment. ad*
Psalter. p. 717. non male suspicantur. Quale quid et-
iam in loco Deut. XXVIII, 66. accidit, ubi nonnulli ad
verba: *videbit vitam suam pendentem*, ex pia quadam
erga crucifixum Salvatorem devotione addiderunt *in*
ligno, ut verba hæc ad Christum, qui vita nostra est,

traherent, ejusque in cruce pendentis memoriam aliis inculcarent, quod scholion deinde ipsi textui in quibusdam exemplaribus insertum fuisse ex eo colligi potest, quod in Chrysostomi homilia de S. Stephano verba illa ita allegentur : ὁψείθε τὴν ζωὴν ὑμῶν κρεμασθῆναι ἐπὶ ξύλῳ, *videbitis pendere vitam vestram in ligno.*

VII. Si quaeramus qua occasione pius ille lector, quisquis fuerit, verbis Davidicis *Dominus regnavit*, verba *a ligno* margini alleverit, quæ postea in ipsum textum translata sunt, respondebit Eduardus Bernardus, Barnabam nostrum in sua epistola scholio huic marginali occasionem suppeditasse. Facile enim fieri potuit, ut aliquis hæc psalmi verba legens κύριος ἐβασίλευσε, verborum Barnabæ de βασιλείᾳ τοῦ Ἰησοῦ ἐπὶ τοῦ ξύλου recordaretur, ideoque verbis psalmi ascriberet: ἐπὶ τοῦ ξύλου, vel ἀπὸ ξύλου. Verisimilius tamen videtur, interpolationem hanc potius titulo crucis dominicæ originem debere, in quo Jesus Nazarenus Rex Judæorum nominatur, quem etiam in cruce adhuc pendentem alter latronum rogavit, ut regnum suum ingressus sui memor esset. Quorsum etiam miracula spectant, quæ Christo moriente contigerunt, eumque a cruce regnare demonstrarunt. Quoniam ergo Christus in cruce pendens Regis titulum gessit, & potentiae suæ regiae radios in profundissima sua exinaniatione exeruit, cum infame lignum thronus ejus regalis esset, nec alia purpura quam effuso suo sanguine vestiretur, nec aliam quam spineam coronam gestaret, nec aliud satellitium quam promiscuam cavillantium

tur-

turbam circa se videret, non incommodum visum est pio cuipiam Christiano ad verba Davidis : *Dominus regnavit* illustrationis & explicationis gratia ascribere verba *a ligno*, ut indicaret, quod Christus vel in ipsa cruce regnaverit. Hæc sententia nostra fuit in exercitatione Theologico-philologica de verbis Psalmi XCVI. interpolatis, quam paucis, cum ejus nondum nos poeniteat, hic repetere placuit.

VIII. Capite epistolæ suæ duodecimo Barnabas tanquam a Propheta dicta hæc verba allegat: *quando hæc consummabuntur? & dicit Dominus: cum lignum inclinatum fuerit, & resurrexerit, & cum de ligno sanguis stillaverit.* Verum hæc in Prophetarum, quos Sacer Codex continet, scriptis non leguntur. Ex carminibus quibusdam Sibyllinis dictum hoc depromptum suspicatur vir doctus, qui Oxoniensem Barnabæ editionem suis scholiis illustravit. Bernardus autem, qui & ipse ad hanc Oxoniensem Barnabæ editionem sua scholia adjecit, priora hujus dicti verba ex apocryphis quibusdam iisque deperditis Judæorum scriptis, posteriora autem de ligno sanguinem stillante ex 4. Esdræ libro deprompta observat, unde etiam quartum hunc Esdræ librum satis antiquum esse colligit. Etsi vero græce hic liber non amplius extet, eum tamen Græcos olim in sua lingua habuisse, Colomesius in spicilegio notarum ad Clementis Romani epistolam priorem Corinthiis inscriptam c. 50. p. 119. statuit, idque ex Clemente Alexandrino probat, qui *libr. 3. Stromat.* ex libro quarto Esdræ c. V, 35. verba quædam allegavit. Cæte-

rum inter Pontificios Gilbertus Genebrardus *chronolog. Tom. 2. p. 17.* quarto Esdræ libro canonicam auctoritatem tribuere non dubitavit. Verum etsi ecclesia Romana suis precibus nonnulla ex hoc libro inferuerit, alii tamen Pontificii a Genebrardo haud immerito dissentiunt. Certe librum hunc fabulis plenum esse recte monuit Le Moyne *not. ad var. sacr. pag. 836.* qui tamen in eo hallucinatur, quod ait Ambrosium testimoniis libri hujus uti, non tanquam ab Autore sacro, sed ut ab autore, cui non omnis fides deneganda sit, exaratis. Nam Ambrosius *de bono mort. cap. 10. libr. 2. comment. in Luc. libr. 2. de Spiritu S. cap. 7.* item in oratione de obitu fratris Satyri, & in epistola 34. edit. nov. ad Horontianum, hunc Esdræ librum tanquam canonicum, divinitus revelatum, nec ulli librorum biblicorum posthabendum commendat. Rectius igitur Rainoldus *in censura apocryph. lect. 27. p. 227.* Ambrosium errasse judicat. Præferendus enim hic est Ambrosio Hieronymus, qui in libro contra Vigilantium scribit: *tu vigilans dormis, & dormiens scribis, & proponis mihi librum apocryphum, qui sub nomine Esdræ a te tuique similibus legitur, quem ego librum nunquam legi. Quid enim necesse est in manus sumere, quod ecclesia non recipit?* Idem in epistola ad Domnionem & Rogatianum libri 3. & 4. Esdræ somniis se non delectari scribit. Cum autem Barnabas in sua epistola multa ex ejusmodi libris apocryphis adducat, non leve inde argumentum illis nascitur, qui Barnabæ epistolam a Viro apostolico scriptam negant. Unde Stephanus Le Moyne in prolegomenis ad varia sacra
de

de Barnaba differens, multa, inquit, citantur in illa epistola ex fontibus hausta & petita, qui Apostolis & Apostolicis viris ignoti prorsus vel minus frequentati, imo neglecti fuerunt. Plurima quippe in ea memorantur ex apocryphis & lacunis Judaicis derivata more prorsus insolito beatis Apostolis, ac qui tantum seculo secundo cœpisse usurpari.

IX. In explicanda Scriptura ita versatur Barnabas, ut allegoricis & mysticis interpretationibus admodum delectetur, quas sæpe minus aptas, admodum coactas, & violentas esse negari non potest. Probat id Le Moyne in exercitatiuncula de Barnaba, quæ ejus prolegomenis ad varia sacra inserta est, ex eo, quod Barnabas c. 6. verba Es. III, 9. 10. ad Judæos vitæ Christi insidiantes, & mala adversus ipsum consilia agitantes detorqueat, quod & a Prophetæ verbis, & ab ejus mente alienum est. Nam juxta fontes verba Prophetæ ita fluunt: *Vae animæ ipsorum, quia retribuent ipsis malum. Dicite justo, quod bonum illi sit futurum, quia fructum operum suorum comedent.* Barnabas autem Prophetæ verba ita exprimit: *καὶ τῇ ψυχῇ αὐτῶν, ὅτι βεβέλευται βελὴν ποιηρῶν κατ' ἐαυτῶν. εἰπόντες· Δῆσωμεν τὸν δίκαιον, ὅτι δύσχετος ἡμῖν ὁ Θεός.* Et antiquus Barnabæ interpres: *vae anima iniquorum, qui dicunt inter se: circumveniamus justum, quia insidians est nobis.* Secutus autem est Barnabas græcam 70. Seniorum versionem, quæ ita habet: *καὶ τῇ ψυχῇ αὐτῶν, δι' ὅτι βεβέλουται βελὴν ποιηρῶν, κατ' ἐαυτῶν. εἰπόντες, Δῆσωμεν τὸν δίκαιον, ὅτι δύσχετος ὁ Θεὸς ἡμῖν ἐστίν.* quæ versio ab originali textu plane discrepat, qui utique non de consiliis Judæorum adversus Christum, sed

de diversa piorum & impiorum sorte agit, & bonis bonum, malis malum suarum rerum statum prænunciat. Nihilominus tamen Barnabam alii etiam Scriptores in hac Eſaiæ interpretatione ſecuti ſunt, ut inter Græcos Procopius, & inter Latinos Ambroſius, quorum verba adducit Le Moyne *Var. Sacr. Tom. II. p. 596.*

X. Dicit idem Barnabas c. 7. dici apud Prophetam : *Φαγέτωσαν ἐκ τῆς τεράγης, τῆς προσφερθείσης τῇ ἡσείᾳ ὑπὲρ πασῶν τῶν ἁμαρτιῶν. (προσέχεις ἀκρεβῶς) καὶ Φαγέτωσαν οἱ ἱερεῖς μόνοι πάντες τὸ ἐντέρον ἀπλῶς, μετὰ ὄξους, Ἐ manducent de hirco, qui in die jejunii offertur pro omnibus peccatis. Attendite diligenter : Ἐ manducent soli ac omnes sacerdotes intestinum non lotum, cum aceto. Nihil autem tale in Scriptura invenitur. Vnde Cotelarius in notis ad illum locum observat, ad libros apocryphos vel Judæorum traditiones recurrendum esse. Et Basnagius in *annalibus politic. ecclesiasticis A. C. 50. §. 56.* cum verba illa Barnabæ de hirco manducando refert, non solum ad verba : *attendite diligenter*, cum sarcasmo aliquo respondet : *arrigimus aures, quid narrat*, sed etiam deinde quærit, an hæc scribere potuerit Barnabas, qui & Levita & Apostolus? an die jejunii manducaverint Jsraelitæ de hirco? an intestina illota cibis fuerit Sacerdotum? & tandem gemina falsitate hunc Barnabæ locum laborare dicit, quarum una est, quod Jsraelitæ in festo expiationum jejuniis dicato de hirco per sortem oblato manducaverint, altera vero, quod Propheta hoc scripserit. Equidem Menardus in margine ad hunc Barnabæ locum notat Num. XVII, 7. *u. qua-**

quasi ibi Barnabas haberet relationis suæ fundamentum. At nec ibi legitur, quod vel populo injunctum fuerit die jejunii de oblato hirco manducare, vel Sacerdotibus illota hirci intestina cum aceto comedere. Pertinet ad falsas Scripturæ allegationes in Barnabæ epistola obvias & hæc, quod c. 12. Moſen ad Iſraelitas ab igneis serpentibus læſos dixiſſe referat: *cum aliquis ex vobis morſus fuerit, veniat ad serpentem in ligno poſitum, & credat atque ſperet, quod licet mortuus ille ſit, poſſit vitam præſtare, & conſeſtim ſervabitur.*

XI. Ad myſticas Scripturæ expoſitiones, quibus Barnabam delectari diximus, etiam luſus ille in numeris referendus eſt, cum c. 9. in trecentis & octodecim Abrahæ ſervis Genef. XIV, 14. memoratis myſterium Jeſu crucifixi quærit, dum per literam T, quæ Græcis trecentos notat, & qualemcunque crucis formam exhibet, Chriſti crucem, ac per literas I H, quæ decem & octo ſignificant, priores literas nominis 'Ιηſϋ, ſeu Jeſu demonſtratas exiſtimat. Cujusmodi luſus aliis etiam Patribus, nec non hæreſiarchæ Valentino, a iſiſque Gnoſticis, ut & Judæis haud infrequentes extiterunt. Addit Barnabas dum numerale illud myſterium explicat, Scripturam narrare, quod Abraham ſervos de domo ſua trecentos decem & octo circumciderit. At Scriptura hoc non refert, ſed hoc tantum, quod Abraham ſervos de domo ſua trecentos decem & octo armaverit ad cognatum ſuum Lothum ex hoſtium manu liberandum, quando autem de circumciſione a Deo per Abrahamum inſtituta agit, narrat Abra-
ha-

hamum omnes masculos de domo sua circumcidisse, quorum numerus in Scriptura non indicatur. Sic igitur Barnabas noster, quisquis ille fuerit, in suis mysticis ea libertate usus est, qua mystici vulgo uti solent, dum allegoricas suas explicationes non ita veritati historicae astringendas existimant, ut non libere evagari sibi liceat, modo pium aliquem sensum in suis meditationibus se invenire putent.

XII. Plura expositionum mysticarum exempla ex Barnabæ epistola non adducam. Num vero Barnabas hanc imprimis ob causam mysticis Scripturæ sensibus indulserit, ut Gnosticos, qui prætextu mysticarum interpretationum multa V. T. mysteria ad sua deliria & obscœna sacra perversè applicabant, confutaret, quæ Hammondi *dissertat. præm. de jur. episcop.* est sententia, non inter omnes convenit. Probabilis videtur Hammondi sententia Bullo *in defens. fid. Nicæn. p. 29.* minus probabilis Jacobo Thomasio *in schædiasm. historic. p. 20.* cujus judicium secuti sumus in *dissert. de hæresiarch. sect. 2. c. 9. th. 21. § 22.* De cœtero, etsi Nicolaus le Nourry in apparatu ad bibliothecam Patrum illis succenseat, qui Barnabam reprehendunt, quod loca quædam V. T. ad Christum minime spectantia de Christo interpretatus fuerit, & hanc reprehensionem iniquam esse putet, cum Barnabas aliique Scriptores has interpretationes ab Apostolis, & Apostoli a Christo hauserint, qui illis intellectum aperuit, ut Scripturas intelligerent Luc. XXIV, 45. vereor tamen ut hoc probare possit. Quis enim credet, Barnabam ab

ab Apostolis, & Apostolos a Christo hausisse literas **T I H**, quæ in græca versione bibliorum numerum vernarum Abrahamæ ad Lothi liberationem armatorum denotant, ita esse exponendas, ut prima **T** figuram crucis, reliquæ **I H** initiales literas nominis **ΙΗΣ** denotent? Certe hoc Barnabam ab Apostolis didicisse non magis credo, quam quod 318. Episcopi concilii Nicæni per 318. Abrahamæ servos præfigurati fuerint, etsi Hilarius & alii quidam Patres numerum servorum Abrahamæ ad numerum Nicænorum Patrum accommodaverint.

XIII. Divinitatem Christi a Barnaba agnitam fuisse, ex eo colligi potest, quod Solemn opus manuum ejus appellet, & omnia per ipsum & propter ipsum facta, ei-que honorem, virtutem & gloriam nunc & in secula seculorum tribuendam asserit c. 17. antiquæ latinæ versionis. Nam in græco textu, quippe non integro, sed quoad initium & finem mutilo, hæc doxologia non invenitur. Alia quædam testimonia pro Christi divinitate ex epistola Barnabæ producit Calovius in confessione Martyrum de SS. Trinitate, ubi inter confessores hujus mysterii primo loco ponitur Barnabas, quem cum Paulo gentium Apostolum constitutum Calovius asserit. Unde colligi potest, tum temporis Calovium hanc epistolam a Barnaba Pauli comite scriptam existimasse, etsi postea in Bibliis illustratis *N. T. Tom. II p. 1096.* aliter senserit. Nam in præloquio epistolæ Hebræis inscriptæ non firmiter probari posse ait, quod hodierna Barnabæ epistola sit eadem cum illa, quam Clemens & Origenes habuerunt, cum epistolæ hujus confarinator

fragmenta illa Barnabæ ex Clemente Alexandrino & Origine suo figmento inferere potuerit. Autorem autem hunc, quicumque fuerit, assertorem divinitatis Christi fuisse, probat etiam Georgius Bullus *defens. fid. Nicæn. sect. 1. c. 2. & sect. 2. c. 1.* Et quamvis Socinianus aliquis in Anglia, qui se Lucam Mellierum V. D. M. appellat, in *fide primorum christianorum ex Barnabæ, Herma & Clemente Romano*, qui libellus Londini A. C. 1697. in 8. prodiit, p. 1. & seq. Bullum refutare allaboret, vindicias tamen Bulli adornavit Johannes Ernestus Grabe in *not. ad Bulli defens. fidei Nic. p. 21. & 44.*

XIV. Docet Barnabas c. 5. Christum ostensurum, se venisse non ut justos, sed ut peccatores vocaret, homines omni peccato iniquiores ad apostolatum elegisse. Quam Barnabæ sententiam ex hac epistola repetit Nazianzenus in *Philocalia Origenis c. 18.* & ipse Origenes *libr. I. contra Celsum p. 49.* ubi addit, quod forte Celsus ex hoc Barnabæ dicto Apostolos totamque religionem christianam infamandi occasionem arripuerit, & christianis objecerit, quod Christus nequissimos homines ad apostolatum vocaverit. Respondet autem Origenes Celso, nihil vitii Christo exprobrari posse, qui boni Medici instar homines pessimos elegerit, & sanctissimos reddiderit. Observat insuper, etiam apud gentiles exempla extare, quod Philosophi eos sibi ultro discipulos elegerint, qui vita ante acta infames extiterunt, quod probat exemplo Phædonis ab infami loco ad scholam Socraticam translatus, & Polemonis, qui in Xenocratis schola a vita solu-

soluta ad philosophiam conversus est. Rectius in hac contra Celsum disputatione Origines negasset, quod Christus non alios homines quam pessimæ notæ, & omnium bipedum nequissimos, seu ut Barnabas loquitur, ὑπὲρ πάντων ἀμαρτῶν ἀνομιώτερος ad Apostolaturn elegit. Erant enim Discipuli, quos Christus ad apostolaturn vocabat, homines quidem illiterati, rudes, simplices, & infimæ sortis, boni tamen viri, qui honesto labore victum quærebant, & nulla ante actæ vitæ infamia laborabant, si forte Matthæum publicanum, & Paulum, qui semetipsum gravissimum omnium peccatorem agnoscit, excipiamus. Judas enim Iscariotes, cum a Christo vocaretur, furti flagitio aliisque Diaboli laqueis nondum se obstrinxerat, cui cum successor eligendus esset, duo viri bonæ notæ & famæ Apostolico collegio præsentabantur, e quibus sorte jacta Matthias divinis auspiciis inter Apostolos cooptabatur. Unde Cotelærius in notis ad illum Barnabæ locum relicto Barnabæ ejusque assecla Origene, Constantino Imperatori in oratione ad Sanctorum cœtum c. 15. & Jobio lib. 9. apud Photium bibliorb. c. 222. potius subscribit, qui optimos a Christo discipulos delectos statuunt. Neque tamen simpliciter vel Jobii sententia amplectenda est, qui optimos a Christo discipulos electos statuit, vel Barnabæ, qui pessimos, cum non omnium, quos Christus vocavit, discipulorum eadem indoles, eademque vivendi ratio fuerit, ut ex antea dictis patet. Illud adhuc, antequam hinc abeamus, monendum, quod Hieronymus libr. 3. adv. Pelag. c. 1. dictum hoc de Apostolis supra omne peccatum iniquioribus non Barnabæ,

sed Ignatio ascribat, quod memoriae lapsui tribuendum est, qualis etiam apud Clementem Alexandrinumprehenditur, qui *libr. 6. Stromat.* dictum aliquod sub Barnabæ nomine allegat, quod in Clementis Romani priore ad Corinthios epistola reperitur. Fuitque tanto proclivius in ejusmodi lapsus incidere, quia Scriptores illi olim in unum volumen compacti fuerunt, quæ conjectura Jacobo Usserio in fragmento præfationis ad epistolam Barnabæ abblauditur.

XV. Docet Barnabas c. 7. Filium Dei, qui est Dominus judicaturus vivos & mortuos, passum, & mortuum, & crucifixum fuisse, ut livore ejus sanaremur. Unde patet, veteres ecclesiæ doctores aliter sensisse ac Nestorium, qui non Deum, sed hominem a Judæis crucifixum dicebat, & Hypatiam Philosophiæ Platoniciæ magistram, quæ in epistola ad Cyrillum Alexandrinum magnum inde gentilibus scandalum nasci asserit, quod Christiani ex evangelio Johannis Deum a nemine unquam visum doceant, & tamen Deum passum & crucifixum tradant, unde & Cyrillo exprobrat, quod Nestorium saniora docentem in exilium miserit, etsi hæc Hypatiæ epistola, quam Christianus Lupus inter epistolas variorum Patrum ad Ephesinum concilium pertinentes *cap. 216.* primus edidit, Stephano Baluzio in nova collectione Conciliorum *pag. 915.* eumque secuto Menagio in historia mulierum Philosopharum *pag. 32.* adulterina videatur, cum ex Socratis *lib. 7. c. 15. his eccl.* pateat, Hypatiam A. C. 415. membratim discerptam & combustam fuisse, epistola autem illa post Nestorii
 exi-

exilium scripta multis post tragicum Hypatiæ exilium annis scripta deprehendatur.

XVI. Ex eodem, quod modo adduximus, Barnabæ dicto patet, eum docuisse, quod Christus pro expiandis peccatis nostris passus & mortuus fuerit. Quorsum etiam faciunt, quæ in antiqua versione latina hujus epistolæ c. 5. ubi græcus textus deficit, leguntur. Non dubitavit autem Barnabas, quin Christus pro omnium hominum peccatis satisfecerit, quod antiquus latinus interpres clarius exprimit, cum in eodem capite verba Esaïæ ex c. 53. ita allegat : *plaga corporis illius omnes sanati sumus*, etsi fatendum sit, quod hoc loco latina versio græco textui non respondeat. Sufficit interim, quod Barnabas, quoties Christum pro peccatis nostris passum docet, nullam restrictionem addat, & hoc ipso satis indicet, Christum livore suo omnibus hominibus spiritualium plagarum sanationem acquisivisse. Et hanc passionem Christi variis V. T. typis præfiguratam fuisse Barnabas agnoscit, adducens inter alios typum vaccæ rufæ Num. c. XIX. delineatum. Quem Barnabæ locum ex c. 8. epistolæ integrum exhibet Magnificus Carpzovius *dissertat. de vacca rufa part. 2. c. 3. ib. 18.* ubi contra Doctorem angelicum Thomam Aquinatem, & contra Doctores quosdam Anglicos de typo vaccæ rufæ minus recte sentientes, & imprimis contra Socinianos vaccam rufam Christi typum fuisse negantes, disputat.

XVII. Cum

XVII. Cum Barnabas c. 5. versionis latinæ docet, *Christum tradidisse corpus suum in exterminium, ut remissione peccatorum sanctificaremur, quod fit asper- sione sanguinis ipsius*, Hugo Menardus ad illum locum p. 100. *sue editionis* observat, ex his Barnabæ verbis li- quere, quod per applicationem meritorum Christi justificemur, cum sparsio sanguinis Christi nihil aliud sit, quam applicatio passionis illius, quam observatio- nem non improbamus. At non item probamus, cum Menardus ad verba Barnabæ c. 6. dicentis, quod *fide, promissionis & verbo vivificante vivamus* p. 124. & 125. observari cupit, quod justus ex fide vivat, non sola & nuda quæ reprobata est & operibus vacua, sed ex ea, quæ per dilectionem operatur, & cum operibus conjuncta est, cum Barnabas quidem dicat, quod fide promissio- nis victuri simus, non vero quod per solam promissio- nis fidem victuri simus, unde hunc Barnabæ locum procul abesse dicit ab hæreticorum mente, dicentium evangelium esse nudam & absolutam promissionem vitæ æternæ sine conditione observationis mandato- rum, quam sententiam concilii Tridentini anathema- te merito percussam asserit. Quem Menardi ad hæc verba Barnabæ commentarium D. Joh. Tobias Major *in dissert. I. de oratione pro defunctis c. 1. thes.* 48. non immerito iniquum esse judicat. Neque enim Luthæ- rani docent, quod fides, per quam justus vivit, sit re- probata, sed per vivam fidem hominem justificari cre- dunt. Vivit autem fides non per caritatem, quæ fide & justificatione posterior est, sed per Christum vera fiducia apprehensum. Et quamvis Barnabas, cum nos
per

per fidem promissionis victuros asserit, exclusiva non utatur, opera tamen ab actu justificationis ipso silentio excludit, dum duo tantum vivificationis nostræ media recenset, unum ex parte Dei nempe verbum, alterum ex parte hominis nempe fidem, de qua Theologi nostri docent, quod sola in actum justificationis influat, etsi non sit sola. Ubi tamen notandum, quod fides quidem non sit sola & sine caritate seu bonis operibus in statu justificationis, sola tamen sit in primo justificationis actu. Unde & Formula Concordiæ *artic. 3. antithesi 11.* tanquam falsum dogma rejicit, si quis dicat, sine bonorum operum præsentia hominem justificari non posse, qua de re plura in Synopsi Maxime Reverendi Dn. D. Samuelis Schelguigii *art. 20. quæst. 20.* videntur.

XVIII. Bona tamen opera facienda, & mala vitanda esse Barnabas suis lectoribus inculcat *c. 18. & seqq.* ubi duplicem viam, unam lucis, cui bonos angelos, alteram tenebrarum, cui Satanæ angelos præpositos esse dicit, exponit, qua occasione plurima, quæ christianis vel agenda vel omittenda sunt, recenset. Docet igitur diligendum Creatorem, glorificandum Redemptorem, non adhærendum esse in via mortis ambulanti, odio habendam simulationem, humilitati studendum, consilium malum adversus proximum non capiendum, a fornicatione & machia abstinendum, in corripiendo proximo personam non accipiendam, nomen Dei in vanum non esse assumendum, non interficiendum esse foetum, sive abortum procurando, sive partum occidendo, liberorum castigationem

nem non esse omittendam, res proximi non concupiscendas, inconstantia & duplicis linguæ vitium vitandum, subjectionem Domino in reverentia & timore exhibendam, linguæ præcipitantiam esse cohibendam, manus non esse porrigendas ad accipiendum, & ad dandum occludendas, verbi præcones tanquam oculi pupillam diligendos, iudicium extremum memoria nunquam excutiendum. Cum autem inter alia dicit : ἐκζητήσεις καὶ ἐκάστην ἡμέραν τὰ πρόσωπα τῶν ἁγίων, *exquire quotidie vultum Sanctorum*, quæ verba c. 19. leguntur, non vult Sanctos invocari, quem sensum Menardus in indice verborum & rerum p. 243. ex his Barnabæ verbis exsculpsit, sed potius hoc præceptum eo tendit, ut Sanctorum vultus in Dei verbo quotidie exquirant, quo eorum virtutes imitari possint. Ita enim Barnabas semetipsum explicat, cum in verbis immediate sequentibus jubet, ut sanctos in verbo speculemur.

XIX. In eodem capite Barnabas dicit : διὰ τῶν χειρῶν σου ἐργάσῃ εἰς λύτρωσιν τῶν ἁμαρτιῶν σου, *manibus tuis operaberis ad redemptionem peccatorum tuorum.* Quæ verba Menardus pag. 218. ita interpretatur, quasi opera manuum valeant ad redemptionem peccatorum nostrorum, si ex operis proventu demus necessitatem indigenti, quod Apostolus præcepit Eph. IV, 28. Et hanc sententiam Menardus quodammodo ex apostolicis constitutionibus libr. 7. c. 13. confirmare potuisset, ubi legitur : *si habes manibus tuis præbe, ut opereris in redemptionem peccatorum tuorum.* Quæ verba cum Barnabæ verbis admodum conformia sint, miror Fran-

ciscum Turrianum pro antiquitate constitutionum apostolicarum tot Patres allegantem, hunc Barnabæ locum tam in latina quam græca constitutionum suarum apostolicarum editione omisisse, etsi Barnabam hæc verba ex constitutionibus apostolicis mutuarum obtinere potuisset. Sane si quis librum 7. constitutionum, in quo de duplici via una vitæ altera mortis agitur, cum posteriori parte epistolæ Barnabæ conferat, in qua & ipse duplicem viam unam lucis tenebrarum alteram proponit, magnam utrobique conformitatem deprehendet. Et quamvis Turriano vivente Barnabæ epistola in lucem non prodierit, græcum tamen illius epistolæ apographum inter ejus schedas reperit Jacobus Sirmondus, qui illud Hugoni Menardo communicavit. Verum si Turrianus suam de constitutionibus apostolicis sententiam Barnabæ autoritate stabilire conatus fuisset, parata fuisset responsio, quam dedimus in dissertatione de Pseudepigraphis apostolicis *cap. 12. ib. 15.* Ipsam autem Barnabæ sententiam quantum attinet, non de eleemosyna loquitur Barnabas, quam jam in præcedentibus verbis commendaverat, sed de labore manuum, quo peccata redimuntur, non quod remissionem peccatorum labore mereamur, sed quatenus varia peccata & vitia, quæ ex otio nascuntur, per laborem evitantur.

XX. Abrahamum primum fuisse circumcissum asserit Barnabas c. 9. Quæ Barnabæ sententia dubio procul verior est, quam Herodoti in *Euterp.* & Diodori Siculi *libr. 1. c. 2.* qui referunt, quod circumcisio ab

T

Ægy-

Ægyptiis ad Judæos manaverit. Etsi vero Menardus *in not. p. 151.* a nemine christiano id assertum iri arbitretur, non defuerunt tamen quidam inter christianos, qui illam gentilium Scriptorum sententiam probarunt. Nam non alienus est ab hac sententia Johannes Marshamus Eques Anglus *in canon. chron. sect. 5. pag. 74. & 75.* & prolixius hanc sententiam defendit Johannes Spencerus *lib. 1. de leg. Hebr. ritual. c. 4. sect. 4. p. 47. seq.* etsi protestetur, se tantum utriusque partis argumenta, eorumque solutiones inter se contulisse, & lectori potius judicium relinquere, quam sibi met ipsi judicis partes arrogare voluisse. Inter argumenta, quibus astrui solet, quod Ægyptii potius ab Hebræis, quam Hebræi ab Ægyptiis ritum circumcisionis acceperint, illud a Spencero relatum non video, quo Theodoretus *qv. 3. ad Exod.* utitur, ubi asserit, quod filia Pharaonis Moisen ex flumine a se extractum puerulum Hebræum esse ex circumcisionis signo cognoverit. Quo argumento etiam Theodoretus utitur *in tract. de grec. affect. curatione serm. 1. p. 6.* Nec displicet illud Dannhauero *mysteriosophia p. 194.* Etsi enim etiam Ægyptii juxta nonnullos circumcisi illo tempore fuerint, tamen anno decimo ætatis suæ decimo quarto circumcisi fuerunt, si vera sunt quæ scribit Ambrosius *de Abrab. libr. 2. cap. 11.* quemadmodum & Arabes juxta Origenem apud Eusebium *de prepar. evangel. libr. 6. cap. 11.* anno 13. vel juxta Josephum *lib. 1. antiquit. c. 13.* post annum 13. circumcisi fuerunt, etsi Procopius ad Gen. I, 14. Ismaelitas Sacerdotes decimo anno circumcisos memoret, quem locum Cotelerius *in not. ad Clementis recognit. lib. 9. c. 28. p. 578.*

cor-

corruptum suspicatur. Suspiciatur enim literam γ, quæ tertii numeri nota est, vetustate detritam, & tantum literam ι, quæ denarii nota est, relictam fuisse. Quam conjecturam Cotelerii falsam esse ostendit codex Procopii MSCtus Augustanus, cujus apographum quod oculis usurpare potui, debeo humanitati Collegæ Honoratissimi Dn. L. Godofredi Olearii, qui codicem illum jam pridem nitidissime descripsit, & editioni paratum mihi perlustrandum benevole concessit. In illo autem codice legitur, quod Ismaelitæ Sacerdotes *δεκαετής*, seu decennes circumcisi fuerint. Omisit quoque Spencerus argumentum, quod contra ipsius sententiam depromi potest ex Genes. X, 13. 14. ubi Philistæi inter posteros Mizrajim recensentur. Si enim posterii Mizrajim seu Ægyptii circumcissione antiquitus usi fuissent, dubio procul etiam Philistæi ab Ægyptiis orti eandem usurpassent, cum tamen Philistæos circumcissione minime usos fuisse constet. Non minus a Spencero inter argumenta, quæ circumcissionis originem ad Abrahami tempora referendam esse probant, omissum deprehendo, quod Act. VII, 8. foedus circumcissionis Abrahamo datum dicitur, & Joh. VII, 22. circumcissionis origo Patribus adscribitur, & Judæi, quando gentilibus contradistinguuntur, a circumcissione describi solent. Hæc autem argumenta cum Spencerus ne adduxerit quidem, nedum solverit, & ad ea quoque quæ adduxit, solidas rationes non addiderit, Johanni Spencero hic præferimus Gulielmum Spencerum, cui *in notis ad libros Origenis contra Celsum pag. 16.* Ægyptios & alios quosdam gentiles ab Hebræis circumcissionis ritum

mutuatos esse probabile videtur. Conferantur etiam de hac questione Montacutius *Orig. ecclesiast. sect. 5. tb. 32.* Leo Allatius *not. ad Eustatbii hexæmeron p. 268.* Grotius *lib. 1. de verit. relig. christ. sect. 16. not. 68.* Huetius *demonstrat. evangel. propos. 4. c. 11. p. 126. & not. ad Origen. p. 13.* Basnagius *exercit. hist. crit. pag. 117. seqv.* ubi inter alia notat, probabile non videri, quod vel Abrahamum invisæ gentis imitandæ libido invaserit, vel Deus in sacramenti hujus institutione ritum aliquem ab idololatriis arcessere voluerit.

XXI. Baptismum asserre remissionem peccatorum asserit Barnabas c. 11. quod contra omnes baptismi efficaciam negantes observamus, quos inter Reformati, & in his Hermannus Witsius *dodec. exercitat. acad. exerc. 9.* qui statuit baptismum non electis collatum nullam plane gratiam sive conferre sive obsignare, quemadmodum cera eleganti charactere insignita nullius plane valoris est, si appendatur chartæ, cui nihil vel inscriptum, vel inscribendum, aut si appendatur chartæ vegrandibus maculis foedata, nec aptæ ut illi aliquid inscribi valeat. Electos autem quantum attinet, in iis per baptismum bona gratiosi fœderis, & inter illa remissionem peccatorum tantum obsignari censet. Cum autem aliqui ex Reformatis de baptismi efficacia aliter sentiant, & communiori fratrum suorum sententiæ, quæ baptismo omnem efficaciam denegat, nonnulla non solum Scripturæ, sed etiam Patrum dicta opponant, ad Patrum dicta Witsius respondet, fatendo sermonem illorum plerumque ita tinnire, quasi gratiæ & salutis collationem

ba-

baptismo adscripserint, verum illorum hallucinationes & n̄vos c̄teris eorū virtutibus condonari debere, nec dissimulari posse, eos etiam in rebus maximi momenti nonnunquam phrasibus uti minime ferendis, nisi benigna interpretatione molliantur, imprimis vero eos in doctrina de sacramentis luxuriare, ideoque tutius esse, ut Scripturæ simplicitati inhareamus, quam rhetoricis Patrum amplificationibus tanquam torrente aliquo abripiamur. Utinam vero Witsius Scripturæ simplicitati potius, quam falsis Reformatæ religionis hypothesibus inhæsisset! Id enim si fecisset, de baptismi efficacia longe alia docuisset, neque negasset baptismum remissionem peccatorum operari, quod Barnabas noster sine omni rhetorica amplificatione loco allegato asserit.

XXII. Infantes melle primum & deinde lacte ad vitam sustentari scribit Barnabas c. 6. Adducit hoc dictum Claudius Salmasius in libro de transubstantiatione contra Justum Pacium p. 495. ubi hoc Barnabæ dictum parallelis Aetii, Pauli Æginetæ, & Oribasii sententiis confirmat. Statuit autem ibidem, quod etiam sacra eucharistia in melle & lacte infantibus recens natis data fuerit. Ac primum quidem duobus prioribus seculis neminem baptismo initiatum fuisse censet, nisi qui doctrina christiana prius imbutus se credere testari posset. Deinde his catechumenis post baptismum statim eucharistiam datam fuisse observat. Postea opinionem invaluisse dicit, quod nemo nisi baptizatus salvari possit, ideoque consuetudinem infantibus baptismum conferendi natam esse, & quia

adultis statim post baptismum eucharistia dabatur, hunc morem post pædobaptismi introductionem etiam in infantibus observatum fuisse, ita tamen, ut cum renelli infantes in pane & vino communionem accipere non possent, loco panis mel, loco vini lac acciperent. Successu autem temporis, cum opinio de necessitate infantibus eucharistiam conferendi non amplius obtinuit, nihilominus tamen hanc consuetudinem retentam fuisse dicit, ut baptizatis infantibus & e lavacro egressis lac cum melle daretur, non amplius tanquam eucharistiæ sacramentum, sed ut indifferens quædam cerimonia baptismo addita, atque hinc etiam institutum fuisse, ut mel & lac in altari quidem, nec tamen eadem consecratione qua panis & vinum sacramentale, sed speciali quadam & distincta consecratione benedicerentur. Sic enim canonem ecclesiæ Africanæ explicandum esse censet. Verum in hoc Salmasii discursu multa sunt falsissima. Falsissimum est, quod duobus prioribus seculis baptismus non nisi adultis collatus fuerit, etsi Salmasius in illa sententia quosdam alios eruditos sibi assentientes habeat nominatos a Colomesio *observat, sacr. p. 130.* quibus præter alios addi potest Nicolaus Rigaltius *in not. ad epistol. Cypriani 59.* ut & *in notis ad Cypriani tractatum de lapsis*, quem eo nomine castigavit Episcopus Oxoniensis *in notis ad eundem Cypriani tractatum p. 125.* Deinde etiam probari non poterit, quod in eucharistia infantum loco panis & vini lac & mel adhibitum fuerit. Contrarium svadet exemplum puellæ, quam Cyprianus in tractatu de lapsis ex eodem calice, qui adultis porrectus est, bibisse

se

se memorat. Regerit quidem Salmasius, puellam illam natu grandiore fuisse. Verum reclamant circumstantiæ a Cypriano memoratæ. Fuit enim sub alimento nutricis, & per ætatem neque comedere, neque fari potuit. Esto autem puellam hanc natu grandiore fuisse, unde quæso Salmasius probare poterit, infantibus recens natis eucharistiam in melle & lacte datam fuisse? Nullum sane, quo id probaverit, argumentum in toto ejus discursu video. Id quidem constat successu temporis ad baptismi ritus accessisse lactis & mellis concordiam, quam baptizatos prægustasse Tertullianus *de coron. mil. c. 3.* asserit, cujus ceremoniæ etiam Tertullianus *libr. I. contra Marcion. c. 14.* & Hieronymus adversus Luciferianos meminit. Et ad hunc ritum etiam Barnabam in sua epistola loco allegato respexisse Isaacus Vossius olim existimavit, qui tamen in notis ad epistolam Barnabæ p. 312. hanc sententiam a se retractatam testatur, cum simpliciter Barnabas de consuetudine veterum etiam gentilium loquatur, qui infantes primum melle, deinde vero lacte nutriebant. Sed de melle & lacte ad eucharistiam adhibito alium est in antiquitate silentium. Neque enim sequitur: Patres Africani decreverunt, lac & mel non simul cum pane & vino sed seorsim solenni die consecrandum esse, ergo antea non solum simul cum pane & vino consecrata, sed etiam infantibus loco panis & vini eucharistici data sunt. Et quamvis Zonaras in notis ad illum canonem, qui est apud Zonaram canon 40. concilii Carthaginensis referat, nonnullos τὸ τῶν νηπίων mysterium in illo canone ita explicasse, qua-

quasi mel & lac sacrorum mysteriorum loco infantibus data fuerint, ipse tamen Zonaras se illam sententiam non probare testatur. Revera autem in illo canone sub infantum nomine non tam infantes ætate intelliguntur, quam christiani neophyti, seu recens baptizati, qui ex 1. Pet. 2. quasimodogeniti infantes appellari solebant, & post baptismum mellis & lactis societate infantabantur, ut cum Tertulliano loquar. Unde paschalis festivitatis tempore, quod solenni baptismo destinatum erat, mel & lac in altari offerri solebant, & cum nonnulli imperiti hoc mel & lac simul cum pane & vino consecrarent, ne id amplius fieret, Africani Patres hoc canone præcavere voluerunt. Confer quæ de hoc canone observarunt Bona *libr. 2. rer. liturg. c. 8.* Schelstratenus in ecclesia Africana *p. 203.* Zegerus Bernardus von Espen in *tract. hist. Canon. p. 148.*

XXIII. De Sabbatho agens Barnabas c. 15. postquam in sex diebus omnia a Deo consummata, & Deum in septima die requievisse dixerat, subjicit in sex millibus annorum omnia consummatum iri, cum juxta Scripturam una dies mille annis æquiparetur. Quietem autem diei septimæ ita explicat, quod Filius Dei sit adventurus, impios judicaturus, solem & stellas mutaturus, ut recepta justa promissione, deleta iniquitate, & omnibus novatis diem sanctum ipsi sancti effecti celebrare possimus. Octavus autem dies ipsi est initium alterius mundi, unde etiam christianis diem octavum in lætitia peragi dicit, in qua Jesus resurrexit a mortuis & discipulis apparuit, antequam cœlos ascenderet. Et Bernardus quidem in scholiis ad Barnabæ epistolam
sex

sex mille annos, quorum Barnabas meminit, non usque ad finem mundi, sed tantum usque ad evangelii tempora extendendos esse putat. Verum si hæc Barnabæ sententia fuisset, non dixisset consummationem in sex mille annis adhuc futuram esse, sed potius consummationem in sex mille annis jam factam esse, quia Barnabæ ævo evangelii tempora jam cœperant. Neque ea quæ post sex annorum millenarios die septima expectanda memorat Barnabas, temporibus evangelii conveniunt. Rectius ergo septima illa dies, quam Barnabas memorat, de die extremi judicii explicatur. Nec opus est, ut Barnabam per septimam illam diem regnum Chilasticum significasse dicamus, etsi Petersenius *in nube testium libr. 2. p. 58.* per quietem septimæ diei millennem felicitatem, qua Sancti cum Christo regnantes perfruentur, intelligat, qua ratione etiam Paulus Pezronius *antiquit. temp. stabil. & defens. c. 15.* verba Barnabæ explicasse videtur. Verum Barnabam huic sententiæ addictum fuisse firmiter demonstrari non potest. Quamobrem Petersenianæ explicationi Menandrianam præfero, juxta quam Barnabas per septimum diem novissimum hujus seculi diem intellexit, cui successurus octavus seu æternæ felicitatis. Alias etiam quidam veteres, qui de mundi ætatibus agunt, per septimum diem, beatarum mentium requiem intellexerunt, quæ positis corporis exuviis beatam corporis resurrectionem expectant, qua ratione Beda in commentario ad Psal. 89. qui in fontibus est 90. *Tom. 8. oper. p. 920.* sex ætates hujus seculi esse dicit, septimam dormientium seu illorum, qui expectant octavam resurgentium. A qua senten-

tia etiam non alienus fuisse videtur Gregorius M. sive autor libri Sacramentorum, quem sub Gregorii M. nomine Hugo Menardus edidit. Nam p. 13. 1. Cal. Januar. seu in octavis Dominicæ Nativitatis habetur benedictio, cujus hæc sunt ultima verba: *quo sic in senarii numeri perfectione, in hoc seculo vivatis, & in septenario inter beatorum spirituum agmina requiescatis, quatenus in octavo resurrectione renovati jubelxi remissione ditati ad gaudia sine fine mansura perveniat Amen.* Ubi tamen per senarium non sex mundi ætates, sed vitæ humanæ spatium intelligi videtur. Plura de hoc Barnabæ loco videri poterunt apud Stephanum le Moine *not. ad var. sac. p. 848. & seqq.* & Johannem Baptistam Cotelierum *not. ad Barnabæ epist. p. 44.* ubi, postquam varios autores, qui cum Barnaba sex annorum chiliadas durationi mundi assignarunt, recensuit, a quibusdam annos quingentos additos fuisse, quin etiam nonnullos rerum finem ad septem millia annorum produxisse memorat, & præterea vanitatem eorum, qui mundo certum temporis terminum figere ausi sunt, exemplis nonnullis demonstrat, & ex codicibus quibusdam MSCtis bibliothecæ Regiæ hariolationes quasdam de consummatione mundi producit. Quemadmodum autem Barnabæ sententia de sex mundi chiliadibus incerto fundamento nititur: ita etiam ejus opinio de mutatione Solis & stellarum in die judicii cum S. Scriptura, quæ non mutationem sed totalem cœli interitum tradit, male congruit. Si autem non de die universalis judicii, sed de tempore chiliafmi loquitur, etiam hoc cæteris ejus ~~novis~~ & erroribus annumerandum erit.

CA-

CAPITIS III. SECTIO III.

De

Doctrina Hermæ.

I.

Visionum charisma in Apostolorum discipulis viguisse Hermæ exemplo probat Dodwellus *dissert. 4. Cyprianica thes. 1.* cum primus Hermæ liber totius visionibus constet, & in secundo quoque libro de Prophetarum Spirituumque verorum & falsorum discrimine ex instituto agatur. Atque hinc idem Dodwellus *dissert. ad Irenæum p. 120.* libro Hermæ tamquam Prophetæ visionum charismate instructi, fidem humana majorem tribuendam esse censet. At Blondellus *in apologia sententiæ Hieronymi de Episcopis & Presbyteris pag. 16.* Hermæ visiones larvati Prophetæ somnia appellat. Et quamvis hoc Blondelli, judicium Hermæ fautores improbent, ejusque visiones sannis excipi, aut cerebro minus sano imputari nolint, omnino tamen eos errare existimamus, qui visiones ab Hermæ narratas vere ipsi obtigisse contendunt. Certe Angelus Hermæ apparens ea nonnunquam loquitur, quæ Angelo lucis minus conveniunt, & quæ larvati Prophetæ somniis quam divinis visionibus similia sunt. Sed ipsum Hermam audiamus, & qualis doctrina tribus ejus libris contineatur, videamus.

II.

II. Sub

II. Sub finem secundæ visionis anus ecclesiam repræsentans ad Hermam dicit : *scribes duos libros, & mittes unum Clementi, & unum Grapta. Mittet autem Clemens ad exteras civitates, Grapte commonebit viduas & orphanos. Tu autem leges in hac civitate cum Senioribus.* Hæc verba ex Herma allegat Origenes libr. 4. de principiis c. 2. eademque a Basilio & Nazianzeno in philocaliam Origenis translata sunt, ubi græce extant c. 1. pag. 22. Et Origenes quidem verba illa allegorice interpretans varios Scripturæ sensus esse inde elicit. Nam per Grapten intelligit literam Scripturæ, quam informare dicit orphanos, h. e. illos, qui mente sunt pueri, & Deum Patrem nondum habere meruerunt, & viduas h. e. animas Christo sponso nondum dignas. Per Clementem intelligit eum, qui jam e Scripturæ litera excessit. Hic mittit librum ad exteras civitates, i. e. mentes extra corporis molem & infimarum rerum cogitationem positas. Per ipsum denique Hermam, qui libellos cum Senioribus legere debebat, Origenes intelligit discipulum Spiritus, qui quæ a Spiritu didicit, non per literam, sed per vivum sermonem annunciat Presbyteris, h. e. illis, qui maturum prudentiæ sensum pro capacitate doctrinæ spiritualis gerunt. Verum hæc explicatio non tam ad Hermæ, quam ad Origenis doctrinam pertinet, cum ipse Herma hanc visionem non exposuerit.

III. In eadem visione 2. cap. 3. dicitur : *prope esse Dominum convertentibus se ad eum, sicut scriptum est in Heldan & Modal, qui vaticinati sunt in solitudine populo.* Heldan autem & Modal hic vocantur, qui Num.

Num. XI, 26. 27. Eldad & Medad appellantur. Nam sub horum nomine impostor quidam librum aliquem apocryphum conscripsit, qui hic ab Herma allegatur, & cujus etiam mentio occurrit apud Athanasium in synopsi Scripturæ p. 154. Nicephorum Constantinopolitanum in stichometria, quæ chronographiæ compendiaræ adjecta est p. 420. & Anastasium Bibliothecarium ad finem historiæ ecclesiasticæ, ubi Nicephori stichometria latine exhibetur p. 195. Conferantur, quæ de libro hoc apocrypho Eldad & Medad notavit Sixtus Senensis *libr. 2. biblioth. S. p. 64.* Lambecius *prodrom. histor. liter. p. 153.* Scipio Sgambatus *Archivor. V. T. libr. 2. titul. 14. p. 158.* Nomina autem illa Eldad & Medad varie a Scriptoribus antiquis exprimuntur. In græca LXX. Interpretum versione Ἐλδὰδ καὶ Μωδὰδ, apud Dionysium Alexandrinum in responsione ad quaestiones Pauli Samosatani *quest. 4.* Ἀλδᾶς καὶ Μωσᾶς, in Nicephori stichometria Ἐδὰδ καὶ Μωδὰδ, apud alios Ἐλδαῖμ καὶ Μωδαῖμ nominantur, ut notavit Cotelierius ad Hermam, ubi etiam, quid Hieronymus in traditionibus hebraicis ad primum paralipomenon librum de his tradiderit, memoratur. Nullus autem Patrum, quod sciam, præter Hermam fragmentum aliquod ex libro illo apocrypho produxit.

IV. Libro 2. Hermæ mandat, i. dicitur : *primum omnium crede, quod unus est Deus, qui omnia creavit & consummavit ex nihilo.* Hoc Hermæ dictum ab Irenæo fuisse allegatum testatur Eusebius *libr. 5. hist. eccles. c. 8.* ubi verba Hermæ ex Irenæo græce ita allegantur : πρῶτον πάντων πίστευσον, ὅτι εἷς ἐστὶν θεὸς τὰ πάντα

τὰ κτίσας ἡ κατὰ κτίσας. Et hodie quidem ista verba apud Irenæum non amplius legi asserunt Magdeburgenses *cent. 2. p. 72.* Verum eos hic errasse deprehendet quisquis Irenæum *libr. 4. adv. heres. c. 37.* evolverit. Idem Hermæ dictum allegat Athanasius *de incarnatione Verbi Tom. I. p. 55. edit. Lips.* ubi græce his verbis exprimitur πρῶτον πίστευσον, ὅτι εἰς ἕστιν ὁ Θεὸς ὁ τὰ πάντα κτίσας καὶ κατὰ κτίσας, καὶ ποιήσας ἐκ τῶν μὴ ὄντων εἰς τὸ εἶναι, *primo crede unum esse Deum, qui condidit omnia & absolvit, fecitque ea, quæ non erant, ut essent.* Patet autem ex Athanasio *de decret. Synod. Nic. Tom. I. p. 266.* etiam Arianis hoc Hermæ dictum non incognitum fuisse, qui eo contra Filii divinitatem abusi sunt sic argumentantes: si Deus omnia ἐκ τῶν μὴ ὄντων creavit, etiam Filius ex nihilo creatus erit. Quibus respondet Athanasius, librum Hermæ, ex quo dictum hoc allegatur, non esse in canone, nec loqui de Filio, sed de rebus omnibus a Deo per Filium creatis, a quibus ipse tantum diversus est, quantum architectus ab ædificio. Idem Athanasius *in epistola ad Africanos Tom. I. p. 936.* refert, Eusebianos allegasse, quod in Pastore scriptum est: *ante omnia crede unum Deum esse, qui omnia condidit & consummavit, & fecit, ut ex non existentibus existerent,* sed Episcopus orthodoxos vafricie illorum intellecta Filium ex Dei substantia genitum demonstrasse. Quem Athanasii locum repetit Theodoretus *lib. I. hist. eccles. c. 8.* Abutuntur vero & novi Ariani hoc Hermæ dicto, ex unitate Dei rerum omnium Creatoris colligentes solum Patrem esse verum Deum, ut patet ex Zwickero *in append. irenicomast. iterum victi p. 330.* Verum

rum ab unitate divinæ essentiae ad unitatem divinæ personæ non valet consequentia. Nec juvat Zwickerum, quod in nonnullis Hermæ editionibus addantur verba: *solus immensus, qui nec mente definiri, nec verbo concipi potest.* Nam ab immensitate solius Dei ad immensitatem solius Patris non valet consequentia.

V. Tres in una Deitate personas agnovisse Hermam probat Petavius *in præfat. ad Tom. II. dogmat. theol. c. 2. th. 6.* Deum enim Patrem profitetur Hermas in loco, quem thesi proxime antecedente adduximus. De Filio dicit *libr. III. similitud. 5.* quod in servili conditione non ponatur, sed in magna potestate & imperio. Et *in similitud. 9.* ait, quod omni creatura sit antiquior, ita ut in consilio Patri suo adfuerit ad condendam creaturam. Qua descriptione divinitatis notam contineri dubium non est. In eadem vero similitudine etiam Spiritus S. meminit, quem habitare in hominibus eique corpora nostra servire dicit, quo argumento non raro veteres Spiritus S. divinitatem comprobare solent.

VI. Contrarium tamen de Herma *ex lib. III. simil. 5.* posse colligi videtur. Cum enim Hermas similitudinem de vinea, quam ex ore Angeli Pastoris audierat, sibi explicari desideraret, responsum accipiebat, quod per Dominum vineæ rerum omnium creator, per Filium Domini Spiritus S., & per servum illius Domini Filius Dei intelligatur. Ad quæ verba Oxoniensis editio notat, quod Pastor poenitentiae nuncius,

CUM

cum per vinitorem Christum designasset, & Deum Patrem fundi Dominum & villæ possessorem statuisset, tertio loco Spiritum S. filii familias personam sustinere commode dixerit, cum etiam sacræ literæ in negotio regiminis ecclesiæ promiscue Filii & Spiritus S. nominibus utantur, Matth. XXVIII, 20. & Joh. XIV, 16. Verum ista Scripturæ dicta ad excusandum Hermam nihil faciant, neque Filii & Spiritus S. nomina promiscue usurpant. Rectius igitur Varenius *in rationar. seculi I. p. 86.* hanc parabolæ illius explicationem non minus improbat, quam cætera aliena, involuta, & fidei minus analogæ, quæ in illa parabola occurrunt. Et Ludovicus quoque Thomasinus, cum *Tom. III. dogm. Theolog. tract. 2. de Trinit. cap. 44.* Patrum Nicæno concilio antiquiorum orthodoxam de Trinitate sententiam probare satagit, ab Hermæ testimoniis abstinere, & sibi neque Scriptoris auctoritatem, neque ipsum scriptionis textum sibi constare asserit *thes. 8. p. 389.* Addimus e Socinianis Przypcovium, qui in animadversionibus apologeticis pro Zwickeri irenico irenicorum contra Comenium scriptis *p. 504.* nugacitatem Hermæ, asserentis Spiritum S. esse Filium Dei, Christum autem esse servum Spiritus S. indignam esse, quæ vel defendatur vel refellatur.

VII. Si quid tamen pro Herma dicendum, optimum dictu fuerit, quod Hermas non tertiam Trinitatis personam, sed Filium Dei ratione divinitatis Spiritum S. dixerit. Nam antiquis Scriptoribus non inusitatum, sed admodum familiare fuit sub Spiritus S. nomine Filii divinitatem intelligere, quod pluribus exem-

exemplis probant Grotius *ad Marc. II, 8.* Bullus *in defensione fidei Nic. p. 39.* Benedictini Monachi e congregatione S. Mauri *præfat. ad Hilarium chef. 58. & seq.* Nec sequentia Hermæ verba ab hac interpretatione aliena sunt, ut ostendit Comenius *admonit. de irenico irenicorum p. 100. & 101.* Nec obstant argumenta, quæ Zwickerus in nova confirmatione sui irenici *p. 249. & seq.* huic sententiæ opponit. Objicit ex hac sententia sequi hoc absurdum, quod Christus sibimet ipsi serviverit & obediverit, cum Hermas scribat, Filium Dei Spiritui S. paruisse, sed responderi potest, Hermam duas in Christo naturas distinguere, humanam, quam corpus appellat, & divinam, quam Spiritum S. nominat, & quando corpus Spiritui S. obedivisse scribit, nihil aliud significare velle, quam quod humana voluntas Christi divinæ subjecta & subordinata fuerit. Objicit ulterius, si Hermas per Spiritum S. divinam Christi naturam intellexit, sequi, quod Hermas non Trinitatem, sed Binitatem tantum agnoverit. Sed respondemus, Hermam quidem in illo loco duarum tantum personarum meminisse, nullatenus tamen sequi, quod tertiam Trinitatis personam non agnoverit. Nam in similitudine 9. cum de variis donis & gratiis Spiritus S. locutus fuisset, subjicit, eos qui Deo per Filium ejus credunt, Spiritu hoc indui. Tertia & quarta objectio inde deprompta est, quod Hermas de ejusmodi Spiritu loquatur, qui etiam hominibus communicatur, quod de divina Christi natura sine insania dici non posse arbitratur. Sed responderi potest, utique etiam homines, etsi alia ratione quam Christum, participes divinæ

naturæ fieri 2. Pet. I, 4. & intima communione cum Filio ejusque Patre conjungi. Postremo Zwickerus addit, si Hermas in eo erraverit, quod Spiritum S. Filium Dei appellavit, leve hoc erratum esse, cum & alii Patres Spiritum S. hoc est juxta Zwickeri explicationem, virtutem aliquam a Deo prodeuntem & alios docentem, Filium Dei appellaverint. Verum illi Patres non tertiam Trinitatis personam Filium Dei appellarunt, sed per Spiritum S. divinam Christi naturam intellexerunt, ut patet ex testimoniis Cypriani a Zwickero adductis, qui ridicule Cypriani loca ex Erasmi versione allegat, quasi Cyprianus ab Erasmo in latinam linguam translatus fuerit.

VIII. Vtitur Zwickerus & hoc argumento contra Christi divinitatem, quod Hermas nonnunquam Filium Dei a Deo distinguat, cum e. g. *9. simil.* asserit, per Filium Dei patere accessum ad Deum, & per eum tanquam portam ad Deum intrari. Verum distinctione personarum unitatem essentiae non tolli, Scriptura nos docet, neque Hermas Christum tanquam unicam salutis portam introducere potuisset, nisi verum Deum credidisset. Aliis quibusdam Hermæ dictis Christi deitatem impugnat Sandius *in nucleo hist. eccles. p. 55.* Verum cum illa veteres Ariani non protulerint, colligi potest, quod vel illa ætate in Hermæ libro nondum lecta, sed postea demum Hermæ libro inserta fuerint, vel etiam ita comparata sint, ut nihil præsidii in illis veteres Ariani invenerint. Facit autem contra Arianos, quod Hermas *similit. 5.* dicat, Christum
stum

stum esse *Dominum populi sui, accepta a Patre omni potestate.* Adversus quæ Zvickerus in irenico irenicorum *p. 19. seq.* nec non in duabus irenici sui apologiis, quarum priorem irenicomastigis perpetuo convicti & constricti, posteriorem irenicomastigis iterato constricti & obmutescentis titulo insignivit, illud imprimis excipit, quod Hermas loquatur de potestate, quam Christus post mortem accepit, cum Christus ante passionem & mortem suam omnem potestatem non habuerit, cujus assertionis gratia multa Scripturæ dicta pessime pervertit. Verum etsi Christus plenarium & perpetuum usum divinæ potestatis secundum humanam naturam non ante accepit, quam per passiones suas in gloriam intravit, fieri tamen talis humanæ naturæ exaltatio non potuisset, nisi Christus juxta divinam naturam omnem potestatem ab æterno habuisset, quam vi unionis personalis humanæ naturæ quoad possessionem in primo incarnationis momento communicatam fuisse negari non potest nisi ab iis, qui vel Scripturæ aperte contradicere, vel clarissima Scripturæ dicta in alienum sensum torquere non verentur. Quod autem Hermas non solum potestatem Christo homini in tempore datam, sed etiam æternam agnoverit, patet ex *simil. 9.* ubi Filium Dei omnibus creaturis antiquiorem statuit. Quod testimonium, cum Zvickerum valde torqueat, variis exceptionibus ab eo iterum torquetur. Nam in *irenico p. 21.* incertum esse dicit, an Hermas ibi de Christo locutus fuerit. Atqui Hermas, ut sequentia verba indicant, de illo Filio Dei loquitur, qui in novissimis diebus apparuit, ut qui salu-

tem affecuturi sunt per eum in Dei regnum intrent. Excipit *in irenicomastige priori p. 260.* verba Hermæ ita intelligi posse, quod Christus sit antiquior creaturis respectu Spiritus S. in eo habitantis. Sed Hoornbeckius *proleg. ad Tom. II. Socinismi proflig. p. 32.* recte regerit, hac ratione quemlibet fidelem omnibus creaturis antiquiorem dici posse. Excipit *p. 265.* Christum antiquiorem creaturis dici ratione decreti, sicut Hermas sub finem *visionis 2.* ecclesiam primo creatam dicat, cum primo decreta & ita prædestinata fuerit, ut propter eam mundus crearetur. Verum hac ratione omnes homines creaturis reliquis antiquiores dici possent, cum Deus propter homines mundum creare decreverit. Verum cum ipsum Zvickerum latere non potuerit, exceptiones suas contra clarissima Hermæ verba consistere non posse, in utroque *irenicomastige* hoc imprimis urget, quod Hermæ verba de præexistentia Filii ante creaturas a Sciolo quodam addita fuerint, & supposititia videantur. Verum id facilius dici, quam probari potest. Quæ Lucas Mellierus contra Bullum de Christi deitate ex Herma disputat, confutavit Grabius *in notis ad Bulli defensionem fid. Nic. p. 24. & 46.*

IX. Quædam Spiritu S. minus digna ab Herma dicti Gerhardus *in Patrologia sua* asserit *pag. 6.* Exempli loco producit Sandius *in nucleo p. 55.* quod Hermas in *similit. 9.* dicat: *non cum vult loqui Spiritum cum homine, sed tunc loqui cum vult Deus.* Verum verba *cum vult* non ad Spiritum S. sed ad hominem referenda sunt, hoc modo: *Spiritus non loquitur cum homine, cum vult homo, sed tunc cum vult*

vult Deus. Zvickerus in *appendice posterioris irenicomastigis* p. 339. contendit, Spiritum S. ex Hermæ sententia non esse personam Trinitatis, quia *similitudine* s. introducit Deum cum Spiritu S. & Angelis consultantem, unde Zvickerus colligit, Spiritum S. non esse ejusdem cum DEO essentia, quia alias in consilium a Deo vocari non posset. Verum etiam in Scriptura Deus Pater cum reliquis Personis divinis consultasse legitur. Interim verba Hermæ Deum cum Spiritu S. & Angelis consultantem introducentis minus congrua esse negari non potest, nec Hoornbeckius in *prolegom. Tom. II. Socinism. proflig. p. 31.* aliud habet, quod respondeat, quam quod non omnia, quæ Hermas in similitudinibus suis profert, ad vivum refecari, vel rigidius examinari debeant.

X. Duos esse cum quolibet homine genios, unum æquitatis alterum iniquitatis asserit Hermas *libr. 2. mandat. 6.* Quod Hermæ dictum allegat Origenes *libr. 3. de princip. c. 2. & bomil. 35. in Lucam, Cassianus collat. 8. c. 17. & collat. 13. c. 12. & ex Cassiano Antoninus operis historici part. 2. titul. 15. c. 2.* In eadem sententia fuisse Barnabam, quod Origenes asserit, probari non potest. Interim non defuerunt inter Scriptores antiquos, qui istam Hermæ sententiam calculo suo approbarunt. Imprimis vero Origenes pluribus in locis hanc sententiam inculcat, quæ indicantur ab Huetio *not. ad Origenem p. 60.* Origenem secutus est præter Cassianum Gregorius Nyssenus *de vita Moysis p. 74.* Autor imperfecti operis in Matthæum *bomil. 5.*

qui a malo angelo hominem impelli non posse addit, donec bonus angelus Deo dispensante recedat, seu potius invisibilem se malo angelo reddat, & hac visibilis suæ præsentia subtractione Diabolo tentandi licentiam relinquat. Antiochus quoque lauræ S. Sabæ monachus, dum integrum ferme Herma locum (etsi Herma haud nominato) repetit, *homil. 61.* sententiam ejus suam facit. Pro eadem sententia Petrus Lombardus *libr. 2. distinct. 11.* Gregorium allegat, sed in margine editionis Coloniensis A. 1566. notatur, verba illa non apud Gregorium, sed apud Hugonem a S. Victore legi. Potuit tamen Lombardus ad locum Gregorii Nysseni, quem superius allegavimus, respexisse. Neque hic tacendus Joh. Stephanus Durantes *libr. 2. de ritibus ecclesiast. c. 31. p. 286.* Conspirant ex gentilibus Empedocles apud Plutarchum *περὶ ἐνδουμίας*, Plato *libr. 10. de legibus*, cujus verba adducit Theodoretus *sermon. 3. de curandis Græc. affect.* Euclides apud Censorinum *de natali c. 3.* Ad Judæorum consensum ex Mosis Majemonidis more nevochim provocat Maldonatus *ad Matth. c. 18.* Quin etiam hujus rei vestigium aliquod in Scriptura reperiri dicit, idque ex 2. Cor. XII. probare nititur, & præterea credibile esse dicit, quemadmodum Deus singulis hominibus bonum aliquem custodem angelum apponit, ita & Diabolum Dei simiam singulis hominibus malum aliquem angelum insidiatorem apponere. Præter Maldonatum ex recentioribus huic sententiæ favent Huetius *Origenianorum libr. 2. pag. 86.* Petavius *libr. 2. de Angelis c. 6. thes. 8. seqq.* Nourry *in apparatu p. 150.* ubi Hermam hoc dogma potius a viris apo-

apostolicis sibi coævis quam a paganis accepisse statuit. Cotelarius autem etſi Hermæ ſententiam a multis Patribus, tam illis quos ſupra allegavimus, quam Baſilio M. *ad Eſ. III, 12.* Chryſoſtomo *homil. 3. in epiſt. ad Coloff.* Procop. *ad Exod. IV, 27.* & aliis probari, & præterea Judæorum, Muhamedanorum & Gentilium ſuffragiis confirmari obſervaverit, Scripturæ tamen ſilentium, & contrariam aliorum Patrum, ut Optati Milevitani, Clementis Alexandrini & Hieronymi opinionem huic dogmati opponi poſſe non diſſimulat. Et Bellarminus *de Scriptor. Eccleſ. p. 47.* de Hermæ ſententia circa duos angelos cuique hominum præfectos vel defendenda vel excuſanda non laborat, ſed inter Hermæ errores illam collocat, quemadmodum & index expurgatorius Sandovallianus p. 100. ad illam Hermæ de duobus geniis ſententiam hæc verba margini adſcribi juſſit: *caute lege.* Sane locus Scripturæ a Maldonato allegatus huc non pertinet, nec credibile eſt, quod Diabolus ceu Dei ſimia cuique hominum angelum inſidiatorem appoſuerit, quemadmodum Deus cuique hominum angelum cuſtodem aſſignavit. Neutrum enim ex Scriptura probari poteſt. Videatur ex noſtris Gerhardus *diſput. iſag. 15. quæ eſt ſecunda de malis angelis c. 8. §. 9.* ex Reformatis Spanhemius *vindic. bibliæ. in Matth. libr. 3. loc. 10. theſ. 5. & 7.* ubi tamen notamus, falſum eſſe quod theſ. 5. aſſerit, nempe Huetium in Orogenianis aſſeruiſſe, quod ſententia de duobus angelis unicuique hominum attributis parum probabilitatis habeat. Nam verba Huetii, ad quæ reſpicit Spanhemius, non pertinent ad ſententiam de duobus angelis
cui-

cuique hominum præfectis, sed ad sententiam Origenis & Cassiani, cuilibet vitio peculiarem præsidem attributum esse definientium. Neque etiam ad Maldonati confutationem opus est, ut cum Spanhemio *intbes.* 7. per angelum Satanae 2. Cor. XII, 7. instrumentum aliquod Satanae intelligamus. Nihil enim obstat, quo minus per angelum Satanae malum aliquem dæmonem intelligere possimus, quem tamen visibiliter Paulo assistisse, & subinde minas infligendi colaphi adhibuisse cum Vechnero in tractatu de palo Pauli minime arbitramur.

XI. Hieronymus *in commentario ad prophetiam Habacuci cap. I. v. 14.* Hermæ librum stultitiæ condemnandum esse censet, cum angelum quendam nomine Tyri reptilibus præesse scribat. Locus Hermæ ad quem Hieronymus respicit extat *libr. I. vis. 4. c. 2.* ubi Angelus ille non Tyrus, sed Hegrin appellatur. De qua voce Cotelarius *not. ad Chrysostomi homil. in Daniel. p. 218.* agens conjicit, quod Hermas angelum hunc *ἡγρίον* appellaverit, sed librarii successu temporis hanc vocem corruperint, & in Hegrin transmutterint. Alibi nempe in notis ad Hermam Cotelarius suspicatur, quod vox hegrin ex nomine *ἄγρις* nata sit, & non tam Angelum, quam bestiam angelo subjectam denotet. Idem Cotelarius ibidem, ut & in notis ad Hermam p. 83. Tyri vocem apud Hieronymum in loco allegato ex græca voce *ὄνεις*, quæ bestiam notat, efformatam statuit, sive Hermas bestiae nomen exprimere, sive angelum bestiarum præsidem a bestiis denominare voluerit. *Ceterum Cotelarius in*

in notis ad prædictas Chrysostomi homilias facillimum esse asserit Hermam ab Hieronymi accusatione defendere, quam defensionem in notis ad Hermam p. 83. ita instituit, ut observet, alios etiam antiquos Patres angelorum præfecturas in bestias credidisse, quin etiam Hieronymum, cum librum illum apocryphum stultitiæ condemnaret, in quo scriptum est, quendam angelum nomine Tyri præesse reptilibus, & ad hanc similitudinem piscibus quoque & arboribus & bestiis universis in custodiam angelos assignatos esse, per librum illum apocryphum non Hermæ pastorem, sed aliud quoddam apocryphum scriptum hodie deperditum intellexisse. Ad quas Cotelerii observationes paucis notamus, Hermam sub nomine Hegrin non bestiam, sed omnino angelum denotare. Dicit enim Hermas, *angelum esse super bestias, cui nomen Hegrin.* Et quamvis Nourry in *appamt. p. 120.* ad Colbertinum codicem provocet, in quo legitur, *super bestiam*, codex tamen ille ipso Nourrio fatente haud antiquus est, & etiam ex hac lectione non sequitur vocem hegrin potius ad bestiam quam ad angelum referendam esse. Notamus deinde longe quoque petitam videri suspicionem de corrupta voce ἡγενόεα, cum nomen Hegrin commodius ab ipsa chaldaica voce עֵר quæ Daniel. IV, 10. & 24. & in plurali עֵרִי v. 14. legitur, deduci posse, ut autor, qui Oxoniensi Hermæ editioni notas suas adjecit, observavit. Nomen autem illud juxta Theodoretum vigilem denotat, & vigilum nomine, ut idem Theodoretus addit, angeli designantur. Obiter vero hic castigandus est error Jacobi Billii, qui verba Isidori

Pelusiota libr. 2. epistol. ep. 177. ita vertit : *unus, si interpretaris, vigilem sonat.* Non enim ibi legitur : *εἰς ἐμπνέουσαν ἀγρυπνίαν*, sed *εἰς*, qua voce vigilem denotari jam diximus, qua de re Rittershusius in notis ad illam epistolam videatur. Obiter quoque animadvertendum, quod Suicerus in thesauro suo ecclesiastico p. 1003. sub voce *ἐγρυπνέω* perperam scripserit, 70. Interpretes Dán. 4. vocem hebraicam vel chaldaicam *εἰς* retinuisse. Notum enim est ex Hieronymi prooemio in Daniele, quod Prophetia Danielis non juxta 70. Interpretes, sed juxta Theodotionem in ecclesiis legatur. Notamus porro contra Cotelerium, quod Tyri vox apud Hieronymum dubio procul librariorum vitio ortum suum debeat, nec ex voce *ἄγρις*, quæ Græcis bestiam notat, sed ex voce *εἰς*, quæ vigilem significat, derivandam esse. Sicut enim Syri certam aliquam Angelorum hierarchiam constituunt, cui vigilem nomen attribuunt : ita etiam Hermas angelum bestiarum præsidem nomine vigilis designare voluit, quia angelus, qui decretum de Rege Chaldaeorum in bestiam commutando promulgavit, a Daniele vigil appellatus fuit. Notamus insuper apocryphum autorem, quo Hieronymus l. c. usus est, si non ipse Hermas sed ab ipso diversus fuit, dubio procul ex Herma, vel etiam Hermam ex illo libri apocryphi autore hanc de angelo reptilium præside sententiam hausisse. Notamus denique, Hieronymum eo loco ubi sententiam de angelo reptilium præfecto stultitiæ condemnat, ipsum quidem ab errore liberum non esse, dum specialem Dei circa insecta & alias bestias providentiam agnoscere non videtur, et-

si Petavius *libr. 8. de Deo c. 4. th. 10.* ejus sententiam benignius interpretandam censuerit, interim tamen Hermæ quoque sententiam de angelo reptilium præsidere probari non posse. Neque enim veterum aliquot Scriptorum, aut etiam Platoniorum Philosophorum consensus, ad quem Cotelerius provocat, errori illi patrocinium parit. Quid quod ipse Cotelerius a stultitia non alienos esse censet, qui nomina & functiones singulis angelis determinant. Atqui Hermas angelum, quem Hegrin appellat, bestiis præficit. Vnde Hermæ defensio Cotelerio non adeo facilis existit.

XII. Adjacere homini in quamlibet partem arbitrii libertatem, & in hominis optione consistere, ut vel boni vel mali angeli ductum sequatur, ex Hermæ nostro probat Johannes Cassianus Semipelagianus *collat. 13. c. 12.* Verum Prosper Cassiano coævus in tractatu contra Collatorem c. 30. testimonium, quod disputationi suæ ex Pastoris libro inseruit Cassianus, nullius autoritatis esse respondet. Quod Prosperi judicium cum Hermæ autoritati plurimum derogare videatur, excipere solent, qui Hermam Apostolicum virum esse contendunt, quod Hermas Prospero tanquam latino Scriptori ignotus fuerit. Verum si Hermas Prospero ignotus fuisset, de autoritate ejus commode haud judicare potuisset. Quantum autem ad doctrinam Hermæ de libero arbitrio attinet, eum nihil heterodoxi statuisse asserit Nourrius *in apparatu p. 114.* cum consuetaria illa, quæ Cassianus ex allegato Hermæ loco perperam exculpfit, ipsi Hermæ tribui non

debeant. Nec desunt, qui ipsum quoque Cassianum ab omni Pelagianismo liberare conantur. Verum conatus illos frustraneos esse probat Henricus de Noris *hist. Pelag. libr. 2. c. 1. & in append. ad dissert. de Synod. S. c. 2.* Hermam autem quod attinet, nec ille a Pelagianismi suspitione purgari potest. Posito enim Cassianum consecraria sua ex eo, quem allegavit, Hermæ loco male deduxisse, alia tamen loca in Herma suppetunt, quæ viribus liberi arbitrii nimium tribuant. Nam *libr. 3. similitudine 8.* ad quæstionem Hermæ, cur non omnes pœnitentiam egerint, respondetur, *quorum Deus viderat puras mentes futuras, illis tribuit pœnitentiam*, ubi nonnullis hominibus puras mentes tribuere videtur antequam tales a Deo reddantur.

XIII. Usi sunt orthodoxæ ecclesiæ doctores Hermæ Pastore contra Montanistas, qui in adulterium & alia graviora peccata lapsos ad publicam pœnitentiam non admittebant, & istius generis peccata ab ecclesia remitti non posse statuebant. Verum etsi Hermas nullum crimen, si pœnitentia accesserit, a venia excipiat, ideoque Montanistis objectus fuerit, pro quibus Tertullianus jam Montanista *libr. de pudic. c. 10.* Hermæ librum adulterinum, apocryphum & falsum esse responder, ipse tamen Hermas a Montanistis haud procul abfuit, quatenus gravioribus sceleribus unicam tantum post baptismum pœnitentiam concessit, unde passim Novatianismi reus peragitur, a quo ut ipsum absolvant, multum quidem operæ impendunt Natalis Alexander *secul. 1. p. 106. Bullus defens. fid. Nicæn.*

can. p. 34. Nourrius in apparatu p. 111. Barthius in not. ad Hermam p. 876. 897. 915. Cotelerius in notis ad Hermam p. 89. 90. & alii. Verum oleum & operam perdunt.

XIV. Johannes Morinus *de administrando sacramento pœnitentia libr. 4. c. 9.* probaturus in primitiva ecclesia pœnas peccatis impositas diuturnas non fuisse, thesi 6. & 7. ex Herma suam sententiam confirmat. Et quamvis Cotelerius *in not. ad constit. apost. libr. 2. c. 16.* incredibile esse dicat, eos qui unicam tantum post baptismum pœnitentiam admittebant, quos inter & Hermam fuisse constat, breve tempus satisfactionis pro gravissimis delictis posuisse, & præterea observat Victorinum *in comment. ad apocalypsin* Nicolaitis hæreticis hoc tribuere, quod fornicationis peccato pollutis octava die pacem dederint; nullum tamen exemplum adducit, quo probari possit, ante Montani tempora peccatorum pœnitentium a communione ecclesiastica exclusionem diuturnam fuisse, cum contra Morinus suam sententiam pluribus antiquitatis testimoniis probatam dederit, unde etiam Cotelerius huic Morini sententiæ se non magnopere refragaturum profitetur.

XV. Bonis operibus Hermas plus justo tribuit. Nam *in vis. 2. c. 9.* anus ecclesiam repræsentans ad ipsum ait: *simplicitas tua & singularis continentia, saluum te faciet, & omnes salvos faciet, quicumque talia operantur, & ingrediuntur in innocentia & simplicitate.* Quin etiam operibus supererogationis apud Hermam via sternitur, cum *libr. 3. similis. 7.* dicitur:

*si præter ea, quæ mandavit Dominus, aliquid boni ad-
 ceris, magnam tibi dignitatem acquires.* Simile autem
 ibi Hermas a servo quodam mutuatur, qui cum man-
 datum ipsi fuisset, ut palos circa vitem figeret, etiam
 fossam circumdedit, & herbas inutiles eradicavit, quo
 facto Dominus plus quam promiserat præstans servum
 illum filio suo cohæredem scripsit. Quid ex illo simili
 eliciat Grotius videri potest ex ejus annotatis ad Luc.
 17. v. 7. refutatis a Calovio ad illum locum. In ea-
 dem similitudine Angelus Hermam de jejniis infor-
 maturus eum admonet, ut ante omnia ab omni nequi-
 tia abstineat, & pura mente Deo serviat, ejusque man-
 data custodiat, deinde vero diebus jejunii nihil nisi pa-
 nem & aquam gustet, & sumtus, qui aliis cibis emen-
 dis impendendi fuissent, pauperibus eroget. Et hoc
 ipso mandato Angelus simile suum de servo explicat,
 qui plura fecit quam Dominus jussit, de quo loco
 videatur judicium Chemnitii *parte 4. exam. concil. Tri-
 dent. p. 780.*

XVI. Castitatem esse consilii evangelici, &
 Deo magis quam conjugium placere probaturus Jodo-
 cus Coccius *thesaur. cathol. libr. 4. art. 4. p. 391.* addu-
 cit Hermæ *libr. 2. mand. 4.* ubi illis, qui post obitum
 conjugis in coelibatu manent, & castitatem servant,
 magnus apud Deum honos promittitur. Potuisset
 Coccius etiam ad *libr. 3. similitud. 9.* provocare. Nam
 etiam ibi calibatus femina sparguntur, cum mentio
 fit abjectarum per concupiscentiam foeminarum, & præ-
 miorum illis expectandorum, qui perpetuo caste vixe-
 rint. Verum ista ad Hermæ navos referenda sunt, &
 con-

contra observamus, quod ipse Hermas uxorem & liberos, ut ex ejus libro patet, habuerit. Si autem Hermas non simplex laicus fuit, sed Presbyter, quæ sententia est Dodwelli *in additionibus ad opera postuma Pearsonii* p. 196. & *differtat. singul. de primæva Romanor. Pontif. succes.* p. 158. habemus in Hermæ Presbyterum uxoratum. Verum simplicem laicum fuisse Hermam statuit Dn. de Fleury *libr. 2. histor. eccles.* p. 240. Et fatendum est, rationem, quam Dodwellus *ex visione* 2. c. 4. pro presbyteratu Hermæ adducit, solidam non esse, ut observat Tillemontius *Tom. II. histor. eccles.* p. 561. Nec minus infirmo fundamento nititur Dodwellus cum l. c. colligit, ideo de Hermæ uxore *visione* 2. c. 7. dici, quod futura esset ejus soror, quia a conjugii usu per continentiam dissocianda foret. Alii enim ista verba ita explicant, quod Hermæ uxor gentilis primum postea vero ad christianam fidem conversa soror ejus facta fuerit.

XVII. Facto per adulterium divortio vinculum matrimonii non solvi, ideoque neutri conjugum licere altero superstite aliud matrimonium inire, Pontificiorum saltem plerorumque est sententia, e quibus Jodocus Coccus *Tom. II. thes. cathol.* p. 1009. inter Patres græcos eandem sententiam foventes Hermam quoque nominat, quem sane sententiæ suæ astipulantem habet, ut patet *ex libr. 2. mandat. 4.* ubi marito dimissa uxore adultera aliam ducenti adulterii crimen, & adulteram, postquam poenitentiam egit, recipere nolenti grave crimen imputatur. Unde mirum est, hoc Hermæ testimonium a Bellarmino omitti, cum

Tom.

Tom. III. controversiarum libr. I. de matrimonio c. 15. multorum Patrum & conciliorum pro hac opinione suffragia colligit. Verum Hermae ceterisque antiquis Scriptoribus, quos Pontificii pro se allegant, possunt alii opponi, neque autoritate neque numero minores, qua de re prolixius egi in historia Synodorum Galliae Reformatæ *sect. 3. de Synod. Aurelianensi thes. 13. & seq.*

XVIII. *Libr. 1. vis. 3. c. 5.* Hermas Apostolis Episcopos, Doctores & Ministros adjungit, ubi sub nomine Doctorum Presbyteros, & sub nomine Ministrorum Diaconos intelligi Cotelarius existimat. Unde hic locus pro Episcoporum supra Presbyteros eminentia allegari solet. Contra nullam ab Herma inter Episcopos & Presbyteros differentiam agnitam fuisse asserunt Walo Messalinus *de Episcop. & Presbyt. c. 4. p. 250.* & Blondellus *in apolog. sentent. Hieronymi de Episcop. & Presbyt. p. 16.* Ad quorum argumenta respondere nititur Hammondus *dissert. 5. de jure episc. c. 9.* Quicquid autem sit de Herma, qui Pauli discipulus jactatur, ipse Paulus differentiam inter Presbyteros & Episcopos non agnovit, ut patet ex Act. XX, 17. 28.

XIX. Mira sunt, quæ Hermas *libr. 3. similit. 9. c. 16.* differit. Videtur enim asserere, quod Patriarchæ aliique fideles ante Christi adventum mortui, ut in regnum Dei ingredi possent, post mortem baptismo opus habuerint, ideoque Apostoli & alii novi testamenti Doctores justis defunctis baptismum prædicaverint, & cum illis in aquam descenderint & ascenderint, justi

justi autem ante Christi adventum defuncti mortui in aquam descenderint, & vivi ascenderint. Quem locum quidem Nourrius in apparatu ita explicat, quasi Apostoli spiritualiter cum Christo crucifixi & mortui illis, qui ante obierunt h. e. qui in tenebris ignorantia & infidelitatis mortui jam erant, evangelium prædicaverint, eosque baptismo spirituali seu agnitione Filii Dei imbuerint. Verum quam violenta sit hæc interpretatio, quilibet, qui verba Hermæ legerit, facile judicare poterit. Quamobrem dubium non est, quin Hermas Apostolos post mortem inferis evangelium prædicasse illisque salutem attulisse statuerit. Nec defunt alii veteres in eodem vel simili saltem errore versati, de quibus egi in exercitatione inaugurali de evangelio mortuis annunciato, ubi inter alios etiam Clementem Alexandrinum, qui Apostolos non solum vivos vivis, sed etiam mortuos mortuis prædicasse censuit, allegavi, observans quod Clemens in hoc errore ducem Hermam habuerit, cujus verba etiam adduxit *libr. 2. Stromat. p. 277. & libr. 6. p. 459. 460.*

XX. Inter testes chiliasmi Petersenius *nub. test. verit. libr. 2. p. 62. sequ.* Hermam nostrum refert, adducens visionem ejus primam, ubi dicit, tempus fore, quo omnia plena fiant electis Dei, ut promissiones suas illis reddat. Ubi Barthius in margine notavit, Hermam loqui de novis cœlis, in quibus habitabit justitia. Unde Petersenius colligit, quod etiam Barthius gustum regni chiliasatici habuerit. Verum a novis cœlis, in quibus justitia habitabit, ad regnum

chilasticum nulla est consequentia. Quæ Petersenius ex visione 3. libri I. nec pñ ex similitudine 3. & 4. libri tertii protulit, itidem chiliasmum non probant.

EX LIBRO I. VIS. 3. PURGATORIUM SUUM

XXI. Ex libro I. vis. 3. purgatorium suum construunt nonnulli Pontificii, & inter hos Franciscus Feuardentius *Theomachia Calvinist. libr. 12. c. 18.* Verum ipse Feuardentius involute & obscure Hermam de defunctorum expiationibus agere agnoscit. Præterea index expurgatorius Sandovallianus locum illum, qui de purgatorio agere creditur, caute legendum monet, Ratio additur in glossa marginali BB. PP. *edu. Lugdun. pag. 27.* quia Hermas perperam statuere videtur, esse in purgatorio locum meriti & demeriti, nec ibi esse certitudinem salutis, quorum prius sit manifesta hæresis, posterius temerarium, & a communi Theologorum doctrina dissentaneum, cuius rei confirmandæ gratia adducitur Bellarminus *libr. 2. de purgatorio c. 2. 3. 4. 5.* Male igitur purgatorium Hermæ cum Pontificiorum purgatorio convenit. Quin etiam Nourrius *in appamtu p. 115.* existimat, in loco illo Hermæ non de purgatorio agi, sed de cursu poenitentia in hac vita agenda, & de poenis, quæ hominibus in hoc mundo ob peccata infligi solent, quod se amore veritatis fateri asserit. Eadem est inter Reformatos sententia Bulli *defens. fid. Nican. p. 32.* Si autem de purgatorio Hermas ageret, hoc inter errores ejus referendum esset, prout etiam hoc inter Hermæ errores retulit Rivetus *Critic. S. libr. I. c. 12.* Conferatur præterea Chemnitius *exam. Concil. Trident. pag. 503.* ubi purgatorium, cum primum quasi emicare

coepit, anile commentum, & ab anu personata profectum fuisse notat, ad anum illam respiciens, quæ Hermæ purgatorium illud ostendit & explicavit; & Wolfius *lection. memorabil. centur. 2. p. 23.* ubi hunc autorem purgatorio & aliis erroribus initium fecisse, & propterea damnatum fuisse asserit.

CAPITIS III. SECTIO IV.

De

*Doctrina Clementis Romani ex
ejus epistolis ad Corinthios.*

L

Scripturas S. Clemens Romanus τὰς ἀληθεῖς ῥήσεις πνεύματος τῆ ἀγίας, seu vera Spiritus S. oracula appellat, in quibus nihil injustum, nihil fictum, nihil simulatum contineri dicit *1. epist. ad Corinth. c. 45.* Et quamvis vox ῥήσεις ex Patricii Junii conjectura posita sit, qui voces quasdam græci textus temporum injuria exesas ex ingenio restituit, dubium tamen non est, quin vel hæc ipsa vox, vel alia æquipollens a Clemente usurpata fuerit, qui etiam *c. 22.* nos in Scriptura S. per Spiritum S. compellari affirmat. Ex quibus testimoniis colligi potest, quod Clemens hic non dubita-

verit, quin Scriptura S. universa tam quoad sententias, quam quoad *phases* & verba, ab immediata Spiritus S. inspiratione profecta fuerit. Secus visum fuit ante seculum, & quod excurrit, Jesuitis Collegii Lovanien-
 sis, qui A. 1586. cum aliis thesibus nonnullas de Scri-
 ptura proposuerunt, quarum prima asserit non esse
 necessarium Scripturæ S. requisitum, ut singula ejus
 verba divinitus inspirata sint, secunda docet, non esse
 necessarium, ut singulæ veritates & sententiæ imme-
 diate a Spiritu S. sacris Scriptoribus inspiratæ credan-
 tur, tertia affirmat, librum aliquem humano labore si-
 ne Spiritus S. assistentia compositum, sacram Scriptu-
 ram fieri posse, si Spiritus S. nihil in eo falsum esse
 postea testetur. Verum adversus has propositiones
 promulgatæ fuerunt censuræ Facultatis Theologicæ &
 Lovanien- & Duacensis, quibus tamen insuper habi-
 tis Lessius Lovanien- & Jesuitarum nomine contra
 Lovanien- & Duacenses censores apologiam illarum
 thesium conscripsit. Eadem controversia nostra ætate
 inter Richardum Simonium & Antonium Arnaldum
 renovata fuit. Simonius enim in *Critica N. T. Tom. I.*
c. 23. & 24. Lovanien- & Theologorum sententiam
 defendit, Arnaldus autem in difficultatibus Steyarto
 propositis *difficult. 69. & seqq.* pro Facultate Theolo-
 gica Lovanien- & Duacensi contra Simonium pugna-
 vit. Sed Simonius in novis observationibus ad tex-
 tum & versiones N. T. *c. 3. & seqq.* suam & Lova-
 nien- & Jesuitarum sententiam prolixè vindicare co-
 natur, ubi non solum multos Pontificios tam Jesuitas
 quam aliorum Ordinum Theologos, sed etiam Calvi-
 nia-

nianos, Socinianos, Arminianos & Lutheranos quosdam sibi consentire gloriatur. Et Lutheranos quidem quantum attinet, allegat autorem anonymum, qui Hamburgi A. 1639. de stylo sacrarum literarum & imprimis N. T. græci, nec non de Hellenistis & hellenistica dialecto doctissimorum quorundam tam veteris quam recentioris ævi sententias vulgavit. Cui tractatui Jacobus Grossius Pastor Hamburgensis triadem propositionum theologicarum opposuit Jenæ 1640. editam, quam etiam postea adversus anonymum innocentia Hellenistarum vindicatae autorem in observationibus suis apologeticis vindicavit. Cum enim A. 1641. Johannes Musæus in disquisitione philologica de stylo N. T. Grossii triadem & observationes apologeticas examinaret, hinc nata Grossio tertia, ut vocat, triadis defensio, in qua ex prædicta Musæi disquisitione theses aliquas tanquam erroneas excerpit, inter quas theses & illæ comparent, quod Spiritus S. Apostolis non verba sed res inspiraverit, & quod sermo Apostolorum quoad verba non sit sermo Dei. Atque hinc Simonius inter Lutheranos suæ sententiæ faventes etiam Musæum nominat. Verum Musæus istas theses pro suis non agnovit, sed A. 1642. vindicias pro disquisitione sua contra Grossium publicavit, & quamvis Grossius in quarta triadis suæ defensione probare voluerit, se Musæo injuriam non fecisse, & omnino tum temporis, cum disquisitionem illam ederet, Musæus in illam sententiam quam ipsi Grossius imputavit, inclinasse videatur, postea tamen in scriptis suis docuit, quod Spiritus S. sacris Scriptoribus non solum rerum,

sed verborum etiam conceptus inspiraverit, ut patet ex ejus introductione ad Theologiam *part. 2. p. 245.* item ex quaestionibus de Scriptura *quest. 3.* nec non ex Theologorum Jenensium *ausführlicher Erklärung über 93. Religious-Fragen* / cujus tractatus autor est Musæus, *Loc. I. de Scriptura qv. 3. p. 29. & qv. 6. p. 42.* Ceterum etsi Simonii sententia statuentis in Scriptura S. quædam Spiritu S. immediate inspirante, quædam Spiritu S. tantum assistente, dirigente & sacros Scriptores, ne in errorem laberentur, custodiente exarata esse probari non debeat, meritoque a Joh. Henrico Majo in examine historiae criticae textus N. T. c. 23. & seqq. refutata fuerit, minus tamen toleranda est illorum opinio, qui aliquos Scripturae S. libros non modo immediato Spiritu S. afflatu non inspiratos, sed etiam sine Spiritu S. directione compositos & erroribus obnoxios contendunt, ut Spinosa in *tractat. Theolog. polit. c. 8. & seq.* item autor, qui judicia Theologorum Hollandiae de Simoniana V. T. critica edidit, & paulo post judicia illa in novo tractatu contra Simonii responsiones vindicavit, cujus aliorumque *Θεοπνευστίας* sacrae Scripturae impugnantium argumenta praedictus Majus in dissertatione de inspiratione sacrorum librorum breviter discutit.

II. Laudat Clemens Corinthios sub initium c. 53. prioris epistolae, quod noverint & probe noverint divinas Scripturas, & penitus in eas intropexerint. *Ἐπίσασθε, αἰτ, καὶ καλῶς ἐπίσασθε τὰς ἱερὰς γραφάς, ἀγαπήτοι, καὶ ἐγκυύφατε εἰς τὰ λόγια τῆς Θεῆς.* Unde colligi potest, longe aliam fuisse Episcopi hujus Romani Clem-

men-

mentis mentem, quam Innocentii III. Pii IV. Clementis VIII. & quorundam aliorum Pontificum Romanorum, qui Scripturæ Selectionem non omnibus permittebant censuerunt. Quam sententiam plurimi in papatu doctores nec non integra quædam concilia & collegia propugnarunt. Unde A. 1661. Parisiis liber prodiit hoc titulo signatus: *collectio gravium quorundam Auctorum, qui ex professo vel occasione S. Scripturæ alia divinorum officiorum in vulgarem linguam translationes damnarunt, una cum decretis summi Pontificis & Cleri Gallicani ejusque epistolis, Sorbona censuris ac summi Senatus placitis jussu ac mandato ejusdem Cleri Gallicani edita.* Nec ab illo tempore, quo Clerus Gallicanus A. 1660. & 1661. congregatus hunc librum imprimi curavit, alii defuerunt, qui promiscuam biblicorum legendorum permissionem illorumque in linguas vulgares translationem plus damni quam utilitatis afferre statuerunt, quos inter, ut plures alios taceamus, Malletus in peculiari tractatu, quem de hoc argumento scripsit, & Simonius in *historia versionum N. T. c. 44. p. 536.* & imprimis in *novis observationibus ad textum & versiones N. T. c. 23. 23. 24. & 291.* ubi prolixè hanc materiam tractavit. Et ex his Papistarum lacunis etiam Græculi in Synodo Hierosolymitana A. C. 1672, sub Patriarcha Dositheo congregati hauserunt, quæ de biblicorum lectione non omnibus permittenda docuerunt in *respon. ad quest. I. p. 503.* Verum isti Pontificiorum sententiæ præter Scripturam ipsam & perpetuam ecclesiæ praxin opponi potest nubes Doctorum primitivæ ecclesiæ aliorumque Scriptorum, quarum testi-

testimonia juxta seculorum ordinem magno apparatu collegit Jacobus Usserius in historia dogmatica controversiæ de Scripturis & sacris vernaculis, & Henricus Wharton in auctario, quod isti tractatui adjecit. Nec defuerunt inter Pontificios, qui biblicorum lectionem omnibus pernittendam & eorundem translationem in linguas vernaculas non prohibendam censuerunt, quorum non paucos allegat Gerhardus *conf. cathol. lib. II. spec. part. I. c. 2. thes. 7. & 8.* Ex plurimis, qui ad-
 jungi possent, addimus Cardinalem Madrucium Episcopum Tridentinum, de quo videri potest Pallavicinus *hisor. concil. Trid. libr. 6. cap. 12.* Fridericum Furium, de quo Thuanus *hisor. libr. 104. p. 266.* consulatur, Antonium Arnaldum, qui & alibi & peculiari scripto translationem Scripturæ in linguas vernaculas defendit, Dominum de Marolles, qui in epistola dedicatoria & præfatione ad novam suam versionem N. T. gallicam Scripturæ in linguas vernaculas translationem tuetur, ejusque lectionem omnibus commendat, & Franciscum Veronium, qui vehementissime hanc causam egit, & eos qui lectionem Scripturæ perniciosam dicunt, blasphemiam arguit, quod nonnulli in gratiam Richelii Cardinalis ab eo factum suspicantur, qui tum Protestantes cum Pontificiis redunire desideravit.

III. Hugo Grotius in epistolis ad Gallos ep. 154. quæ ad Bignonium scripta est, nullum locum ex evangeliiis a Clemente in priore ad Corinthios epistola allegatum asserit. Verum in eo non minus erravit quam Stephanus Goffius, qui in epistola ad Vossium, quæ

quæ inter Clarorum Virorum ad G. J. Vossium epistolas n. 189. legitur, Clementem Romanum in priore sua ad Corinthios epistola nullum locum ex epistolis Apostolicis usurpasse scribit. Vtriusque errorem refutat index locorum Scripturæ V. & N. T. a Clemente allegatorum, quem Oxoniensis editio exhibet.

IV. In historiis nonnullis veteris testamenti referendis nonnunquam Clemens aliquid addit, quod a sacris Scriptoribus relatum non est, ut cum cap. 4. prioris ad Corinthios Aaronem simul cum sorore sua Mirjam a populo segregatum, & extra castra manere coactum asserit, etsi Moses Num. XII. solam Mirjam exclusam tradat, sive Clemens figura quadam etiam in S. literis non inusitata, qua sæpe pluribus tribuitur, quod uni tantum convenit, usus fuerit, ut Vir doctus, cui Oxoniensem Clementinarum ad Corinthios epistolarum editionem debemus, suspicatur, sive memoria lapsus fuerit, quod probabilius videtur. Idem Clemens c. 43. baculos Principum Israelitarum, de quibus Num. c. XVII. legitur, a Mose Principum annulis signatos narrat, quod tamen in Scriptura non legitur, & forte ex traditione quadam haustum est.

V. Fatendum quoque, loca quædam Scripturæ a Clemente minus apte allegari. Nam c. 46. prioris epistolæ societatem cum malis dissuadens allegat verba Psalmi XVIII, 26. quæ longe alium sensum habent. Neque tamen ex incommodis hujusmodi allegationibus colligi potest, quod Clementis epistola ad

A a

Corin-

Corinthios sit supposita, cum etiam in illis Patrum scriptis, quæ omnium consensu genuina sunt, dicta quædam Scripturæ minus accurate explicentur, & juxta Isaacum Vossium in notis ad epistolam Barnabæ pag. 310. prisci ecclesiæ Patres æque ac eorum nepotes hallucinari potuerint.

VI. Allegat sæpius Clemens dicta aliqua Scripturæ, quæ unde hauserit incertum est. Nam cum cap. 8. prioris epistolæ verba quædam Dei ex Ezechiele allegasset, nonnulla subjungit, quæ a Deo addita memorat, & tanquam ἀγαθὴν γνῶμην commendat. Sic autem habet ἀγαθὴ illa γνῶμη: *Dic filiis populi mei: Si peccata vestra a terra ad cælum usque pertingant, si cocco magis rubra, & cilicio nigriora fuerint, & ad me ex toto corde conversi fueritis & dixeritis: Pater, tanquam populo sancto aurem vobis prabebo.* Quæ verba cum hodie in Ezechielis prophetia non compareant Colomesius in *spicilegio notarum ad epistol. Clementis* p. 20. ex altero Ezechielis volumine, cujus apud Josephum mentio fit, & quod in Synopsi Athanasiana inter apocrypha numeratur, hausta suspicatur. Idem Clemens c. 17. hujus epistolæ Mosi hæc verba tribuit: *ego sum, olla vapor.* Cujusmodi verba leguntur Psal. CXIX, 83. Unde Oxoniensis editionis autor Clementis verba luxata esse censet, & dictum hoc non Mosi sed Davidi, cujus in eodem capite mentio,tribuendum fuisse. Addit etiam Paulum Hebr. XII, 21 Mosi verba quædam tribuere in Pentateucho non extantia, nempe: *ἐκφοβός εἰμι καὶ ἔντρομος.* Verum hæc verba in Pentateucho nusquam legi falsum est, ut patet ex Deut. IX, 19. ubi

ubi Moses dicit : ἐκ Δοξῆς εἰμι. Idem Clemens c. 46. hujus epistolæ scriptum esse dicit : *Sanctis vos adjungite, quia qui illis, adherent sanctificabuntur.* Verba ejus sunt : γέγεγαπται γὰρ πολλὰ τοῖς ἁγίοις, ὅτι οἱ πολλοὶ αὐτοῖς ἁγιασθήσονται, de quo loco agit Clericus *Critic. Tom. 2. p. 495.* Imprimis vero in fragmento posterioris epistolæ ad Corinthios multa ex apocryphis Scripturis adducuntur, ut patet ex c. 4. 5. 10. & 12. Unde & Phorius in bibliotheca sua *cod. 126.* de secunda Clementis epistola agens observat, quod in ea dicta quædam peregrina velut ex Scriptura subinducantur, quibus etiam primam ejus epistolam non penitus vacare addit.

VII. De Deo ejusque attributis passim insignes apud Clementem nostrum sententiæ occurrunt. Nec dubium est, quin de Trinitatis mysterio recte senserit. Certe Corinthios ad concordiam exhortatur c. 46. prioris epistolæ *unum Deum, unum Christum, & unum Spiritum* esse asserit, quibus verbis illustrem Trinitatis confessionem contineri contra Zwickerum observat Joh. Amos Comenius in admonitione de irenico irenicorum p. 104. Nec obstat quod Przypcovius in animadversionibus apologeticis pro autore irenici irenicorum adversus Comenium editis p. 504. objicit, nempe a Paulo Ephesios ad concordiam hortante non solum unius Dei, unius Domini, unius Spiritus, sed etiam unius corporis, unius spei, unius fidei & unius baptismi mentionem fieri Ephes. IV, 5. neque tamen totidem Deitatis personas inde inferri posse. Licuit Paulo concordiaæ studium inculcanti plura argumenta

cum ulare, quemadmodum & ipse Clemens loco allegato cum uno gratiæ spiritu unam vocationem tanquam singulare Spiritus S. beneficium adjungit. Interim tamen Clementem tres Deitatis personas agnovisse, & ad illas in verbis a Comenio adductis respexisse tanto magis probabile est, cum etiam Basiliius M. in *tractatu de Spiritu S. c. 29.* sequentia verba Clementi tribuat: *vivit Deus, & Dominus Jesus Christus, & Spiritus S.* quæ verba ex quo Clementis libro Basiliius haurierit, incertum est.

VIII. Impias aliquas de Christo sententias Clementi nostro tribuit Sandius in *nucleo hist. eccles. p. 67.* & illas sententias partim ex prima ejus ad Corinthios epistola, partim ex constitutionibus apostolicis a se excerptas obtendit. Verum in priori ad Corinthios epistola nulla ex istis sententiis, quas Clementi ascribit, legitur. Et quamvis Photius in sua bibliotheca *cod. 126.* Clementem in hac epistola non satis sublimiter locutum arguat, addit tamen aperte Christum in hac epistola non blasphemari, quod Photius dicere non potuisset, si in hac epistola flosculi illi Ariani a Sandio excerpti legerentur. Neque probanda est illa Photii Critica Clementem in hac epistola de Christo non satis sublimiter locutum arguentis. Nam *c. 16.* Christum majestatis divinæ sceptrum appellat, de quo Christi elogio Petavius *libr. 5. de Trinit. c. 9. §. 8. & libr. 12. de incarnat. c. 6. §. 2.* ut & Clericus in nota ad posteriorem Petavii locum *Tom. VI. edit. Amstel. p. 69.* videatur. Idem Clemens *c. 36. epistolæ suæ* dicit, quod per Christum oculi cordis nostri aperti sint, & per eum in-

intellectus noster insipiens & obtenebratus diuino lumine perfundatur. Addit ex epistola ad Hebræos, quod Christus magnificentiae divinae splendor sit, & tanto angelis præstantior, quanto præstantius præ illis sortitus est nomen, idque cum Paulo ex Psalmis 2. & 110. probat. Unde Samuel Gardinerus non solum p. 1. hypotyposeos suæ catholice circa Trinitatem fidei ex Patribus ante-Nicænis desumptæ Clementem Romanum inter testes Trinitatis primo loco posuit, verum etiam p. 157. in responsione brevi ad ea, quæ Sandius de Patribus ante-Nicænis in Arianorum gratiam differuit, Clementi circa ejus de Christo fidem injuriam factam esse breviter probavit. Et quamvis Sandius datis semel iterumque ad Gardinerum literis regesserit, nihil quod contra Arianos faciat ex Clementis epistola a Gardinero produci potuisse, Gardinerus tamen in responsoriis epistolis contrarium probavit. Videatur Sandius *epist. ad Gardin. p. 96.* Gardinerus *in respons. ad Sandium p. 108.* Sandius *in secunda epistola ad Gardin. pag. 131.* & Gardinerus *in responsi. ne valedictoria ad secundam Sandii epistolam p. 8.* Hoc tantum addimus ad ea, quæ a Gardinero contra Sandium observata sunt, falso Sandium asserere, quod Ariani ea, quæ a Paulo in primo epistolæ ad Hebræos capite dicta & a Clemente Romano repetita sunt, non improbaverint. Nam Theodoretus in præmio sui commentarii ad epistolam Hebræis inscriptam observat, Arianos epistolam ad Hebræos a Paulinis epistolis avulsam rejecisse, quod apostolicæ Theologiæ splendorem ferre non possent. Quam ob causam etiam nonnulli ex recentioribus An-

ti-Trinitariis epistolam ad Hebræos nullius autoritatis esse censuerunt, quos inter Georgius Enjedinus auctorem hujus epistolæ ineptis argumentationibus uti, & quædam aperte falsa dicere, blasphemæ judicat.

IX. Zwickerus *in irenico p. 2.* ex eo, quod Clemens noster personam Patris a Filio distinguit, perperam colligit, per hanc Personarum distinctionem a Deitate excludi. Tres enim in cœlo testes ratione personalitatis ita a se distinguuntur, ut tamen ratione essentiæ unum sint 1. Joh. V, 8. Irenæus in loco, quem Zwickerus allegat ex Clemente nostro illos hæreticos refutat, qui super supremum Deum nescio quem alium Deum fingeant. Verum a Gnoslicis illis alienissimi sunt, qui Christum verum Deum esse profitentur, neque verum est, quod ex Irenæi sententia Clemens solum Patrem Deum dixerit. Idem Zwickerus in *irenicomastige p. 269.* probaturus, Christum quidem splendorem & radium divinæ magnificentiae, non tamen Deum esse, simile, sed admodum dissimile, adducit, cum objicit, Samoscium Regis Poloniae Sigismundi Cancellarium radium quidem & splendorem Regis, non item Regem dici potuisse, quod exemplum quam male ad Christum substantialem paternæ gloriæ splendorem quadret, opus non est ut multis demonstramus.

X. Idem Zwickerus in appendice *irenicomastigis* iterato convicti & constricti p. 346. negat Christo parem cum patre suo cultum tribui, quo argumento Hoornbeckius in *prolegomenis Tom. II. sui Soci-*
ci-

ciniſimi uſus fuerat, cum Clemens Chriſto tantum ut Mediatori non ut ultimo termino gloriam tribuerit; quod ex capite penultimo & ultimo probat, ubi Clemens dicit: *per quem*, nempe Chriſtum, *illi*, nempe Deo, *ſit gloria*. Verum cum Clemens vere divina opera Chriſto tribuerit, dubium non eſt, quin illo æqualem cum Patre gloriam tribuendam cenſuerit. Quin etiam Clemens ſub initium poſterioris ad Corinthios epiſtolæ expreſſe Chriſtum Deum nominat, cum ait: *ὅτι ἡμᾶς φρονεῖν περὶ Ἰησοῦ Χριστοῦ ὡς περὶ Θεοῦ, oportet nos de Jeſu Chriſto ſentire tanquam de Deo*. Et quamvis Petavius *Tom. II. dogm. libr. I. de Trinit. c. 3. §. 7.* non ſufficere exiſtimet, quod Clemens Chriſtum Deum nominet, cum etiam Ariani Chriſtum Deum nominaverint, nullo tamen argumento probari poteſt, quod Clemens Ariano ſenſu Chriſtum Deum dixerit, imo potius ex Clemente contrarium probari poteſt, quod ipſe Petavius parum ſui memor *in prolegom. Tom. 2. c. 2.* adductis nonnullis ex Clemente testimoniis probavit. Conferantur etiam, quæ ex Clemente pro divinitate Chriſti diſſerunt Thomasinus *Tom. III. Theolog. p. 389.* & Le Moyne *not. ad var. ſacr. p. 153.*

XI. Lucas Mellierus *in fide primorum chriſtianorum p. 47.* jactat, jam alios demonſtraſſe, quod Clemens Romanus in aliquot prioris ſux ad Corinthios epiſtolæ locis talia de Chriſto docuerit, quæ Socinianismum omnino redolent, imo apertiffime produnt, cujuſmodi loca videri poſſe dicit apud Zvvickerum, & Gilbertum Clarke in Antinicenismo, & Anonymum, qui

qui iudicium Patrum de doctrina Trinitatis Anglicano idiomate conscripsit. Verum qua facilitate Mellierus hoc affirmat, eadem id negari potest. Netamen prorsus gratis, quæ dixit, dixisse videatur, profert locum, qui in hac Clementis epistola invenitur a Patritio Junio ita redditum: *sceptrum Majestatis Dei, Dominus noster Jesus Christus non venit in jactantia superbia & arrogantia, quamvis potuerit, sed in humilitate.* His Clementis verbis aperte doceri ait Mellierus, quod Christus etsi non jactantia superbia & arrogantia venerit, in ea tamen venire atque adeo peccare potuerit, si voluisset. Unde ulterius infert, quod ex Clementis mente Christus merus homo fuerit, quia si ejus persona ex divina & humana natura constitisset, dubio procul divina humanam impeccabilem reddidisset, & Clementis sine blasphemia de humana Christi natura, si divinæ personali nexu conjunctam credidisset, dicere non potuisset, quod peccare potuerit. Tandem vero his verbis hoc argumentum concludit: *qui dicit Christum potuisse peccare, ipso Socino est Socinior. Nec enim ipse Socinus, quod sciam, aperte dicere vel scribere ausus est, Christum fuisse peccabilem. Vide qualis fuerit ille Apostoli Pauli cooperarius! Vide ne ipse Apostolus Paulus Socinianus tandem fiat, qui tales habet & laudat cooperarios! Timeo ne in eodem vite libro Pauli quoque nomen sit scriptum.* Sed hoc discursu, qui plus fellis quam mellis habet, Mellierus opus non habuisset. Unde Græbius in notis ad Bulli opera Tom. I. p. 61. miratur, quod miser hic homuncio temere illa effutiverit, ino publice scripserit in Christum blasphemus, & servum
ejus

ejus S. Clementem calumniator. Neque enim scripsit Clemens, quod Christus non ἐν ἀλαζονείᾳ & ὑπερηφανίᾳ venerit, etsi in ea venire potuerit, sed scribit Christum non venisse ἐν κόμπῳ ἀλαζονείας καὶ ὑπερηφανίας i. e. in strepitu & pompa tali, quali οἱ ἀλάζονες in medium prodire solent. Ab ejusmodi externo apparatu Christus abstinuit, etsi cum eo venire potuisset, nec ideo superbiæ aut arrogantix peccatum commisisset. Probari ergo non potest, quod Clemens Christum pro mero homine habuerit, & eum instar meri hominis peccare potuisse existimaverit. Contrarium probant varix sententiæ, quas ex Clementis epistola utraque ad Corinthios pro Christi divinitate viri docti passim allegant, inter quas eximia est, etsi rarius adduci soleat, quæ cap. 2. prioris epistolæ legitur, ubi Clemens ad Corinthios scribit: τὰ θεῶν παθήματα ἦν πρὸς ἰφθαλμῶν ὑμῶν, *passiones Dei in oculis vestris erant*; quibus verbis Christus, cujus passionis in Corinthiorum oculis erant, diserte Deus nominatur. Unde Cotelierius hunc locum Photio, qui Clementem in hac epistola non satis digne & sublimiter de Christo locutum arguit, merito opponit.

XII. De opere creationis & divinæ omnium rerum gubernationis dum Clemens noster c. 20. prioris ad Corinthios epistolæ agit, inter alia ait: *Oceanum hominibus impertransibilem, & qui trans ipsum sunt mundos Domini mandatis gubernari*, Ὠκεανὸς ἀνθρώποις ἀπέρχοντος, καὶ οἱ μετ' αὐτὸν κόσμοι ταῖς αὐταῖς ταγαῖς τῷ δεσπότῃ διὰ θύοντα. Quem Clementis locum reprehensioni obnoxium judicat Photius *biblioth. cod. 126.*

Verum antiquiores Photio Patres sine reprehensione hunc locum allegarunt nempe Clements Alexandrinus *libr. 5. Stromat. p. 527.* Origenes *libr. 2. περὶ ἀρχῶν c. 3.* Hieronymus *ad Ephef. II, 2.* Et Patricius quidem Junius in notis ad hunc Clementis locum per Oceanum impertransibilem Oceanum Britannicum, & per mundos trans illum Oceanum positos *toto*, ut ait Poeta, *divisos orbe Britannos* intelligit, cum simili ratione a Basilio Magno, Ambrosio, & Libanio Oceanus Britannicus describatur, quorum testimoniis præter alios Josephus, Florus, Vellejus Paterculus & alii addi possunt. Verum cum Origenes loco supra allegato per mundos trans Oceanum impertransibilem *ἀντὶ τοῦ ὁκεανῶς* intelligat, Episcopus Oxoniensis in notis ad Clementem potius Americanas regiones a Clemente indicatas censet, quas etiam ab aliis Scriptoribus antiquis non obscure adumbratas videri asserit. Et hæc Oxoniensis Episcopi explicatio adversus alios Calvinianos observari potest, qui Apostolorum tempore Americam cæteris terræ partibus incognitam fuisse statuunt, e quorum numero Hermannus Witsius cum in exercitatione prima academica argumenta pro evangelio per Apostolos Americanis prædicato afferri solita recensuisset, statim in secunda exercitatione ostendere conatur, quod probari non possit evangelium per Apostolos Americanis prædicatum fuisse. In quibus exercitationibus cum alia quædam veterum loca, quibus notitiam Americæ non plane nullam antiquos habuisse demonstrari solet, adduxerit, & ad ea responderit, mirum est, quod insignem hunc Clementis locum non attigerit, quem ad Americanos potius quam

ad

ad Britannos spectare Dannhauerus *in Christeid. p. 160.* inde probat, quod Clementis ætate Oceanus Britannicus non amplius ἀπείργητος esset. Notamus tamen, etiam quosdam nostratum Theologorum negasse, quod Americanis Apostoli evangelium prædicaverint, ut Quistorpius *in annotat. biblicis ad Coloss. 1. v. 23.* vel etiam statuisse, quod Apostolorum tempore! America ab hominibus nondum culta & habitata fuerit, ut Ursinus *in analect. libr. 6. c. 24.*

XIII. Universalem Dei gratiam & universale Christi meritum Clemens noster agnovit. Scribit enim cap. 7. prioris epistolæ, sanguinem Christi propter salutem nostram effusum toti mundo pœnitentiæ gratiam obtulisse, Deumque per omnes mundi ætates in omni generatione volentibus ad ipsum converti pœnitentiæ locum concessisse. Unde patet quam alienus fuerit Clemens Romanus a Calvinianorum dogmate, qui neque gratiam Dei, neque Christi sanguinem & meritum ad omnes homines pertinere statuunt, quos inter Beza *part. 2. resp. ad act. Colloq. Montisbelgard. p. 194.* asserit, nunquam fuisse tempus, vel esse, vel futurum, quo Deus voluerit, velit, vel voliturus sit singulorum misereri, sed ab æterno pro bona sua voluntate, & ea quidem cui resisti non potest, constituisse, & quorum in Christo misereretur, & quos induraret.

XIV. Anonymus quidam apud Sandium in paradoxis interpretationibus evangeliorum *ad Job. III, 5.* hæc Clementis verba ex prioris ad Corinthios epistola adducit: Νῶς παλιγγενεσία κόσμῳ ἐκέρυξεν, & putat Clementem sub nomine παλιγγενεσίας, quam Noa-

chus mundo prædicavit, nihil aliud intellexisse, quam animarum humanarum ante mundi creationem a Deo conditarum in corpora immisionem, de qua regeneratione etiam Christum loqui arbitratur, cum ad Nicodemum ait: *nisi quis renatus fuerit ex aqua & spiritu, regnum cælorum ingredi non potest*; quæ verba juxta fanatici illius hominis interpretationem hunc sensum habent, quod homines regni cælorum capaces futuri non essent, nisi eorum spiritus, seu animæ ante mundum conditæ & postea lapsæ, cum carne seu corporibus, quæ per aquam tanquam carnalis generationis principium a Christo indicari somniat, unirentur, quemadmodum & diaboli, quibus talis regeneratio seu incarnatio negata est, regnum Dei intrare non possunt. Quæ Anonymi explicatio a Sandio adducta, etsi absurdissima sit, & ex hominibus quasi incarnatos diabolos faciat, Sandio tamen ipsi haud displicuit, qui etiam illam ut propriam adoptavit in *tractatu de origine animæ p. 97.* Clementis autem locum quantum attinet ab Anonymo adductum, qui cap. 9. prioris ad Corinthios epistolæ legitur, per *παλιγγενεσίαν* a Noacho prædicatam ibi non immissio animarum in corpora intelligitur, sed generis humani per diluvium perditioni instauratio, vel etiam regeneratio spiritualis per pœnitentiam, cum de eodem Noacho Clemens in hac ipsa epistola c. 7. scribat: *Νῶς ἐκ ἡμετέρας μετάνοιαν*, Noe prædicavit pœnitentiam.

XV. Professus est Clemens noster justificationem ex sola fide sine operibus. Cum enim de Sanctis cap. 32. prioris epistolæ dixisset, quod omnes glorificati & sancti-

fi-

ficati sint non per semetipsos aut eorum opera, aut justas actiones quas patrarunt, sed pro Dei voluntate, ista subjicit: καὶ ἡμεῖς οὐκ διὰ θελήματος αὐτοῦ ἐν χειρὶ Ἰησοῦ κληθέντες, ἢ δι' ἐαυτῶν δικαιώμεθα, ἢ διὰ τῆς ἡμετέρας σοφίας, ἢ σιγῆς, ἢ εὐσεβείας, ἢ ἔργων ὧν κατεργασάμεθα ἐν ὁσιότητι καρδίας· ἀλλὰ διὰ τῆς πίστεως, δι' ἧς πάντας τὰς ἀπ' αἰῶν ὁ πατριάρχης Θεὸς ἐδικαίωσεν ὡς ἔσω δόξα εἰς τὰς αἰῶνας τῶν αἰώνων. ἀμήν. Qui locus observandus est contra omnes sive Pontificios sive aliis fectis addictos, qui justificationem nostram non ex sola fide fieri, sed etiam bonis operibus locum aliquem relinquendum & illa saltem opera, quæ ex Dei gratia a renatis sunt a justificatione non excludenda esse contendunt. Nam Clemens in allegato loco illa quoque opera, quæ a pietate cordis & sanctimonia proficiscuntur, a justificatione removet. Nec obstat, quod Clemens c. 30. hujus epistolæ dicat: ἔργοις δικαιώμενοι καὶ μὴ λόγοις, *operibus justi effecti non verbis*, ex quo loco Grotius ad Jac. II, 24. male infert, homines non sola fide, sed operibus etiam justificari. Clemens enim & Jacobus, ad cujus verba Clemens respicit, non agunt hic de justificatione coram Deo, sed de justificatione coram hominibus, quæ non obtinetur per sola verba, sed per opera quibus fidei veritas demonstratur, qua de re videatur Hülsemannus in *harmonia Pauli & Jacobi* th. 165. & seq. Nimirum Clemens, etsi nos non operibus sed sola fide justificari doceat, bonorum tamen operum studium diligenter inculcat. Nam cum in c. 32. nos ex sola fide justificari docuisset, statim in sequenti c. 33. addit, minime propterea a bonis operibus cessandum, nec caritatem.

derelinquendam esse. Unde & Clemens sæpius in hac epistola bonorum operum studium diligenter inculcat. Nequaquam tamen opera ad salutem consequendam necessaria Clemens judicavit, ut sibi persvadet Horneius in disputatione de fidei non qualislibet sed quæ per caritatem operatur necessitate ad salutem *thef. 55.* item in iterata assertionem, qua fides non qualiscunque sed per caritatem operans ad salutem necessaria ostenditur contra Johannem Rothmalerum *thef. 123.* nec non in germanica confutatione Johannis Löschmanni *cap. 3.* & in repetitione doctrinæ veræ de necessitate bonorum operum *thef. 134.* Nam ea, quæ Horneius ex Clemente adducit, necessitatem bonorum operum ad salutem non probare notavit Hulsemannus in *Calixtinischen Gewissens-Wurm cap. 7. p. 945.*

XVI. Fatendum tamen est, quod Clemens in commendanda caritate modum fere excedere videatur, unde etiam nonnulli ex isto caritatis elogio, quod *cap. 48. 49. & 50.* prioris epistolæ legitur, a Clemente Pauli cooperario hanc epistolam nequaquam scribi potuisse colligunt. Quamobrem si hæc caritatis elogia cum Clementis dicto de justificatione per solam fidem conciliare velimus, opus est ut ea benevole interpretemur. Quando enim Clemens *c. 48.* dicit: *hec est porta justitiæ ad vitam*, forte non tam ad caritatem quam ad pœnitentiam respicit, quia in verbis præcedentibus dixerat: *tollamus contentiones, pedibus Domini advolvamur & stentes suppliciter imploremus, ut propitius factus nobis reconciliari velit, nosque pristina frater-*

terna concordia restituat. Cum c. 49. dicit: *caritas peccatorum multitudinem tegit*, id non alio modo intelligendum est, quam quo & Petrus 1. *Pet. IV, 8.* caritatem peccatorum multitudinem operire scribit. Hunc enim Clementis sensum esse, verba statim sequentia indicant: *Caritas omnia sustinet, omnia patienter tolerat.* Cum autem c. 50. dicit: *beati sumus, si precepta Domini in caritatis concordia compleverimus, ut per caritatem peccata nostra nobis remittantur*, forte per caritatem non hominum sed ipsius Dei caritatem intellexit. Nam quod in his capitibus non solum nostram sed etiam Dei dilectionem commendaverit, ex eo patet, quod c. 49. dicat: *in dilectione nos Dominus assumpsit, propter dilectionem, quam erga nos habuit Dominus noster Jesus Christus voluntate divina sanguinem suum pro nobis dedit.*

XVII. Henochum & alios Deo τελείως & perfecte servivisse Clemens asserit c. 9. prioris epistolæ. Verum id de tali perfectione intelligendum est, qualis in hac vita datur, & quæ non ineleganter a Bernhardo *serm. 10. ad Psalm. 90.* (Hebr. 91.) *qui habitat imperfecta perfectio* dicitur. Sic enim legendum ibi est, non autem: *perfecta perfectio*, ut corrupte legitur in editione Parisiensi A. 1602. & Antverpiensi 1609. quod obiter notamus.

XIIX. Monet Clemens c. 21. prioris epistolæ Corinthios, ut caveant, ne beneficia Dei ipsis in condemnationem cedant. Unde patet, Clementem agnovisse, quod renati, quales Corinthii erant, gratia Dei excidere, & condemnationis judicium impietate

Quia

sua accersere sibi valeant. Qua in re a Reformatis admodum dissentit.

XIX. Episcopos & Diaconos ab Apostolis constitutos Clemens asserit c. 42. prioris epistolæ, quorum accommodat verba Esaia LX, 17. quæ hac ratione exprimit: καὶ ὀψήσω τὰς Ἐπισκόπους αὐτῶν ἐν δικαιοσύνῃ, καὶ τὰς Διακόνους αὐτῶν ἐν πίστι, *constituam Episcopos eorum in justitia & Diaconos eorum in fide.* Cum autem Clemens Episcopos & Diaconos ab Apostolis constitutos dicat, & nullam Presbyterorum mentionem faciat, colligi ex eo potest, quod Presbyteros sub Episcoporum nomine complexus fuerit, nullamque inter Episcopos & Presbyteros differentiam agnoverit. Videatur Blondellus in apologia sententiæ Hieronymi de Episcopis & Presbyteris *sect. 2. p. 9.* ubi & plura ex Clemente loca pro hac sententia allegat. Unde etiam Grotius in epistola ad Bignonium, quæ inter ejus epistolas ad Gallos legitur, *epistola 154.* Conringius in epistola ad Maderum, quæ Helmstadiensi Clementis editioni præfigitur, Vorstius *tract. de sedibus episcopal.* Salmasius *in apparat. ad libr. de primatu pap. p. 49.* & alii observant, Clementis ætate Episcoporum supra Presbyteros eminentiam ecclesiæ nondum cognitam fuisse. Habent tamen nonnulla, quæ contra objecta Clementis Romani loca excipiant Pontificii, e quorum numero Petavius *appendice Tom. 3. de hierarch. eccles. libr. I. c. 1.* videri poterit, & Episcopales Angli, e quibus nominasse sufficiat Hammondum *dissert. 5. de jure episc. c. 6. & 7.* ubi inter alia statuit, verba Esaia a Clemente allegata, quæ in hodiernis græcæ versionis codi-

codicibus non reperiantur, ex codice, quo Apostoli uti sunt, petita esse. Credat id, cui lubet. Mihi quidem Clementem eo græcæ versionis exemplari usum fuisse, quod Apostoli usurparunt, non temere persuadebitur. Quando autem Clemens c. 1. Corinthios ἡγούμενοις seu Præpositis subditos fuisse, & πρεσβυτέρους debitum honorem exhibuisse dicit, & cap. 21. Corinthios monet, ut Præpositos suos revereantur & Presbyteros honorent, Blondellus per ἡγούμενους Episcopos, & per πρεσβυτέρους Seniores, seu natu majores junioribus oppositos intelligit. Contra Hammondus *dissert. 5. de jur. episc. c. 3.* per ἡγούμενους Magistratus civiles a Præfatis ecclesiasticis distinctos & forte ad fidem conversos, & per πρεσβυτέρους Episcopos intelligit, quibus nonnunquam Presbyterorum nomen tribui concedit, ita tamen ut promiscuum horum nominum usum Presbyterianos nihil juvare arbitretur.

XX. Docet Clemens c. 44. συναδυνασάσης τῆς ἐκκλησίας πάσης h. e. *cum consensu univærsæ ecclesiæ* ab Apostolis aliisque viris eximiis constitutos fuisse, qui inculpate ovili Christi cum humilitate ministraverunt. Unde Blondellus *de Episc. & Presbyt. sect. 2. p. 11.* colligit, ecclesiæ ministros ab Apostolis aliisque apostolicis viris nunquam nisi comprobante ecclesiâ constitutos fuisse, cui contradiculus Hammondus *dissert. 5. c. 7. thes. 10.* nihil aliud a Clemente indicari putat, quam ecclesiæ ministros applaudente vel congratulante tota ecclesiâ constitutos fuisse. Verum omnino in primitiva ecclesiâ plebi quoque suas partes fuisse, quan-

do Episcopi vel alii ecclesiæ ministri constituti sunt, alii quoque Scriptores ecclesiastici testantur.

XXI. Officia sacra statis temporibus fieri oportere urget Clemens c. 40. prioris epistolæ, & tempora illa Dei voluntate definita asserit, ad sabbathum forte respiciens. In eodem capite laicorum mentionem facit, unde vocis hujus antiquitatem colligunt Episcopus Oxoniensis *in notis ad b. l.* & Blondellus *de Episcop. & Presbyt. sect. 2. p. 12.* Fatendum est de cætero, quod Clemens in hoc & sequenti c. 41 circa descriptionem cultus sacri quodammodo judaizare videatur, nisi forte exemplo cultus judaici apud Christianos omnia decenti ordine fieri oportere voluerit.

XXII. Cum Clemens c. 49. prioris epistolæ dicit, quod Christus ex singulari erga nos caritate sanguinem suum pro nobis tradiderit, & carnem pro carne nostra & animam pro animabus nostris, Simplicius Verinus, seu qui sub illo nomine latet, Claudius Salmasius ex his verbis prærogativam calicis consecrati præ pane consecrato in eucharistia probare satagit, cum Clemens sanguinem Christi ejus carni præmiserit, quam prærogativam & aliis argumentis corroborare nititur. Notat ergo quod Paulus 1. Cor. X, 16. & 22. calicem ante panem nominet, & Lucas cap. XXII, 17. in ipsa historia institutæ eucharistiæ ab institutione calicis incipiat. Nam quod postea v. 20. de calice dicitur, Salmasio additamentum esse videtur a Christiano aliquo Lucæ additum, qui Lucam cum reliquis Evan-
geli-

gelistis conciliare voluerit, quod tamen additamentum cum verbis Evangelistæ male coherere putat, nisi dicere velimus, quod benedictio calicis & ante panis benedictionem, & post calicis benedictionem facta fuerit. Putat autem Paulum & Lucam & Clementem & alios, qui calici vel sanguini priorem locum dederunt, non respexisse ordinem, quo hæc Sacramenta a Christo tradita fuerunt, sed maiorem calicis nobilitatem, cum panis carnem Christi, calix autem sanguinem denotet, & sanguis tanto carne sit præstantior, quanto anima est nobilior corpore, quia in sanguine anima esse dicitur. Verum ad hæc & quædam alia Salmasii argumenta respondet Dorscheus *in exercitatione ad concilii Nicani diatyposin de cæna sect. 3. p. 195.* ubi inter alia observat, Luc. XXII, 17. non de poculo eucharistico agi, sed de poculo paschali, & postea demum v. 19. & 20. institutionem eucharistiæ memorari, ita quidem, ut v. 19. de benedictione panis, & v. 20. de benedictione calicis eucharistici agatur. Magna ergo est Salmasii prævaricatio, cum v. 20. expungere conatur. Observat Dorscheus ulterius, ex eo quod nonnunquam vel in sacris literis vel apud Scriptores ecclesiasticos calix pani præponitur, nullam calicis prærogativam inferri posse, cum etiam nonnunquam in Scriptura secunda Deitatis persona ante primam nominetur, neque tamen major Filii præ Patre dignitas ex eo concludi possit. Addimus, quantum ad præsentem Clementis locum attinet, in eo non tantum sanguinis & carnis, sed ultimo loco etiam animæ mentionem fieri. Si autem sanguis nobilior est carne, quia Clemens carni sanguinem

nem præponit, etiam caro animam antecellet, quia Clemens animam ultimo loco post carnem posuit. Sed non opus est confutandis illis Salmasii tricis diutius immorari.

XXIII. Cum Clemens c. 40. prioris epistolæ ait: Πάντα τάξει ποιῆιν ὁφείλομεν, ὅσα ὁ δεσπότης ἐπιτελεῖν ἐκέλευσεν· καὶ κατὰ τὰς τε προσφορὰς καὶ λειτουργίας ἐπιτελεῖσθαι, καὶ ἐκείνῃ ἢ αὐτῇως (ἐκέλευσεν) γίνεσθαι, ἀλλ' ὡρισμένοις κατὰς καὶ ὡραῖς; h. e. debemus omnia rite & ordine facere, quæ Dominus peragere nos iussit, præstitutis etiam temporibus oblationes & officia sacra perficere: neque temere vel inordinate voluit ista fieri, sed statutis temporibus & horis, Johannes Ernestus Græbii in suis ad Irenæum notis libr. 5. c. 32. sacrificium missaticum ex hoc Clementis testimonio exsculpit, optatque ut abominabile hoc sacrum a Lutheranis & Calvinianis ex orco revocetur. Verum missaticum hoc sacrificium Pontificiis, & Græbio pristinum papismi amorem egregie hic redolenti, relinquimus. Clementem autem quantum attinet, nullis fidiculis Græbius ab eo extorquere poterit, ut ipsius de missatico sacrificio sententiæ subscribat. *Ab oblatione ad missam argumentari sine vitio collectionis a genere ad speciem haud licet*, ait Celeberrimus ecclesiæ nostræ Theologus D. Johannes Fechtius in erudito Tractatu de origine & superstitione missarum in honorem Sanctorum celebratarum c. 4. p. 105. ubi, qualis oblationum in primitiva ecclesia factarum ratio fuerit, fuse & solide exponit. Vitiose ergo Græbius ab oblationibus, quarum Clemens meminit, ad missas colligit, qua de re videri et-

etiam poterit D. Johannis Francisci Buddei exercitatio, qua Clementem Romanum & Irenæum pontificiæ missæ non favere contra Grabium demonstrat. Præterea totum illud Clementis caput, in quo Grabius sententiæ suæ præsidium quarit, nonnullis suspectum est. Nam cum Clemens statim sub initium capitis *αὐτῶν θείας γνώσεως*, seu profunda divinæ cognitionis memorat, in Amstelodamensi editione per Johannem Clericum procurata hæc verba p. 168. annotantur: *hæc quidem Clemens Alexandrinus dixerit, at non Romanus,* & pagina sequenti 169. iterum hæc verba annotantur: *est qui velit hæc omnia esse mali commatis ad finem usque capitis, & lectorem amandet ad Clementem Alexandrinum.* Sane interpolatorem aliquem ex Clemente Alexandrino nonnulla Clementis Romani epistolæ ad Corinthios inseruisse, confirmari posse videtur ex cap. 6. hujus epistolæ, ubi Clemens Danaides, seu ut Colomæsius legendum censet, Danaen & Dircen gravia supplicia perpeffas constantem fidei cursum consummasse, & nobile præmium accepisse refert. Quod cum absurdum sit, quia mulieres illas gentiles & Poetarum fabulis decantatas fuisse constat, inde probabiliter viri quidam docti statuunt, hunc locum ex Clemente interpolatum esse. Cum enim Clemens Alexandrinus *lib. 4. Strom.* locum aliquem ex Clementis ad Corinthios epistola allegasset, illustres quasdam foeminas recenset, & inter has etiam Danaï filias commemorat, quæ postea hominis alicujus imperiti & male feriatî opera in Clementis epistolam irrepserunt. Unde Clericus *part. 3. Critic. scilicet. 2. c. 5.* hujus loci corruptelam semipagano

cuidam librario deberi judicat, nisi vitiosæ lectioni debeatur, & pro *Δαυαίδης ἡγι Δίγην* forte legi debeat: *ἀντιδίδως ἡγι δίδως*, quasi Clemens dicere voluerit, sine reverentia & contra omne jus mulieres quasdam male habitas fuisse, quæ tamen emendatio, si recte judico, parum probabilitatis habet.

XXIV. De resurrectione mortuorum agit Clemens Romanus c. 24. prioris epistolæ & sequentibus, & inter alia c. 25. fabulosam avem Phœnicem in resurrectionis argumentum adducit, quod jam olim Photio *biblioth. cod. 126.* minus placuit. Nec desunt inter recentiores, qui Viro Apostolico, qualis Clemens fuisse perhibetur, tale argumentum in articulo gravissimi momenti e fabulis petatum minus convenire censerent, ideoque hanc epistolam pseudepigrapham esse suspicantur, ut Tenzelius in exercitat. de Phœnice apud Jobum & Clementem Romanum *ibes. 5.* ubi etiam ad consensum Hulsemanni, Calovii & aliorum provocat. Contra vero autoritas Clementis Romani nonnullos movit, ut narrationem de Phœnice non pro fabula, sed pro vera historia habeant, quos inter Patricius Junius in notis ad Clementis epistolam, cujus sententiam contra Bochartum defendere satagit Johannes Fell Episcopus Oxoniensis in notis ad hunc Clementis locum, qui tamen tandem concludit: *si hæc minus satis faciant; breviter dici poterit Phœnicis historiam apud omnes pro concessa habitam, & proinde argumento ad homines ducto, rectissime inservire: nihil enim refert quibus armis hostem confodiamus; nec minus feliciter ab admissio errore redarguetur error, quam a veri-*

veritate in medium producta veritati fides & auctoramentum accedunt. Nos phœnicem fabulosam avem esse minime dubitamus, neque tamen propterea Clementis epistolam ad Corinthios *veritas* arguendam esse arbitramur. Clementi enim vitio verti non potest, quod e re vulgo credita resurrectionis possibilitatem probaverit.

XXV. Purgatorium a Clemente agnitum non fuisse, ex eo colligi potest, quod c. 9. posterioris ad Corinthios epistolæ *post mortem nullum penitentiae locum* esse scribat. Alium ex hac Clementis epistola locum purgatorio recte opponit Dallæus *de penis & satisfactionibus* p. 598. quemadmodum & alii primitivæ ecclesiæ Patres purgatorium non agnoverunt, donec lucrosum hoc dogma vicaria superstitum merita terrarum orbi commendaret, & venale otium hastæ submitteret, ut Episcopi Oxoniensis ex notis ad h. l. verba mea faciam.

XXVI. A Thoma Campanella in atheismo triumphato Clementem Romanum Chiliaſtis accenseri notat Sandius *in nucleo hist. eccles. p. 67.* Verum in Clementis epistolis ad Corinthios, de quibus nunc tantam agimus, nullum Chiliaſmi vestigium apparet, nisi quæ Petersenius *nub. test. verit. libr. 3. p. 62.* ex ultimo capite posterioris ad Corinthios epistolæ adducit, ad Chiliaſmum perperam trahantur, quod nemini forte in mentem veniet, nisi qui cum Petersenio vigilans somniet.

XXVII. Clementem Romanum primum omnium fuisse, qui verba Jobi XIX, 25. ad resurrectionem

nem mortuorum traxit, notat Colomesius in notis ad Clementis epistolam ad Corinthios c. 26. ubi Clementem in hac explicatione errasse judicat; quem errorem tamen excusabilem esse putat, cum accurata omnium Scripturæ locorum explicatio a primis Patribus exigere non possit, qui non minus ac eorum nepotes hallucinari potuerunt. Verum Clemens Romanus in hac Jobi explicatione hallucinatus non est, sed Colomesius, & qui eum sequitur Kortüm in nova Jobi paraphrasi, ut alios taceamus.

CAPITIS III. SECTIO V.

De

*Doctrina Clementis Romani ex
reliquis ejus Scriptis.*

I.

Postquam quales doctrinæ utraque Clementis Romani ad Corinthios epistola & imprimis priori contineantur vidimus, lubet nunc ex reliquis scriptis Clementi Romano attributis unam alteramque doctrinam excerptare, & a canonibus apostolicis auspicari. Adversatur igitur autor canonum apostolicorum, quisquis fuerit, coelibatui Clericorum, cum canone 5. (aliis 6.) prohibet, ne quis Episcopus vel Presbyter vel Diaconus uxorem suam sub religionis prætectu
reji-

rejiciat. Unde tunc meliorem ecclesiarum statum fuisse docet Osiander *epit. histor. eccles. cent. 1. libr. 3. c. 4.* quam hodie sub papatu, cum Papa religiosas personas cogat, ut uxores non ducant, vel, si duxerint, easdem rejiciant, vel concubinam potius quam legitimam uxorem alant.

II. Etsi vero Clemens in canonibus suis apostolicis Episcopis, Presbyteris & Diaconis conjugium permittat, & verus quoque Clemens Romanus ipse in epistola priori ad Corinthios c. 21. se uxoratum fuisse indicet, non permittere tamen voluit Clericis, ut duas sorores uxores ducerent. Nam in canone 19. dicit, Clericum esse non posse, qui vel fratris filiam vel duas sorores duxerit. Unde juxta hunc canonem Clerici nomine indignus est D. Johannes Melchior Gœzius Pastor Halberstadiensis, qui post suæ uxoris mortem defunctæ sororem in matrimonium duxit, quas nuptias non sine magno ecclesiæ nostræ scandalo contrahi potuisse in historia Synodi Aurelianensis a Reformatis habitæ thes. 44. monui, quod nunc propterea repeto, quia ibi per erratum typographicum pro uxoris defunctæ sorore uxoris defunctæ uxor ponitur. Quia enim Gœzius ob erratum illud typographicum me in publico scripto germanico non sine calumniis exagitat, quin etiam animi impos furorem mihi imputet, necessarium duxi hoc loco erratum illud corrigere, & paucis indicare, quod in Gœzio illo non conjugium cum uxoris defunctæ uxore, sed conjugium cum uxoris defunctæ sorore ob maximum, quod inde natum est scandalum, improbaverim, etsi etiam me tacente mendum

illud typographicum statim in omnium legentium oculos incurrat, & Gœzius gravi illa querela, quod ipsi matrimonium cum defunctæ uxoris uxore exprobaverim, supersedere potuisset, nisi malæ conscientiæ stimulis turbatus conviciandi occasionem arripere maluisset.

III. Canon 46. 47. & 48. hæreticorum baptismum tanquam irritum rejiciunt. Verum hæc ipsa doctrina probat canones apostolicos ævo apostolico longe recentiores esse. Nam si Apostoli talem doctrinam promulgassent, Firmilianus Casariensis in Cappadocia Episcopus, nec non Cyprianus & reliqui Episcopi Africani, qui tertio seculo hæreticorum baptismum aliis ecclesiis contradicentibus admittere nolebant, dubio procul in gravi illa contentione ad Apostolorum auctoritatem provocassent. Unde facile colligi potest, illo tempore, cum inter Stephanum Episcopum Romanum ab una, & Cyprianum ac Firmilianum ab altera parte ista controversia ageretur, collectionem canonum apostolicorum nondum cognitam fuisse.

IV. Ultimus canon apostolicus exhibet catalogum librorum V. & N. Testamenti, ex quo canone Pontificii libris Maccabæorum canonicam auctoritatem vindicare solent. Verum contra illos notari potest, quod Johannes Antiochenus, qui in titulo collectionis suæ canonicæ 50. hunc canonem apostolicum numero quintum & octogesimum *pag. 601.* recensens in græco textu, cujus potior quam latinæ versionis ratio habenda est, Maccabæorum libros prorsus omittat. Præter-

ea

ea si autoritate hujus canonis, prout vulgo legi solet, standum est, non duo sed tres Maccabæorum libri in canonem recipiendi erunt, quod tamen ipsi Pontificii nolint. Porro si juxta hunc canonem apostolicum canon Scripturæ judicari debet, Apocalypsis Johannea ex libris canonicis novi testamenti excludenda erit, & contra canonicis novi fœderis libris addendæ erunt duæ epistolæ Clementis Romani, & apostolicæ constitutiones, quas tamen ad Scripturæ canonem pertinere Pontificii negant. Nec prætermittenda hic audacia Francisci Turriani, qui cum ad calcem apostolicarum constitutionum etiam canones apostolicos ederet, ad canonicos libros ultimo canone apostolico enumeratos tam in græca quam latina editione librum Judith adjecit, quem in omnibus aliis canonum apostolicorum editionibus omissum deprehendimus, ut observatum a Johanne Rainoldo *in censura apocryphorum V. T. pag. 438.* Poterat vero Turrianus, cum librum Judith ad libros canonicos V. Test. in canone hoc apostolico adderet, eadem opera & impudentia etiam librum Tobix & quosdam alios ejus generis libros addere, unde mirum est, quod in solo libro Judith addendo acquie-
verit.

V. Constitutionum apostolicarum autorem, qui Clemens Romanus falso perhibetur, tam de Filio quam de Spiritu Sancto nonnullis in locis ita loqui, ut typus sanæ doctrinæ non observetur, notavit Ulserius *in prolegom. ad epistol. Ignat. fol. 106.* Nam libro 2. constit. apost. c. 26. Deus Pater cum Episcopo, Filius cum Diacono, & Spiritus Sanctus cum Diaconissa, quæ

sine Diaconi nutu nihil agit, comparatur, quæ asserta Clementis γερῶδη esse, & hæresin redolere judicat Petavius *in notis ad Eriphanium* p. 349. Sic libro 5. constit. c. 6. dicitur Deum sua voluntate effecisse, quæ Christus jussus est facere. Eodem libro c. ultimo dicitur: τὸν δὲ καὶ ἡμεῖς κηρύσσομεν ὑμῖν καὶ εὐαγγελίζομεθα, Θεὸν λόγον, ὑπερεῖδμεν τῷ Θεῷ αὐτῷ καὶ πατρὶ εἰς τὴν τῶν ὅλων δημιουργίαν, *hunc igitur & nos predicamus & annunciamus vobis Deum Verbum, ministrum Dei ipsius & Patris.* Libro VIII. c. 6. dicitur Pater Deus Filii & Paracleti; & c. 12. Filius in omnibus Deo & Patri ipsius ministrasse asseritur, & c. 37. Pater Deus Filii, & Dominus Spiritus nominatur. Quæ loca dubio procul Photius ante oculos habuit, cum in bibliotheca sua *cod. 113.* non nisi violenter depelli posse putat, quæ contra Arianismum his libris contentum objici solent.

VI. Docet Clemens libr. 3. constitut. c. 2. primas & unicas nuptias si legitime fiant, justas esse & juxta Dei voluntatem celebratas, secundas post professionem vel promissionem illicitas, non propter conjugium sed propter mendacium, tertias intemperantiam demonstrare, quodlibet autem post tertias nuptias matrimonium esse manifestam fornicationem, & ἀσέλγεια ἀναμφίβολον, seu luxuriam & petulantiam minime dubiam. Quam doctrinam Bellarminus *de Scripturis eccles. p. 53.* illis constitutionum apostolicarum dogmatibus, quæ a veritate manifeste aberrant, non immerito annumerat.

VII. Lai-

VII. Laicis baptizandi licentiam non permittunt constitutiones apostolicæ libr. 3. c. 10. adducta ratione, quod nemo sibi honorem sumat, sed qui a Deo vocatur, & Oziæ pœnam incurrat, qui non vocatus sacerdotale aliquod munus exercet. Miror autem doctissimum Vossium *differtat. XI. de baptismo thes. 3.* ex hoc ipso constitutionum apostolicarum decreto probare velle, quod autor constitutionum laicorum baptismum approbaverit, cum potius contrarium ex his verbis demonstrari possit. In iisdem constitutionibus hæreticorum quoque baptismus *libr. 6. c. 15.* improbatur, ubi decernitur, iterum baptizandos esse, qui ab hæreticis baptizati fuerint, & hæreticorum baptismus magis inquinamentum quam lavatio esse iudicatur. Qua in re canones apostolicos cum constitutionibus consentire paulo superius indicavimus. Sed neutra Clementis sententia approbanda est, si & laicorum & hæreticorum baptismum absolute & nullo casu excepto prohibendum esse duxit.

VIII. Libro VIII. constitut. c. 32. Paulus introducit varios canones de iis, qui ad baptismum accedunt, præscribens, & quinam admitti vel rejici debeant, edocens. Inter illas Pauli regulas & hæc occurrit: *concubina cujusdam infidelis serva, si soli suo Domino dedita sit, admittatur; si autem etiam cum aliis libidinose vixerit, rejiciatur.* Illustrat hunc locum Cotelerius verbis Augustini dicentis: *de concubina quoque, si professa fuerit nullum alium se cognituram, etiamsi ab illo cui subdita est, dimittatur, omnino*

dubitatur, utrum ad percipiendum baptismum non debeat admitti. libr. de fide & operibus c. 19. Mirum esset ea de re Augustinum dubitare, si decreti illius, quod Paulus in concubinarum gratiam in constitutionibus apostolicis promulgasse perhibetur, notitiam habuisset. Etsi autem Bovius hoc constitutionum apostolicarum decretum hac ratione excusare nitatur, quod ancilla corporis sui potestatem non habeat, ideoque omnis culpa in Dominum ejus redundet, recte tamen Dallengus *libr. I. de Pseudepigraphis apostolicis c. 8.* ficulneo hoc folio pudendam hanc constitutionem satis obtegi non posse censet. Verus enim Paulus omnibus christianis, non heris tantum sed etiam ancillis, non liberis tantum sed etiam servis fornicationem prohibet, & Josephus cum mancipium esset, non dubitabat se graviter peccaturum, si heræ suæ ad libidinem morem gereret.

IX. Dicit Clemens *libr. 5. constitut. c. 14.* Christum dedisse Apostolis antitypa mysteria pretiosi corporis & sanguinis sui, antequam in montem oliveti egrederetur, quorum antityporum etiam mentio fit *libr. 7. c. 26.* Ex qua voce Edmundus Albertinus *de eucharistia libr. 2. p. 273.* colligit, autrem constitutionum apostolicarum realem corporis & sanguinis Christi in cœna præsentiam negasse. Verum a mentione antitypi vel antityporum ad negationem realis præsentiae corporis & sanguinis Christi non valet consequentia. Non solum enim panis & vinum antitypa dici possunt corporis & sanguinis Christi, quatenus sunt symbo

bola rerum illarum cœlestium non absientium sed præsentissimarum exhibitiva, verum etiam totum eucharistiæ sacramentum antitypum dici potest, tam respectu veterum typorum mannae, agni paschalis & aliorum, quam respectu corporis & sanguinis Christi extra cœnam consideratorum, prout corpus in ara crucis immolatum & sanguis in ara crucis effusus est, qua de re videatur Hœpfnerus in *Isagog. de S. Cœna tract. theoret. p. 198.* Quod autem Clemens Romanus realem corporis & sanguinis Christi præsentiam in eucharistia non negaverit, patet ex *libr. 2. constitut. c. 57.* ubi dicit: *quisque ordo seorsim corpus Domini & pretiosum sanguinem sumat cum pudore & reverentia, ut ad corpus Regis accedentes.*

X. Ex Clementis Romani liturgia, quæ in apostolicis constitutionibus legitur, probare nititur Bellarminus *libr. 2. de missa c. 8.* Missas in honorem Sanctorum recte celebrari, idque institutioni sacrae cœnæ non repugnare. Sed Summe Reverendus Fechtius in eximio tractatu de Missis in honorem Sanctorum *c. 19. tb. 36.* mirabile hoc argumentum appellat, & Bellarminum suis ipsius verbis refutat, quia in *tractatu de Scriptoribus ecclesiasticis p. 33.* scripsit: *de liturgia Clementis idem dicendum, quod de liturgia Jacobi, eam vere Clementis esse, sed a posterioribus auctam.* Quomodo enim sine temeritate asseverare potest, quod in liturgia Clementis Sancti nominentur, cum verendum ipsi sit, hanc Sanctorum nominationem a recentioribus additam fuisse? Rectius autem judicasset Bellar-

mi-

minas, si Clementis liturgiam plane non a Clemente scriptam judicasset.

XI. In Clementis Romani *recognitionibus lib. I. c. 36.* docetur, Moſen cum videret, apud Israelitas vitium immolandi idolis ex conversatione cum Ægyptiis adeo inoleviſſe, ut radicitus malum extirpari non poſſet, permiſiſſe quidem populo Israelitico ritum immolandi, ita tamen ut ſoli Deo ſacrificia offerrentur, & ſic mediam quaſi partem vitii reſecuiſſe, alteram vero mediam partem in aliud tempus emendandam reſervaviſſe, nempe per illum de quo ipſe dixit: *Prophetam vobis ſuſcitabit Deus, quem ſicut me ipſum audite.* Quæ doctrina cum ſacris literis male congruit, quippe quæ non ab Ægyptiorum idololatria, ſed a divina inſtitutione ſacrificiorum apud Israelitas originem arceſſit,

XII. In iisdem *recognitionibus lib. 4. c. 5.* dicitur: *debet autem is, qui e gentibus eſt, & ex Deo habet, ut diligat Jeſum, proprii habere propoſiti, ut credat & Moſi. Et ruruſus Hebraeus qui ex Deo habet, ut credat Moſi, habere debet & ex propoſito ſuo, ut credat in Jeſum, ut unus quiſque eorum habens in ſe aliud divini muneris, aliud propriae induſtrie, ſit ex utroque perfectus.* Quæ verba craſſum Pelagianiſmum redolere obſervat Chamier *panſtrat. cathol. Tom. I. lib. 9. c. 16.* Nec deſunt alia in his *recognitionibus* loca, quæ arbitrii libertatem nimis extollunt. Unde Pontificii non raro recognitiones apoſtolicas pro arbitrii libertate allegare ſolent. E quibus Bellarminus, cum &

& ipse aliquod testimonium pro libertate arbitrii *lib. 5. de grat. & libero arbit. c. 25.* allegasset, dici non potest, quantum se torqueat, ut testimonii illius auctoritatem factam rectamque conservet, omnemque Pelagianismi suspicionem ab illo avertat. Objicit enim sibi ipsi, ad hunc Clementis locum facilem & paratam esse responsionem, quod recognitiones Clementi sint suppositæ, & respondet, hoc opus quidem ab hæreticis corruptum & depravatum esse, sed tamen vel Clementis esse Romani, vel alterius æque docti & antiqui Scriptoris. Cum autem prævideat, ulterius objici posse, quorsum opus ab hæreticis corruptum alleget? respondet ulterius, recognitiones corruptas quidem fuisse ab hæreticis in sententiis de Christo & similibus, non autem in articulo de libero arbitrio, cum opus hoc scriptum sit ante tempora Pelagianorum, qui libertati arbitrii nimium tribuerunt. Verum unde Bellarminus tam accurate scire potest, quid in recognitionibus apostolicis ab hæreticis corruptum, & quid illæsum manserit? Nec primus fuit Pelagius, qui viribus liberi arbitrii nimium tribuit, sed multos præcursores habuit, quos inter etiam recognitionum apostolicarum vel ipsum autorem, quisquis fuerit, vel interpolatorem non immerito numeramus.

XIII. In Clementinis sermon. 2. c. 38. impie & blasphemie dicitur, multa falsa veris in sacra Scriptura permista esse. Cum enim Moses ex Dei

Ee

con-

consilio septuaginta electis legem cum explicationibus tradidisset, ut & ipsi eos quos vellent, in populo instituerent, non multo post legem scriptam multa falsa contra DEUM omnium rerum creatorem, & in ejus contemptum, diaboli ausu admitta fuisse sermonis hujus autor tradit, qui impium hunc discursum Apostolo Petro impie affingit. In eadem Clementina secunda cap. 51. Petrus inducitur dicens: *Si ergo in Scriptura alia vera sunt, alia falsa, recte Magister noster dixit: estote boni trapezita, cum nempe quedam in Scriptura dicta proba sunt, quedam adulterina.* In sequenti capite hujus homiliae ex ore Petri Apostoli varia Scripturae mendacia referuntur. Dicit enim se non credere, quod Adamus transgressus fuerit, quem Dei manus formavit, aut Noe, qui prae omni mundo justus inventus est, ebrius fuerit. Negat insuper, quod Abrahamus tres & Jacobus quatuor uxores & in his duas sorores habuerit, & quod Moses fuerit homicida. Unde hominis, qui sub Clementis Romani nomine Clementina composuit, impudentia satis elucescit. Plura alia his similia, quae passim in Clementinis homiliis occurrunt, ut & varias nugas, fabulas & haereses, ex putidis Ebionitarum & Gnosticorum lacunis haustas, quibus hac Clementina scatent, referre supersedemus.

XIV. Ut vero etiam ex decretalibus epistolis Clementi Romano attributis aliquid proferam, ne-

nefanda est sententia, quæ in quinta Clementis decretalium his verbis legitur : *Græcorum quidam sapientissimus hæc ita sciens esse ait, communia debere esse amicorum omnia. In omnibus autem sunt sine dubio & conjuges.* Extant hæc verba etiam in Clementis Romani recognitionibus apostolicis *libr. 10. fol. 153. edit. Sicbard.* Sed ibi hæc verba Faustiniانو tribuuntur, & a Clemente refutantur. At impostor, qui sub nomine veterum Episcoporum Romanorum decretales epistolas confinxit, in prædicta epistola decretali ipsi Clementi hanc sententiam ascribit, quam Bellarminus *libr. 3. de bon. oper. in partic. c. 11.* & Possevinus in *apparatu Tom. I. pag. 371.* Nicolao potius hæresiarchæ, quam Clementi Romano convenire haud male judicant, etsi Gratianus bellam illam sententiam de communione uxorum non indignam existimaverit, quam sub Clementis Romani nomine corpori canonico insereret *caus. 12. qu. 1. can. Dilectissimis.*

CAPITIS III. SECTIO VI.

De

*Doctrina Dionysii Areopagitæ &
quorundam aliorum primi
seculi Pseudepigraphorum.*

I.

DE Dionysii Areopagitæ doctrina multa dici possent. Sed unum tantum & alterum paucis proferemus. Et primum quidem notamus, Bellarminum *libr. I. de verbo Dei c. 13.* autoritate hujus Dionysii libro Sapientiæ canonicam autoritatem vindicare, cum Dionysius *c. 4. de divin. nominibus* hunc librum tanquam Scripturam citaverit. Verum veteres nonnunquam etiam libros apocryphos cum canonicis Scripturæ libris in unum volumen compactos ut Scripturam citare solent. Præterea Dionysius in loco, ad quem Bellarminus respexit, librum Sapientiæ non ut Scripturam citat, sed tantum dicit: ἐν ταῖς πρῶταις λογίαις τινὰ λέγοντα περὶ τῆς θείας σοφίας ἱερῆς

ἡγεστὴς ἐγενόμην τῇ καλῇ αὐτῇ, in introductionibus ad Scripturam invenies aliquem de divina sapientia dicentem : amator factus sum pulchritudinis illius, quæ postrema verba ex libro Sapientiæ VIII, 2. desumpta sunt. Numerat ergo ibi Dionysius librum Sapientiæ non inter canonicos Scripturæ libros, sed inter rudimenta, quibus ad divina eloquia introducimur, ut observat Gerhardus in exegef. loci de Scriptura S. §. 213. pag. 85. Cæterum Dionysius in distributione librorum sacri codicis, quam facit in tractatu de ecclesiastica hierarchia, c. 3. §. 4. p. 287. librum Sapientiæ & alios apocryphos, de quibus nos inter & Pontificios controvertitur, omisisse deprehenditur. Conferantur quæ contra Godofredum Arnoldum, qui in gratiam suæ nescio cuius Sophiæ librum Sapientiæ canonicis Scripturæ libris annumerandum censuit, disputat Maxime Reverendus D. Wernsdorffius in dissert. quod liber Sapientiæ & Ecclesiasticus non sint pro canonicis habendi.

II. Trinitatis mysterium Dionysius Areopagita pluribus in locis aperte profitetur, & in hoc dogmate hypostaseos vocem ab essentia ita distinguit, ut personam divinam notet. Sane Deum vocat ἐνάδα τριουπρόσωπον, unitatem in tribus personis subsistentem. At multi primitivæ ecclesiæ Patres per hypostasim non personam, sed substantiam & essentiam significari censuerunt, & eos de hæresi suspectos habuerunt, qui tres hypostases docerent. Unde inter Orthodoxos ecclesiæ Doctores magnæ turbæ & lites ortæ sunt, quas tan-

dem Athanasius in concilio Alexandrino A. C. 362. componere sategit. Decreti autem in concilio illo Alexandrino ab Athanasio promulgati summa fuit: non ut omnes de Deo agentes vocabulis ὁσίας & ὑποστάσιως impofterum plane abstinere, quod Socrates *libr. 3. historia ecclesiastica c. 7.* sibi persuasit, sed utraque dissentientium pars sententiam suam orthodoxe explicaret, & se ab hæreseos, qua gravabatur, suspicione liberaret. Cum enim Athanasius utramque partem verbis tantum dissentire, in ipsa autem doctrinæ veritate convenire cognovisset, hoc negotium ita tunc egit, ut vocabulorum usum omnibus liberum concederet, dummodo in re ipsa consentirent. Quam Athanasii prudentiam laudat Gregorius Nazianzenus *orat. 21. p. 395. & 396.* Dubio procul autem contentio illa in ecclesia orta non fuisset, si quarto seculo Dionysii Areopagitæ scripta cognita, eaque virum apostolicæ ætatis & Pauli discipulum, qualis verus Dionysius Areopagita fuit, autorem habere creditum fuisset.

III. Quot & quales Angelorum ordines tradiderit Dionysius Areopagita, ex ejusdem cœlesti hierarchia c. 6. videri potest, a qua Dionysiana angelicorum ordinum distributione Syri in suis ritualibus multum discrepant, ut observavit Johannes Morinus *de sacris ordinat. p. 420.* ubi ex ista differentia colligit, Syros illos Dionysii opera vel plane non legisse, vel, si legerunt, magni non fecisse, cum in hunc usque diem Angelorum ordines aliter distribuunt, ac a Dionysio factum

ctum est. Præterea & alios Patres græcos & latinos hierarchiam angelicam a Dionysio traditam sequi noluisse notat Ribera *comment. ad cap. I. epist. ad Hebræos*. Constituit autem Dionysius tres Angelorum hierarchias, & in singulis tres Angelorum ordines collocat, nempe in prima hierarchia Thronos, Cherubim & Seraphim; in secunda Potestates, Dominationes & Virtutes; & in tertia Angelos, Archangelos & Principatus. Quid autem alii Patres de angelicis ordinibus senserint, videri potest apud Petavium *dogmat. Theol. Tom. 3. libr. 2. de Angelis c. 1. seq.*

IV. A Dionysio Areopagita realem corporis & sanguinis Christi in eucharistia præsentiam negatam fuisse Scultetus in *medulla Patrum Tom. I. p. 485.* asserit, quam sententiam prolixè tuetur Edmundus Albertinus de *eucharistia libr. 2. p. 269.* Verum etsi Dionysii Areopagitæ doctrina de eucharistia Pontificiorum transubstantiationi opponi possit, orthodoxæ tamen sententiæ de reali præsentia corporis & sanguinis in eucharistia minime adversatur. Appellat quidem panem & vinum symbola, imagines, antitypa, sed non loquitur de symbolis mere & nude significantibus, sed simul exhibitivis; non de symbolis corporis & sanguinis absentis, sed præsentis, sicut fasciæ pastoribus Bethlehemiticis signum erant, non absentis sed præsentis Christi, quo simili ex Luc. II, 12. utitur Dannhauerus in *christeide act. I. paroptica dra-*

dramat. & mytbol. theatr. 3. phantasm. 3. p. 906. ubi Scultetum phraseologia Dionysii abuti judicat.

V. Quæ in scriptis Dionysii Areopagitæ de liturgiæ apparatu memorantur, ita comparata sunt, ut a viro apostolicæ ætatis scribi minime potuerint, quod Gerardus du Bois in historia ecclesiæ Parisiensis ingenue agnoscit. Unde & Grancolasius pro missarum in honorem Sanctorum celebratarum antiquitate ad Dionysii Areopagitæ auctoritatem provocare non audet, præsertim cum non credat, quenquam mortalium esse, quin convictus sit, Dionysii Areopagitæ opera suppositum recentioris Scriptoris fœtum esse, quod per tot viros eruditos ita demonstratum esse censet, ut ullum in illam rem laborem impendere supervacaneum videatur, qua de re Maxime Reverendus D. Fechtius in *tractatu de missarum in honorem Sanctorum celebratarum superstitione p. 284.* videri poterit. Plures Pontificios, qui Dionysii opera spuria esse judicant, in primo capite indicavimus, quorum testimoniis contra alios Pontificios erronea ecclesiæ suæ dogmata ex his operibus probare conantes non incommode uti possumus. Nec desunt in operibus Dionysii Areopagitæ sententiæ, quæ communioni sub una & aliis quibusdam Pontificiorum erroribus aperte contradicunt.

VI. Eos, qui vitam beatam terrenæ huic vitæ similem statuerunt, refellit Dionysius Areopagita *tract. de hierarch. ecclesiast. c. 7. p. 406.* Quo loco
Maxi-

Maximus & alii Dionysii interpretes Papiam aliosque Chiliaſtas perſtringi arbitrantur. Unde vanum eſt, quod in Dionysii Areopagitæ operibus erroris ſui præſidium querunt hodierni Chiliaſtæ.

VII. De reliquis pſeudepigraphis primi ſeculi Scriptoribus paucis notamus, quod variæ doctrinæ cum analogia fidei minus convenientes ipſorum ſcriptis contineantur. Nicodemus enim in ſuo evangelio Patres per Chriſti deſcenſum ab inferis liberatos, & tempore Antichriſti Henochum & Eliam in terram venturos tradit. In Petri liturgia oratur, ut panis & calix immaculatum Chriſti corpus, & pretioſus Chriſti ſanguis fiant, & Deus per interceſſionem Mariæ & ſanctorum miſerationes largiatur. In Matthæi liturgia Filius Patris & Spiritus Sancti Filius dicitur, & Maria mediatrix noſtra ante Chriſtum nominatur. In actis Theclæ mulier hæc a Paulo edocta pro Tryphænæ filia mortua Falconilla Deum orat, ut ejus animam ex loco ſupplicii ad locum refrigerii transferat. Presbyteri Achajæ in epistoſa de paſſione Andree Spiritum Sanctum a ſolo Patre procedere, & in Filio permanere affirmant, ut alios errores, quæ paſſim in pſeudepigraphis primi ſeculi ſcriptis continentur, taceamus.

CAPUT IV.

De

Hierarchia ecclesiastica, variis institutis, ritibus & cerimoniis primi seculi.

I.

Pontificii Episcopis Romanis universale totius ecclesiae regimen tribuentes, illud inde ab Apostolo Petro arcessere non verentur, quem primum Papam fuisse asserunt. At nondum apud omnes in confesso est, Petrum unquam Romae fuisse. Negavit peculiari libello Petrum Romae fuisse Ulricus Velenus, cujus sententiam secutus est Salmasius in apparatu ad libros de primatu Papae *p. 14. item p. 45. & seqq.* & Spanhemius in dissertatione de temere credita Petri in urbem Romanam profectio, quae in quaternione dissertationum historici argumenti primum locum obtinet. Contra vero praedictum Veleni libellum refutandum suscepit Bellarminus *libr. 2. de Roman. Pontif. c. 5. & seq.* & Johannes Fischerus Roffensis Episcopus peculiari libro contra Velenum edito. Salmasii argumentis respondit Pearsonius *dissert. 1. de succes. Pontif. Roman. c. 6. & seqq.* Spanhemium confutarunt doctissimus

linus Cave, qui vitis suis apostolicis appendicis instar adjecit vindicias adversus Spanhemium, & Larroquanus in præfatione ad Parentis sui adversaria, ubi Spanhemium oleum & operam perdidisse existimat, & inter alia animadvertit doctissimos Anglos Caveum & Pearsonium inter loca Patrum, quæ Petrum Romæ fuisse agnoverunt, insignem Lactantii locum in ejus libro de mortibus persecutorum occurrentem omisisse. Calvinus in suis institutionibus testatur, se non repugnare sententiæ, quæ Petrum Romæ mortuum asserit, sed in commentario ad epistolas Petrinas id plane negat, & constare ait, quod Petrus procul ab Italia mortuus fuerit, nisi quis finxerit, eum uno momento maria & terras transvolasse, quam Calvinii sententiam exagitant Balduinus in præfatione ad Optatum Milevitanum & Lupus in scholiis ad Tertullianum de præscript. pag. 571. Lutherum jam bene potum in colloquiis mensalibus effutiisse, quod incertum sit Petrum Romæ fuisse, calumniatur Raynaudus Tom. X. operum p. 262. ubi eos, qui Petrum Romæ fuisse negant, non tam confutatione quam helleboro indigere judicat, & sententiæ illius Patronos frontis detrita homines & pauperes spiritu appellat. Non est autem cur Raynaudus Luthe- ro ob istam sententiam succenseat, cum inter ipsos Pontificios illam sententiam amplexi fuerint Aventi- nus annal. Boicor. libr. 2. p. 82. & Marsilius Ficinus in defensore pacis dictione 2. aliique. Plures autores, qui Petrum Romæ fuisse vel affirmant vel negant, sug- gerit Hanckius de Scriptoribus Roman. libr. 2. p. 57. & seq. ubi num Philo Judæus Romæ cum Petro amici-

tiam inierit, prolixè differit. Nondum igitur, ut antea dixi, apud omnes in confesso est, Petrum Romæ fuisse. Acute Pöeta quidam:

*An Petrus Roma fuerit sub iudice lis est,
Simonem Roma nemo fuisse negat.*

Et Taubmannus in schediasticis sacris ita canit:

*In Latio Roma est, & in hac Simonius hares,
An Petri, anne Magi Simonis ab asse relictus,
Theologi certant, & adhuc sub iudice lis est.*

II. Etsi autem Petrum Romæ fuisse magno consensu antiquitas doceat, a qua temere non recedendum puto, admitti tamen non potest, quod Petrus post Episcopatum Antiochenum per 25. annos Romanæ ecclesiæ episcopatum administraverit. Equidem Eusebii autoritate niti illa sententia videtur. Verum verba illa, quæ ex Eusebii chronico afferri solent, ab Hieronymo latino interprete Eusebio adjecta fuisse notavit Josephus Scaliger in *animadversionibus ad chronicon Eusebii pag. 189.* & Vedelius de *cathedra Petri lib. 2. c. 15.* Hieronymo autem opponi potest antiquior Lactantius de *mortibus persecutorum c. 2.* qui Petrum sub Nerone Romam venisse testatur, quam sententiam ex Pontificiis amplectuntur Stephanus Baluzius in *notis ad illum Lactantii locum*, & Pagi ad *A. C. 43.* Si autem probari non potest, Petrum per annos 25. Romanæ ecclesiæ Episcopum fuisse, frustraneæ sunt illorum speculationes, qui varias causas subtiliter excogitant, cur nullus Pontificum Romanorum post Petrum in hoc ep-

episcopatu tot annos transegerit? in quo argumento versatur Petrus Damiani *Tom. III. oper. opusculo 23. de brevitate vite Pontificum Romanorum*, Rodericus Zamorensis *in speculo vite humane*, & ex his aliisque auctoribus de eodem argumento differens Raynaudus in tractatu de vitæ & mortis humanæ terminalibus *Tomo XIII. oper. p. 211.*

III. Porro Petrus etsi Romæ aliquandiu fuerit, Episcopus tamen Romæ non magis fuit, quam in aliis locis, ubi evangelium prædicavit. Non inficiamur Petrum, si Romæ fuit, illo tempore etiam Romanæ ecclesiæ episcopum fuisse, ea nimirum ratione, qua omnes Apostoli habitu & potestate totius orbis, actu vero illius urbis & provinciæ, in qua apostolico munere functi sunt, episcopi fuerunt, ut docet M. Antonius de Dominis *de Repub. eccles. libr. 1. c. 8. thes. 5. item libr. 4. c. 1. thes. 8.* Nec alio sensu Patres intelligendi sunt, qui Petrini in Roma episcopatus, aut sedis & cathedræ Petrinæ meminerunt, ut notat Dannhauerus *in christid. p. 104.* Si autem vocabulum Episcopi juxta Romanæ curiæ stylium accipiamus, Romanus Petri episcopatus omni veritatis fundamento destituitur, sive plures sive pauciores annos illi tribuamus. Neque enim episcopatus ejus ex lignea cathedra probari poterit, quam in Vaticana basilica cum magna reverentia cultuque servari asserit Chimentellus *in marmore Pisano de honore biselli c. 9. p. 84.* ubi etiam Alexandrum VII. deprædicat, qui illam Petri cathedram in aureo nummo repræsentavit, cujus una facies Alexandri VII.

effigiem & nomen, altera Petri cathedram ab eodem Pontifice instauratam, ornatam, & translata exhibet cum hac inscriptione: *prima sedes, fidei regula, ecclesie fundamentum*. Plura de Petri cathedra suppeditat Franciscus Maria Phœbeus in tractatu de identitate cathedræ, in qua Petrus Romæ primum sedit, ex quo tractatu nonnulla excerpit, & lectoribus suis ridenda proponit Veielius in exercit. de variis sacre œconomiae generibus.

IV. Cum autem Pontificiū Petrum Romanæ ecclesiæ Episcopum fuisse probare non possint, multo minus œcumenicum ejus primatum probare poterunt, cui ut alia argumenta jam taceamus, non parum obstat, quod Petrus a Paulo reprehensus referatur Gal. II, 4. Neque enim audiendus Clemens Alexandrinus, qui *libr. 5. hypotyposon apud Eusebium libr. 1. c. 12. histor. eccles.* non apostolum Petrum, sed quendam ex 70. discipulis a Paulo reprehensum scripsit. Sane ipsum Apostolum Petrum a Paulo reprehensum fuisse ex Scriptura clarum est, & multi ex Pontificiis agnoscunt, qui varias elabendi rimas quærunt, ut Petro primatus suus salvus relinquatur, quas obstruit Heideggerus *in dissertatione de Petri & Pauli contentione Tom. 3. dissert. 15.* ubi etiam Hieronymi & Augustini super hoc argumento contentionem exponit. Qua ratione autem Theodoretus hujus inter Petrum & Paulum contentionis historiam exposuerit, non constat, cum in ejus commentariis epistolæ ad Galatas illa secundi capitis pars, quæ Petrum a Paulo cordate reprehensum refert, omiſsa deprehendatur, quod malæ Pontificiorum frau-

di

di imputat Petrus Allixius in expostulatione, quam libro 12. anagogicarum contemplationum Anastasii Sinaitæ in hexaemeron præmisit. Quemadmodum autem hallucinantur, qui Cephani Gal. II, 9. memoratum ab Apostolo Petro diversum faciunt: ita non minus errant, qui cum Anacleto in epistola decretali nomen Cephae ἀπὸ κεφαλῆς, seu a capite derivari putant, & hoc argumento Petrum, qui etiam Cephas dictus est, ecclesiæ caput esse probare volunt, item qui nomen Cephae petram quidem significare agnoscunt, interim tamen ex hac voce elicere contendunt, quod Petrus sit illa petra, cui Christus Matth. XVI, 18. ecclesiam superstructam asserit, quo argumento utitur Natalis Alexander *secul. I. diff. 4.* ad commune Patrum suffragium provocans. Verum parum sui memor Alexander *diff. 4. secul. 15. & 16.* longe plures Patres per petram, cui ecclesia superstructa est, Petri confessionem, vel etiam ipsum Christum intelligere agnoscit, & ecclesiæ firmitatem in fide & religione non a Petro & Romano Pontifice, sed a Christo dependere profitetur. Ex Reformatis hunc Matthæi locum pro Petri & Romanorum Pontificum primatu nihil facere, prolixè probant Casaubonus *exercitat. 15. sect. 12.* & Spanhemius *in vindictis Matthæi sub finem libri 2. & sub initium libr. 3.* ut nostrates taceamus. Conferantur, quæ contra œcumenicum Petri & Romanorum Pontificum primatum disserunt Gerhardus *confess. cathol. Tom. 2. art. 3. cap. 1. & seq.* Chamier *panstrat. cathol. Tom. II. libr. 2. seq.* Forbesius *instruct. Theol. histor. libr. 15. & 16.*

V. Nec

V. Nec parum Petri primatui derogant, qui exipsis Pontificiis primatum Petri cum Paulo partendum censent, quos inter præcipue nominandus est Antonius Arnaldus celebris superioris seculi Jansenista. Nec leve in hac controversia negotium facessiverunt bullæ papales, in quibus Pauli imago dextrum, Petri autem imago sinistrum locum occupat, quasi Paulus non modo Petro æqualis, sed etiam præferendus sit. Unde variæ causæ a variis excogitatæ sunt, cur Paulo dexter, Petro sinister locus adjudicatus fuerit. Et Raynaudus quidem *Tom. X. oper. p. 224.* dictum illud Christi allegat: *qui major est, fiat minor Luc. 22.* Idem addit Petrum cum Romæ velut in propria domo versetur, videri Paulum tanquam peregrinum accipere, ei-que honoris causa locum dextrum dare, quod inepte illustrat exemplo Christi ad Patris dextram collocati. Idem Raynaudus *ibidem p. 259.* non sine peculiari Dei providentia factum esse scribit, ut Paulus truncato capite martyrii palmam acciperet. Hoc enim ipso significatum putat, quod capite minor sit Petro, nec ut Petrus pro capite ecclesiæ agnosci debeat. Prolixius de illa controversia egi in dissertatione de origine controversiæ circa æqualem Petri & Pauli primatum per celeberrimum Jansenistam Antonium Arnaldum excitatæ, quæ quarta est in heptade dissertationum appendici dissertationis de hæresiarchis seculi apostolici & apostolico proximi subjuncta.

VI. Quemadmodum autem œcumenicus Petri primatus nullo modo probari potest: ita & Romanorum Pontificum successio in prima statim pontis
com-

compagne corruit. Alii enim Linum, alii Clementem primum Petri successorem faciunt, alii Anacletum Clementi præponunt, alii postponunt, alii Anacletum eundem cum Cleto, alii a Cleto diversum faciunt, ut cæteras variorum autorum in designandis primis Petri successoribus differentias taceamus. Confer. Osiandri *centur. I. p. 127.* M. Anton. de Dominis *libr. 2. c. 3. de republ. ecclesiast. thes. 55.* Voetius *in desperata causa papatus p. 478.* Pearsonius *diff. 2. de success. Pontif. c. 1. seq.* Schelitratenus *antiquit. illustrat. Tom. I. chronologico, & in antiquitate illustrata Tom. I. p. 131. & seq.* Petrum ab Eusebio in chronicis Pontificem, Jacobum & alios tantum Episcopos nominari ridicula est observatio Naironi *in evoplia p. 265.*

VII Non Petro sed Jacobo minori Hierosolymitano Episcopo primatum quendam inter Apostolos tribuit Hesychius Presbyter Hierosolymitanus apud Photium *cod. 275.* Vocat enim Hesychius Jacobum novæ Hierosolymæ summum Ducem, Sacerdotem principem, Apostolorum caput, in capitibus verticem, in lampadibus supersplendentem, inter astra maxime illustrem. Porro Petrum prædicasse ait, sed Jacobum decrevisse. Et huic sententiæ favet etiam Clemens Alexandrinus *libr. 6. hypotyposeon* apud Eusebium ejusque interpretem Rufinum *libr. 2. c. 1. histor. eccles.* ubi Clemens ait, Petrum, Jacobum & Johannem etsi a Christo cæteris prælatos primatus tamen gloriam sibi non vindicasse, sed Jacobum minorem Apostolorum Episcopum fecisse.

VIII. Nullam esse in occidente ecclesiam, quæ non vel ab ipso Petro, vel ab iis quos Petrus ejusque successores miserunt, instituta sit, multi ex Pontificiis sibi persuadent, aliisque persuasum cupiunt, pro qua sententia frequenter allegant epistolam Innocentii I. ad Decentium, ut videre licet ex Bucherii *Belgio Romano libr. 5. c. 1.* Schellstrateni *dissertatione de autoritate patriarchali c. 2. thes. 5.* Quin etiam in gratiam hujus sententiæ ab Innocentio pronunciatae Galestinus & Baronius multa in martyrologia sua intruserunt, quæ in antiquis martyrologiis non extabant, ut notavit Dallæus *tract. de usu Patrum p. 95.* Verum inter ipsos Pontificios Gulielmus Espencæus in commentariis & digressionibus ad posteriorem Pauli Timotheo inscriptam p. 442. illam Innocentii assertionem non uno modo claudicare asserit; neque pauca contra hoc Innocentii testimonium excipit Joh. Launojus *in dissert. de loco Sulpitii Severi p. 165.* E nostratibus de illa Innocentii epistola agit Ursinus *in tractatu de ecclesiarum Germaniæ origine & progressu libr. 2. c. 3.* ubi hanc Innocentii epistolam vel pseudepigrapham, vel interpolatam esse suspicatur, & Bebelius *in antiquitate ecclesiæ Argentinensis c. 2.*

IX. Divinum ac immobile S. Petri Apostolorum Principis circa omnium sub cælo fidelium appellationes privilegium peculiari libro asseruit Christianus Lupus. Sed in toto ejus tractatu satis prolixo ne jota quidem talis privilegii legitur. Conferantur quæ contra hunc tractatum scripsit du Pin *in tractatu de*

de antiqua ecclesia disciplina differt. 2. Nec majori jure nititur jactatum Petri patrimonium, si Petri scapham scapham appellare velimus. Quod enim Petrus non habuit, dare non potuit, ait D. Bernhardus ad Pontificem Eugenium, & ipse Christus ad Apostolos ait: *Vos autem non sic*, Luc. XXII, 26.

X. Inter canones, quos in Synodo quadam Antiochena ab Apostolis sancitos fingit Turrianus *libr. 1. adversus Magdeburgenses cap. 25.* occurrit canon, quo Christi & servorum ejus imagines loco idolorum gentilium colendæ sanciantur. Quem canonem tanquam maxime memorabilem Turrianus græce exhibet. Eundem canonem Severinus Binius tanti fecit, ut ex illis novem canonibus Antiochenis pseudapostolicis hunc solum, quem etiam in II. Synodo Nicæna act. 1. allegatum observat, in conciliorum suorum textu majusculis literis expressum posuerit, & notis illustraverit, in quibus idolum definit, quod sit falsa similitudo repræsentans id quod vere non est, ut cum gentiles proposuerunt statuas Veneris & Minervæ, quæ signa idola fuisse dicit, quia repræsentarunt Deos generis foeminini, quales Dii nec sint, nec esse possint, quæ verba deprompta sunt ex Bellarmino *libro 2. de reliquiis sanctorum, c. 5.* quasi vero Dii masculini generis essent, vel esse possent.

XI. Idem Binius prædictum canonem Antiochenum confirmat ex statua Christi ænea, quam mulier hæmorrhousa post sanationem suam ante domum suam erexisse memoratur a Sozomeno *libr. 5. hist. eccles. c. 21.* præter quem hujus statuæ mentionem faciunt

Nicephorus *libr. 10. hist. eccles. cap. 30.* Eusebius *libr. 17. hist. eccles. c. 18.* ubi ad basin hujus statuae plantam salutiferam nasci solitam narrat, Philostorgius *libr. 7. c. 3. hist. eccles.* qui multa ab Eusebio prætermissa superaddit, Asterius in homilia de Jairo & muliere hæmorrhousa apud Photium *cod. 271.* Johannes Antiochenus cognomento Malala in chronographia sua, qui non ante hanc statuam a muliere positam narrat, quam ab Herode per supplices literas veniam ejus rei impetrasset, Johannes Damascenus *orat. 3. de imagin. & alii.* Verum totam illam narrationem de statua a muliere hæmorrhousa in memoriam accepti beneficii Christo posita falsa suspicione laborare, non contemnendis rationibus probat Dallæus *libr. 3. de cult. imag. c. 2.* Cum enim facultates illius mulieris per diuturnum morbum penitus exhaustæ fuerint, probabile non videtur, quod sumtus ejusmodi statuae ponendæ necessarios ferre potuerit. Esto autem talem statuam ab hac muliere Christo positam fuisse, minime tamen statuarum & imaginum cultus inde probari posset. Sane fatetur Natalis Alexander *secul. 8. p. 627.* statuam illam non eo animo positam fuisse, ut coleretur, etsi addat, saltem usum imaginum apud Christianos hoc monumento probari posse, parum memor, quod *dissertatione 19. seculi I.* eam ipsam ob causam canonem Antiochenum a Turriano editum pseudepigraphum esse probaverat, quod imaginum & imprimis statuarum usus primis seculis incognitus fuerit. Hinc recte Casaubonus *exercit. 13. ad annal. Baronii sect. 38.* notavit, multos ista historia de statua hæmorrhousæ, quam primus Eusebius

bis memoriæ prodidit, contra mentem Eusebii abuti. Rosweido autem, qui in lege talionis adversus Casaubonum edita se ignorare dicit, quis illa statua abutatur, prolixè respondet Montacutius *in origin. eccles. part. 2. p. 86.* ubi inter alia Rosweidum exagitat & falsè ridet, quod ex statua mulieris, quæ ita expressa erat, ut supplicantis more ad Christi genua provolveretur, exemplum mulieris statuam adorantis eliciat, quasi ipsa hæmorrhousa mulier coram statua Christi procubisset.

XII. Cum autem historia statuæ ab hæmorrhousa, quam Johannes Antiochenus Veronicam, & Johannes Damascenus Berenicen appellat, erectæ falsitatis suspitione non careat, non magis fides habenda est illis Scriptoribus, qui Christi imaginem ab ipso Christo expressam, & una cum epistola ad Abgarum Edessæ Regem transmissam referunt, quod faciunt Evagrius *libr. 4. histor. eccles.* & majori fabularum apparatu Constantinus Porphyrogenetes *in tractatu de imagine Christi Edessena.* Fidem hujus historiæ penes Græculos esse capit Simonius *in notis ad opuscula Gabrielis Philadelphiensis pag. 81.* Romanos autem cum Græcis hac superstitione certare multorum Pontificiorum scripta testantur, quibus nunc disquirendum relinquimus, num Genuenses hodie Edessenam illam Christi imaginem asservent, quibus hoc cimelium asserit Xaverius *in Evangelio Christi Persico p. 359.* an potius Roma hac imaginè beetur, quod malit Aringhius *in Roma subterranea Tom. 2. pag. 231.* ubi inter autores mentionem hujus imaginis facientes perperam Eusebium

retulit. Quæ controversia non difficulter componi poterit, si cum Gretsero in *tractatu de imaginibus Christi manu non factis* c. 6. hanc imaginem per miraculum sæpius multiplicatam fingamus,

XIII. Simile commentum est, quod de Veronicæ sudario narrari solet, cui Christus, cum ad supplicium duceretur, impressisse dicitur. Etsi enim Gretserus in syntagmate de imaginibus Christi manu non factis hanc Christi imaginem Veronicæ sudario impressam, non minus ac imaginem Edessenam & aliam, quæ Camuliacensis dicitur, & quam a Gretsero non attingi Vir quidam doctissimus in *exercitat. de imaginibus Christi* p. 59. falso asserit, ut genuinam defendere conatus fuerit, nec non Abrahamus Bzovius *Tom. XIII. annal. eccles. ad A. C. 1216. n. 17.* ex Jacobo Grimaldo multorum Pontificum testimonia pro illo Veronicæ sudario collegerit, nondum tamen inter ipsos Pontificios convenit, sitne hæc imago eadem cum Edessena, quod Molanus asseruit *libr. 4. de imagin. c. 2.* an diversa, ut plerique statuunt, item num Veronica sit nomen mulieris, quæ Christo ad supplicium crucis eunti sudarium suum obtulit, an ipsum sudarium Veronica i. e. vera icon appelletur, quam sententiam defendit Mabillon in *Museo Italico* p. 88. 89. Multum etiam discrepare descriptionem hujus sudarii, qualis in evangelio Christi Persico p. 474. legitur ab ea, quam Chiffletius in tractatu de linteis Christi sepulchralibus exhibet c. 34. observavit Ludovicus a Dieu in *animadversionibus ad historiam Christi Persicam* p. 620.

XIV.

XIV. Eandem i. e. nullam fidem merentur imagines sepulchralibus Christi linteis Vefontino & Taurinensi impressæ, & in Clifletii *crisi historica de linteis sepulchralibus Christi c. 30. & sequent.* delineatæ, item imago Christi, quæ a Nicodemo sculpta perhibetur, & Athanasii autoritate perperam defenditur. Etsi enim in latina narratione de passione imaginis, quæ sub Athanasii nomine inter ejus opera legitur, imago hæc a Nicodemo elaborata dicatur, in græco tamen textu & antiqua versione latina, quam Lambecius tom. I. bibliothecæ Vindobonensis publicavit, nulla Nicodemi mentio occurrit, & præterea historiæ illius autorem non esse Athanasium quarti seculi Patrem Bellarminus *de Scriptoribus ecclesiasticis p. 106.* & Baronius *in notis ad Martyrologium Romanum d. 9. Novembris* agnoscunt, quibus Combefisius *in auctario nove BB. PP. græco-latina tom. 2. p. 660.* frustra contradicit. Si autem ejusmodi imagines vel a Luca pictæ, vel a Nicodemo sculptæ, vel ab aliis artificibus ex metallo fusæ, vel a Christo per miraculum expressæ fuissent, nullum tamen pro cultu imaginum argumentum exsculpi inde posset, cujusmodi argumentum etiam ex Petri umbra frustra Baronius quæsit, ut animadvertit Pearsonius *in prælect. posthumis ad acta p. 45.*

XV. Statum Monasticum primo seculo fundatum fuisse Pontificii quidam non solum ex Dionysio Areopagita aliisque pseudepigraphis monumentis probare nituntur, sed sententiæ suæ præsidium etiam ex scriptis Judæorum & Gentilium arcessunt. Nam quæ
Phi-

Philo in libro de vita contemplativa de Therapeutis tradidit, de Christianis ævi illius Monachis interpretantur. Et fatendum quidem est, quod veteres quidam Scriptores sub Therapeutarum nomine a Philone Christianos ecclesiæ Alexandrinæ a Marco institutæ describi & laudibus extolli censuerint, in qua persuasione Eusebium *libr. 2. histor. eccles. c. 16. & 17.* Epiphanium *heres. 29. c. 5.* & Hieronymum fuisse deprehendimus, qui illam ipsam ob causam Philonem in catalogo suo inter Scriptores ecclesiasticos retulit. Et horum auctoritate moti nonnulli e Reformatis eandem sententiam sequuntur, ut Thomas Bruno in dissertat. de Therapeutis, quam Colomesius una cum Clementis Romani epistolis ad Corinthios Londini publicavit, & Beveregius *libr. 3. c. 5. codicis canonum vindicati.* E Pontificiis autem hanc causam agunt Baronius *ad A. C. 62.* Bellarminus *de Monachis libr. 2. c. 5.* Natalis Alexander *secul. I part. 2. p. 280.* & imprimis Serarius in *Tribares. libr. 3. c. 16. & seq.* item in *Minervali libr. 5. c. 23. seq.*

XVI. Verum Judæos, non Christianos fuisse Therapeutas a Philone descriptos, probant Scaliger in *prolegomenis ad opus de emendatione temporum fol. 22. & libr. 6. p. 538.* & in *elencho tribaresii Serariani c. 29.* Hospinianus *de Monachis libr. I. c. 6.* Chamier *panstrat. cathol. Tom. III. libr. 20. c. 22.* Scultetus *Medulla Patrum part. 3. p. 205.* Dallæus *de jejuniis libr. 2. c. 4.* Ligtfoot *Tom. II. oper. p. 852.* Dorscheus *indic. iniquitat. p. 83.* & ex Pontificiis Henricus Valesius in notis ad Eusebium in eo quidem a Scaligero dissentiens, quod The-

Therapeutas ab Essenis diversos faciat, in eo tamen cum ipso consentiens, quod Therapeutas Christianos fuisse neget, quam Valesii sententiam repetit Pagi *ad A. C. 64.* Nec desunt inter Pontificios, qui etsi Therapeutas a Philone descriptos religioni christianæ addictos affirmant, eos tamen Monachos fuisse negant. Sane Papebrochius in tractatu de Patriarchis Hierosolymitanis, qui est præliminaris Tomi III. actorum Maji *parergo 2. fol. 5.* Philonem quidem e primis Alexandriæ Christianis a Marco institutis mala fide Judæos fecisse putat, eos tamen male sibi consulere existimat, qui Monachismum ab Elia usque ad Christi tempora per Essenos continuatum sibi persvadeant, non attendentes, quod Hegesippus apud Eusebium *libr. 4. c. 22.* Essenos inter septem Judæorum sectas Christo adversantes retulerit, nec attendentes, quod Hieronymus ante Hilarionem nullos in Syria Monachos fuisse scripserit.

XVII. Autoribus hæcenus allegatis addere placet ex Pontificiis Lucam Holstenium, qui in præfatione ad codicem regularum observat, Essenos, quorum Hebræi meminerunt, ut & illos, quos Philo libro proprio describit, multis differentiis a Monachorum instituto discrepasse, & ex monumentis quæ supersunt vitæ regularis initia Constantini M. ætati deputanda esse, cujus sententiam quoad initia vitæ monasticæ approbat & ex actis Pachonii confirmat Papebrochius *in dissertatione prævia ad acta S. Pachonii Tom. III. Sanctorum Maji p. 293.* E Reformatis lubet addere Claudium Salmasium, qui in exercitationibus Plinianis ad

Solinum *Tem. I. p. 431.* concedit quidem Essenos veteres post Christi adventum aliquid forte e christiana doctrina hausisse, interim tamen eos nugari censet, qui eos in totum Christianos fuisse asserere audent, licet se autoritate veterum quorundam Patrum tuerentur, item Isaacum Vossium, qui in *chronologia sacra p. 165. & 166.* eos quidem propius a vero abesse iudicat, qui Essenos fere Christianos fuisse credunt, quam qui eos præcipuos Christianorum hostes fuisse contendunt, non tamen refragatur, si quis illorum Patrum testimonia, qui Essenos Christianis adnumerarunt, non admittat. E nostratibus juvat addere Chemnitium *ex parte 4. Examinis concil. Trident. p. 776.* ubi quidem non repugnat, Christianos fuisse Therapeutas a Philone descriptos, sed tamen Christianos illos judaizantes fuisse asserit, & ritus a Philone delineatos non ex Apostolorum & Marci instituto, sed ex Judaismo ortum habuisse affirmat, in qua sententia faventem habet Sozomenum, qui *libr. I. c. 12.* scribit, Philonem videri describere Christianos sui temporis, qui ex Hebræis conversi adhuc judaico more vivebant. Quin & ab ipso Paulo *Coloss. II, 16. & sequ.* Christianos illos judaizantes describi, collatis inter se Pauli & Philonis verbis, magnus ille Theologus probare nititur. Antiquis autem Scriptoribus, qui Essenos religioni christianæ addictos fuisse negant, addi poterunt Nilus *in asceticis cap. 3.* & Philastrius *de heres. c. 9.*

XVIII. Non solum autem ex Judæis, sed etiam ex gentilibus Scriptoribus Pontificii quidam probare conantur, quod monasticus status primo eccle-

clesiæ seculo ignotus haud fuerit. Cum enim Suetonius *in vita Vespasiani* c. 5. refert, eum apud Judæam Carmeli Dei oraculum consuluisse, quod proluxius a Tacito refertur *libr. 2. annal. cap. 78.* narrante, fuisse in Judæa & Syria montem Carmelum Deum, ibique Vespasiano sacrificanti cum spes occultas animo versaret, Basilidem Sacerdotem inspectis extis prospera quæque ex voto eventura prædixisse, nonnulli Pontificii Scriptores ex isto Sacerdote gentili & aruspice Monachum & Cœnobiarcham Carmeliticum fecerunt, ac oratorium quoddam sub invocatione Deiparæ ab Apostolis in monte Carmelo consecratum, adeoque verum veri Dei oraculum ibi extitisse sinxerunt. Verum quam absurdi sint Carmelitæ, cum ordinis sui ab Elia continuam in monte Carmelo successionem præsumentes historiam profanam, quæ tota ad aruspicum disciplinam pertinet, ad suum ordinem traxerunt, notavit Papebrochius in vita Alberti Patriarchæ Hierosolymitani præmissa Tom. 3. Sanctorum Maji *parerg. XI.* ubi etiam autores quosdam Hispanicos de illo argumento agentes allegavit, observans nihil amplius in historia a depravatione tutum fore, si ex falsis præjudiciis Autores ad alienum sensum torquere liceat, & Carmelitas potius officere quam consulere suo ordini, si illi tam debilia fulcra substernant, quæ a viris prudentibus non possunt non contemni.

XIX. Si Dionysius Areopagita apostolica ætate vixisset, posset ex ejus scriptis probari, quod chrisma jam primo seculo in baptismo usitatum fuerit. Cum

Hh 2

ye-

vero Scriptor ille sit multo recentior, frustra Jeremias Patriarcha ejus testimoniis pro chrismatis antiquitate utitur, quæ refutant Tubingenses tam *in primo responso ad Jeremiam p. 174.* quam *in secundo p. 315.*

XX. Eucharistiam quoque infantum primo seculo usitatam fuisse probari posset, si Dionysius Areopagita Apostolis coætaneus fuisset. Verum illa ipsa ritus hujus in Dionysii scriptis mentio cum apostolico ævo juniorem esse demonstrat, cum eucharistia infantum tertio demum & sequentibus seculis invaluerit, cujus vestigia sua adhuc ætate in patria sua Lotharingia observavit Wolffgangus Musculus *Loc. Commun. p. 471.* qui & ipse infantes ab Eucharistia non arcendos esse aliquot argumentis probare contendit. Eundem ritum in magna Bohemiæ & Moraviæ parte viguisse refert Vadianus *de eucharistia p. 14.* qui etiam adhuc in ecclesiis nonnullis obtinet, ut apud Græcos, de quibus videri potest Jeremias Patriarcha *respons. 1. ad Tubingenses p. 85.* apud Armenos, quos eo nomine reprehendit Galanus *Conciliationis ecclesie Armenie cum Romana part. 2. p. 589.* apud Jacobitas, de quibus conferri potest Josephus Abudacnus *hisor. Jacobit. cap. 9.* apud Abyssinos & alios memoratos a Ludolfo *comment. rerum Æthiopic. p. 18. 373.* Verum primis ecclesiæ seculis eucharistiæ usus aliis concessus non fuit, quam qui per ætatem semetipsos probare possent, quam probationem ab omnibus ad eucharistiam accessuris exigit Apostolus I. Cor. XI, 28.

XXI. Con-

XXI. Congregationem Crucigerorum in Italia nunc extinctam a Cletō Apostoli Petri discipulo primo statim seculo institutam fuisse, Scriptores illius Congregationis gloriati sunt. Verum Papebrochius *in responsione ad exhibitionem errorum Sebastiani a S. Paulo art. 2. pag. 50.* ad hos applicari posse scribit verba Baronii ad A.C. 444. *flagrans cupido nobilitatis avitæ, ut & antiquitatis, cogit interdum homines delirare.* Altius enim origo istorum Crucigerorum repeti non potest, quam a seculo 12. Latinis in terra sancta dominantibus. Equidem Scriptores dictæ congregationis se a Cletō institutos, & ab Alexandro III. reformatos esse jactant, idque probari posse putant ex Bulla Gregorii XIV. A. 1591. data, in qua Pontifex præfatus, quod Magister generalis & Fratres congregationis Cruciferorum exponi sibi fecerint prædictam congregationem per S. Cletum institutam & per Alexandrum III. reformatam fuisse. Verum verba ista non esse ipsius Pontificis Gregorii, sed tantum referre assertum supplicantium idem Papebrochius notavit.

XXII. Lino, quem nonnulli ante Cletum, nonnulli post Cletum cathedræ Romanæ præfuisse scribunt, inter varios ritus, qui ab ipso instituti perhibentur, adscribitur etiam pallium pontificale, de quo prolixè agit Andreas du Saussay in tractatu *de mysticis Gallia Scriptoris pag. 188. & sequ.* ubi exponit autorem pallii pontificalis, quem neque Petrum, neque Clementem, sed Cletum fuisse asserit, originem pallii, materiam & formam pallii, pallii significationem, pallii petitionem, pallii concessionem, auctoritatem pallii,

defectum pallii, ordinarium & extraordinarium pallii usum, multipliciter pallii, & denique ejusdem pallii pontificalis singularitatem. Verum tale pallium a Cleto institutum, & primo statim seculo in usu fuisse, credant quibus cum ratione insanire lubet. Nobis nihil absurdius videtur scribi dicere potuisse.

XXIII. Idem judicium ferendum est de ritu benedictionis episcopalis in sacris mysteriis, quem Martiali Lemovicensi deberi idem Andreas de Saussay in prædicto tractatu tradit *pag. 302. & sequent.* ubi gravissime invehitur in Petrum Molinæum, quod Dei amicos & æternæ felicitatis candidatos nec divos nec vivos esse sinat, dum Martialem Lemovicensem frustra in cælum evehi scribit, quem ne quidem in terris unquam ambulasse credit. Quicquid autem sit de existentia Martialis Lemovicensis, probari tamen vix poterit, quod ævo apostolico vixerit, & multo minus, quod ævo apostolico ritum benedictionis apostolicæ in sacris mysteriis introduxerit. Scriptorum enim illorum, quos pro hac sententia allegat, autoritas tanti non est, ut fidem illis adhibere cogamur.

XXIV. Refert Clemens Alexandrinus in libello de divitum salute, quod Johannes Evangelista juvenem a se conversum signaculo Domini velut apposita custodia communiverit, per quod signaculum Christophorus latinus Eusebii interpres, apud quem illa historia repetitur, sacramentum confirmationis intellexit. Nec desunt alii inter Pontificios, qui ex hac hi-

historia probari posse confirmant, sacramentum confirmationis apostolico ævo non incognitum fuisse, ut Arcudius *libr. 2. de concord. eccles. orient. & occident. c. 4. p. 76.* Menardus *in notis ad Gregorii Sacramentarium p. 110.* aliique. Nec repugnat e nostratibus Dannhae-
rus *in Christeide p. 952.* confirmationem jam a primis ecclesiæ incunabulis baptismo additam fuisse, modo non ut sacramentum, nec cum tali effectu, qui illi a Romanensibus affingitur, addita dicatur. Verum hic Clementis Alexandrini locus nos non cogit, ut confirmationem Apostolis coævam statuamus. Nam per signaculum Domini non incommode baptismi sacramentum intelligi potest, cum sæpe apud Patres baptismus signaculum Domini nominetur, & hanc significationem hoc etiam in loco obtinere non dubitent Valesius *in notis ad Eusebium*, Combefisius *in notis ad homiliam Anastasi*, Halloixius *in notis ad vitam Polycarpi p. 570.* & plures alii. Cæterum Clementem jubente Petro in baptismo oleum seu chrisma addidisse nugatur Honorius *in gemma animæ libr. 3. c. 106.*

XXV. Primi seculi ministros ad cœlibatum astrictos nondum fuisse vel ipsa Apostolorum exempla docent, e quibus Petrum uxoratum fuisse docet Scriptura Matth. VIII, 14. 1. Cor. IX, 5. Unde B. Dilherrus, cum ipsi Jesuita Bisselius, quem Noribergæ in loco bibliothecæ publicæ frugali convivio excipiebat, conjugium exprobraret, conjugium suum Petri, Pauli aliorumque Apostolorum exemplo tueri non omittebat, Bisselio autem Pauli conjugium negante ad B. Ignatii
te-

testimonium provocabat. Et quanquam Bisselius tale quid ab Ignatio scriptum esse capituli sui optione spondere auderet, Dillherrus tamen ad codicem Ignatii aliquot ante reformationem annis scriptum accurrebat, locumque evolvebat, & Bisselio monstrabat, qui loco hoc perlecto attonitus & confusus, forte a quodam veterem manum mentito nomen Pauli additum causabatur. Verum Dillherrus subridens captus es, aiebat, & caput tuum jam in mea potestate est, quod tamen iterum tibi dono, ea conditione, ut neminem unquam majus donum tibi obtulisse agnoscas. Putabunt forte me hic non veram historiolum, sed fabellam narrare, qui Celeberrimi Wagenseilii commentationem de illustri S. R. I. civitate Noribergensi legerint. Postquam enim p. 78. verba Oldenburgeri ex parte 4. thesauri rerumpublicarum allegaverat; *inspici ibi* (nempe in publica Reipubl. Noribergensis bibliotheca) *meretur Manuscripta S. Ignatii ad Philadelphenses epistola, in qua scribit S. Paulum ut reliquos Apostolos fuisse uxoratos*, levem & inanem hanc esse Oldenburgeri observationem Wagenseilius subjicit, cum non reperiatur in hac bibliotheca Manuscriptum epistolarum Ignatii exemplar, sed sola Plantiniana editio, cui in loco, quem Oldenburgerus respicit in margine ab aliquo ascriptum est: *Pauli nomen in antiquissimis codicibus Anglicanis, & aliis non extat; unde doctissimi plerique oscitantia sciolorum aut scribarum censent assumptum.* Verum in hunc usque diem Manuscriptum epistolarum Ignatii exemplar in Noribergensi bibliotheca asservari ex ore testium ἀποστόλων & ἀγιολογῶν cognos-

gnovi, unde Wagenfœlium cimelia hujus bibliothecæ oculis non satis vigilantibus perlustrasse oportet. Verissima autem esse, quæ de Dilherro & Bisselio narra- vi, non dubitare me sinunt amici, qui ex ore Maxime Reverendi Dn. Conradi Feuerlini Bibliothecarii No- ribergensis, & schedula, quam B. Dilherrus scriptam reliquit, certiores me fecerunt. Sed hæc obiter.

XXVI. Peculiari habitu sacerdotali Aposto- los usos fuisse probare nonnulli solent exemplo Jacobi Episcopi Hierosolymitani, cui soli ingressum in sancta sanctorum licuisse, cum veste non lanea sed linea usus fuerit, tradit Hegesippus apud Eusebium *hystor. eccles. libr. 2. c. 23.* Verum ista Hegesippi de Jacobo narra- tio fabulis quam veritati propior videtur. Nec magis probabilis est traditio, quæ hunc Jacobum bractea in capite ornatum sistit, cujus traditionis post Clementem Alexandrinum & Eusebium meminit Epiphanius *heres. 29. c. 4. & heres. 78. c. 14.* ut & Hieronymus in *com- mentar. epistol. ad Galatas*, ubi hæc Jacobi bractea au- rea & in fronte collocata fuisse dicitur. Simile capitis ornamentum & insigne gestasse Apostolum Johannem memorat Polycrates in epistola Synodica ad Victorem apud Eusebium *libr. 5. hyst. eccles. c. 24.* & Hieronymum *catalog. script. eccles. c. 45.* Et Stephanus quidem le Moyne in *not. ad var. sacra p. 25.* metonymice verba Polycratis explicat, quasi Johannem summi alicujus Pontificis instar intima divinarum mysteriorum adyta penetrasse dixerit. At Valesio in notis ad Eusebium credibile videtur, primos christianorum Pontifices mo-

re judaico tale honoris insigne gestasse, quod etsi Marci & Jacobi exemplo probare contendat, plane tamen incredibile videtur. Præter Valesium nimis liberalis est Baronius, qui non Johannem modo & Jacobum, sed ceteros etiam Apostolos his insignibus uti consuevisse præsumit. Sed causam nullam indicavit, cur par sit id credere, neque aliunde aliquam indicari posse arbitror. Pallium Pauli 2. Timoth. IV, 13. ad consuendum habitum aliquem sacerdotalem, non magis aptum est, quam ejus zona vel calcei aliaque vulgaria, quibus usus est, vestimenta. Non enim omnia, quæ Apostoli gestarunt, ad Sacerdotalem habitum referenda sunt, nisi & gladius, quo Petrum cinctum fuisse legimus, sacerdotalibus insignibus annumerare velimus.

XXVII. Ritus sacrarum lectionum primo seculo viguisse non opus est ut ex Jacobi liturgia, vel constitutionibus apostolicis aliisque supposititiis & interpolatis scriptis probemus, cum non desint certiora & meliora argumenta, quæ ipsa Scriptura S. suppeditat, qua de re in erudita Nobilissimi Tenzelii dissertatione de ritu lectionum sacrarum plura videri poterunt.

XXVIII. Solennem doxologiæ formulam: *gloria sit Patri & Filio & Spiritui S.* jam ab Apostolis traditam fuisse, eosque errare, qui ex Theodoro & aliis Scriptoribus probare satagunt, quod hæc doxologia a Flaviano Monacho instituta fuerit, sententia est Cardinalis Bonæ in *Psalmodia c. 15. §. 6. & libr. 2. rerum liturgicarum c. 3.* Verum hanc doxologiæ formulam

totidem verbis ab Apostolis præscriptam nusquam traditur; etsi fundamentum hujus doxologiæ in S. Literis inveniatur.

XXIX. Excommunicationis frequens in canonibus apostolicis mentio occurrit, quæ plerumque per ἀφορισμὸν describitur, & imprimis laicis delinquentibus dictatur. Clericis enim delinquentibus καθάρισις in his canonibus pœnæ loco injuncta fuit, ita ut a fungendis sacris ministerii arcerentur, & ad laicorum ordinem redigerentur. Nonnunquam autem καθάρισις cum ἀφορισμῷ conjungebatur, sicut canone 64. introeuntes in Synagogam Judæorum vel hæreticorum ad orandum & depositione & segregatione multantur. Qui canon canoni 25. contradicere videtur. Decernit enim ille canon, ut Episcopus vel Presbyter vel Diaconus fornicationis vel perjurii vel furti convictus deponatur, non item segregetur, cum Scriptura dicat; *non vindicabis bis in id ipsum*. Etsi autem excommunicationem ab ipsis ecclesiæ incunabulis usitam fuisse ex canonibus apostolicis quippe pseudepigraphis probari non possit, ipsa tamen Scriptura docet, Apostolorum ætate pertinaces & incorrigibiles peccatores in excommunicationis pœnam incidisse, ut patet ex incestuoso Corinthio 1. Cor. V, 5. & hæreticis Alexandro & Hymenæo 1. Timoth. I, 20.

XXX. Vigiliis christianas ætati apostolicæ originem debere tradit Cassianus *libr. 3. c. 8. & 9.* cui non refragamur, si de vigiliis agatur, quas persecutionis tempora exegerunt. Nam ob gravissimas persecutio-

nes cœtus antelucani instituebantur, qua occasione etiam cerei & luminaria in cœtibus ecclesiasticis adhibita fuerunt, qualia per diem tum temporis accensa non fuerunt.

XXXI. Frequentem in primitiva ecclesia communionem Apostolorum aliorumque illius ævi fidelium exemplo probat Jesuita Petrus de Sesaifon, cum Act. II, 42. de illis legatur, quod perseveraverint in oratione & fractione panis. Contra Antonius Arnaldus in tractatu de frequenti communione statuit, per intervallum 10. dierum ab ascensione Christi usque ad pentecosten Apostolos aliosque fideles numero 120. ab eucharistia abstinuisse ut tremenda mysteria dignius celebrarent. Id autem Arnaldus ex eo probari posse arbitratur, quod Lucas rem illam Act. I, 14. narrans, dicat tantum eos perseverasse in precibus nec quicquam de eucharistia addat. Verum quam infirma sit illa consequentia, docet Petavius *libr. 3. de poenitentia publica c. 17.* Nam etiam Lucas refert, Petro in vincula coniecto ecclesiam pro Petro sine intermissione ad Deum orasse Act. XII, 5. Quis autem inde colligat, cum nulla mentio eucharistiæ addatur, ecclesiam Hierosolymitanam tum ab omni eucharistiæ usu abstinuisse?

XXXII. Si genuina essent scripta canones apostolici, constitutiones apostolicæ, Clementis Romani epistolæ decretales, Dionysii Arcopagitæ opera, Prochori historia Johannis, Abdiæ historia apostolorum aliaque ejus generis monumenta, magna adhuc variorum circa baptismum, circa eucharistiam, circa sepul-

rum, aliorumque rituum seges recensenda esset. Verum cum scripta, quæ primo seculo assignari solent, pleraque sint pseudepigrapha, veri primi seculi ritus ex Scriptura Sacra novi fœderis addiscendi erunt.

CAPUT V.

De

Hæresibus primi seculi.

L

DE Hæresiarchis ævi apostolici & apostolico proximi, seu primi & secundi seculi peculiarem dissertationem ante annos octodecim edidi, ejusdemque dissertationis appendicem seu supplementum ante annos duodecim adjeci. Et primi quidem seculi hæreses in ista dissertatione ejusque appendice a DOSITHEO auspicatus sum, de quo varii Autores Pseudo-Clemens, Tertullianus, Origenes, Eusebius, Pacianus, Epiphanius, Chrysostomus, Pseudo-Chrysostomus, Hieronymus, Theodoretus, Vigilius Tapsensis, Sophronius, Damascenus, Photius, Theophanes Cerameus, Theophylactus, Nicetas Choniates, Nicephorus, autor Chronici Samaritani ab Abrahamo Ecchellensi in notis ad catalogum Hebed Jesu allegatus, aliique varia & ea quidem minus inter se conve-

li 3

nien-

nientia tradiderunt. Possunt autem ea, quæ in specie pugnant, juxta Cotelerium *in notis ad constitut. apostol. libr. 6. c. 8.* levi negotio conciliari, si duo Dosithei hæresiarchæ admittantur, quorum unus ante Christum natum, alter post Christi ortum vixit. Idem Cotelerius de Philastrio observat, quod per errorem veteri Dositheo tribuerit, quæ recentiori tribuenda erant, item de Theodoreto & Sophronio, quod minus accurate Dositheum & Dositheanos Simoni & Simonianis postposuerint, cum Dositheus & Dositheani præponi debuissent.

II. Alia circa ordinem Simonis Magi & Dosithei sententia est Laurentii Cozzæ a Laurentio Ordin. Minor. Regularis Observantiæ Lectoris Jubilati, Diœcesis Viterbiensis Examinatoris Synodalis, & Sacræ Congregationis indicis Consultoris, qui anno superiori 1707. commentariorum suorum historico-dogmaticorum in libellum Augustini de hæresibus partem primam Romanis typis divulgavit. Is enim primo statim capite pag. 2. me hallucinatum opinatur, quod inter hæresiarchas ævi apostolici non Simonem Magum, sed Dositheum in fronte collocaverim, cum tamen longa præscriptione Simon Magus primum inter hæreticos primitivæ ecclesiæ locum teneat. Verum operæ pretium non est, ea de re multum litigare. Interim a meis partibus stant antiquissimi veterum hæreseon Scriptores Hippolytus & Irenæus, ex quo sua Hippolytum depromsisse non dubitat Dodwellus *dissert. ad Irenæum, p. 480.* sive Irenæus in opere *διαλέξεων* pridem perditio hoc argumentum tractaverit, sive Hippolytus, quæ de Do-

Dositheo scripsit, ex ore differentis Irenæi exceperit. Imprimis autem in eo me exorbitasse Cozza statuit, quod Dositheum inter illos hæresiarchas agmen ducere velim, qui post Christum fuerunt. Atqui ipse Cozza testimoniis a me allegatis convictus, diffiteri non potest, etiam post Christi adventum Dositheum aliquem hæresiarcham fuisse. Quid igitur impedit, quominus hic Dositheus inter hæresiarchas seculi primi primum locum obtinere potuerit? Agnoscit Clementem Romanum in recognitionibus & homiliis Simonem Magum pro Dosithei discipulo venditare. Cur autem Dositheana secta Simonianam non antecedere potuerit, nullam plane causam, quæ sit alicujus ponderis, a Cozza adductam video, etsi particulas *forte* & *videtur* vel decies repetat.

III. Quomodo uterque Dositheus ratione temporis, dogmatum, dictorum & factorum accurate distinguendi sint, definire non audeo. Sufficiat summam eorum, quæ vel de seniore vel de juniore Dositheo referuntur, breviter recensere. Dositheum ergo Samaritanum se pro Christo a Prophetis prædicto venditasse, tradit Origenes *tract. 27. in Mattheum*, item *libr. 1. contra Celsum p. 44. & libr. 6. p. 282*. Quod dogma etiam ejus discipuli tenuerunt, quippe qui oraculum Mosaicum de magno Propheta excitando non in Jesu Nazareno, sed in Dositheo impletum somniarunt, ut patet ex synodali decreto Eulogii Alexandrini apud Photium *biblioth. cod. 230*. Ex eodem synodali decreto patet, Dositheum Prophetis & Judæ Jacobi filio minus æquum

æquum fuisse, sibi vero ipsi omnia vaticinia & divinitatem arrogasse, sacros codices variis corruptelis adulterasse, eorumque loco alios libros portentosos confarcinasse, resurrectionem negasse, mundum incorruptibilem, animam corruptibilem somniasse, & nullum aliud dæmonum genus quam idola statuisse. Habita autem est illa Synodus non sub Marciano, ut in Photii bibliotheca græca pariter & latina vitiose legitur, sed anno septimo Mauricii seculo post Christum natum septimo, ut observavi *in dissert. de heresiarch. sect. I. p. 23.* Cujus conjecturæ me tanto minus pœnitet, quia postea, cum jampridem illa scripsissem, in Reinesii varias lectiones incidi, quæ *libr. 3. p. 353.* meam sententiam confirmarunt.

IV. Quam superstitiose Dositheus circa sabbathi cultum se gesserit, refert Origenes *πρὸς ἀντιόχου libr. 4. c. 2. & Philocalia c. I. p. 36.* Statuerunt enim Dositheani, quod unus quisque quo habitu, quo loco, qua positione in die sabbathi fuerit inventus, ita ad vesperam manere debeat, si sedens, tota die sedeat, si jacens, tota die jaceat. Idem *in commentario ad Johannem Tom. II. Orig. Huet. p. 219. 220.* Dositheanos Magistri sui libros circumtulisse, ejusque immortalitatem variis rumoribus jactasse refert. Quæ autor chronici Samaritani de Dositheo refert, nempe quod textum Scripturæ Samaritanum corruerit, summus autem Pontifex nepotem suum Levi & alios decem miserit, qui Dositheum una cum adulterato codice ad se afferrent, tum Levi ejusque socii in hospitio absentis

Do-

Dosithei vetulæ alicujus suasu in piscina aliqua laverint, & post illam lotionem repentina mutatione ad Dosithei hæresin conversi fuerint, Pontifex autem ubi id comperit ira inflammatus, statim aliquos miserit, qui apostatas occiderent, & codicem flammis comburendum afferrent, sed omnes uno Levi, qui occisus est, excepto fuga elapsi fuerint, & postea indusium occisi proprio sanguine fœdatum una cum codice in arca recondiderint, nec ulli hoc cimelium nisi post exactum septem dierum jejunium exhibuerint, Dositheus autem in montem se contulerit, ibique delitescens fame & siti perierit, hæc inquam omnia, quæ ex Abrahami Ecchellensis notis in catalogum Hebed Jesu repetere placuit, meras redolent fabulas.

V. Refert Vigilius Tapsensis *dialogo I. contra Arianos* sub Athanasii nomine scripto, Dositheum & quosdam alios veteres hæresiarchas occasionem dedisse, ut qui discipuli hætenus dicti fuerant, Christiani dicerentur. Cum enim veros inter & falsos Christi discipulos nulla esset discretio, & omnes discipuli sive Christi sive Dosithei, sive Cephæ, sive Theodæ, sive Judæ cujusdam, sive etiam Johannis sectatores uno discipulorum nomine censerentur, tunc Apostoli Antiochiam convenientes omnes discipulos novo nomine Christianos appellarunt. Verum id veritati minus convenit, quod omnium Sectariorum discipuli promiscuo discipulorum nomine confusi fuerint, & neque inter semetipsos, nec a Christianis distincti fuerint. Dositheum a discipulo suo principatu dejectum esse refer-

tur in constitutionibus apostolicis *libr. 6. c. 8.* Idem narratur in recognitionibus apost. *libr. 2. p. 31. 32.* ubi refertur Dositheum triginta discipulos pro numero dierum mensis, & mulierem quandam nomine Lunam in consortio suo habuisse, deinde vero unum ex triginta illis defuncto Simonem surrogatum Lunam illam deamare & magistro suo derogare cœpisse, eamque ob causam aliquando virga fuisse correptum, cum vero virga per corpus Simonis tanquam per fumum transiisset, stupefactum in terram cecidisse & ipsum adorasse.

VI. Dositheus conterraneus & coætaneus Simon Magus oppido Samariae Gittha prognatus præstigiis suis magicis apud Samaritanos magnum sibi nomen acquisivit, omniumque ora in se convertit, ita ut non modo tenuioris fortunæ homines, sed etiam in maximis dignitatibus constituti digito ipsum monstrarent, dicentes: *hic est ἡ δύναμις τῆ θεοῦ μεγάλη, virtus Dei magna.* Ita enim oculos & animos ipsorum fascina-verat, ut aliquid humano majus in ipso animadvertere viderentur. Contigit autem, dum Philippus evangelium in urbe Samaria prædicaret, nec pauci civium relicto Simone Philippi concionibus adhærerent, ut etiam Simon Magus accepto baptismi sigillo Christianis adderetur. Sed nova hæc quam iniit, vel saltem præ se tulit, vita adeo diuturna non fuit, ut avaritiæ & ambitionis stimulis agitata statim ad vomitum redierit, & potestatem Spiritus S. charismata conferendi oblata Apostolis pecunia ambiverit, quo facto gravissimam Petri censuram incurrit. Et hæc quidem

ex

ex Sacra Scriptura de Simone Mago constant Actor.
VIII, 5.

VII. Si Tertulliano fides *libr. de anima c. 34.* Simon Magus eadem pecunia, qua Spiritum S. licitari ausus fuerat, ex loco publicæ libidinis scortum redemit. Hoc Simonis Magi scortum nonnulli Selenen, alii Lunam, plerique Helenam appellant. Celsus apud Origenem *libr. 5.* cum Helena Helenum conjungit, cum ait, *Simonianos Helenam, vel Præceptorem, Helenum venerari* quod juxta Spencerum *in notis ad b. 4.* jocandi causa ab ipso dictum est, quasi Helena, quam Simon Magus circumduxit, & vates ille antiquus Helenus & nomine & arte convenirent. Cæterum quomodo hæc Helena, quam Simon primam animi sui conceptionem & intentionem appellavit; a primo Patre suo Simone egressa, & ad inferiora lapsa, cum angelos mundi opifices creasset, ab iisdem detenta, in varia muliebria corpora transmigraverit, & Trojani belli tempore illa ipsa Helena fuerit, quæ Trojanis perniciem attulit, & quomodo Simon ut ovem illam perditam quæreretur, eamque ab angelicis potestatibus liberaret, & per sui cognitionem universo generi humano salutem afferret, forma fallendis angelis idonea descenderit, ex Irenæo, Theodoro & aliis repetere superse-
deo. Cujusmodi autem mysteria sub ista Helena historia occultari putet Bolducius Ordinis Capucinatorum in tractat. *de ecclesia post legem c. 5. & 6.* dixi in *appendice ad dissert. de heresiarchis p. 5.* Alia æigmata in historia Simonis Magi & Helenæ quatit & explicat Joh.

Henricus Horbius in disputatione philosophica de ultima origine hæreseos Simonis Magi.

VIII. Varias contra Deum blasphemias evo-
muisse Simonem Veteres testantur. Quales autem il-
lae fuerint, non omnes plane per omnia consentiunt.
Et Epiphanius quidem refert *heres. 21.* Simonem He-
lenæ suæ epitheton Spiritus S. sibi et ipsi autem nul-
lum plane tribuisse, quod ab Epiphanio dictum Petavius in *not. ad b. l.* miratur, cum Simonem tot nomi-
na habuisse alii prodiderint. Certe apud Hierony-
mum in *c. 24. Matthæi* dicit Simon: *ego sum sermo Dei, ego speciosus, ego Paracletus ego omnipotens, ego omnia Dei.* Idem se in Samaria ut Patrem descendisse, in
Judæa ut Filium, in reliquis gentibus ut Spiritum S. ap-
paruisse gloriatus est, ut Irenæus *libr. I. c. 20. adversus heres.* testatur, ubi & hoc addit, quod Simon se subli-
missimam virtutem dixerit, h. e. cum qui sit super o-
mnia Pater, & sustinere se quocunque nomine vocari.
Conferatur etiam Irenæus *libr. 2. c. 9.* ubi dicit: Simonem Magum dixisse, *semet ipsum esse super omnia Deum.* Idem Simon juxta Augustinum de *heres. c. 1.* dixit, se in monte Sinai legem dedisse in Patris perso-
na Judæis, tempore Tiberii in Filii persona putative apparuisse, postea in linguis igneis ut Spiritum S. su-
per Apostolos venisse. Hinc ergo quærit Petavius, ut paulo ante dictum est, quid velit sibi Epiphanius cum negat, Simonem ullam sibi appellationem indidisse, qui tamen omnia trium Personarum nomina sibi vindicavit, & se sublimissimam Dei virtutem professus est?

Re-

Respondet Cotelarius *not. ad græc. monument. Tom. I. p. 763.* Simonem quidem Magum Helenæ peculiarem appellationem tribuisse, sibi vero generalem magnæ virtutis Dei, adeo ut cum certa & determinata multa nomina & epitheta daret Helenæ, sibi nullum definiret, sed infinita assumeret. Nullum enim determinatum nomen sibi dabat, qui se omnibus parem censebat.

IX. Hanc Cotelerii sententiam a me in dissertatione de hæresiarchis adoptatam improbat. doctissimus Wormius *c. 2. de Sabellianismo p. 55.* Postquam enim verba mea cum aliquo elogio allegavit, subjicit: *erudita fateor hac conjectura, sed non accurate tamen docet id quod hac re Simon voluit.* Doceat igitur accuratius, quid Simon sibi voluerit. Scilicet non credit errasse Epiphanium, sed causam cur nullo Simon se appellarit nomine, non aliam arbitratur, quam ut eo citius Deum se esse Judæis & Gentibus persuaderet. Hanc ejus intentionem fuisse confirmat ex eo, quod Judæi nullum Deo nomen dari posse aut debere statuerent. Verum hanc Viri doctissimi sententiam, ut ingenue fatear, pro imbecillitate mei ingenii non satis capio. Relinquitur enim adhuc scrupulus, cur Epiphanius Simonem nullum sibi nomen indidisse dicat, cum tamen abunde constet, quod Simon & ipse sibi varia nomina imposuerit, & ab aliis sibi imponi passus fuerit. Si cum Viro doctissimo negemus errasse Epiphanium, qui nullum nomen a Simone affectatum memorat, non possumus non Irenæum, Augustinum, Hieronymum & alios erroris arguere. Quamobrem illa

Patrum loca non melius conciliari posse puto, quam si dicamus, Simonem Magum nullum certum & determinatum nomen affectasse, interim tamen pro sua sublimitate se omnibus qualiacunque essent nominibus parem censuisse.

X. Sunt viri quidam docti, qui Simonem Magum divinos honores affectasse plane negant. *Per antiquorum animos ista pervasit opinio, Simonem in Sanctissimam Dei Opt. Max. Majestatem involasse tentatis omnibus, ut pro ipso Numine coleretur, ait doctissimus Basnagius exercit. histor. critic. ad annal. Baronii p. 105. sequ.* ubi hanc inolitam multorum animis sententiam eradicare conatur. Quem in finem sanctissimi Martyris Irenæi auctoritatem ante omnia elevat, eumque in hac causa velut intestabilem reddere conatur. Cum enim hic venerandæ antiquitatis Scriptor in errore illo versatus fuerit, ut Christum usque ad quinquagesimum ætatis suæ annum vitæ suæ telam produxisse sibi persuaserit, ex eo Basnagius non incommode se inferre posse putat, etiam in historia Simonis Magi Irenæo nullam fidem adhibendam esse. At nimis inhumanum esset, tanto ecclesiæ Patri ob unum alterumve historicum erratum omnem statim fidem denegare. Esto Clementis Romani constitutiones de affectata Simonis deitate, ut & de statua ipsi tanquam Deo sancto posita, de qua postea pluribus agemus, mutas esse. Sed quid tum? Sufficit alios fide digniores, & in his Irenæum ac Justinum, affectatam illam Simonis deitatem satis aperte prodere. Esto, quod ulterius Vir doctissimus objicit, Phi-

Philastrium referre de Simone, quod dixerit *se esse* (non ipsum summum Deum, sed) *virtutem quandam Dei, qua esset supra omnes virtutes.* Sed quid obstat, quominus idem, qui se supremam Dei virtutem jactavit, etiam pro ipso Deo se haberi voluerit? Tertullianus de *prescript.* c. 46. dicit de Simone: *ausus est summam se dicere virtutem, id est summum Deum.* Esto Damascenum scribere, quod Simon se & Samaritanorum Patrem & Judæorum Messiam prædicaverit. Id vero Basnagio obesse potius, quam prodesse credo. Patet enim ex his Damasceni verbis, quod Simon Magus non tantum temporalem Messiam & Regem Judæorum agere voluerit, sed ipsam quoque divinitatem tanquam Pater Samaritanorum affectaverit. Epiphanius de Menandro Simonis Magi discipulo & successore refert, quod a dogmatibus Magistri sui non dissenserit, nisi quod se antecessore suo majorem jactavit. Atque hinc novum Viro doctissimo argumentum nascitur, quod Simon Magus eousque insaniam non processerit, ut Deus Summus videri voluerit. Quomodo enim Menander Simone Mago major esse potuisset, si ille Summus Deus fuit? aut quis unquam aliquem Summo Deo majorem somniavit? Certè totum illud Simonis & Menandri certamen stultorum fuit. Neque tamen inde concludi potest, quod omnia ficta sint, & Simoni Mago per calumniam aspersa, quæ de affectata ejus divinitate memorantur. Quis negat Cajum, Domitianum, & alia hujusmodi monstra divinitatem affectasse, etsi eorum fatuitatem & insaniam omnes sanæ mentis homines cognoverint? Quando enim

enim impii homines justo Dei judicio excœcantur, nihil tam absurdum & ab omni ratione alienum est, quod non animo concipiant, vel blasphemio ore effutiant. Talis Satanæ furor Simonem Magum, talis deinde etiam Menandrum corripuit, qui se esse dicebat, quicquid Simon se dixerat, ut Tertullianus *de præscript. c. 46.* testatur. Fidem pæne superat ejusmodi insania, non diffiteor, sed ita evenire solet, cum homines insania certare incipiunt, sicut Simon Magus cum Menandro insania certavit, dum ille, postquam semel magicis suis artibus magnos sibi applausus exciterat, ambitionis œstro incitatus acquiescere volebat, donec summus Deus haberetur, hic vero Simone Mago non inferior, imo si Epiphanio credimus, superior esse contendebat. Etsi fatendum sit, quantum ad Menandrum attinet, quod Theodoreto teste non se primam virtutem & potentiam esse dixerit, quippe quam a nemine cognosci posse dixit, sed se a prima potentia missum prædicaverit. Quæ Theodoreti relatio novam rationem Clarissimo Basnagio suppeditat, cur statuatur, quod Simon Magus ad divinos honores non adspiraverit. *Quis non hinc legitime colligat, inquit Basnagius, Simonem pro summo Deo non fuisse habitum a suis Discipulis, quibus probe notus fuit?* Respondeo, Simon Magus discipulis quidem suis probe notus erat, quibus tamen a totius hujus scholæ magistro Diabolo dementatis ignotus videbatur. Denique improbable judicat Basnagius Simonem Magum, qui ante baptismum suum & aggregationem ad ecclesiam christianam contentus erat elogio potentiae Dei magnæ post

post baptismum tuum sublimiores divinitatis gradus sibi ædificare voluerit. Verum quale flagitii genus nimium fuisset homini, quem etiam post baptismum execranda impietate constrictum Petrus cognoscebat? Nihil ergo obstare video, quo minus Simonem affectatæ divinitatis reum agnoscamus, & cum Tertulliano *de præscription. c. 46.* dicamus, quod *ausus fuerit se dicere summam virtutem i. e. summum Deum;* vel cum Irenæo *libr. I. cap. 20.* quod *se sublimissimam virtutem esse dixerit, hoc est eum, qui sit supra omnia Pater.*

XI. Quæ pro tuendo Simone Mago Godofredus Arnoldus in historia sua ecclesiastica protulit, ad examen vocare omnia nimis longum esset. Unde tantum pauca notamus. Inter alia dicit: *Ichme selbst (Simoni Mago) giebt man folgende greuliche Lehren Schuld / wiewol meistens auf Treu und Glauben derer / die lange nach ihm gelebet haben / und selten recht übereinstimmen. So gar / daß man bald bey dieser ersten Secte siehet / wie ein ieder nach seinen eigenen Einfällen solchen Leuten die schrecklichsten Sachen schuld gegeben / daran jette wol nicht gedacht haben / Part. I. libr. I. c. 4. §. 4.* Ubi breviter observamus, non mirandum esse, si veteres ecclesiæ Patres in describendis hæreticorum deliriis non semper inter se conveniant, nec ex illo dissensu statim concludi debere, quod veterum hæreticorum dogmata non fideliter referant, sed quisque pro lubitu iis nunc hæc nunc alia dogmata per mendacium & calumniam affingat. Dissensus enim ille Patrum inde nascitur, quod ipsi hæretici suis

Demoniorum doctrinis non semper tanta constantia ad-hæreant, ut eandem ubique earum formam exhibeant. Accedit, quod multi hæreticorum discipuli Magistro-
rum suorum placitis non ita addicti sint, ut non subin-
de in illis unum atque alterum mutare audeant. Quid
ergo mirum antiquos ecclesiæ Patres in delineandis
veterum hæresium portentis non semper & ubique
consentire, sed illorum relationes nonnunquam dissonas
deprehendi, dum unus forte priorem, alter poste-
riorem hæretici sententiam, unus forte ipsius magistri,
alter alicujus discipuli deliria recenset? Quin etiam
Arnoldus nonnunquam dissensum fingit, ubi nullus
est. Nam historiam de Helena Simonis scorto suspe-
ctam facturum ait: ja andere madhen gar einen Mann
Helenum daraus. Quis vero Patrum Helenam in vi-
rum transformavit? nullus certe, sed tantum Celsus
Christiani nominis calumniator per jocum Helenæ
præceptorem Helenum adjunxit, ut paulo ante dictum
est. Quamobrem ex isto Celsi Heleno male Arnoldus
infert, ea omnia quæ veteres Scriptores de Simonis
Helena retulerunt, Theodoretæ hæreticis fabulis annu-
meranda esse, quod in Theodoretum scommata aptius
forte ad ecclesiasticas & hæreticas Arnoldi historias
applicari posset.

XII. Augustinus in libello de hæresibus c. 1. de
Simone refert, quod se Jovem credi voluerit, & me-
rettricem suam Helenam seu Sclenen Minervam. Ad-
dit, quod imagines & suam & sociæ suæ discipulis ad-
orandas præbuerit, quas & Romæ tanquam Deorum
simulacra publica constituerit. Nec primus est Augu-
sti-

stinus, qui imaginum illarum mentionem fecit. Irenæus enim dicit de Simonianis, quod Simonis habeant imaginem factam ad figuram Jovis, & Selenes in figura Minervæ, quas imagines etiam ab iis adorari addit. Epiphanius autem *heres. 21.* tradit, quod Simon Magus has imagines suis discipulis adorandas tradiderit. Et Cozza quidem in suis *ad Augustini libellum de heresibus commentariis p. 6.* verosimile esse dicit, ab initio Simonem tradidisse discipulis suis prædictas imagines aut in metallo sculptas, aut in parva tabella depictas, ut secum deferrent, postea vero factum esse, ut publicæ statuæ illis erigerentur & adorarentur. His imaginibus Simonis & Helenæ odores incensos, & sacrificia oblata refert Eusebius *libr. 2. histor. eccles. c. 13.* Theodoretus *heretic. fabul. libr. 1. c. 1. & alii.*

XIII. Imprimis celebris est statua Simonis Mago erecta, cujus Justinus Martyr in apologia secunda, quam Eusebius rectius primam nominat, meminit, dum dicit, post Domini in cælum ascensum homines quosdam a Satana immisos esse, qui se Deos esse dicerent, & quos Romani maximis honoribus affecerunt. Ex his fuisse ait Simonem Samaritanum, qui cum per Dæmonum operationem multa stupenda prodigia fecisset, Deus habitus est, & statua illi perinde ut Deo posita in insula Tiberina inter duos pontes cum hac inscriptione: *Simoni Deo Sancto.* Confirmat hanc relationem Irenæus *libr. 1. c. 20.* ubi Simonem Magum ob artem magicam a Claudio Cæsare statua honoratum asserit. Ejusdem meminit Tertullia-

nus in *apologet.* c. 13. ut alios veteres taceamus. Memini autem me in *dissertatione de heresiarch.* p. 27. de hujus relationis fide dubitasse & statuisse, quod hæc Justinus Martyris narratio extra omnem dubitationis aleam posita minime videatur. Videtur enim admodum probabilis conjectura virorum doctorum, qui ex marmorea basi Romæ A. C. 1574. effossa colligunt, *Semoni Sancto Deo Fidio* consecratam fuisse illam statuam, quam Justinus Martyr Romanæ lingux non adeo peritus Simonis Magi nomine notatam sibi aliisque persuasit. Adduxi in eam rem Desiderium Heraldum *not. ad Tertullian. apolog.* c. 13. Vossium *libr. I. de idol.* c. 12. Salmasium in *notis ad Spartianum*, Valesium in *notis ad Euseb.* libr. 2. *hist. eccles.* c. 13. & Spanhemium de *Petri in urbem Romam profectione* p. 149. His subscribere Ittigium de *heresiarchis ævi apostolici sect.* 1. cap. 2. num. 6. observat Corza in *commentario ad Augustinum de heresibus* nuper edito c. 1. p. 6. Non diffiteor. Subscribo illi virorum doctorum conjecturæ. A qua me aliosque dissentientes dimovere conatur doctus hic Franciscani Ordinis Scriptor, dum ex Baronio *ad A. C.* XLIV. 55. probare conatur, statuam a Justino memoratam non Deo Sancto Fidio, sed Simoni Magico tanquam Deo Sancto positam fuisse. Observat enim Baronius Justinum statua aliqua Semonis Sancti Dei Fidii non facile decipi potuisse, cum plures ille in urbe Roma statuas habuerit, quæ Justino Martyri incognitæ non esse potuerunt. Animadvertit quoque Justinum Martyrem in gentiliū Philosophia non minus quam Theologia egregie excultum & apprime eruditum fuisse.

fuisse, diuque Romæ versatum dubio procul probe explorasse, quæ non in angulo & coram ignaris sed coram ipso Imperatore ejusque Filiis & universo Senatu Romano de Simone Mago proposuit. Quo argumento etiam utitur Henricus Hammondus *dissert. I. de jur. episcopal. c. 9.* ubi negat, quod Justinus Martyr tanquam homo externus & latinæ linguæ non admodum peritus imponi sibi passus fuerit, ut caligantibus oculis Simonem pro Semone, & Deum Sanctum pro Sancto Deo Fidio legerit, & Imperatori etiam Romano obtruserit, qui sine dubio compertissimi mendacii reum illico arguisset, nec eundem denuo errorem Tertulliano homini nec externo nec civitatis & linguæ latinæ imperito, ut & aliis Romanae ecclesiæ Scriptoribus errandum porrexisset. Prolixius hanc causam tuetur Petrus Halloixius *Tom. II. illustr. eccles. orient. Scriptor. p. 382. seq.* item Lælius Bisciola *horar. subcis. libr. 12. c. 8.* Atamen etiam sunt inter eruditos, qui hanc questionem in ambiguo relinquunt. Johannes enim Ludovicus de la Cerda *in notis ad Tertulliani apologet. c. 13.* postquam Justinus Martyris relationem de statua Simoni Sancto Deo posita retulerat, addit: *an hæc sit inscriptio Simonis Magi, an hi Patres decepti fuerint Semone Sango, in dubio relinquimus propter auctoritatem Heraldistarum.* E quibus verbis colligi potest, prævaluisse tunc, cum Cerda illa scriberet, sententiam Heraldii, quem cum Vossio, Salmasio, Valesio & Spanhemio Justinum Martyrem in Simonis Magi statua errasse paulo ante dixi, cujusmodi Heraldista fuit etiam Petrus Ciaconius *in opuscul. ante exposit. column. Trajani,*

Thomas Milles *not. ad Cyrilli Hierosolym. cateches. 6. c. 3.* Reinellius *in syntagm. inscript. p. 2.* Petavius *not. ad Epiphaniæ heres. 21.* Antonius van Dale *in dissertatione de statua Simoni Mago, ut præceditur erecta, ut alios taceam.*

XIV. Me quod attinet, adhuc eorum sententiæ subscribo, qui Simonem Magum, cum Semone Sanco vel Sango Deo Fidio a Justino Martyre confundi suspicantur. Quæ confusio tanto facilius fieri potuit, si forte in illa statua, quam Justinus legit, Simoni pro Semoni lectum fuit, sicut nonnunquam Mercurius in antiquis inscriptionibus pro Mercurius legitur. Equidem negari non potest, magnam esse inter præcos Patres Justini Martyris autoritatem, nec contemnendam eruditionem. Nec locus hic est suspicioni alicujus doli, imprimis cum ipsum Imperatorem & ejus Filios Cæsares, & Senatum in sua apologia compellet, quos falsa narratione circumvenire voluisse præsumi non potest. Vetuntamen facile fieri potuit, ut Justinus Martyr credulitate sua & nominum similitudine deceptus statuam Semonis Sangi Dei Fidii Sabinorum Dei Simoni Mago positam fuisse sibi persuaderet. Homo fuit Justinus, nec humani aliquid ab ipso alienum esse putandum est. Nec cogitari debet, quia Justinus Martyr non una tantum vice, sed semel iterumque statuæ Simoni Mago positæ tam cordate meminit, ut sine ulla formidine oppositi & contradictionis metu illa proferat, cum hac in re falli non potuisse. Et quamvis nonnulli urgeant, quod Justinus hanc statuam Simonis Magi ipsi Imperatori Antonino Pio & Filiis Cæsaribus &

& Senatui Romano objecerit, & ut deiceretur, postu-
laverit, *quod sane, ut Halloixius Jesuita loquitur, non
fecisset nisi rem prius accurate examinasset. Quis enim,*
pergit, *non dicam Philosophus, & tanta quanta ille fuit*
autoritate, sed quis homo alicujus mentis & frontis au-
deat coram Imperatore, & in ipsa urbe Roma, ubi res ea
fit & examinari possit, aliquid momenti cujuspiam pro-
ferre tanquam certum, quod minime exploratum habeat?
fallentur tamen quotquot omnia certa & accurate ex-
plorata esse credent, quæ Justinus Martyr coram ipso
Imperatore in sua apologia disseruit. Nam in eadem
apologia Justinus refert, quod Ptolomæus Ægypti Rex
ab Herode Rege prophetarum librorum copiam sibi
fieri petierit. Num ergo Jesuita Halloixius contendet,
Regem Ægypti Ptolomæum a Judæorum Rege Herode
per Legatos suos prophetarum librorum copiam pe-
tisse, quia Justinus Martyr in sua apologia ad Impera-
torem & Senatum Romanum id asseruit, quod sane
non fecisset, nisi rem prius accurate examinasset. At-
qui tantus est iste sive parachronismus, sive metachro-
nismus, ut Casaubonus cum ista in Justino legeret, o-
culis suis vix crederet. Novi quidem virum quen-
dam doctum huic Justinum ibi non scripsisse: τῷ
τῶν Ἰουδαίων τότε βασιλεὺς Ἡρώδης, sed τῷ τότε βασιλεὺς
οὐκ ἱερεὶς, *regenti tum Sacerdoti, i. e. Eleazaro summo*
Judæorum Pontifici, qui & Regis instar fuit; qua ra-
tione etiam sequentia verba corrigi oporteret, & pro
verbis ὁ μὲν βασιλεὺς Ἡρώδης, poni: ὁ μὲν βασιλεύων ἱερεὺς
quarum lectionum in nullis sive impressis sive manu-
scri-

Scriptis quod sciam codicibus vestigia comparent. Si ergo Justinus circa historiam Regis Herodis ab ætate sua non adeo remoti in apologia sua aberrare potuit, cur non in eadem apologia circa statuam Simonis Magi cecutire potuerit?

XV. Post Justinum Martyrem etiam Irenæus statuam Simonis Magi memorat. Verum is longe cautius de illa statua loquitur. Cum enim Justinus eam ita describat, ac si sua ætate adhuc erecta stetisset, unde eam a Romanis aboleri cupit, Irenæus contra tantum ex rumore & fama de illa statua verba facit: *sub Claudio statua honoratus esse dicitur propter magicam.* Præterea Irenæus innuere videtur, quod Simoni Mago non tam ob opinionem divinitatis, quam ob excellentiam in artibus magicis statua posita fuerit, sicut alias viris de publico bene meritis ejusmodi honor conferri solebat. Tertius ex antiquitate testis, qui pro statua Simonis Magi adduci solet, est Tertullianus, qui *in apologetico c. 13.* Simonem Magum *statua & inscriptione Sancti Dei inauguratum* dicit, quod dubio procul ex Justino Martyre mutuatus est. Hunc deinde secuti Eusebius *libr. 2. hist. eccles. c. 13.* Cyrillus Hierosolymitanus *catech. 6. c. 9.* & alii, quos inter Theodoretus *libr. I. heretic. fabul. c. 1.* statuam hanc nescio unde æneam efformat. Quando autem Augustinus *de heres. c. 1.* Simonem Magum suas & Helenæ suæ imagines Romæ tanquam Deorum simulacra publica constituisse dicit, Laurentius Cozza his verbis etiam ad illam statuam alludi censet, quæ Romæ sub Claudii imperio Simoni Mago decreta dicitur, & a Justino Martyre me-

memoratur. Verum illa Augustini verba neque cum ipsa rei veritate conveniunt, neque ad verba Justini Martyris alludunt, cum Augustinus non de una, sed de duabus imaginibus loquatur, quas non Imperatoris sed ipsius Simonis autoritate Romæ consecratas narrat, quod Simoni concessum fuisse nemo temere crediderit. Ex his autem, quæ dicta sunt, patet, statuam, quam Justinus Martyr Simoni Mago positam scripsit, non esse adeo firmam, ut contra eam impugnantes consistere valeat. Cogitet etiam Baronius, si Simon Magus, ut ipse suspicatur, impostor ille fuit, quem Josephus *antiquit. libr. 18. c. 5.* Samaritanos in monte Garizim congregasse, & Pilati exercitu profligatum cum suis aufugisse refert, an credibile sit, tali impostori statuam a Romanis positam fuisse.

XVI. Imprimis etiam cum hac Simonis statua, & divinis honoribus male conciliari possunt, quæ de magico ejus in aerem volatu, & præcipiti lapsu referri solent. Quis enim credat, Simoni Mago post mortem tam horrendam statuam cum inscriptione Dei Sancti Romæ erectam fuisse, aut si statua Simonis Magi ante ejus mortem Romæ erecta fuit, eam usque ad Justini Martyris ætatem in urbe illa inviolatam mansisse? etsi non desint, qui utrumque credunt, dum & statuam Simoni Mago positam, eamque adhuc Justini ævo divinis honoribus excultam asserunt, & tamen etiam impio huic hæresiarchæ tandem idem contigisse tradunt, quod Icaro illi apud Suetonium *Neron. c. 12.* accidit, qui in coelum volaturus *primo statim conatus*

Mm

jux-

juxta cubiculum decidit, ipsumque (Imperatorem) crure resperxit. Sed aliis hæc non immerito adusata videntur.

XVII. Caterum tragicus ille, qui vulgo perhibetur, Simonis Magi exitus, non minus quam publicus ejus cultus suspectus est. Silent de tragico hoc casu Justinus Martyr, Irenæus, Tertullianus, & Eusebius. Alii Scriptores, qui tragicum illum Simonis exitum commemorant, in circumstantiis non leviter dissentiunt. Arnobius *libr. 2. adv. gent. p. 50.* Viderant, inquit, currum Simonis Magi, & quadrigas igneas Petri ore diffatas, & nominato Christo evanuisse. Viderant, inquam, fidentem Diis falsis, & ab eisdem conventibus proditum, pondere precipitatum suo, cruribus jacuisse, præfractis, post deinde perlatum Brundam cruciatibus & pudore defessum ex altissimi culminis se rursus precipitasse fastigio. Philastrius *de heres. c. 29.* ab Angelo percussum Simonem narrat. Ambrosius *in hexaemero libr. 4. c. 8.* Simonis casum his verbis delineat: *Petrus Simonem alta cæli magico volatu petentem dissoluta carminum potestate dejecit & stravit.* Cyrillus Hierosolymitanus *cateches. 6. illuminat. c. 9.* refert, Simone demoniorum vehiculo in aerem sublato, Petrum & Paulum in genua provolutos effecisse, ut Deus ille putatitius in terram dejiceretur ad inferos deprimendus. Severus Sulpitius Simonis Magi novissima his delineat verbis *libr. 2. histor. sacr. c. 41.* *Etenim tunc illustris illa adversus Simonem Petri ac Pauli congressio fuit: qui cum magicis artibus, ut se Deum probaret, duobus suffultus demoniis evolasset, orationibus Apostolorum fugatis demo-*

demonibus, delapsus in terram, populo inspectante disruptus est. Clemens Romanus constit. apostol. libr. 6. c. 9. Simonem in hoc lapsu vehementi casu elisum coxam & extrema pedum fregisse narrat. Egesippus libr. 3. de bello judaico c. 2. fingit Simonem Magum ad preces Petri implicatis remigiis alarum, quas sumserat, corruisse, & fracto debilitatoque crure Aritiam concessisse, atque ibi mortuum fuisse. Juxta Nicetam Choniatem in Thesauo libr. 4. c. 1. Simon Magus in caput collapsus viam cerebro conspersit. Walafridus in carmine de Petro apud Canisium libr. 6. antiq. lect. pag. 659. canit:

*Insuper & magicum falsi phantasma Simonis,
Funditus evacuans, tetras detrusit in umbras,
Romanum vulgus solvens errore vetusto,
Qui præcelsa rudis scandit fastigia turris,
Atque coronatus lauri de fronde volavit:
Sed mox ætherias dimittens furcifer auras,
Cernuus ad terras confractis ossibus ambro
Corruit, & Petro cessit victoria bello.*

In Marcelli conflictu S. Petri & Simonis Magi, quem dedit Florentinius in Hieronymi Martyrologio pag. 109. & uo. hæc leguntur: Paulus ait Petro: celerius fac, quod factururus es. Et aspiciens contra Simonem Petrus, dixit: Adjuro vos angeli Satana, qui eum in aera feratis ad decipienda hominum infidelium corda per Deum, Creatorem omnium, & per Jesum Christum, ut eum ex hac hora jam non feratis, sed dimittatis; & continuo dimissus cecidit in locum, qui Sacra Via dicitur, & in quatuor partes fractus quatuor silices adunavit, qui sunt ad

testimonium victoria Apostolorum usque in hodiernum diem. Abbo Monachus in *serm. de fundament. & increment. christianitat. apud Dacherium Tom. 9. Spicilegii* dicit, quod Simon Magus inmundis spiritibus se vehentibus cœperit pervolare, Paulus orare, Petrus Sanaæ imperare, & Magum volantem præcipitare. Umicum adhuc ex plurimis, quæ adduci possent, locum de horrendo Simonis interitu placet adducere ex Augustino. Sic ergo ille *serm. III. de Petro & Paulo Tom. X. fol. 1223. edit. Basileensis* inquit: Cum Simon se Christum diceret, & tanquam filium ad Patrem affereret volando se posse conscendere, atque elatus subito magicis artibus volare cœpisset: tunc Petrus fixis genibus precatus est Dominum, & precatione sancta vicit magicam levitatem. Prior enim ascendit ad Dominum oratio quam volatus, & ante pervenit iusta petitio, quam iniqua presumptio. Ante, inquam, Petrus in terris positus obtinuit quod rogavit, quam Simon perveniret in cœlestia, quo tendebat. Tunc igitur Petrus velut vinctum illum de sublimi acre deposuit, & quodam præcipitio in saxo elidens ejus crura confregit. Et hoc in opprobrio factum illius est, ut qui paulo ante volare tentaret, subito ambulare non posset: & qui pennas assumpserat, plantas amitteret. Patet autem ex his testimoniis, quantum Scriptores in describendo Simonis Magi interitu (quem Isidorus Pelusiota *libr. ep. 13. Σάνατον πολυθεύλητον*, seu mortem multorum sermonibus celebratam nominat) differant. Alii ipsum a solo Petro, alii a Petro & Paulo dejectum tradunt, alii eum alarum remigio, vel quadrigis igneis, vel ope dæmo-

monum subvectum & suffultum memorant, alii ipsum coxam vel crura fregisse, alii etiam plantas amisisse, alii disruptum, alii eliso capite enecatam, alii ab Angelo percussam referunt.

XVIII. Num vero forte in ipsa quoque Scriptura horrendus Simonis Magi interitus describitur, cum Paulus 2. Thess. II, 8. impium revelandum, & Spiritu oris Domini interficiendum prædicit? Ita sane Hugo Grotius statuit in *commentatione ad loca quædam N. T. de Antichristo agentia* p. 29. Cui tractatui cum Samuel Maresius opposuisset dissertationem de Antichristo, qua expenditur & refutatur nupera commentatio ad illustria ea de re N. T. loca, simulque Reformatarum ecclesiarum sententia de Antichristo Romano defenditur & confirmatur, hinc Hugoni Grotio data occasio scribendi appendicem ad interpretationem locorum N. T. quæ de Antichristo agunt, aut agere putantur, in qua, ut jactat, via sternitur ad Christianam concordiam. At Maresius hoc Grotii scriptum sine responso non dimisit. Edidit enim concordiam discordem & Antichristum revelatum, i. e. Hugonis Grotii apologiam pro Papa & papismo, quam sub prætextu concordie inter Christianos faciendæ exhibet illius appendix ad interpretationem locorum N. T. de Antichristo. Qui Maresii tractatus in duos tomos distributus est. Præter Maresium Grotio se opposuit Johannes quidam Simplicius in tractatu, quem inscripsit: *notæ in doctissimi cujusdam viri commentationem ad secundum caput posterioris epistolæ ad Thessalonicenses.* Et olim quidem, cum dissertationem de hæresiarchis

ævi apostolici scriberem, putabam sub Johannis Simplicii nomine eundem, quem paulo ante nominavi, Maresium latere. Sed postea comperi Johannem hunc Simplicium esse Jonam Slichthingium, cui etiam hic tractatus ascribitur in Bibliotheca Anti-Trinitariorum Sandiana. Non minus Grotio se opposuit Hippolytus Fronto, seu qui sub isto nomine abscondi voluit, Petrus Molinaus. Contra Grotio in plerisque consensit Henricus Hammondus, qui in *dissert. proæmial. de jur. episcopal.* itidem Apostolum Paulum in loco allegato non de Papa Romano & magno Antichristo agere statuit, sed per τὸν ἀρχιερέα intelligit Simonem Magum & Gnosticos, quos Deus justus vindex spiritu oris, hoc est potentia verbi sui, tandemque adventu suo ad excidium Hierosolymitanum oppressurus sit, Petro primum Apostolo de Simone Mago solenniter triumphante. Verum quod Apostolus non de Simone Mago hic loquatur, sed de Pontifice Romano Theologi nostri in suis commentariis & locis theologicis abunde demonstrarunt, quamobrem Grotio, Hammondus aliisque suas de Simone Mago speculationes nunc relinquimus. Ea autem, quæ vulgo de miserabili Simonis Magi exitu referuntur, an vera sint, tanto magis dubito, quod jam Augustini ævo de hoc Simonis Petri & Magi certamine etiam in Romana ecclesia dubitatum fuerit. Scribit enim ad Casulanum epistola 56. *est quidem & hæc opinio plurimorum, quamvis eam perhibeant esse falsam plerique Romani, quod Apostolus Petrus cum Simone Mago die Dominico ceptaturus propter ipsum magica tentationis periculum pridie cum ejusdem urbis ecclesia*

ista jejunaverit; nisi forte Augustinus tantum de jejunio, quo se Petrus ad illud certamen præparasse dicitur, a plerisque Romanis dubitatum dicere voluit.

XIX. Dignus autem omnino fuit homo nequissimus, quacunque morte perierit, tragico exitu, cujus de Deo blasphemias jam supra adduximus. Nunc alia quædam impia ejus dogmata addemus. Docuit ergo Deum esse originem peccati, omniumque scelerum & flagitiorum causam, & hominem creationis vitio nihil aliud velle & posse, quam peccare, quam Simoni Mago sententiam tribuit Vincentius Lirinensis *commonitor. c. 34.* Duplicem Deum, unum bonum, alterum malum a Simone traditum fuisse, non primus docet Nazianzenus *orat. in laud. Heron. p. 547.* ut Godofredo Arnolfo visum est, qui hoc dogma per mendacium Simoni Mago tribui putat; sed pridem ante Nazianzenum Irenæus, qui Cerdonem hoc dogma de duplici Deo a Simone Mago hausisse scribit *libr. I. c. 28.* Unde autem Simon Magus hauserit, videri poterit apud Thomassium *in schediasm. histor. §. 34. p. 22.* & Huetium *not. ad Origen. p. 2.* Sabellianismo prælusisse Simonem Magum Wormius in tractatu de Sabellianismo probat c. 2. Zwickeri autem impietas non minus, quam ipsius Simonis Magi execranda est, dum sacrosanctam ecclesie de mysterio Trinitatis doctrinam ex blasphemis Simonis Magi deliriis derivare conatur *in irenic. p. 14. & nova ejus confirmatione 148.* Mundi creationem, legis promulgationem & Prophetarum inspirationem Simon Magus malignis potestatibus tribuit,

buit, ut Epiphanius *heres. 21.* memoriæ prodidit, et si Simon Magus apud Augustinum *de heres. c. 1.* semetipsum in Patris persona legem Judæis in monte Sinai tradidisse jactaverit. Octo æones a Simonianis cultos referunt Elias Cretensis & Nicetas *in notis ad orationem 23. Nazianzeni.* Verum octo illos æones Simonianis affingi Matthæus Larroquanus *in observationibus ad Ignatianas Pearsonii vindicias p. 194. & seq.* judicat, quam litem nunc movere nolumus. Angelos & Archangelos se per Helenam suam tanquam primam suam *ἡρώεσσαν* condidisse jactavit, angelos autem mundum fabricasse finxit, ut Theodoretus *libr. I. de heret. fabul. c. 1.* refert, ubi etiam varias *εὐχύνας* a Simone excogitatas recenset. Angelos a suis coli & placari voluit, ut testatur Tertullianus *de præscript. c. 33.* & Epiphanius *in panario heres. 21. sect. 4.* quod invito Baronio concedit Petavius *in notis ad Epiphanium, & Natalis Alexander secul. 1. c. 10.* Quod resurrectionem carnis negaverit, ex Augustini libello de hæresibus aliisque Scriptoribus constat. Mortis periculum, ut plures sibi discipulos faceret, a doctrina sua sustulit; idololatriam rem indifferentem esse dicens, ut Origenes *libr. 6. contra Celsum p. 282. edit. Spencer.* memoriæ prodidit. Illis qui in ipsum ejusque Helenam spem haberent, libertatem quicquid vellent agendi concessit, cum homines secundum ipsius gratiam non secundum justas operationes salvifierent, nec operationes naturæ justæ essent, sed ex accidente prout angeli, qui per ejusmodi præcepta homines in servitutem redegerunt, posuissent, ut apud Irenæum *libr. I. c. 20.* legitur. Quorsum facit quod

quod Augustinus *c. 1. de heresibus* Simonem scribit detestandam turpitudinem indifferenter foeminis utendi docuisse. Similia de Simone, quod nempe sectatoribus suis omnium scelerum & flagitiorum licentiam permiserit, tradunt Eusebius *libr. 2. histor. eccles. c. 13.* Georgius Syncellus *chronograph. p. 330.* Damascenus *de heresib. c. 21.* Nicetas Choniates *thesaur. Orthod. fid. libr. 4. c. 1.* Mysteria dictu foeda, & spurcos Simonianorum conventus memorat Epiphanius *her. 21. sect. 4.* Impudentissimum fuit mendacium, cum Simon Magus se matre sua adhuc virgine conceptum mentitus est, si vera de ipso retulit Clemens Romanus *libr. 2. recognit. p. 34.* Cum autem Simon Magus asseruit se putative in Filii persona apparuisse, apud Augustinum *de heres. c. 1.* vel se in phantasmate Dei non passum, sed esse quasi passum apud Tertullianum *de praescript. c. 46.* hoc ipso Christi incarnationem & passionem non veram & realem, sed phantasticam & imaginariam docere voluit.

XX. Non solum autem dictis sed & scriptis Simonem impia sua dogmata disseminasse ex eo colligi potest, quod voluminum Simonis Magi mentionem faciat Hieronymus ad Matth. 24. Et in constitutionibus apostolicis *libr. 6. c. 16.* mentio fit librorum venenatorum, quos Simon Magus, & Cleobius, & qui illis adhaeserunt, sub Christi & Apostolorum nomine composuerunt, & ad decipiendos Christianos circumtulerunt. Dionysius quoque Areopagita *de divinis nominibus c. 6.* memorat Σίμωνος ἀνυπόκριτος λόγους, seu Simonis contradictorios sermones. Extant praeterea fra-

Nn

gmen-

gmenta aliqua Simonis Magi apud Mosen Bar Cepha *in commentariis de paradiso part. 3. c. 1.* Continent autem ista fragmenta aliquot Simonis Magi objectiones contra creationem, ad quas Mose Bar Cepha ibi respondet. Quale autem evangelium habuerint Simoniani, refert autor præfationis Arabicæ ad concilium Nicænum *Tom. 2. Concil. Labbei p. 386.* ubi ait, quod sibi effinxerint evangelium in quatuor tomos divisum, quod evangelium librum quatuor angulorum & cardinum mundi appellarunt.

XXI. Tonsuram a Simonis Petri tonsura diversam invenisse Simonem Magum autor est Beda *in historia ecclesiastica gentis Anglorum libr. 5. c. 21.* Autor anonymus, a Rigaltio in notis ad Cyprianum editus, de baptismo non iterando agens dicit, Simonianos baptismum perverse tractasse, & inter alia vel naturæ lusu, vel præstigiis suis effecisse, ut si quis in aquam descenderet, illico ignis super aquam appareret. Ipsius autem Simonis Magi varias quibus populum fascinavit præstigias, & prodigiosos miraculorum cum Petro conflictus prolixè describunt Clemens Romanus in recognitionibus apostolicis, Marcellus in tractatu de conflictu Simonis Petri & Magi, Abdias in historia certaminis apostolici, Johannes Antiochenus, Cedrenus, Glycas, Nicephorus aliique ejusmodi Scriptores, quorum fabulas repetere operæ pretium non videtur. Sufficiat *in appendice dissertat. de heresiarch. p. 9. & seq.* specimen aliquod harum fabularum adduxisse.

XXII. Simonis alicujus Magi, cujus ministe-

rio

rio Drusilla legitimo suo marito repudiato Felici Judææ Præsidi nupsit, meminit Josephus *libr. 20. judaic. antiquit. c. 5.* Nec desunt, qui illum Simonem Magum cum nostro Simone Mago eundem esse statuunt, cum non improbabile videatur, eum alienæ quoque libidinis adiutorem fuisse, qui sibi ipse publicum prostibulum adjunxit. Sed mittam illum Josephi Simonem Magum, quem ab hæresiarcha ævi apostolici cognomine diversum fuisse, mihi quidem salvis aliorum judiciis probabile videtur. Nostrum autem Simonem quantum attinet, non est, quod Godofredus Arnoldus ægre ferat, ejus asseclas Simonianorum nomen accepisse. Doch geben ihn (Simonem Magum) die meisten alte und neue Scribenten vor einen Anfang und Ursprung aller andern Kegereyen an / und halten diesen Nahmen recht für einen Greuel und Fluch / so gar / daß man auch hernach andern damit wehe zu thun gemeynet / wenn man sie Simonianer geheissen / ait *libr. I. Kirchen- und Keger-Hist. p. 42.* Et primi quidem Simoniani non adeo diu floruerunt, adeo ut Origenes *libr. 6. contr. Celsum* sua ætate scripserit: *nunc nusquam gentium extant Simoniani.* Non solum autem Simoniani dicti sunt, qui Simonis Magi doctrinam amplexi sunt, sed tantum Simonianæ hæreseos odium fuit apud christianos, ut pessimis quibusque hæreticis Simonianorum nomen tribui soleret, ut de Nestorianis ex Theodosii edicto constat. Pontificiis autem Lutheranos de Simoniana hæresi postulantibus respondit Gerhardus *LL. CC. de ecclesia §. 230.* & contra Pontificios partim ob crimen Simonie, partim ob alia Simonis

Na 3

Ma-

Magi vestigia hæreseos hujus reos ostendit; cum quo etiam conferri poterunt Simonis Magi hæreticorum omnium Patris pravitates antiquæ & recentiores ad Babylonis & Sophistarum in ea confusionem & ecclesiarum evangelicarum a viperarum morsu vindicationem duabus disquisitionibus propositæ a Michaelē Siricio.

XXIII. Unicum adhuc de Simone Mago addere placet, nempe singularem Campegi Vitringæ de ipso opinionem, qui *lib. V. obs. c. 12. p. 159.* statuit, Simonem Magum in actis apostolicis memoratum diversum fuisse a Simone hæresiarchâ Gnosticorum autore, quem suspicatur gente Judæum fuisse, sub Domitiano floruisse, & ob Pythagoricæ philosophiæ studium a simplicioris ingenii hominibus Magum cognominatum fuisse. Probabile enim ipsi non videtur, Simonem Magum a Petro in actis apostolicis gravi censura velut infamem redditum apud christianæ professionis homines tantum fidei invenire potuisse, ut sectam inter eos faceret. Verum nihil obstare video, quo minus Simon idem ille Magus, qui Petri censuram & anathema incurrit, sectam aliquam apud christianæ professionis homines sibi parare potuerit.

XXIV. MENANDRUM Simonis Magi discipulum & ipsum quoque Samaritanum fuisse, vico Capparetaja ortum refert Justinus Martyr in apologia, quæ vulgo secunda dicitur, *cap. 34.* ubi etiam Menandrum a demonibus agitatum fuisse, & Antiochiæ multos magica arte seduxisse, & sectatoribus suis, quod nunquam morituri sint, persuasisse narrat. Eundem in ejusdem apologiæ *cap. 73.* iterum eum Simone Mago

go magistro suo conjungit, ubi dicit, Simonem & Menandrum Samaritanos magicis virtutibus editis multos seduxisse, & adhuc seductos tenere. Successorem Simonis Magi eum vocat Irenæus *libr. I. c. 21.* juxta quem Menander docuit, primam virtutem incognitam esse omnibus, se autem missum esse ab invisibilibus, seu ut Dodwellus *in dissert. ad Irenæum p. 154.* legendum suspicatur, ab invisibili, Salvatorem pro salute hominum, mundum factum esse ab Angelis, per scientiam suam magicam vinci posse, qui mundum fecerunt, angelos, per id quod est in ipsum baptisma discipulos suos resurrectionem accipere, & ultra non posse mori, sed perseverare non senescentes & immortales. Hoc Menandri immunitatem a morte discipulis suis pollicentis delirium false pro merito exagitat Tertullianus *de anim. c. 50.* Idem Tertullianus, sive potius autor appendicis ad Tertullianum *de prescriptionibus c. 46.* de Menandro scribit, quod se esse dixerit, quicquid Simon Magus se esse dixerat, negans quenquam habere posse salutem nisi in suo nomine baptizatum. Juxta Philastrium *c. 30. de heres.* Simonis impietatem in omnibus imitatus est, & juxta Hieronymum *in dialog. adversus Luciferian.* æque ac Simon se Dei virtutem dixit. Damascenus autem *de heres. c. 22.* scribit, quod Menandriani a Simonianis aliquantum discrepaverint. Et Epiphanium quidem si audiamus *heres. 22.* Menander se Magistro suo majorem gloriatus est. Et videtur omnino eatenus se super suum Magistrum extulisse, quia Simon temeraria jactantia immortalitatem sibi soli arrogavit, Menander autem eandem etiam

suis discipulis promisit. Theodoretus tamen *libr. 1. heret. fabul. c. 2.* asserere videtur, quod Menander Simone Mago se inferiorem agnoverit. Interim certum est, quod Menander post Simonem Magum alterum Diabolicæ operationis instrumentum fuerit, uti ab Eusebio *libr. 3. hist. eccles. cap. 26.* nominatur. Conferantur etiam de Menandro Augustinus *de heres. cap. 2.* ubi Menandrum non a Deo, sed ab Angelis mundum factum esse docuisse tradit; Autor Prædestinati a Simonio editus *heres. 2.* qui Menandrianos a Lino ex Scriptura Veteris Testamenti confutatos & damnatos scribit; Honorius Augustodunensis, qui *heres. 20.* Menandrianos communia conjugia habuisse dicit, & alii.

XXV. CERINTHUS num etiam Merinthus appellatus fuerit, Epiphanius *heres. 28.* Augustinus *heres. 8.* & Damascenus *heres. 28.* determinare non audent. Quamobrem & nos inter incerta id relinquimus. Veri tamen similis est mea sententia, Merinthianos a Cerinthianis diversos non fuisse, sed Cerinthianos etiam Merinthianos cognominatos fuisse. *ὁν τὸ μνηστὴρ* a laqueo, quod falsa sua doctrina simplices illaquearent, cujusmodi allusiones in hæreticorum nominibus non infrequentes sunt.

XXVI. Inter Cerinthi errores ex præcipuis unus fuit, quod divinitatem Christi negavit. Unde Evangelista Johannes ab Asiæ Episcopis rogatus contra hunc hæresiarcham, & alios, qui illo tempore Christum merum hominem esse dicebant, evangelium suum

suum scripsit, ut refert Hieronymus *in catalogo Scriptorum ecclesiasticorum* c. 9. qui etiam in proœmio sui in Matthæum commentarii memorat, Johannem, cum ab Episcopis Asiæ & ecclesiarum legationibus cogere-
tur, ut de divinitate Salvatoris altius scriberet, id se facturum respondisse, si jejuniio indicto in commune Deum deprecarentur, eoque expleto revelatione saturatum proœmium hoc e cœlo veniens intonas-
se: *in principio erat verbum*. Hanc Hieronymi traditionem, etsi vulgatam & omnium ore tritam, & in omnibus commentariis obviam, falsam tamen esse judicat Vitringa *observat. libr. V. c. 10.* & contra statuit Johannem sui evangelii prologum adversus Gnosticos instruxisse, qui in Asiaticis ecclesiis circa Johannis tempora errores suos ex incrustatis Platonica vel Pythagorica Philosophiæ principiis haustos disseminabant. Concedit tamen Cerintho prologum evangelii Johannei oppositum fuisse, quatenus Cerinthus Gnosticis illis annumeratur, quod ab Irenæo *libr. 3. c. 21.* factum esse notat. Verum etsi non plane certum sit, quod Johannes Evangelista in proœmio sui evangelii præcise ad Cerinthum & Ebionem respexerit, id tamen extra dubitationis aleam positum est, quod Johannes initium sui proœmii hostibus divinitatis Christi opposuerit, & quod inter hostes divinitatis Christi etiam Cerinthus numerari debeat, quippe qui juxta Tertullianum *de præscript. c. 48.* Christum hominem tantum sine divinitate esse contendit, quicquid Vitringæ videatur, qui Cerinthum veram Christi Θεότητα non negasse ex ipso Irenæo frustra probare nititur. Quod autem

Alo-

Alogi, de quibus Epiphanius *heres. 51.* legi potest, Jo-
hannis evangelium Cerintho tanquam auctori tribue-
rint, plane ἀλογον est.

XXVII. Ratione humanitatis Cerinthus Chri-
stum ex Virgine natum negavit. Impossibile enim
ipsi visum est, hominem ex Virgine nasci, ideoque Je-
sum Josephi & Mariæ filium esse statuit, reliquorum
hominum instar carnali generatione prodatum, etsi
justitia, prudentia & sapientia alios homines antecellue-
rit, ut Irenæus *libr. I. c. 25.* refert. Idem Irenæus ad-
dit Cerinthum docuisse, quod post baptismum Chri-
stus in Jesum descenderit ab ea principalitate, quæ est
super omnia figura columbæ, & tunc Jesus annuncia-
verit incognitum Patrem & virtutes perfecit, in fine
autem avolaverit iterum Christus a Jesu, & Jesus pas-
sus fuerit & resurrexerit, Christus autem spiritualiter
existens impassibilis perseveraverit. Idem tradit Epi-
phanius *heres. 28. c. 1.* qui tamen postea *c. 6.* etiam hoc
dogma Cerintho tribuit, quod Christus quidem passus
& crucifixus fuerit, nondum autem a mortuis excitatus
sit tum demum, cum omnes mortui resurgent excitan-
dus, cujusmodi sententiam de Christo nondum a mor-
tuis excitato, sed excitando Cerintho etiam tribuit Phi-
lastrius *heres. 36.* & Augustinus *heres. 8.*

XXVIII. Legem evangelio miscuisse Cerin-
thum docet Hieronymus *epist. 89.* & Pseudo-Hierony-
mus *in indicul. heres. cap. 10.* testatur, quod circumcisio-
nem non intermittendam, sabbathum non diebus fe-
stis

Itis iudaico ritu celebrandum, aliasque Mosaicas ceremonias stricte observandas docuerit. Qua occasione concilium Hierosolymitanum, quod Act. c. 15. describitur, celebratum esse censet Philastrius *heres.* 36. additque Epiphanius etiam certamina, quæ Lucas Act. XI. contra Petrum, & Act. XXI. contra Paulum mota retulit, Cerintho suam originem debere, & ejus asseclas ab Apostolo in posteriori ad Corinthios epistola pseudo-Apostolos & dolosos operarios nominari. Consecratur etiam Augustinus *de heres.* c. 8. ubi dicit, Cerinthum docuisse, carne circumcidi oportere, & alia hujusmodi legis præcepta servari; & autor Prædestinati *heres.* 8. qui refert Paulum non solum in epistola ad Galatas Cerinthianorum errores refutasse, sed etiam Cerinthianos in Galatia aeterno anathemate percussisse.

XXIX. Mundum non a primo Deo factum, sed a virtute quadam valde separata, & distante ab ea principalitate, quæ est super universa, & ignorante eum, qui est super omnia, Deum Cerinthus docuit apud Irenæum *libr. 1. adv. heres.* c. 25. quod brevius exponit Augustinus *c. 8. de heres.* cum de Cerinthianis refert, quod mundum ab Angelis creatum dixerint. Idem Cerinthus, si auctori appendicis ad Tertullianum de præscriptionibus adversus hæreticos *cap. 48.* credimus, legem ab Angelis datam perhibuit, & Judæorum Deum non Dominum sed Angelum esse dixit. Unde Cerinthum Angelis nimium tribuisse agnoscit Baronius, negat tamen quod Cerinthus, quem Cherinthum appellare solet, angelos etiam adorandos docuerit, *A. C. 60.*

p. 573. edit. Rom. Nullos enim plane hæreticos fuisse putat, qui Angelos colendos traderent. Unde Theodoretum non feliciter Apostoli Pauli mentem assecutum esse judicat, cum Coloss. II, 18. ab iis cavendum monet, qui in *θρησκεία τῶν ἀγγέλων* in ea, quæ non viderunt, gradum inferunt. Addit Theodoretum semel lapsum in alium graviorem impegisse errorem, ut canonem 35. concilii Laodicensi de illis hæreticis intelligendum diceret, qui Angelos colendos esse docerent, & in Asia oratoria S. Michaelis Archangeli erexissent, cum tamen illa non ab hæreticis, sed a catholicis antiquitus instituta fuerint. At Jesuita Garnerius in *Auctario operum Theodoreti* pag. 490. Theodoretum adversus Baronium vindicare non veretur, & defensores illos Mosaicæ legis, qui juxta Theodoretum divinam benevolentiam per Angelos conciliari oportere dixerunt, Cerinthi asseclas fuisse non dubitat, qui Alexandriæ in Ægypto cum Judæis, Gentilibus & Magis conversatus postea in Asia ac imprimis Phrygia & Pisidia hæresin ex judaismo, idololatria & magia conflata disseminavit, ac inter alia Angelos colendos docuit. Idem Garnerius oratoria illa S. Michaelis, quæ Theodoreti ætate adhuc in Phrygia & Pisidia perstiterunt, loca illa fuisse tradit, ubi Cerinthiani quondam suas synaxes habuerunt. Quæ omnia etsi Garnerio concedere possimus, probare tamen non possumus ineptam illam distinctionem, qua Pontificiorum angelolatriam a Cerinthiana distinguere conatur. Certe Apostolus in loco allegato religiosum Angelorum cultum, sive quis angelos ut mundi conditores & magicarum artium patronos, sive ut Dei me-

dia-

diatores & hominum custodes colat, simpliciter damnavit, quod Davenantius in *comment. epistol. ad Colossenses* p. 238. *sequ.* prolixius demonstravit.

XXX. Cum impia sua dogmata sacris evangeliiis non conformia esse Cerinthus deprehenderet, solum Matthæi evangelium cæteris rejectis approbavit. Non minus acta apostolica & epistolas Paulinas repudiavit, quæ omnia Philastrius testatur. Quin etiam Epiphonio teste *heres. 28. sect. 5.* Matthæi evangelium non integrum recepit. Idem Philastrius de Cerintho refert, quod Judam proditorem honore dignum censuerit, & sanctos martyres blasphemaverit.

XXXI. Nec illud silentio prætermittendum, quod Cerinthus post resurrectionem regnum Christi per mille annos in terris continuandum, ejusque cives Hierosolymis degentes in omni voluptatum genere victuros, teste Cajo apud Eusebium *libr. 3. histor. eccles. c. 28.* somniavit. Cæterum cum etiam Patres nonnulli ut Papias Hierapolitanus Episcopus, Irenæus & alii chiliasmum foverint, quæri solet, num eadem plane fuerit Cerinthis hæresiarchæ ac quorundam ecclesiæ doctorum de chilismo sententia? Negant Calixtus *de supremo judic. p. 163.* Gerhardus *LL. CC. de consummatione seculi §. 67.* Sagittarius *introduc. ad histor. eccles. p. 912.* Kortholtus *histor. eccles. p. 31.* Voetius *Tom. 2. Dissp. select. p. 1256.* & alii, chiliasmum Cerinthis juxta Cajum apud Eusebium, & Augustinum *de heres. cap. 8.* in carnalibus, Patrum autem chiliasmum in spiritualibus

bus deliciis consistere dicentes, quibus ego quoque olim *in dissertat. de heresiarchis avi apostolici* subscripsi. Celeberrimus autem Fechtius in Sylloge Controvers. *Disputat. 49. thes. XI.* & Collegio quodam Manuscripto inter chiliasmum, quem Cerinthus professus est, & illum quem Papias, Justinus Martyr, & alii quidam Patres amplexi sunt, vel nullam vel exiguam differentiam agnoscit. Certe Justinus Martyr, Irenæus, Tertullianus & Lactantius de suo chiliasmo ita differunt, ut facile pateat, quod a judaicis fabulis non plane alieni fuerint, nec meras spirituales delicias in hoc regno agnoverint. Nec aliam mentem fuisse Papiæ, a quo reliqui Patres chiliasmum hauserunt, Apollinarii, Victorini & aliorum ex Eusebii & Hieronymi relatione constat. Et quæ ratio est, quod Irenæus Cerinthis errores recensens de ejus chiliasmo sileat? Dixi *in dissertatione de heresiarchis p. 55.* hanc esse rationem, quod ipse quoque millenario regno addictus fuerit. Sed nunc objici mihi posse video, si Irenæi chiliasmus sanctus & spiritualis, Cerinthis autem crassus & carnalis fuit, quod Irenæus salva sua & aliorum Patrum sententia crassum Cerinthis chiliasmum inter ejus errores recensere potuisset. Vera igitur causa, quod Irenæus de Cerinthis chiliaristico errore tacuit, non alia est, quam quod Irenæus cum Cerintho in chiliasmi dogmate consensit. Deprehendimus etiam Epiphanium & Damascenum, qui chiliasmo addicti non fuerunt, in recensendis Cerinthis erroribus chiliasmum omisisse, quod nulla alia ex causa factum videtur, quam quod scirent Patrum quorundam chiliasmum cum Cerinthiano vel
omni

omni vel magna ex parte convenire. Accedit, quod Hieronymus chiliasmum Patrum chiliasmo Judæorum parallelum facit, a quibus certe etiam Cerinthus chiliasmum suum hauserat. Equidem Augustinus aliquando chiliasmum in deliciis spiritualibus consistentem credidit, ut ipse profitetur *libr. 20. de civitate Dei* c. 7. ubi dicit, utcunque tolerabilem fore primæ resurrectionis & chiliasmi opinionem, si aliquæ deliciae spirituales in illo sabbatho affuturæ sanctis per Domini præsentiam crederentur, additque: *nam etiam nos hoc opinati fuimus aliquando.* Sed vulgo longe aliter ecclesiæ Doctores, qui chiliasmum foverunt, de regno hoc statuisse ibidem non dissimulat. Dicit enim, quod primam resurrectionem in apocalypsi memoratam non intellexerint, & insuper in quasdam ridiculas fabulas verterint, item quod eos, qui tunc resurrexerunt, dicant immoderatisimis carnalibus epulis vacaturos, in quibus sit cibus tantus & potus, ut non solum nullam modestiam teneant, sed modum quoque ipsius incredulitatis excedant. Hæc Augustinus loco allegato non de Cerinthianis aliisque hæreticis profert, sed de illis, quos sub initium capitis nostros vocat. His ergo aliisque hujusmodi argumentis evinci potest, inter Cerinthis & Patrum chiliasmum talem differentiam non fuisse, ut unus ab altero tanquam carnalis a spirituali, tanquam terrenus a sancto distingui possit. Unde & Bernhardus Luzenburgius non minus Papiam quam Cerinthum suo hæreticorum catalogo inseruit.

XXXII. Equidem Petersenius in tractatu, qui inscribitur *die Ausbreitung der Kirchen in der lesa-*

ten Zeit/wider Herrn Christoph Rothen p. 45. probare nititur, omnino Cerinthianum Chiliasmum a Patristico toto cœlo distare. Hoc ut probet adducit verba Caji apud Eusebium *libr. 3. histor. eccles. c. 28.* ex versione latina Rufini, qui verba Caji ita interpretatus est: *Cerintbus post resurrectionem terrenum dicit futurum esse regnum Christi in Jerusalem, & homines in carne iterum concupiscentiis & vitiis subjectam conversationem habituros. Contra fidem quoque Scripturarum quosdam mille annos designat, in quibus multa quidem & alia corruptionis opera & nuptiarum festivitates dicit futuras, ad eos, qui libidini sunt dediti, decipiendos. Verum vitia, quæ Rufinus vocat, in authentico Eusebii textu idòval voluptates appellantur, quas de vitiis interpretari necesse non est, cum de honestis voluptatibus intelligi non incommode valeant. Et quamvis etiam Dionysius Alexandrinus apud eundem Eusebium eodem loco Cerinthum arguere videatur, quod voluptatibus corporis obnoxius carniq̃ue addictus in ventris, & earum quæ infra ventrem sunt partium, explenda libidine, hoc est, in cibo, potu ac nuptiis regnum Dei situm fore somniaverit, Cerinthus tamen hanc inculpationem agnovisse non videtur. Nam ipse Dionysius statim subjicit, quod Cerinthus voluptates illas honestiori vocabulo velaverit, & in festis sacrificiis & hostiarum mactationibus regnum illud celebrandum dixerit. Esto autem aliquos Patres Cerinthiano Chiliasmo peccaminosas voluptates tribuisse, cujusmodi sententiam etiam Augustinus *c. 8. de heres.* Cerinthianis tribuere videtur, cum ait: *mille annos post resurrectionem**

surrectionem in terreno regno Christi secundum carnis, ventris & libidinis voluptates futuros fabulantur, alii tamen Cerinthis chiliasmum moderatius describunt, e quibus Theodoretus libr. 2. heret. fabul. c. 3. regnum Domini, inquit, terrenum fore dixit, esumque & potum somniavit, & voluptates sibi finxit, & nuptias, & sacrificia, & dies festos, qui Hierosolymis celebrentur, atque hac mille annorum spatia complenda. Tamdiu enim duraturum Domini regnum putabat. Quid autem in hac Cerinthiani chiliasmi descriptione occurrit, quod non etiam in Patrum chiliasmo deprehendatur? Si autem Cerinthus chiliasmum peccaminosis voluptatibus constantem & spirituales animi delicias excludentem fovisset, dubio procul unanimi Patrum consensu hic error non minus damnatus fuisset, ac alii ejus errores damnati sunt. Quæ de Nepotis chiliasmo hic Petersenius disserit, ad examen revocare jam non lubet. Ridiculus autem est, cum p. 50. scribit: Weil die / so das tausendjährige Reich Christi geglaubet / ihn beständig verworfen / und ihn als einen Erbkaiser beschreiben / so ist es auf keinerley Weise zu præsumiren / daß sie in ihrem Urtheil geirret / oder dem Cerincho zuviel gethan haben. Vult his verbis probare Cerinthum fuisse pessimum hæresiarcham, & in hoc judicio Patres, qui chiliasmum foverunt, non perinde ac reliquos errare potuisse. Quis vero negat Cerinthum pessimum hæresiarcham fuisse? Asserunt id Patres, qui chiliasmum foyent, asserunt idem Patres, qui a chiliasmo alieni sunt. Interim non video ullam rationem, cur Patres a chiliasmo alieni in hoc judicio facilius errare possint, quam reliqui.

qui. Petersenius hanc rationem reddit: Weil dieselbigen seine Feinde gewesen / die oft von ihrem Gegner etwas schrieben / das sich nicht also verhielte. Annon vero etiam Patres, qui chiliasmo faverunt, juxta Petersenium in ipsa quoque chiliasmi doctrina Cerinthi adversarii fuerunt? Cur ergo non pari facilitate in judicio de Cerinthi hæresi errare potuissent? Pergit Petersenius nugando: Nun haben Irenæus und Tertullianus (so beyderseits das Reich geglaubet / und ihn wohl würden angezogen haben / wenn er das Reich also / wie sie / bezeuget hätte) das allerärgeste von ihm gezeuget / was er für ein Keger gewesen. His verbis bonus Petersenius propria vineta cedit. Si enim Irenæus & Tertullianus longe aliter quam Cerinthus de chiliasmo testati sunt, ex proprio suo principio agnoscere cogitur, quod hi Patres non idonei sint, ut de suo adversario testentur. Et quam absurda est consequentia: Si Irenæus & Tertullianus eundem cum Cerintho chiliasmum statuissent, dubio procul ipsum allegaturi fuissent. Quis enim pro sua sententia pessimum hæsiarcham libenter allegare solet? Cur autem Irenæus Cerinthi sententiam de chiliasmo non allegaverit, jam supra indicavi, nempe quia in chiliasmo cum ipso consensit, quo tamen consensu non obstante Irenæus pariter & Tertullianus Cerinthum pessimum hæreticum agnoverunt, ejusque varios in fide errores graviter castigarunt. Illud adhuc scire vellem, unde Petersenius verba Philastrii exscripserit, quæ p. 51. adducit: *cum venerit Christus de cælo, mille anni (secundum Cerinthum) iterum nobis erunt carnaliter ad vivendum gener-*

nerandum & manducandum. Tales erant Cerinthiani. Hi enim mille annos post resurrectionem in voluptate carnis futuros predicabant atque inde Chiliaſta græce, latine Milliaſta ſunt appellati. Equidem priora verba ſunt Philaſtrii c. 59. de heres. qui tamen ibi non de Cerintho loquitur, de quo c. 36. egerat, ſed in genere de Chilionetis, quos vocat, ſeu Chiliaſtis, ipſos quoque, ut videtur, Patres quotquot tum chiliaſmo addiſti fuerant, includens. Verba autem poſteriora : *tales erant Cerinthiani*, & quæ ſequuntur, Philaſtrii non ſunt. Unde patet, Patrum verba a Peterſenio fide non bona allegari, quicquid de magno bibliothecæ ſuæ Patriſticæ apparatus p. 41. & ſeq. gloriatur.

XXXIII. Ut autem Cerinthus incautos a ſimplicitate fidei tanto facilius abduceret, angelicas revelationes jaſtavit, quas etiam ſcripto comprehendit. Refert enim Cajus apud Eusebium, quod Cerinthus per revelationes quasdam a ſe tanquam magno quodam Apoſtolo conſcriptas portenta quædam quaſi ab Angelo ſibi oſtenſa commentus introduxerit. Sanctiſſimam autem Johannis apocalypſin etiam a Cerintho compositam & falſo Johannis nomine inſcriptam fuiſſe, quod nonnullos olim tradidiſſe Dionyſius Alexandrinus apud Eusebium *libr. 3. hiſtor. eccleſ. c. 28. & libr. 7. c. 25.* docet, putidum fuit mendacium, inde ortum, quod in vigefimo hujus apocalypſeos capite Cerinthianus chiliaſmus doceri crederetur, quæ loci illius apocalypſici interpretatio quam falſa ſit paſſim oſtenditur.

XXXIV. Epiphanius *heres.* 28. c. 6. se a majoribus traditum accepisse narrat, si Cerinthiani quidam absque baptismo vita excessissent, tum eorum nomine & loco alios viventes baptismum suscepisse, ne cum ad vitam revocarentur neglecti baptismi poenas luerent, ejusque rei gratia usurpata fuisse verba Pauli: *si mortui non resurgent, quid ergo pro iis baptizantur?* 1. Cor. XV, 29. Verum neque ista de hoc Cerinthianorum ritu traditio certa est, neque si certa esset, credibile foret, ab isto hæreticorum ritu Apostolum argumentum resurrectionis depromere voluisse. Locum autem Apostoli allegatum ipse Epiphanius potius de baptismo clinicorum, quam de vicario viventium pro defunctis baptismo, intelligendum existimat. Aliorum sententias de loco hoc apostolico plurimas multumque inter se diversas recensui *in dissertat. de heresiarch. sect. 1. c. 3. tb. 8.* quas nunc repetere omitto. Adde tantum, quod D. Sebastianus Schmidius sententiam suam, quam in disputatione sua de baptismo super mortuis asseruit, adversus Henrici Mulleri exercitationem peculiarem vindicaverit sub initium dissertationis de Sabbatho deuteroproto, quæ est *in fasciculo disputationum numero 8.* Conferri etiam poterunt de baptismo ὑπὲρ νεκρῶν præter autores, quos in prædicta dissertatione allegavi, Colomesius *observat. sacr. pag. 33.* Bochartus *in epistola ad Tapinum pag. 1026.* Le Moyne *not. ad var. sacr. p. 710.* Raynaudus *Tom. 15. oper. p. 422.* Major de oratione pro defunctis *cap. 2. thes. 95. seqv.* Hoornbeck *de baptismo veterum lib. 1. miscellan. p. 479.* Geierus *de precibus pro defunctis thes. 16. & imprimis etiam*

etiam Fridericus Spanhemius *in diatriba de veterum propter mortuos baptismo Lugduni Batavorum Anno 1673.* in qua plures Auctorum & veterum & recentiorum de hoc Paulino loco opiniones & conjecturas collegit, tandemque subjicit ex recensitis tot interpretationibus duas sibi imprimis placuisse, nempe sententiam de baptismo crucis propter mortuos, h. e. propter causam mortuorum, & doctrinam de horum resurrectione, & sententiam de baptismo legali seu Mosaico propter mortuos, quorum ex contactu pollutio fuerat contracta. Quandoquidem tamen utramque hanc sententiam non exiguis scrupulis infestari agnoscit, duas alias sibi in mentem venisse dicit, quarum prior est, quod Apostolus sub voce *νεκρῶν* per enallagen numeri intellexerit mortuum Christum, cui per baptismum in-fiti fiduciam suæ resurrectionis habere potuerunt. Sed quia hæc numeri enallage duriuscula videtur, & baptismus propter Christum susceptus omnibus fidelibus communis est, cum tamen Apostolus de singulari quorundam hominum genere, qui *ὁπὲρ νεκρῶν* baptizantur, loqui videatur, ideo posterior sententia Spanhemio adhuc magis arridet in eo consistens, quod Apostolus sub mortuorum nomine Martyres aliosque Sanctos intellexerit, qui in spem beatæ resurrectionis mortem si-ve violentam ex persecutione, si-ve naturalem ex morbo hilari & constanti animo exceperunt, quam animi fortitudinem, qui oculis corporis & animi observarunt, ad Christi fidem & baptismi desiderium animati sint. Quid vero de his Spanhemii & aliis aliorum hac de re meditationibus judicari debeat, ut in præsentia-

rum discutiamus, instituti nostri ratio minus patitur.

XXXV. Tantum autem fuit Johannis Evangelistæ in Cerinthum odium, ut communi balneo cum eo uti detrectaverit, veritus ne balneum rueret, quod impius hæresiarcha ingressus fuisset, ut ex Polycarpi ore refert Irenæus *libr. 3. adv. hæres. c. 3.* & post Irenæum Eusebius *libr. 3. histor. eccles. c. 28.* ubi narrat, Johannem cum lavandi causa balneum introivisset, & Cerinthum intus esse cognovisset, statim ex illo loco aufugisse, cum ne quidem tectum idem cum Cerintho subire sustineret, hortatumque esse suos comites, ut idem facerent, fugiamus, ajendo, ne balneum corruat, in quo Cerinthus est veritatis hostis. Eadem narratio legitur apud Theodoretum *libr. 2. hæretic. fabul. c. 3.* ubi memorat, quod tum Johannes infirmæ valetudinis causa balneo uti voluerit, sed Cerinthum conspicatus dixerit: *fugiamus hinc, ne si balneum Cerinthe causa ruat, eadem & nos ruina opprimamur.* Nullus autem veterum addit, quod post Apostoli digressum Cerinthus balnei ruina oppressus fuerit. De suo ergo addit Prateolus *elencho hæres. libr. 3. p. m. 458.* *Illico vero, cum egressus esset (Johannes) collapsa domus Cerinthum cum sua cohorte extinxit;* & simili errore Victorinus Strigelius id, quod Apostolus se timere dixerat, factum esse interpretatus est, cum in *symbolis ad Proverbia c. 22.* tanquam ex Irenæo sequentia profert: *egresso Johanne domus statim collapsa Cerinthum cum reliqua turba oppressit,* cujus rei causa Strigelio Strigilis Reinefiana sufferenda fuit in epistolis ad Rupertum & Fleis-

man-

mannum *epistol.* 57. Nec defunt inter viros doctos, qui errorem errore cumulant, dum non solum Cerinthum balnei ruina oppressum contra veterum fidem referunt, sed etiam tragicum hunc Cerinthi interitum ab Hieronymo in dialogo contra Luciferianos memorari fingunt. Primus erroris hujus dux, quod sciam, est Jesuita Franciscus Feuardentius *in notis ad Irenæi lib. 3. c. 3.* quem deinde multi ex eruditorum numero secuti sunt, non dubitantes, quin Hieronymus in dialogo contra Luciferianos Cerinthum balnei, quo egressus Johannes fuerat, repentina ruina oppressum tradiderit, cum tamen neque in Hieronymi dialogo, neque in universis Hieronymi operibus de tragico illo Cerinthi interitu ne minimum quidem verbulum legatur. Cum D. Sagittarius *in introductione sua ad historiam ecclesiasticam p. 929.* Irenæi de Cerintho relationem adduxisset, statim subjicit, quod Hieronymus in dialogo adversus Luciferianos addiderit, Cerinthum ruina balnei oppressum fuisse, sed Hieronymum illa scribentem memoria fefellerit. At dupliciter fallitur Vir clarissimus, semel cum putat, Hieronymum in dialogo contra Luciferianos addere, quod Cerinthus balnei ruina oppressus fuerit, & iterum, cum Hieronymum hac in re memoria lapsum asserit. Quomodo enim ista in re memoria labi potuit Hieronymus, quam ne uno quidem verbulò attigit? Dicere igitur debuerat Sagittarius, Feuardentium quidem dicere, quod Hieronymus in dialogo contra Luciferianos tragicum Cerinthi interitum memoret, sed Feuardentium ea in re memoria lapsum fuisse.

XXXVI. Non Cerinthum sed Ebionem balnei ruina extinctum memoriæ prodit Epiphanius *heres. 30. c. 24.* Narrat enim, quod Johannes nunquam alias lavare solitus aliquando singulari Spiritus S. impulsu balneum adiverit, eumque qui lavantium vestimenta servabat, quæ siverit, quis intus esset? Statimque, ubi Ebionem intus esse comperit, conturbatus cum gemitu dixerit: *abeamus hinc ne balnea concidant, & cum Ebione, qui intus est, ob ejus impietatem obruamur.* Quam Epiphanii de Ebione relationem repetens Jesuita Raynaudus in S. Johanne Atavo christianitatis Lugdunensis *Tom. 8. operum p. 198.* de suo addit, Johanne digresso statim corruisse balneum, & oppressisse lavantem intus hæreticum. Ne autem id sine antiquitatis fide dixisse videatur, exemplo alterius Jesuitæ Feuardentii supra a nobis memorati, Hieronymum in dialogo adversus Luciferianos hunc Ebionis casum literis consignasse strenue mentitur, cum in illo Hieronymi dialogo, ut de Cerinthi ita & de Ebionis oppressione per balnei ruinam, ne unica quidem syllaba legatur. Caterum cum, quæ Irenæus de Cerintho refert, eadem Epiphanius de Ebione narret, nonnulli utrumque ita conciliant, ut Cerinthum & Ebionem simul lavasse statuant. Alii Epiphanium ex memoriæ lapsu Ebionem pro Cerintho nominasse judicant. Basnagius vero *in exercitat. crit. ad Baron. pag. 365. seqv.* Epiphania potius quam Irenæo fidem adhiberi cupit, cum Cerinthum serius vixisse opinetur, quam ut cum Johanne Evangelista uni balneo interesse potuerit, Irenæus autem illo tempore admodum juvenis fuerit,

cum

cum factum hoc ex Polycarpi senis ore audivit, in qua ætate vel Polycarpi senis, vel Irenæi juvenis memoriam non difficulter labi potuisse arbitratur. Verum etsi antiqui nonnulli Scriptores, qui catalogos hæreticorum contexuerunt, Cerinthum Carpocrati postponent, Cerinthum tamen omnino Johanni Evangelistæ coævum fuisse ex iis, quæ dicta sunt, dubitare non licet, nec ulla alia nos cogit ratio, ut Polycarpi & Irenæi fidem dubiam reddamus.

XXXVII. EBIONI hæresiarchæ hoc nomen non sine omine a parentibus inditum, sed eo significatum fuisse, quod pauper & miser futurus esset, notat Epiphanius *heres. 30. c. 17.* Vox enim ebion apud Hebræos pauperem significat. Et revera Ebion mente & spe sua pauper fuit, quia Christum merum hominem esse existimavit, & ἐν πτωχείᾳ πίστεως, seu cum quadam fidei mendicitate spem in ipso collocavit, ut nomen hoc ab Epiphanio ibidem explicatur. Equidem non pauci sunt, qui hæresiarcham aliquem nomine Ebionem in rerum natura unquam fuisse negant, ut Socinus, Ostorodus, Curcellæus, Clericus, Jurius, Vitranga, Phil. Jacobus Hartmannus, Godofredus Arnoldus, & alii, e quibus Simonius *Tom. I. Critic. N. T. c. 8. p. 89.* Epiphanium, Ebionitas ab Ebione quodam deducentem, confert cum Illesca Scriptore Hispano, qui Hugonottas in Gallia ab Hugone quodam hæresiarcha Sacramentario, qui nunquam in rerum natura fuerit, deduxit. Verum etsi vox Ebion pauperem, egenum & mendicum denotet, & Ebionæi ob qualitatem doctrinæ suæ hujus cognomenti scommate notati fuerint,

ut

ut hac allusione indicaretur, hæreticis illis nomen Magistri sui Ebionis a paupertate dicti optime quadrare, partim quia abjecte de Christo negata ejus divinitate sentiebant, partim quia legalibus cerimoniis, quas Apostolus *πλῆθὸς στοιχείων*, seu egena elementa appellat, adhærebant: ex eo tamen non sequitur, nullum hæreticum nomine Ebionis unquam insignitum fuisse. Vox nabal apud Hebræos stultum significat, & erat tamen Davidis tempore stultus quidam, qui proprio suo nomine Nabal dicebatur. Nec primus Epiphanius, quæ Godofredi Arnoldi fabula est, Ebionis hæretici meminit. Annon enim Tertullianus, qui Epiphanium duobus seculis antecedit, *in tractatu de carne Christi c. 14. & in libro de præscriptionibus adv. heret. c. 33.* Ebionis hæretici mentionem fecit, etsi Johannes Clericus *in bibliotheca universal. Tom. XX. pag. 128.* memoria lapsus Tertullianum de Ebione filuisse dicat? Annon antiquus autor, qui Tertulliani libro de præscriptionibus catalogum aliquot hæresium adjecit, hæreticum aliquem nomine Ebionem fuisse agnoscit? quibus nonnulli Epiphanio coævi & suppare Scriptores adjici possunt, Hieronymus *in commentario epistola ad Galatas, in catalogo Scriptorum ecclesiasticorum, in dialogo adversus Luciferianos & alias, Philastrius de hæresibus c. 37.* Rufinus *in expositione symboli, Marius Mercator Tom. II. operum p. 128 edit. Garner.* Theodoretus *de hæreticis fabulis libr. 2. c. 1.* ut interpolatorem Ignatii in epistola ad Philadelphienses, & alios taceamus. Cum ergo tot Scriptores ecclesiastici Ebionem quendam cum aliis Hæresiarcharum individuis jungant, non-

nonnulli etiam Ebionis patrem, discipulos, aliaque ad vitæ ejus curriculum spectantia enarrent, causa non est, ut hæreticum quendam nomine Ebionem Apostolorum ævo extitisse dubitemus. Ireñæus & alii, qui nusquam Ebionem, sed ubique Ebionitas nominant, etiam Ebionitas ab Ebione quodam ortum suum habere nusquam negant. Etsi igitur olim *in appendice ad dissertationem de hæresiarchis thes. 24.* scripserim, me hac de re cum nemine magnopere litigaturum, cum Epiphanii auctoritatem minime irrefragabilem agnoscam, postea tamen re melius expensa in fasciculo observationum miscellanearum, quem supplemento Clementis Alexandrini adjunxi observ. 9. sententiam hanc mutavi, cum Epiphanius nec primus nec solus fuerit, qui hæresiarcham nomine Ebionem asseruit.

XXXVIII. Duplicis generis Ebionitas fuisse testatur Origenes *contra Celsum libr. 5.* unum eorum, qui Jesum e Virgine natum agnoverunt, alterum eorum, qui eum more reliquorum hominum natum asseruerunt. Equidem videri possit, quod Origenes etiam tertium Ebionitarum genus agnoverit, quia *libr. 2. contra Celsum* statim sub initium scribit, Ebionitas dictos fuisse, qui e Judæis Jesum pro Christo receperunt. Veruntamen per hos non alios intelligere videtur, quam qui Jesum Spiritus S. virtute conceptum, & ex Virgine natum crediderunt. Etsi vero hoc Ebionæorum genus a reliquis dissentiret, qui Christum instar vulgaris hominis ex Josepho & Maria procreatum, & tantum virtutis profectu justum factum statuebant, in eo ta-

Qq

men

men cum reliquis conveniebat, quod veram Christi divinitatem negaret, eumque merum hominem profiteretur, ut docet Eusebius *lib. 3. histor. eccles. cap. 27.* Unde Virum quendam illustrem, qui alterum Ebionitarum genus de Christi divinitate recte sensisse existimavit, corrigendum monet Huetius *in not. ad Origenem. pag. 74.* licet eodem loco & ipse Huetius erraverit, cum illos Ebionitas, qui Christum ex Josepho & Maria natum statuerunt, a Nicephoro Majores appellari scribit. Nicephorus enim *lib. 3. histor. eccles. c. 13.* non dicit, Ebionitas quosdam majores appellari, sed hos hæreticos a majoribus Ebionæos, appellatos esse, quem Huetii errorem ex latina versione male intellecta profectum notavit tacito tamen Huetii nomine Cotelerius *Tom. III. monum. eccles. grac. p. 765.*

XXXIX. Ebionæi ergo perinde ut Cerinthiani Christum pro mero homine habuerunt, quod confirmant Tertullianus, Pamphilus in apologia pro Origene, Philastrius, Epiphanius, Augustinus, Theodoretus, Hilarius, Hieronymus, & plures alii. Equidem Irenæus *lib. 1. adversus hæres. c. 26.* Ebionæos de Christo non similiter ut Cerinthianos sensisse scribit. Hinc nata quæstio, quænam illa in Ebionitarum & Cerinthianorum doctrina circa articulum de Christo differentia fuerit? Et Siricius quidem, qui Ebionis historiam ex instituto pertractavit *ibid. 10.* in generalioribus Irenæi verbis acquiescendum potius, quam specialem Ebionis & Cerinthis dissensum operose inquirendum censet. Mihi vero valde arridet conjectura eorum

rum, qui cum Dannhauero *in chriftheid. p. 521.* particulam negativam in adductis Irenæi verbis expungendam suspicantur, aut pro verbis *non similiter* legendum: *conſimiliter*, quæ conjectura eſt Pearsonii *in vindiciis epistolarum Ignatii part. 2. p. 25.*

XL. Eandem ob causam, quia nempe Christum pro mero homine habuerunt, Ebionitæ a Prudentio Homuncionitæ appellantur, ut Victor Gifelinus *in notis ad Prudentii apothecofin pag. 467.* suspicatur, etsi Chamillardus, qui Prudentii opera in usum Delphinæ edidit, non ad Ebionem, sed ad Paulum Samosatenum respici arbitretur. Quæ sententia forte cum priori non male conjungi poterit, cum nihil obſtet, quo minus omnes hæreticos Christi divinitatem impugnantes hoc cognomine notatos dicere possimus, quemadmodum etiam isti hæretici a Cypriano *epistola ad Jubajanum*, & Lactantio *libr. 4. institut. c. ult. Anthropiani* cognominantur, nisi Lactantius, quæ Sparckii conjectura eſt, sub Anthropianorum nomine Anthropomorphitas potius intellexerit; quanquam ipsos quoque Ebionitas Anthropomorphitas fuisse colligi possit ex homiliis Clementinis, quarum autorem fuisse aliquem Ebionitam creditur. Unde Petavium in designando origine Arthropomorphitarum, quam ad quartum seculum retulit, errasse notat Clericus *not. ad Petavii dogmata Theologica Tom. 1. p. 88.*

XLI. Eo solo quod secundum Matthæum eſt evangelio uſos fuisse Ebionitas, refert Irenæus *libr. 1.*

Qq 2

adv.

adv. heret. c. 26. Eusebius autem pro evangelio secundum Matthæum nominat evangelium secundum Hebræos, quod ab evangelio secundum Matthæum diversum fuisse probat Dupinius in nova bibliotheca, cuius sententiam approbat Grabius in *spicilegio Patrum & Hæreticorum I. II. & III. seculi Tom. I. pag. 21. seqv.* Ubi insuper notamus, quod Epiphanius Ebionæos evangelium secundum Matthæum non integrum recepisse, sed genealogiam Christi rescuisse memorat. Quam relationem cum Baronius Epiphaniæ autoritate veram esse judicet, mirum est, quod parum sui memor dicat, Ebionæos ex genealogia Christi apud Matthæum humanitatem Christi ita didicisse, ut ejus divinitatem impugnaverint, quod Baronii paroroma castigavit Basnagius in *exercitat. critic. ad Baronium p. 398.* Caterum Marius Mercator Scriptor Augustino coævus in appendice ad contradictionem duodecimi anathematismi Nestoriani tradit, Ebionem, quem Stoicum Philosophum fuisse dicit, asseruisse, se in doctrina sua, qua Christum ex Iosepho & Maria natum merum hominem fuisse, & vitæ tantum merito omne hominum genus prævisse, ideoque in Dei Filium adoptatum fuisse, docuit Matthæi, Marci & Lucæ Evangelistarum auctoritatem secutum fuisse. Præter evangelium Matthæi, seu potius secundum Hebræos, etiam pentateuchum Mosaicum sed non integrum recepisse, Prophetas autem plane respuisse Ebionem Epiphanius autor est *heres. 30. sect. 15.* Non minus epistolas Pauli, quem tanquam Apostolum apostatam calumniati sunt, ejus asseclæ repudiaverunt, ut Irenæus & Eusebius &c, nec non

non Origenes *libr. 5. contra Celsum*, & Theodoretus *libr. 2. haret. fabul. c. 1.* testantur. Non minus acta apostolica respuerunt, quorum loco Petri circuitus aliosque hujusmodi libros sub Jacobi aliorumque Apostolorum nomine confictos circumtulcrunt, qua de re Epiphanius videri poterit.

XLII. Optatus Milevitanus *libr. 4. de schismate & Donatistarum* Ebioni tribuit, quod non Filium sed Patrem passum esse dixerit. Unde id Optatus hauserit nescio. Interim mihi prorsus improbabile videtur, quod Ebion Patripassianus fuerit; siquidem Christum merum hominem & a Patris Persona plane alienum credidit. Docuisse autem Ebionem, quod Christus tantum propter carnales Judaeos in mundum venerit & passus fuerit, memoria prodidit Origenes *libr. 4. de principis*, & *Philocalia libr. 1. p. 454*. Quem Origenis locum adducens Lupus in notis ad Tertullianum de praescript. suspicatur, ad hunc ipsum Ebionis errorem mentis suae oculos intendisse Johannem cum in prima epistola cap. II. v. 1. Christum propitiationem esse dicit non pro nostris tantum, sed pro totius mundi peccatis.

XLIII. Quantum Judaismo adhaeserit Ebion, ex eo colligi potest, quod circumcisionem & legis observantiam ad salutem necessariam duxerit, ut testatur Irenaeus *libr. I. c. 24.* Tertullianus de praescriptionibus c. 33. & autor appendicis c. 48. Rufinus in expositione symboli, Hieronymus ad Esa. I. ubi Ebionem simul baptizatum & asino carasse ait, quia evangelium ita recepit, ut

judaicarum superstitionum ceremonias non reliquerit. Ad judaicas illas & plusquam judaicas Ebionitarum superstitiones pertinet, quod Hierosolymam adoraverunt Irenæo teste; item quod juxta Eusebium *libr. 3. hist. eccles. c. 27.* & Theodoretum *libr. 2. heretic. fabul. c. 1.* tam diem Dominicam cum christianis, quam sabbathum cum Judæis celebrarunt; item quod juxta Damascenum *heres. 30.* continuo se aqua abluerunt; ad quas Ebionitarum lotiones respexisse D. Johannem, cum in prima epistola cap. I. v. 8. sanguinem Jesu Christi Filii Dei nos ab omni peccato emundare pronunciat, suspicatur Estius in *commentar. ad b. l.* Neque hic silentio prætermittendus judæus Ebionis chiliasmus, cui ipsum non minus quam Cerinthum additum fuisse testatur Hieronymus ad Esa. 66. *Judæi, inquit, & judæici erroris heredes Ebionitæ, qui pro humilitate sensus nomen pauperum susceperunt, omnesque mille annorum delicias præstolantes equos & quadrigas sic intelligunt, uti scripta sunt.* Nec minus judaïsmum olent panes azymi, quos Ebionitas cum aqua & mysteriis suis annuis usurpasse Epiphanius autor est.

XLIV. Varias contra Christum blasphemias evomuisse Ebionitas narrat Epiphanius, & varia erronea dogmata illis tribuit, quibus enumerandis supersedemus, cum pleraque Helcesaitarum potius, qui se Ebionitis conjunxerunt, vel Sampsaorum & Ossenaarum, quam Ebionitarum fuerint. Quando autem Epiphanius extremum Johannis Evangelistæ in Ebionem odium refert, communi cum ipso balneo uti detestantur.

stantis, & balnei ruinam metuentis, quam etiam aliqui factam addiderunt, male Arnoldus ita judicat *Reper. Hist. part. I. libr. I. c. 4. pag. 47.* mit dieser Erzählung haben sich die unzeitigen Eiferer und Repermascher wohl zu behelfen gewußt / indem sie alle ihre ungerechte und lieblose Handel damit zudecken wollen. Deswegen sie auch dem Liebesvollen Johanni hiebei einen solchen Grimm und verbitterten Sinn zuschreiben. Annon vero tanto majus est in Sanctis odium adversus hæreticos, quanto major est in iis Dei caritas? Certe David, qui Deum toto corde diligebat, etiam impios toto corde oderat, ut ipse in psalmo 119. & 139. testatur, Quid ergo mirum Evangelistam Johannem, qui ferventissimo Dei & Christi amore flagrabat, ferventissimo quoque odio hostes Dei & Christi persecutum fuisse? qua de re Maxime Reverendi Dn. D. Schelguigii disputatio de Ebionitis Arnoldo imprimis opposita videri poterit.

XLV. NAZARÆOS, quos Epiphanius medio Cerinthianos inter & Ebionitas loco *heres. 29.* posuit, H. Grotius in *prolegom. ad Matthæum*, & G. J. Vossius in *dissertat. de genealog. Christi c. 2. p. 18.* eosdem esse putant cum illo Ebionæorum genere, qui Christum Spiritus S. virtute conceptum confessi sunt, Verum cum neutrum Ebionitarum genus divinitatem Christi agnoverit, ut in præcedenti thesi XXXVII. dictum est, Nazaræi autem divinitatem Christi non inficiati videantur, Huetius *not. ad Origen. p. 74.* Nazaræos ab utroque Ebionæorum genere diversos fuisse judicat. Sane Epiphanius ipse se certo illud affirmare non

non posse profiteretur, utrum Nazaræi Cerinthi impietate decepti Christum simplicem hominem asseverent, an per Spiritum S. de Maria virgine genitum fateantur, interim tamen in eo Nazaræos ab Ebionitis differre dicit, quod in Christum credant, quos etiam unum Deum & Filium ejus Jesum Christum prædicare asserit. Et quamvis Theodoretus *libr. 2. heret. fabul. c. 2.* tanquam certum affirmet, Nazaræos Judæos esse Christum honorantes tanquam hominem justum, Philastrius tamen *heres. 8.* inter errores Nazaræorum hunc non posuit, quod Christum pro mero homine agnoverint, contra vero Augustinus *cap. 9. de heresibus* Nazaræos Dei Filium Christum esse profiteri asserit, quæ etiam Damasceni *de heres. c. 29.* de Nazaræis est sententia.

XLVI. Potissimus igitur Nazaræorum error in eo fuit positus, quod judaicæ legis observationem tanquam necessariam urserunt, ut præter Epiphanium aliosque autores testatur Augustinus *libr. 7. de baptismo c. 1.* & Hieronymus *epist. 29.* ubi Nazaræos in Christum credere affirmat, sed quia & Christiani & Judæi esse velint, nec Judæos nec Christianos esse judicat, item in *commentario ad Ezechielem c. 16.* ubi eos veteris legis observantiam evangelicæ gratiæ aptantes novum vinum in veteres utres mittere pronunciat. Neque tamen Nazaræi per hunc cum Judæis consensum Judæorum gratiam conciliare potuerunt. Tanto enim, teste Epiphanio *heres. 29. c. 9.* Judæi Nazaræos odio persecuti sunt, ut eos ter de die nimirum mane, & circa meridiem, & vesperi diris devoverint, quamvis Hie-

Hieronimus *ad c. 12. Esaie* in omnes christianos sub Nazaræorum nomine ter singulis diebus maledicta a Judæis congesta affirmet. Quæ sententia etiam Baronio placet *A. C. XLIII. 16.* cui contradicit Basnagius *in exercitat. crit. contra Baronium p. 428.*

XLVII. Nazaræos ab Ebionitis in eo discrepasse statuit Simonius *bistar. critic. N. T. cap. 7.* quod Nazaræi integrum veteris testamenti canonem cum Judæis retinuerint, Ebionitæ autem solum Pentateuchum usurpaverint. Deinde in eo quoque aliquam inter Nazaræos & Ebionitas differentiam constituit, quod Nazaræi hebraicum Matthæi evangelium incorruptum servaverint, Ebionitæ autem illud evangelium corruperint & adulteraverint, quod post Trajani tempora factum esse statuit Dodvvellus *dissert. 1. ad Irenæum, p. 72.* Etsi verò Simonius minime dubitet, quin Matthæus evangelium suum in gratiam Judæorum Hierosolymis commorantium ea hebraicæ linguæ dialecto, quæ tunc temporis usitata fuit, scripserit, quod postea ab aliis in gratiam Gentilium christianam fidem amplexorum græce conversum fuerit, nec sane nova sit illa de hebraico Matthæi evangelio traditio, sed multorum Patrum testimoniis confirmata, unde etiam nostratum aliqui Matthæi evangelium hebraice ab ipso scriptum inficiari nolunt, dummodo asseratur, græcum quo hodie gaudemus textum omni tempore authenticum habitum fuisse, fuisset licet non primitivus, sed per versionem Jacobi derivativus, uti Dannhauerus *in christeide sua p. 110.* loquitur, quam ob causam etiam

Rr

Glas-

Glassius *in philologia S. libr. 1. tract. 4. p. 231.* liberam in hac controversia optionem cuilibet relinquit, siue affirmativam siue negativam sententiam eligendi, dummodo græco textui sua autoritas relinquatur: traditio tamen illa de hebraico Matthæi evangelio solide probari non potest, nec tantus est, quantus a Simonio aliisque jactatur, Patrum consensus. Unde etiam opus non est, ut multis in græcum hujus evangelii interpretem inquiratur, quem Jacobum fuisse Athanasius *in synopsi Scripturæ*, Johannem Theophylactus *in proæmio ad Matthæum*, Lucam & Paulum Anastasius Sinaita *libr. 8. anagogicarum contemplationum in hexæmeron*, Barnabam Nicephorus asserit *libr. 12. c. 37.* si credimus B. Walthero in officina biblica, quem tamen ne memoria fefellerit valde vereor, Marcum Eusebius & Hieronymus a B. Gerhardo *in exegeſi loci de Scripturæ* §. 243. & *in prolegomenis ad Matthæum* allegati, græcum hujus evangelii interpretem faciunt, etsi etiam in hoc celeberrimo Theologo, quoad hanc Eusebii & Hieronymi allegationem memoriæ lapsus metueam. Verum cum de hebraico Matthæi evangelio *in dissertat. de hæresi arch. ævi apostol. sect. 1. c. 7. a pag. 70. usque ad 84. & in appendice a pag. 19. usque ad 24.* prolixè egerim, denuo hanc controversiam hic repetere non lubet.

XLVIII. NICOLAITARUM mentio fit Apoc. II, 6. 15. ubi Coccejus statuit, sub Nicolaitarum nomine tanquam sub ænigmatè quodam Papistas intelligi, quos allusione ad derivationem nominis facta Nicolaitas, h. e. victores populorum, dici arbitratur, cum

cum nomen Nicolaus, si ejus originem spectemus, idem sit ac νικτω λαόν vincens populum. Simile mysterium in nomine Nicolaitarum quærit Matthæus Hoffmannus, in *chronotaxi Apocalyptica* p. 135. qui tamen Romanos gentiles tot populis dominantes sub Nicolaitarum nomine intelligi arbitratur. Ligtfootus autem ad 1. Cor. VI, 12. ubi ad Nicolaitas respicere Apostolum suspicatur, a Chaldaica voce נִכְיִלָּא comedamus, Nicolaitas derivat, quia nequissimi illi homines sibi & aliis ita acclamaverint, cum sub prætecto libertatis christianæ ad comedenda idolothyta discubuerunt. At verisimilius mihi videtur, Nicolaitas illos, quos Evangelista Johannes in sua apocalypsi idolothytis & fornicationi addictos fuisse memorat, a Nicolao quodam hoc cognomentum accepisse.

XLIX. Quis autem Nicolaus ille fuerit si quæramus, respondet Irenæus *l. I. adversus hæres. c. 27.* Nicolaitarum indifcrete viventium Magistrum Nicolaum unum ex septem primis ecclesiæ Diaconis fuisse. Videtur autem Irenæus indicare voluisse, quod hic Nicolaus, qui una cum cæteris Collegis Act. VI, 3. a bona fama commendatur, successu temporis in pessimum impietatis magistrum degenerasse, quod confirmant autor appendicis ad Tertullianum *de prescriptionibus c. 46.* Hilarius *canone 25. in Mattheum*, ubi Nicolaum hunc falsum Prophetam appellat, Epiphanius *in panario hæres. 25. c. 1.* Philastrius *de hæres. c. 33.* Hieronymus, qui passim Nicolaum tanquam immunditiarum repertorem choros fœmineos ducentem, & obscœnos

audituque erubescendos concubitus somniantem introducit, Damascenus *hæres.* 25. Timotheus Presbyter *de receptione hæreticorum* p. 381. Dorotheus *de vitiis* 72. *discipulorum*, alique. Sed putaverim profelyto huic Antiocheno, qui ob singularia Spiritus S. charismata ab Apostolis inter septem primos Diaconos cooptatus est, injuriam ab illis fieri, qui ipsum turpissimæ hæreseos autorem faciunt. Certe quod Epiphanius de ipso refert, nempe quod aliquandiu ab uxore sua formosa se continuerit, postea vero voto continentiae rupto ad ejus usum reversus, varias excusationes finxerit, tandemque eo usque insaniam processerit, ut doceret, eum qui non singulis diebus Venerem exerceret, æternæ vitæ participem fieri non posse, ab omni veritatis specie abhorret. Quis enim credat ævo apostolico continentiae votum usque adeo viguisse, ut etiam uxorati tali voto se obstrinxerint, & ad uxorum consuetudinem reversi varias excusationes fingendi necessitatem haberint.

L. Alii igitur Nicolaitas hunc Nicolaum falso pro sectæ suæ autore venditasse statuunt, ut interpolator epistolæ Ignatianæ ad Trallianos & Philadelphienfes, qui Nicolaitas *ἡ δυνάμεις* appellat, item Clemens Romanus *libr. 9. constit. apostol. c. 8.* ubi Nicolaitas Nicolai nomen usurpantes falsitatis arguit, nec non Clemens Alexandrinus *libr. 2. Stromat.* ubi sententiam aliquam Nicolai in pravum sensum detortam memorat, & *libr. 3. Stromat.* ubi factum aliquod Nicolai, qui de Zelotypia accusatus uxorem suam in medium adduxit, a Nicolaitis ita acceptum refert, quasi promiscuos con-

concubitus approbasset. Quam narrationem Clementis Alexandrini etiam Eusebius *libr. 3. hist. eccles. c. 29.* & Theodoretus *libr. 3. de haeret. fabul. c. 1.* repetunt. Sic ergo Nicolaus & defensores habuit suos & accusatores. Utrosque ex parte nominat Gobarus apud Photium *in bibliotheca cod. 232. fol. 477. edit. Hoescheliane.* Inter accusatores nominat Hippolytum & Epiphanium, quibus Cotelarius *ad libr. 6. constit. cap. 8.* addi posse observat Irenæum, Tertullianum, Hilarium, Pacianum, Gregorium Nyssenum, Philastrium, Hieronymum, Gelasium, Gildam, Anastasium, Pseudo-Dorotheum, Agobardum, Rabanum, Autorem Prædestinati, Humbertum Sylvæ candidæ, & alios plerosque. Inter Patronos Nicolai Gobarus nominat Ignatium, Clementem Alexandrinum, Eusebium & Theodoretum, quibus Cotelarius addi posse observat Victorinum Petabionensem, Haymonem Halberstadiensem, & quosdam illos, quos Cassianus *collat. 18. c. 16.* memorat.

LI. Fortasse autem Nicolaitæ non ab illo profelyto Antiocheno, qui Act. VI, 5. inter septem primos Diaconos numeratur, sed ab alio quodam Nicolao, cuius memoria in obscuro latet, cognomentum suum acceperunt. Cæterum quod glossator corporis canonici *caus. 2. quest. 7. cap. non omnes Episcopi*, ubi hæc Hieronymi verba allegantur: *Stephanum suscipis, sed Nicolaum respice* in extremo margine notavit Nicolaum istum fuisse Mahometem, quem colunt pagani, non minus risu dignum est, quam quod Benvenutus Imolenfis Mahometem S. Romanæ ecclesiæ Cardinalem

fuisse asseruit, aut quod Ambrosius Ansbertus *commentar. ad Apocalypsin Tom. III. BB. PP. edit. Lugdun. p. 433.* omnes hæreticos Nicolaitarum nomine comprehendi scribit, cum Nicolai nomen stultum populum denotet, & talem populum hæretici repræsentent. Alias sequiore ævo Nicolaitæ dicti fuerunt Clerici, qui conjugii usu non abstinuerunt, ut ex can. 19. concilii Turonensis 2. constat, sicut & Petrus Damiani Nicolai hæresin in eo versatam fuisse constituit, quod Clericos cujuslibet ordinis nuptialibus fœderandos conjugiiis statuerit. A qua sententia non alienus fuisse videtur Autor Prædestinati, quippe qui *heres. 4.* inter alia dicit, quod Christus nulli discipulorum suorum commixtione etiam legitimi conjugii uti permiserit, quod quam falsum sit, nemini qui S. Scripturam legerit, obscurum esse potest. Rectius ergo Rupertus Tuitiensis *in comment. ad apocalypsin* eos potius Nicolaitarum nomine dignos æstimat, qui a conjugio legitimo abstinere, & vagas libidines sectantur.

LII. Nicolaitæ enim in apocalypsi Johannea imprimis ob scortationem reprehenduntur, ut & ob scortationem spirituales in comedendis idolothytis. Ad quæ duo capita etiam Irenæus *libr. I. cap. 27.* Nicolaitarum errores revocat. Alibi tamen etiam Nicolaitas de Deo & Christo male sensisse insinuat. Nam *libr. 3. cap. 11.* inter hæreticos, quibus Johannes initium sui evangelii opposuit, etiam Nicolaitas nominat. Sane Augustinus in libello de hæresibus autor est, Nicolaitas non Deo, sed Potestatibus quibusdam, quas
mira-

mirabili vanitate vel finxerunt vel crediderunt, creationem mundi tribuisse. Plura Nicolaiticorum dogmatum portenta barbaris vocibus involuta, variisque visionibus & somniis innixa a Philastrio & Epiphanio recensentur, indigna quæ repetamus.

LIII. De VARISUO, CLEOBIO vel CLEOBULO, THEODADE, THEBUTE seu THEOBUTO, GORTHÆO, MASBOTHÆO, ENTYCHITIS, CANISTIS, & ADRIANISTIS egi in dissertatione de hæresiarchis seculi apostolici & apostolico proximi sect. I. cap. 3. De HERMOGENE, PHYGELLO, DEMMA, HYMENÆO, PHILETO, ALEXANDRO & DIOTREPHE cap. 8. Addidi etiam nonnulla de Varisuo, Hymenæo, & Phileto in appendice hujus dissertationis, sed hac vice amplius aliquid addere non lubet.

CAPUT VI.

De

Persecutionibus & Martyribus.

I.

Non solum autem varias hæreses, sed graves etiam persecutionum procellas adversus ecclesiam, ut felices ejus progressus impediret, Satanas excitavit.

vit. Nam primum Judæi, ut evangelii cursum sufflaminarent, nuncios suos & epistolas calumniis in christianam religionem ipsumque Christum refertas quaquaversum miserunt, ut testatur Justinus Martyr in *dialogo cum Tryphone*, & Eusebius in *commentario ad Esaiam*, quem in nova Patrum collectione ante biennium græcè & latine edidit Bernhardus de Montfaucon, *cap. XVIII, 1.* ubi dicit, omnes ubique Judæos pariter & uno consensu christianæ doctrinæ contra dixisse. Inter alia dicit, in veterum scriptis reperiri, Hierosolymitanos judaicæ gentis Sacerdotes & Seniores literas in omnes gentes misisse ad omnes ubique Judæos, quo Christi doctrinam traducerent, ut novam ac Deo inimicam sectam, ac epistolis monuisse, ne illam reciperent. Quem Eusebii locum etiam ex Manuscripto Eusebiani hujus commentarii codice exhibet Heinsius *exercit. sacr. libr. 7. c. 9.* Exemplum autem talis epistolæ, quasi a Judæis Hierosolymitanis statim post Christi passionem ad Judæos Ulinenses scriptæ, exhibet Martinus Crusius in *annalibus Suevicis libr. 5. c. 2.* ubi refert, A. C. 1348. cum Judæis omnibus Ulmæ combustis bona eorum annotarentur, repertas fuisse inter ea literas quasdam tempore Christi ex urbe Hierosolyma Ulinam missas habitantibus videlicet ibi etiam tum Judæis, in hanc sententiam:

Fratribus in regionibus transmarinis Judæis Ulma in Suevia salutem optant fratres, qui sunt Hierosolymæ & in Judea sive terra Canaan. Magna tribulatione liberati merito Deo gratias agimus magnopere. Significamus vobis, impium seductorem,

Je-

Iesum Nazarenum Iosephi filium sublatum e vivis esse. Cum enim non amplius blasphemias ejus ferre possemus, eum apud Prætores Romanos accusavimus, qui nostra accusatione audita misericordia nostri affectus bene flagellatum crucifigendum curavit pro meritis ejus, discipulis ejus ejectis & dispersis. Valet.

Addit Crusius etiam aliis in locis captos Judæos confessos fuisse, literas his de rebus Hierosolymæ scriptas tempore Christi fuisse. Eandem Judæorum ad Ulmenenses epistolam ex germanico Sebastiani Franckii chronico germanice exhibet Wagenseilius in der Beschreibung der Jüdisch-deutschen Red- und Schreib-Art A. 4. præfat. ubi etiam ex Cœlestini Mausoleo refert, quod Judæi A. 1519. Ratisbona expulsi secum abstulerint epistolam, quam Judæi Hierosolymitani anno, quo Christus crucifixus est, ad Judæos Ratisbonenses scripserunt, & in qua de Christo e vivis sublato exultarunt. Fides sit penes Autorem. Non solum autem per ejusmodi epistolas Judæi christianæ religioni detrimentum aliquod accersere satagebant, sed etiam magno furore adversus Christi discipulos grassabantur, unde nata Stephani lapidatio, cujus corpus cum per diem & noctem insepultum jacuisset, vehiculo Gamalielis in locum 20. miliaribus ab Hierosolyma distantem portatum, septuaginta dierum planctu honoratum magnæque cum pompa terræ mandatum refert Baronius, quem refutat Pearsonius in lect. 7. ad acta thes. 8. & 9. De anno martyrii Stephani agit Spanhemius in quæstione dissertationum pag. 197.

II. Stephani lapidationem excepit magna Discipulorum dispersio, Apostolis tamen adhuc in urbe Hierosolyma manentibus, e quibus postea in Judæorum gratiam Jacobus major Herodis gladio truncatus est. Herodes autem ille, cujus jussu Jacobus truncatus est, non fuit Antipas, qui Johannem Baptistam carnificis gladio tradiderat, & Christo illuserat, ut Erasmo in *paraphrasi Actorum*, & Roberto Bailio in *opere historico & chronologico libr. 2. cap. 1.* visum est, sed Herodes Agrippa, ut recte contra illos monuit Basnagius *exercitat. ad Baronium p. 443.* Et istæ Judæorum persecutiones etiam e terra viventium sustulerunt Jacobum justum fratrem Domini, cujus lapidationem jussu Anani Summi Pontificis factam omnibus bonis & justitiam amantibus in urbe Hierosolyma displicuisse narrat Josephus *libr. 20. antiquit. c. 8.* cujus narrationem cum Hegesippo, qui apud Eusebium *libr. 2. c. 23. histor. ecclesiast.* ejusdem Jacobi martyrium describit, conciliare nititur Ruinartus in *actis Martyrum sinceris p. 3. & 4.*

III. Non solum autem Judæi, sed gentiles etiam christianum nomen persecuti sunt. Et primus quidem inter Imperatores gladium adversus Christianos strinxit Nero, ut Tertullianus *cap. 5. sui apologetici* testatur. Quam persecutionem extenuat Dodvvellus in *diff. II. Cyprianica thes. 13.* inter alia urgens, quod etsi ingens multitudo Christianorum per istam persecutionis procellam abrepta fuerit, vix alios tamen Christianos ea persecutio attigisse possit, quam qui Romæ versati fuissent, cum illis, qui Roma abfuerunt, incendium urbis, cu-

cujus prætextu persecutio hæc excitata est, intentari non potuerit, neque idoneo testimonio probari possit, aliam adversus Christianos tum temporis excitatam fuisse, quam eam, quæ apud Tacitum ex conflagatione urbis Romanæ nata legitur. Verum ipse Tacitus multitudinem illam ingentem Romæ haud perinde incendii crimine, quam odio humani generis convictam tradit. Et orta semel persecutionis tempestate proclive fuit etiam Christianis extra Romam degentibus, sive clandestina quarumvis urbium perdendarum consilia, sive alia flagitia morte digna impingere. Certe ad ipsos usque Hispanos pertigisse hanc Neronianam persecutionem, fidem facit inscriptio Neroni in Hispania ob purgatam a Christianis provinciam, seu ut verba inscriptionis habent, *ob provinciam latronibus & his, qui novam generi humano superstitionem inculcarunt, purgatam* posita, & a Grutero in thesauro inscriptionum aliisque memorata, inter quos Josephus Scaliger *libr. 5. de emendat. tempor. pag. 471.* se dubitare dicit, num inscriptio hæc genuina sit, præter quem non desunt etiam alii Viri eruditi, qui religionem Christianam sub Neronis ævo in Hispania adeo floruisse dubitant, ut de ea extincta Neroni trophæum poni potuerit. Quicquid autem sit de illa inscriptione, certum est non levem fuisse, quæ adversus ecclesiam sub Nerone grassata est, persecutionem. Sane edictum Imperatoris non solum ad Christianos, qui Romæ agerent, vexandos, sed ad universam sectam per imperium Romanum abolendam emissum fuisse testatur Lactantius *de mortibus persecutorum c. 2.* Unde etiam

Suetonius *in Nerone* c. 16. hanc persecutionem ad urbem Romam non restringit, sed Christianos suppliciis affectos scribit, genus hominum superstitionis novæ & maleficæ. Conferantur quæ Ruinartus *in præfatione ad acta Martyrum sincera*, & Pagi *ad A. C. 64. pag. 51.* contra Dodvvelum differunt, cujus lemma de paucitate Martyrum, quod dissertationi suæ Cyprianicæ undecimæ præfixit, homine utcumque christiano nedum autore literato indignissimum esse judicat Nicolaus Toinardus *in notis ad Lactantii librum de mortibus persecutorum* pag. 23.

IV. E gentilibus Scriptoribus de hac persecutione Neronis agit Tacitus *annal. libr. 15. c. 44.* qui inter alia refert, *pereuntibus addita ludibria, ut ferarum tergis contacti, laniatu canum interierint, aut crucibus affixi, aut flammandi, atque ubi defecisset dies, in usum nocturni luminis urerentur.* Brevius hanc persecutionem descripsit Suetonius *in Nerone cap. 16.* qui etiam sub Claudio Neronis antecessore persecutionem adversus Christianos excitatam innuere videtur, cum *in vita Claudii c. 25.* Judæos Chresto quodam duce tumultuantes Roma expulsos memorat. Etsi enim Jacobus Ulserius *in annalibus A. C. 54.* per Chrestum h. l. Christum intelligi persuadere sibi non possit, cujus sententiæ præter alios etiam doctissimus Hilscherus in dissertatione, quod Suetonii Chrestus non sit Christus, subscribit, nec negari possit, quod apud Ciceronem & in variis inscriptionibus Chresti nomen aliis quam Christo tributum reperiatur, constat tamen ex Tertuliani *apologetico c. 3.* & Lactantii *libr. 4. cap. 7.* quod gen-

gentiles Christum nostrum Chrestum, & Christianos Chrestianos appellare consueverint, ut Torrentius *ad Suetonium* p. 1483. notavit, idque ex errore potius quam contumeliæ causa factum suspicatur Cuperus *in notis ad Lactantium de mortibus persecutorum* pag. 126. ubi statuit tumultum a Suetonio descriptum forte inde natum esse, quod Judæi conversi Christum Messiam esse dicerent, & cæteri adhuc infideles his contradicerent, unde non improbabile videtur, inter Judæos, quos Claudius urbe expulit, multos etiam Christianos fuisse, cum præsertim haud raro Judæi & Christiani apud gentiles eodem loco habiti fuerint, ut a Pithæo *in adversariis libr. 2. c. 3.* observatum est. Levia tamen fuerunt, quæ sub Claudio passi sunt Christiani, si cum persecutione Neronis conferantur.

V. Prætextus hujus persecutionis Neronianæ fuit magnum urbis Romæ incendium, cujus culpa, etsi ab ipso Nerone excitatum fuerat, in Christianos delata est. Tantoque commodior hujus calumniæ occasio videbatur, quia Christiani futuram aliquando mundi conflagrationem profitebantur. Accedebant & aliæ adversus Christianos calumniæ, per quas eorum religio tanquam exitialis, malefica, & odio humani generis digna delineabatur, ut ex Tacito & Suetonio constat, præter quos ethnicos Scriptores de hac persecutione legi possunt ex Christianis Lactantius *de mortibus persecutorum* cap. 2. Eusebius *libr. 2. histor. eccles. cap. 25.* Orosius *libr. 7. histor. cap. 7.* Sulpitius Severus *libr. 2. c. 41. histor. sacr.* Nicephorus *libr. 2. hist. eccles.*

cap. 36. 37. Baronius ad A. C. 66. & sequ. Kortholt de persecut. eccles. cap. 1.

VI. Passi perhibentur sub Nerone Barnabas, Marcus, Apollinaris, Evodius, Aristarchus, Archippus, Philemon, Epaphras alique. Præcipui autem hujus persecutionis Martyres fuerunt Apostoli Petrus & Paulus. Et Petrum quidem, cum fugam pararet, Christi visione revocatum referunt Ambrosius in sermone adversus Auxentium de basilicis tradendis, Egesippus lib. 3. de excidio Hierosolymit. c. 2. & Gregorius Magnus in psalmum quartum pœnitentialem, quibus addi possunt acta Linæ de passione Petri, acta martyrum Processi & Martiniani apud Surium d. 2. Julii, ut alia hujusmodi monumenta taceamus. Verum Bebelius in programme quodam quadragesimali, quod in Sebastiani Schmidii mysterio gratia divina pag. 340. legitur, hanc visionem, qua Petrus ex urbe fugiens Christum sibi apparentem rogavit: Domine quo venis? & responsum tulit: venio iterum crucifigi, fabulæ quam historiæ propiorem judicat, etsi eo in loco, ubi Christus Petro apparuisse dicitur, sacellum aliquod Romæ erectum perhibeatur. Videtur ipsi hæc narratio similis illis, quas Papias exigui judicii vir, cui quælibet a quolibet persuaderi poterant, somniavit. Imo historiolum hanc Montani scholam redolere arbitratur, qui in persecutione fugiendum non esse statuebat. Testes, quibus hæc visio confirmari solet, plerosque suppositos & dubiæ fidei esse notat. Nullius enim fidei & autoritatis esse docet Linæ acta de passione Petri & Pauli, ut & acta Processi & Martiniani. Quam credulus fueris

Gre-

Gregorius M. vel ex solis ejus dialogis satis constare animadvertit. Autorem qui sub Hegesippi nomine libros de excidio Hierosolym. composuit, vero Hegesippo longe juniorem esse observat. Ambrosii orationem de basilicis reddendis cum Ambrosii stylo minus convenire judicat, & ipsum quoque Ambrosium falsa saepe pro veris arripuisse ex eo probat, quod Simonem Magum per Petri preces ex aëre dejectum narrat, quam relationem merum figmentum esse ex Dannhauero in *Christeide* pag. 1028. & tomo I. homiliarum probat. E quibus patet, visionem illam, quæ Petro fugam meditantem mortem intimavit, nullo firmæ & solidæ probationis fundamento niti. Non tamen putem, a Montano ejusve asseclis hanc narrationem fictam esse, sed Christianum quendam pia, ut dici solet, fraude tale quid fingendi occasionem ex Petri verbis depromsisse, qui sibi instantem mortem a Christo revelatam scribit 2. Pet. I, 14.

VII. Inter causas, quæ Neronis sævitiem adversus Petrum & Paulum excitarunt, referri solet solennis illorum de Simone Mago victoria, multorumque gentilium a pristina idololatria ad christianam fidem conversio. In specie contra Paulum irritatus perhibetur Nero, quod ejus pincernam & concubinam quandam christiana religione imbuisset, cujus rei Chrysostomus alicubi mentionem fecit. Et pincernam quidem illum Glycas in *annalibus suis* p. 236. Eperastum videtur nominare. Verum Labbeus in notis ad illum Glycæ locum observat, vocem *ἐπεραστή* ibi non propri-

prium esse nomen, ut Leunclavius & alii putarunt, sed adjectivum, & dilectum significare. Quamobrem alii 3. Torpetem, cujus memoria d. 17. Maj. colitur, pincernam illum fuisse suspicantur, in qua sententia est Lupus *in notis ad Tertullianum de prescriptionibus pag. 582.* qui etiam concubinam Imperatoris a Paulo conversam conjicit fuisse Poppæam Sabinam, cujus apud Tacitum aliosque Scriptores frequens mentio occurrit, & quam Lupus hanc ipsam ob causam a Nerone calcibus occisam opinatur, quod jam Christiana facta ejus libidinem averfaretur.

VIII. Petrum capite deorsum verso cruci affixum refert Origenes apud Eusebium *hisor. eccles. l. 3. cap. 1.* & ipsum Petrum id postulasse memorat Prudentius, quia indignum se putaverit eo crucifixionis modo, quo ipse Dominus e terra viventium sublatus fuerat. Paulum vero gladio truncatum Tertullianus aliique referunt. Addunt nonnulli ex Pauli recisa cervice lac loco sanguinis profluxisse, & resectum caput triplici saltu totidem fontes aperuisse, quæ traditio in hunc usque diem perduravit, siquidem locus ille trium fontium nomine designatus a peregrinantibus magno concursu invisit solet, ut Cornelius a Lapide *in prolegomenis ad epistolas Pauli p. 10.* aliique referunt. Num verò uno eodemque die non minus quam uno eodemque anno Petrus & Paulus martyres facti fuerint, quod Nicephoro visum est, an uno quidem die, sed non eodem anno, quod Prudentius tradidit, aliis disputandum relinquimus. Nec de loco, ubi martyrii palmam ade-

adepti sunt, disputabimus. Sunt enim, qui Petrum non Romæ, sed in urbe Hierosolymitana passum opinantur, ut Balæus *Centur. Scriptor. Britannic. p. 16.* ubi scribit Hieronymum & Lyranum ad illa Christi verba: *ecce ego mitto ad vos Prophetas & sapientes* Matth. XXII, 34. seq. asseruisse, Petrum fuisse a Judæis Hierosolymæ crucifixum, idque verbis illis aptissime respondere. Nec Petrum solum sed Paulum etiam Hierosolymæ vitæ & officii sui curriculum per martyrii palmam consummasse censet Velenus eodem argumento usus in tractatu, quo Petrum Romam nunquam venisse demonstravit pag. 40. Non solum autem Petrum sed etiam Petri uxorem hac persecutione e vivis sublatam fuisse testatur Clemens Alexandrinus, qui *libr. 7. Stromat. p. 529.* refert, quod Petrus, cum uxorem suam ad mortem duci videret, eam his verbis compellaverit: *memento Domini.* Sed quæ de Petronilla Petri filia memorari solent, omni antiquitatis fundameto destituuntur, unde H. Grotius in *dissertatione de administratione S. Cænæ, ubi Pastores non sunt*, perperam ex facto Petronillæ, quod in Martyrologio consignatum legitur, probare voluit, etiam fœminas eucharistiam celebrasse, quod argumentum prolixius excutit Henricus Dodwellus in *dissertatione de jure laicorum sacerdotali c. ult.*

IX. Labente jam seculo primo nova persecutio Christianorum exorta sub imperio Domitiani, quæ quo anno exorta sit, disquirat Toinardus in *notis ad Lactantium de moribus persecutorum p. 21.* Et in hac persecutione Johannem Apostolum dolio ferventis olei

immersum ac postea cum illæsus emerisset in insulam Pathmum relegatum fuisse autor est Tertullianus *de præscript. cap. 36.* & hunc secutus Hieronymus *libr. I. contra Jovin. cap. 14.* & in *Matthæum cap. 20.* Nec de hujus facti veritate dubitandum censet Raynaudus *Tom. VIII. oper. p. 198.* cum dolium illud adhuc Romæ servari credat, qua de re etiam Ciampinus *in synopsi historica de sacris ædificiis a Constantino M. exstructis pag. 13.* videri potest. Et Dodvvellus quidem *dissert. XI. Cyprianica* suspicatur fortasse Domitianum hoc miraculo Johannis ex oleo liberati deterritum, ne amplius in innocentes pro suo ingenio sæviret. Verum Spanhemius *in introductione pag. 171.* hanc traditionem inter incerta refert. Et Combefisius in notis ad Nicetæ orationem panegyricam in laudem Johannis observat, neque Nicetam neque græca Menæa ejus rei meminisse. Meminit tamen ejusrei etiam Polycarpus in capitulis responsionum a Feuardentio, Halloixio & Usserio editis *fragmento 2.* Quantum autem ad Johannis exilium attinet, de eo videri poterunt Eusebius *libr. 3. histor. eccles. cap. 18.* Hieronymus *de Scriptoribus eccles. in Jobanne*, pluresque alii, quorum plerique exilium Johannis ad Domitiani tempora referunt, quorum sententia verior omnino est, quam qui cum Dorotheo ad Trajani, vel cum Areta Cæsariensi ad Neronis, vel cum Epiphanio ad Claudii imperium Johannis exilium retulerunt. Ejusdem Johannis damnationem ad metalla asseruit Victorinus, quem eo nomine erroris arguit Barthius *advers. libr. 43. cap. 12.* Quod vero Johannes etiam venenum illæsus biberit, unde cum po-

culo ex quo serpens prominet depingi solet, ex Augustino & Isidoro Gretserus aliique probare nituntur, refutati a Thomasio *in dissert. de poculo Jobannis p. 23.*

X. Sub eodem Domitiano Flavium Clementem Consulem occisum refert Suetonius *in vita Domitiani c. 15.* ubi Clementem virum contemptissimæ inertiae appellat. Eundem Dio *in epitome Xiphilini p. 335.* ob atheismum interfectum scribit. Cum autem a gentilibus Christiani inertiae & atheismi argui solerent, non incredibile est, Clementem ob Christianae religionis confessionem interemptum fuisse. Idem dicendum de Glabrione & aliis, quos ob judaismum occisos Dio tradit, qui etiam Domitillam Flavii Clementis uxorem in insulam Pandateriam relegatam memorat; a cujus relatione Eusebius *libr. 3. c. 18. hist. eccles.* nonnihil discrepat, cum hanc Domitillam Flavii ex sorore neptem appellat, & in insulam Pontiam relegatam scribit. Verum quomodo hæc diversitas conciliari possit, quæ in Dionis ab una, & Eusebii vel Brutii apud Eusebium verbis ab altera parte occurrit, ostendit Dodwellus *de jure laicorum sacerdotali c. 5.* ubi etiam Virginis Domitillæ historiam, quæ a Clemente Romano Pontifice solenniter velata perhibetur, fabulosam esse probat.

XI. Idem Dodwellus *in dissertatione de paucitate Martyrum* asserit, Domitianum in hac persecutione ad cædes usque grassatum non fuisse. Verum huic Dodwelli assertioni, ut alia taceamus, adversatur Theodoretus *in tractatu de curandis Græcorum affecti-*

bus ferm. 9. p. 126. ubi multos a Domitiano sublato affirmat. In quorum numero etiam Dionysium Areopagitam fuisse nonnulli statuunt, quorum sane opinio, ut Sirmondus *in dissertatione de duobus Dionysiis cap. 8.* & Launojus *in observ. ad vitam Dionysii Areopag. p. 403.* observarunt, antiquior est, quam eorum, qui Dionysii martyrium ad Trajani vel Hadriani imperium retulerunt, quod ab illis maxime fieri solet, qui scripta Dionysii genuina esse contendunt, cum hac ratione nonnullas difficultates Dionysii operibus objectas superare possint.

XII. In eadem Domitiani persecutione beati aeneo inclusus & crematus dicitur Antipas, qui Apoc. II, 13. fidelis Christi testis dicitur. Ejus martyrium ex Manuscripto græco a Francisco Zino latine redditum, exhibetur in actis Sanctorum *Tom. II. Aprilis p. 4.* Plura sed superstitionem recentioris ævi redolentia de Antipa addit Papebrochius, qui synaxarium illud, ex quo putida ista mendacia hausit, nescio cur egregium appellat. Conferantur præterea de Domitiani persecutione Tertullianus *apologet. c. 5.* Lactantius *de mortibus persecut. c. 3.* Orosius *libr. 7. c. 10.* Sulpicius Severus *libr. 2. cap. 45.* Eutyechius *in annal. tom. I. pag. 344.* Suidas *in lexico sub voce Domitiani,* & imprimis etiam Eusebius *in Chronico & histor. eccles. libr. 3. cap. 17. & seq.* ubi inter alia refert judæ Fratris Domini posteros a Domitiano post inquisitionem iterum dimissos, quam relationem adversus Scaligeri objectiones defendunt Valesius *in notis ad Eusebium* & Halloixius *in notis ad vitam Egesippi p. 728.* Quod autem Domitianus suam con-

contra Christianos persecutionem in argenteo nummo expresserit, falsum esse notavit Obrechtus in epistola de nummo Domitiani Isiaco, & ex eo Pagi *ad A. C. 95.*

CAPUT VII.

De

Variis Personis & gestis primi seculi memorabilibus.

SECTIO I.

DE CHRISTO,

ubi etiam Josephi de Christo testimonium expenditur.

I.

Restat, ut de aliis Personis & gestis primi seculi memoratu dignis aliquid dicamus, cujus recensionis auspiciu a CHRISTO, qui nativitate sua nova secula condidit, non immerito facimus. Et variaz quidem sunt Chronologorum aliorumque eruditorum de anno ejus natali sententia. Plerique tamen in eo consentiunt, quod verus annus nativitatis Christi annum vulgaris æræ vel uno, vel paucis quibusdam annis antecedit, nisi quod Harduinus *de nummis Herodiadum p. 34. seq.* aliquando sese probaturum con-

T t 3

fi-

fidit, quod ea, quæ vulgo nunc recepta est, æra una sit omnium verissima, in antecessum monens Josephum in anno obitus Herodis hallucinatum fuisse.

II. Id ex Scriptura certum est, natum esse Christum in diebus Herodis Magni, & iis quidem ad finem declinantibus, cum Christus, moriente Herode, tenerrimam adhuc ætatem egerit. Certum quoque est, annum nativitatis Christi incidere in tempus, quo Imperator Augustus edictum promulgavit, ut per universum orbem Romanum census ageretur, quæ *δὲ γεγραπὴ* fuisse dicitur *πρώτη ἡγεμονία* τοῦ τῆς Συρίας Κυρηνίου, Luc. II, 2. quæ verba nonnulli ita interpretantur, quasi Lucas dicere voluerit, hanc descriptionem universo orbi Romano indictam fuisse prius, quam Cyrenius Syriæ præficeretur. Quæ explicatio si admittatur, non difficulter cum Luca conciliari poterit Tertullianus, qui *libr. 4. contra Marcionem* ait: *census constat actus sub Augusto tunc* (nempe cum Christus in carne mortali nasceretur) *in Judæa per Sentium Saturninum, apud quem genus ejus inquirere potuissent.* Et negari non potest nomen *πρώτος* sæpius idem significare quod *πρώτος*, cujus significationis probanda causa Johannes Georgius Hervartus in opere chronologico plurima exempla collegit, post quem præter Keplerum & alios hanc interpretationem amplectuntur Henschenius & Papebrochius *in diatriba præliminari ad Acta Sanctorum Aprilis exerc. 2.* Alii vero statuunt, illo ipso tempore, quo Sentius Saturninus Syriæ Præses fuit, Cyrenium vel P. Sulpitium Quirinium seu Quirinum

num

num ad censum peragendum cum imperio extraordinario in Syriam missum fuisse, & Tertullianum quidem ordinarium Magistratum nominasse, nempe Sentium Saturninum, eum tamen hac in re exequenda Quirinio, qui post victoriam contra Homonadenses cum extraordinario imperio in Judæam missus fuerat, subjectum fuisse, & hunc Quirinium seu Cyrenium a Luca nominari, & tanquam ἡγεμονεύοντα describi, non quod ordinarius tum in Syria Magistratus esset, sed quod extraordinariam in Syria potestatem tum accessisset. Qua de re prolixè egit Henricus de Noris in *Cenotaphiis Pisanis dissert. 2. c. 16.* ubi Præsides Syriæ ab anno urbis conditæ 707. usque ad annum 822. recenset, variosque Baronii, Casauboni, Montacutii & aliorum in hac Præsidium historia errores emendare sagit.

III. Utamvis ex his duabus explicationem aliquis eligat, parum refert. Id autem ferendum non est, quod nonnulli, quorum Baronius in *apparatu num. 81.* meminit, affirmant, verba de descriptione facta a præside Cyrenio non esse Lucæ, sed ex margine in textum irrepsisse, a qua sententia non alienus est Ludovicus Capellus in compendio historiæ judaicæ, ubi hanc parenthesin de Cyrenio tanquam a Lucæ textu alienam & aliunde intrusam expungendam arbitratur, secutus, ut videtur, Theodorum Bezam, qui in prioribus suis ad N. T. adnotationibus iisdem conjecturis adhæsit. Uterque tamen hanc parenthesin in Evangelistæ textu retineri posse statuit, dummodo nomen Κυρηνίῳ in nomen Κωνσταντίνῳ mutetur; qua ratione etiam
Huc-

Huetius *in demonstratione evangelica* propof. 9. c. 10. p. 463. omnem difficultatem, quæ ex verbis Lucæ nasci posset, tolli posse existimat, & sic etiam Tertulliani verba sibi constare cum Saturninus census quidem agere cœperit, sed Magistratu abire iussus Quintilio Varo opus absolvendum reliquerit. Sed reclamante conscientia Huetius hæc scripsit, cum p. 464. sibi ipsi objiciat, quod aliquis temeritatis & audaciæ ipsum accusare possit, quod receptam in evangelio Lucæ lectionem sollicitet, & sacros apices ad lubitum refingat, & divina oracula ad suum lubitum revocet. Num huic objectioni, quam ipse sibi format, declinandæ sufficiat ea, quam subjicit, responsio, aliorum esto judicium. Nunc notamus etiam Henricum Valesium *in notis ad Euseb. H. E. l. I. c. 5.* sacros apices ad lubitum refingere, dum sibi videri ait, quod in Lucæ textu mendum occurrat, & pro Cyrenio seu Quirinio poni debeat Saturninus, cum jam Tertulliani ævo nonnulli in Lucæ evangelio pro Cyrenio Saturninum legerint. At si Valesius hunc Lucæ textum ex Patrum scriptis dijudicandum existimavit, cogitare debuit, Justinum Martyrem Tertulliano antiquiorem tam *in dialogo cum Tryphone* quam *in apologia ad Imperatorem Antoninum* cap. 44. eo tempore Christum Bethlehemi natum asserere, quo Cyrenius seu Quirinus census in Judæa egit. Nequaquam igitur asserendum est, Evangelistæ Lucæ textum in mendo cubare, neque tanti est Tertullianus, ut ejus causa, si cum Evangelistæ conciliari non possit, sacros apices, ut Huetii verba repetam, refingamus, quanquam hoc loco talis inter Lucam & Tertullianum contradictio non occurrat,

rat, ut nulla inter eos concordia iniri possit, quod ex ante dictis jam constare puto. Cæterum etsi ex Scriptura manifestum sit, Christum regnante in Judæa Herode Magno, & imperante Cæsare Augusto natum esse, variaz tamen difficultates obstant, quo minus exacte dicere possimus, quo præcise anno magna hæc lux Bethlehemi orta fuerit, ut Spanhemius *in dubiis evangelicis part. 2. dub. I. & seq.* prolixius ostendit.

IV. Ut vero de anno, ita neque de mense & die Christi natali certi aliquid statui potest, qua de re Spanhemius *part. 2. dub. evangel. dub. 12.* & Gerhardus Johannes Vossius *in dissertatione de tempore nativit. Christi part. 2.* videri possunt. Celebrat quidem hodie ecclesia Christi nativitatem d. 25. Decembris, at ista consuetudo neque universalis fuit nec perpetua, sed olim multæ ecclesiæ aliis mensibus & diebus memoriam salutiferæ hujus nativitatis celebrarunt. Inanem certe ludunt operam, qui Christum d. 25. Decembris natum probare contendunt vel ex Propheta Haggæo cap. II, 19. 20. etsi Rupertus Tuitiensis in dicto illo prophetico hunc mensem & diem Christo natalem se invenisse putet; vel ex scriptis chronographi Josephi, quæ Titus direpta Hierosolyma Romam abduxisse perhibetur, quæ putida est Johannis Nicæni fabula *in tractatu de nativitate Domini apud Combessium auctar. novo BB. PP. tom. 2. p. 297*; vel ex Evodii epistola apud Nicephorum *libr. 2. histor. eccles. c. 3*; vel ex fragmento vetusti Romani Calendarii, cujus mentionem facit Franciscus Maria Florentinius *in suo Martyrologio*
 Uu p. 205.

p. 205. ubi hoc Calendarium sub Tiberio (Liberium forte scribere voluit) concinnatum credi asserit ; vel ex tabulis censoriis, & publicis Romani imperii codicibus, quibus hunc Christi natalem inscriptum fuisse credit Wilhelmus Langius *de annis Christi libr. 2. cap. 2. p. 357* ; vel ex visione Saviniani, quam refert Andreas du Saussay, *de mysticis Gallie Scriptoribus p. 285* ; vel ex falsa illa hypothese, quod Zacharias Johannis Baptiste parens supremus Pontifex fuerit, & Johannis nativitas illi ab Angelo intimata fuerit, cum in festo expiationis tanquam summus Pontifex sanctum sanctorum ingressus fuisset, quæ falsa hypothesis multas falsas conclusiones peperit, nempe quod Johannes Baptista circa festum expiationis conceptus, & d. 24. Junii natus, Christus vero, quem sexto post Johannem mense conceptum esse constat, d. 25. Martii conceptus, & d. 25. Decembris natus fuerit. Id advertentes Viri quidam docti ex Zachariæ ephemeria sacerdotali, quam Lucas I, 5. memorat, alium Christi natalem indagare annisi sunt, e quibus Scaliger Christum sub finem Septembris, vel initium Octobris, Bochartus mense Martio, & Wagenseilius vel circa finem Augusti, vel circa medium Februarii natum esse conjecit. Verum istæ quoque computationes nihil certi habent. Quin etiam qua parte diei Christus natus sit, non satis certum est. Equidem pastores Bethlehemiticos, quibus Christi nativitas annunciata est, noctu apud gregem suum excubasse expressis verbis Lucas asserit Luc. II, 8. quod nescio qua *αβελία* Vossius non attendit, cum in modo laudata dissertatione nullam noctis mentionem fieri pronunciat.

ciat. At Christum etiam nocturnis horis natum esse Evangelista non dicit, etsi probabile sit, eadem hora, qua Christus natus est, ejus nativitatem pastoribus ab Angelo nunciatam, & a choris angelicis in æthere celebratam fuisse.

V. Christum in spelunca quadam extra oppidum Bethlehemum natum Justinus Martyr, & alii quidam Patres crediderunt, quorum autoritate nixi idem asseruerunt Baronius *ad A. C. I.* Montacutius *in originibus ecclesiast. Tom. I. p. 23.* Spencerus *in notis ad Origenis libros contra Celsum p. 31.* Nec alienus est ab hac sententia e nostratibus Franzius *de interpret. Script. S. oracul. 126. p. 713.* Verum sententiæ illi repugnant Casaubonus *exercit. 2. in Baron. sect. 1.* Calovius *Tom. 7. System. p. 198.* Dorscheus *in septenario admirandorum Christi dissert. 2. de admirandis præsepis Bethlebemitici,* Christianus Becmannus *in exercitatione singulari de hac controversia,* & Hoornbeckius *in miscellaneis p. 72. & 73.* ubi inter alia Dorscheum suam de præsepi Bethlehemitico dissertationem ex Casaubono descripsisse arguit, quod ex Hoornbeckio repetit Henricus a Sypestein in epistola de plagiariis ad Almelovium, quæ cum Almelovenii amœnitatibus prodiit. Verum celeberrimum hunc Theologum in Patrum scriptis non minus quam omni doctrinarum genere ita versatum fuisse constat, ut ipsi Casauboni vitula arare opus non fuerit. Unde Hoornbeckium manifesti mendacii arguit D. Joh. Albertus Faber *in decade decadum c. 48.* Cujus judicium approbat celeberrimus Dorschei præco Dn. D. Fechtius *in præfatione ad Dorschei commentar. ad Evangelistas*

stas lit. g. 4. b. Et ipsa Dorscheanæ orationis cum Casauboni exercitationibus collatio Dorscheum a plagio absolvit.

VI. Christum cum natus esset a matre sua in præsepio positum Evangelista memorat. Et Scultetus quidem *in medulla Patrum part. 4. p. 201.* per *Φάτμ* seu præsepium intelligi existimat locum aliquem suburbanum præsepis nomine insignitum, in quo Josephum & Mariam diversorium suum habuisse putat. Si enim hoc loco vox præsepis partem illam stabuli notaret, in qua jumentis pabulum porrigitur, pastoribus Bethlehemiticis omnia per totum oppidum stabula perreptanda fuisse putat antequam puerum ab Angelo designatum invenirent. Præterea si Maria in ipsa urbe divertisset, pastores ex ejus sententia noctu urbem ingredi non potuissent. Atque hinc etiam verba Lucæ a Luthero minus recte reddita arbitratur, cum vertit: *in eine Krippe* / item: *sie hatten sonst keinen Raum in der Herberge.* Censet enim vertendum esse, in die Krippe / in locum suburbanum a præsepio denominatum in dem Gasthof zur Krippe / & particulam *sonst* / quæ in græco non extat, omittendam esse. Similia profert Scultetus *in exercitationibus evangelicis cap. 50.* item *in deliciis evangelicis c. 18.* Verum Evangelista non dicit, quod Maria cum Josepho in Præsepio diversata fuerit, sed quod infantem natum fasciis involverit, & in præsepio reclinaverit. Si præsepium hoc loco est diversorium aliquod suburbanum, dicendum erit, quod Maria infantem suum extra diversorium pepererit & fasciis involverit, & tunc demum cum infan-

fante diverforium ingressa fuerit, & infantem in illo reposuerit. Nec cogitandum est, si Christus in præsepio stabuli alicujus Bethlehemitici reclinatus fuit, pastoribus omnia oppidi stabula pueri quærendi causa perreptanda fuisse. Divina enim Providentia, quæ duce stella Magis domum, in qua Immanuelem invenire poterant, indicavit, etiam pastores vel Angelo comite, vel arcano nutu dirigere potuit, ut infantem ab Angelo ipsis commendatum non difficulter invenirent, nec grave illis futurum fuisset, si vel maxime infantis hujus causa unum alterumve stabulum perreptandum fuisset. Quod autem oppidum nocte clausum fuerit, nec pastoribus ingressum permisit, Sculteto dicere facilius est quam probare.

VII. Salomon van Til, qui Christum anno Juliano 42. die 21. Octobris fer. 1. natum censet, in dissertatione sua *de anno, mense & die nati Christi* circa prima Christi infantis tempora admodum festinanter, nisi fallor, progreditur. Nam primo statim die, illo nempe ipso quo Christus natus est, Magos ex Oriente Hierosolymam venisse statuit, & ubi Regem Judæorum recens natum adorare possent inquisivisse, eodemque die hac occasione Synedrium convocatum Herodî de loco ubi Christus nasci debuit responsum dedisse; altero die Magos Bethlehemum se contulisse, & Christum duce stella inventum adorasse; tertio die Magos Bethlehemo iterum abiisse, nec tamen ad Herodis nutum Hierosolymam rediisse, sed nocturno oraculo monitos per aliam viam ad lares suos contendisse; eodemque die etiam Josephum per visionem Angeli in nocte an-

tegressa de instante periculo edoctum cum Maria & Christo festinanter versus Ægyptum iter promovisse, & intra quatrimum eo usque in Ægyptum penetrasse, ut censi potuerit divino mandato eos satisfacisse; die octavo Christum in Synagoga quadam judaica circumcissum fuisse, cum Judæi per universum fere Ægyptum dispersi plures ibi Synagogas habuerint, quam circumcisionem Christi non incommode Ostracenæ fieri potuisse pronunciat. Utrum deinde in Ægypto huc illuc oberraverint, an fixum alicubi domicilium elegerint, incertum esse ait, certum autem, quod exilii mora diuturna non fuerit, siquidem ex ipsius sententia dies nati Christi 36. ultimus exilii fuit, quem diem etiam Herodi Magno emortualem fuisse censet. Die igitur a nato Christo trigesima septima Josephum cum Maria & infante reditum ex Ægypto in Palæstinam maturasse opinatur, & Hierosolymam versus tendisse, cui itineri cum iterum quatrimum impensum fuisset, Christum die ætatis suæ primo & quadragesimo in templo inter sacra purificationis oblatum & præsentatum fuisse, hisque sacris peractis Josephum cum Maria & Christo in urbem Nazareth, unde census acti tempore cum Maria exierat, se iterum contulisse scribit. Rationes, quibus hanc infantis Christi chronologiam stabilire nititur, recensere & cum aliorum calculis conferre, instituti nostri ratio non permittit, quamobrem quolibet suo sensu abundare patimur.

VIII. Nobis probabile videtur Christum non Ostracenæ, vel Rhinocoruræ, vel in alia quadam Ægypti.

gypti urbe, sed in oppido suo natali Bethlehemo octavo ætatis suæ die circumcissum esse, quo tempore etiam augustissimum nomen Jesu Salvatori nostro impositum novimus. Et Antverpienses quidem quinque ferme retro seculis Christi præputium apud se asservatum jactasse, donec A. 1566. templis & sacrariis Calvinistarum furore direptis ingens hic thesaurus deperderetur, refert Bollandus in *actis Sanctorum Calend. Januarii pag. 3. & sequ.* Addit tamen, quod & aliæ ecclesiæ hoc cimelium apud se existere gloriantur. Refert enim ex Innocentii III. *libr. 4. de missæ mysterio cap. 30.* quod Carolus M. præputium Christi ab Angelo acceptum Aquisgranum detulerit, sed postea Carolus Calvus in ecclesiam Salvatoris apud Carosium illud transtulerit. Addit ex Jacobo de Voragine ejusque legenda aurea, & Petro de Natalibus, quod nunc dicatur esse Romæ in ecclesia, quæ dicitur Sancta Sanctorum. Refert item ex Symphoriano Campegio Anicii in Arvernia, quod oppidum nunc de Puteo dicitur, præputium Domini una cum Aaronis mitra seu infula solícite servari, magnaue in veneratione haberi. Refert ulterius, quid in Brigittæ revelationibus, quid apud Salmeronem *Tom. III. tract. 36. p. 320.* quid apud Joannem Baptistam Signium in *Reliquiario cap. 1.* apud M. Attilium Serranum *de septem Urbis ecclesiis*, apud Franciscum Toletum in *cap. 2. Luca* aliosque de variis locis, ubi Christi præputium servatum dicitur, & nonnullis miraculis per illud patratis memoretur. Sed quia Bollandus istas relationes lectoris judicio relinquit, vitio nobis verti non poterit, si eas meris fabulis

lis constare judicemus, nec dubitamus plerosque Pontificios, si animi sui sententiam proferendi libertatem haberent, nobis assensuros.

IX. Quo præcise tempore Magi Christum adoraverint, dici non potest. Videntur tamen ante solennia purificationis Hierosolymam advenisse, quo tempore altum erat in urbe de Christo nato silentium, quale post solennia purificationis non amplius ibi esse poterat, cum Simeon & Hanna Christum in templo publice celebrassent. Unde fabula illa nata sit, quod Magi illi tres Reges fuerint, quorum unus Caspar, alter Balthasar, tertius Melchior audiit, ex Marcio repetit Hottingerus *in topograph. p. 127.* Absurdior autem est sententia illius fanatici, qui in tractatu A. 1638. sub titulo Epiphaniæ vulgato, Henochum, Eliam & Melchisedecum Magos illos fuisse nugatur. Quod fanatici somnium Petavius *libr. I. de opificio sex dierum c. 4. p. 242.* non immerito insulsam & anilem fabulam appellat. Fuerunt potius hi Magi, de quorum numero & nomine nihil certi constat, viri sapientia illustres & imprimis Astrologiæ aliarumque hujusmodi artium periti, qui, cum ex Herodis ore urbem Christi natalem comperissent, Hierosolyma Bethlehem abierunt, Regique recens nato cum humillimo adorationis cultu thus, aurum & myrrham obtulerunt. Quæ munera indicant, non fuisse Magos tenuioris fortunæ homines, quod Petro Simonis *tract. 4. de Epiphan.* visum est, qui Magorum paupertatem ex eo colligit, quod pedites ex Oriente Hierosolymam usque profecti fuerint. Verum
unde

unde constat Simoni, quod Magi pedites Hierosolymam venerint? Neminem dubitare putat Petrus de Marca in *dissertatione de adventu Magorum ad Christum* p. 50. quin Magos Hierosolyma iterum egressos & Bethlehemum versus iter facientes, non pauci ex Hierosolymitanis civibus comitati fuerint. At ego de isto comitatu valde dubito. Herodes enim clam cum Magis egerat, neque latebat cives, quantum Herodes nuncio novi regis turbatus fuisset, & ipsi quoque cives hoc nuncio turbati fuerant, ex Rege novo nato novum bellum nasciturum metuentes, quamobrem periculose plenum opus alex videbatur peregrinos homines novum Judæorum Regem quærentes comitari. Et Herodes quidem remotis arbitris cum Magis stipulatus est, ut invento novo Rege Hierosolymam redirent, ipsique omnia fideliter referrent, simulans, se quoque novum hunc Regem, simul ac certiora de ejus adventu cognovisset, humillime adoraturum esse. Verum Magi divinitus moniti aliam sui in patriam reditus viam elegerunt, & sic spem tyranni, qui falsa promissione ipsis illuserat, vicissim eluserunt.

X. Dum Magi post homagium Christo infanti præstitum ad patrios suos lares tenderent, purificationis tempus instabat, quamobrem Virgo puerpera cum filiolo suo, qui sponte nostri causa legi se subjecit, comite Josepho Hierosolymam profecta est, ubi præscripta in lege puerperis sacrificia in templo obtulit, & filium suum primogenitum quinque sicilis redemptum Domino præsentavit. Quo ipso tempore tem-

Xx

plum

plum etiam ingressus est a Spiritu S. actus Simeon, qui Christum statim agnitum brachiis suis excepit, & cum publica Dei glorificatione ut promissum mundi Salvatorem deprædicavit. Variæ extant de hoc Simeone traditiones ecclesiasticæ. Nicephorus *libr. I. histor. eccles. c. 12.* refert, Simeonem cum oraculum Esaianum de partu Virginis legeret, & fidem huic mysterio adhibere nolleret, oraculo divino certiores factum fuisse, quod vivis non ante esset excessurus, quam dicti Isaiani fidem certam esse comperiret. Idem tradit Cedrenus *in compendio histor. p. 187.* hac circumstantia, quæ omnem fidem superat, addita, quod hic ipse Simeon unus e Septuaginta Interpretibus fuerit, etsi ab hac Cedreni assertione alii etiam Græci recentiores non abhorruerint, ex quorum calculo hic Simeon trecentos circiter annos habuit, quo tempore Christum excepit, quod Græculi illi nemini persuadebunt, qui ne hoc quidem præbare possunt, quod hic Simeon de veritate oraculi Isaiani, vel futuro Virginis partu, dubitaverit. Nam promissioni seu responso, quod ipsi a Spiritu S. datum est, occasionem dedit non incredulitas ejus, sed ex fide profectum desiderium Messiam videnti, cujus adventum instare ex divinis oraculis nosse poterat. Inter Cypriani opera edi solet Celsi ad Vigilium de incredulitate Judæorum epistola, seu in altercationem Jasonis & Papisci præfatio, in qua memoratur Simeonem hunc cæcum fuisse, & in ipso Christi adventu visum recuperasse. Narrant etiam nonnulli, Simeonem cum templum ingressus multas matres cum suis infantibus vidisset, infantem Christum ex divino, quod

quod ipsum ejusque matrem circumfudit lumine, agnovisse. Verum internum Simeonis lumen ad hoc sufficebat, ut Immanuelem, etsi in profundo exinanitionis suæ statu ab aliis, qui forte præsentés erant, pueris nil differre videretur, pro Dei filio & totius humani generis Redemptore agnosceret, & celebraret. Dum vero Simeon oracula sua funderet, superveniebat alterum velut chorum constituens Hanna Prophetissa, quæ templo ceu testudo suæ ædiculæ adhærere solebat, continuisque orationibus & jejniis Deo serviebat. Hæc inquam Hanna, quam a Cyrillo Hierosolymitano Monialem appellari Baronius græco textu non inspecto perperam pronunciat, ipsa quoque hunc, quem brachiis suis Simeon amplexus fuerat infantem, promissum Messiam esse confirmabat, & ob ejus adventum Deum collaudabat.

XI. Purificatione secundum legem peracta Angelus a Deo missus Josepho noctu per somnium mandavit, ut sanguinolentas Herodis machinationes a capite infantis Jesu celeri in Ægyptum fuga declinaret. Cui mandato Josephus obtemperans incunctanter se itineri accinxit, & cum Jesu ejusque matre fugam in Ægyptum maturavit. Nonnulli sequioris ævi Scriptores referunt, exulem Jesum in hoc itinere a latronibus captum, sed latronum illorum ducem divina infantis forma vicissim captum fuisse, ejusque misericordiam suppliciter implorasse, & responsum tulisse, quod aliquando ipsum in regnum suum recepturus esset, & hunc latronem illum ipsum fuisse, cui postea

Christus ad latus suum pendenti in cruce dixit : *Hodie mecum eris in paradiso*. Verum hæc relatio fabulæ quam historiæ propior videtur. Antiquior est traditio de idolis Ægyptiacis ad Christi pueri adventum subito collapsis, quæ apud Origenem *homil. 3. de diversis*, & Athanasium *de incarnatione* legitur: item traditio de procera quadam arbore prope Hermopolin Ægypti urbem, quæ se Christo ad urbem hanc accedenti usque ad terram inclinavit, eumque adoravit, & virtutem agrotos sanandi ab eo accepit, qua de re Sozomenus *libr. 5. hist. eccles. cap. 21.* differit. Verum hæc etiam narratio, quia statui exinanitionis Christi minus convenit, non immerito in dubium vocatur.

XII. Interim Herodes, cum Magos ad se non redituros animadverteret, ira commotus omnes infantes Bethlehemiticos, quotquot vel bimuli, vel infra bimum essent, a militibus suis occidi jussit, non dubitans hac ratione etiam recens natum Judæorum Regem e medio sublatum iri, quæ præsumptio ut ipsum falleret, divina providentia, per quam Mariæ filius mature in Ægyptum missus, & Bethlehemiticæ lanienæ subductus fuerat, effecit. Hujus infanticidii Bethlehemitici dum Eusebius *libr. I. c. 8. histor. eccles.* meminit, statim tragicam Tyranni mortem ex Josepho subjicit, verba sua ita formans, quasi Josephus Herodi *Θεήλαστον* hunc morbum ob insidias Christo paratas, & Bethlehemiticorum infantum cædem immissum fuisse literis consignasset. Unde Tanaquil Faber in epistola ad Chabrolium *part. I. ep. 44.* Eusebium piæ fraudis ar-

arguit. Veruntamen Eusebii verba ita intelligi possunt, ut tantum *Θεήλατον*, quo Herodes percussus est, flagellum ex Josepho describere voluerit, causam vero hujus divini judicii ex historia evangelica ipse notaverit. Interim certum est, quod Josephus, etsi alias Herodis gesta diligentissime persequatur, infanticidii Bethlehemitici ne unico quidem verbulo mentionem faciat. Neque tamen convenit, ut ex Josephi silentio Matthæi narrationem suspectam faciamus, quod a Josepho Scaligero factum est, qui in Scaligerianis, quæ Fratres Puteani ex ejus ore excerpserunt *p. 177.* historiam infanticidii Bethlehemitici a Christianis ad Evangelium Matthæi additam, nec ab ipso Matthæo scriptam judicat. Quæ opinio christiano homine indigna est, & nunquam a Scaligero probari poterit. Conferantur quæ pro veritate hujus historiæ, etsi ab uno tantum Evangelista narratæ, & in nullis gentilium scriptis, si Macrobiani Saturnalia excipimus, obviæ, disserit Spanhemius *Dubior. evangel. part. 2. dub. 76.*

XIII. Post mortem Herodis Josephus divino oraculo monitus cum Maria ejusque filio in Galilæam ad pristinos suos lares, quos in urbe Nazareth habuit, rediit, ubi puer Jesus non ætate modo, sed & sapientia ita crevit, ut singularis Dei gratia in omnibus ejus sermonibus, gestibus & actionibus supra ætatem effulgeret. Irenæus *libr. I. adv. hæres. c. 17.* refert, veteres Gnosticos ex suis apocryphis tradidisse, quod Jesus, cum puer esset, & literas disceret, Præceptori suo mandanti ut primam alphabeti literam A. diceret, dixe-

rit A. mandanti vero, ut etiam secundam alphabeti literam B. diceret, responderit: *tu prius mihi dic, quid sit A. & tunc ego tibi dicam quid sit B.* Plura huic Gnosticorum fabulæ adjiciuntur in apocrypho Thomæ evangelio, cujus initium ex Manuscripto Regiæ bibliothecæ exhibet Cotelarius in *notis ad Constit. apostol. libr. 6. c. 16.* Sed adhuc copiosius illam fabulam recenset evangelium de infantia Christi, quod Sikius arabice & latine edidit *pag. 143. & seq.* ubi inter alia refertur, quod Zachæus (hoc enim Christi præceptoris nomen fuisse fingitur) cum Christus ipsi respondisset: *dic tu mihi prius significationem literæ Aleph, tum Beth pronunciabo,* verbera ipsi intentaverit, puer a. Jesus significationem literarum Aleph & Beth præceptoris suo exposuerit, totumque alphabetum recitaverit, & varia literarum mysteria elucidaverit, quæ Magister ejus nunquam audiverat, nec in ullo libro legerat, tum vero Zachæus ad Josephum dixerit: *adduxisti ad me puerum erudiendum Magistris omnibus doctiorem;* & ad Mariam: *filio huic tuo nulla doctrina opus est.* Additur, quod deinde Josephus & Maria puerum Jesum ad alium Magistrum doctiorem deduxerint, qui cum sublata manu puerum verberaret, manus ejus confestim exaruit, quo facto Josephus ad Mariam dixit: *ab hoc tempore non sinemus puerum exire, quoniam quisquis ipsi adversatur, morte plectitur.* Refertur etiam in hoc evangelio Christum puerum ex luto passerem formasse, qui, cum Jesus manus suas super eos complosisset, pipientes avolarunt, ut alia ejusmodi miracula in hoc evangelio relata taceamus, e quibus illa imprimis Christo injuria sunt,

sunt, quæ ipsum tam iracundum & vindictæ cupidum exhibent, ut nonnullis personis vel ob levem offensam repentinam mortem immiserit. Scriptura enim singularem Christi mansuetudinem celebrat, eumque homines non occidisse, sed a mortuis resuscitasse refert.

XIV. Duodecimo ætatis anno Christus cum Josepho & Maria paschatis celebrandi causa Hierosolymas profectus est, ibique, cum finitis paschalibus sacris parentes ejus domum remearent, ipsis insciis in templo remansit, & egregium sapientiæ suæ specimen exhibuit. Cum enim Josephus & Maria in via puerum Jesum negligentia sua amissum animadverterent, eumque hinc inde anxie quærerent, tertio tandem die cum templum repeterent, ipsum in medio Doctorum invenerunt, ita se gerentem, ut omnes audientes in sui admirationem raperet. Quæ colloquii materia inter Christum & Doctores fuerit, Evangelista tacet. At in evangelio infantiae Christi memoratur, quod Doctores de Messia, cujus filius sit? quæsiverit, illisque respondentibus: Davidis, ulterius illis objecerit, quomodo Messias, si Davidis filius fuit, Dominum ipsum appellare potuerit in verbis: *dixit Dominus Domino meo, sede a dextris meis?* Sed hanc quæstionem alio longe tempore a Christo Phariseis propositam fuisse Evangelistæ testantur. Addit apocryphum hoc evangelium, quod Christus a Principe quodam Magistrorum ex lege & Prophetis, a Philosopho quodam ex astronomia, a Medico quodam ex medicina & physica examinatus fuerit, & singulis suam in omni scientiarum genere eru-

ruditionem ita probaverit, ut in stuporem omnes dati fuerint, & unus examinatum ipsum adoraverit, ipsique dixerit: *Domine ab hoc tempore ero discipulus tuus & servus.* Quæ Christus cum Josepho & Maria domum reversus usque ad 30. ætatis annum fecerit, Evangelistæ non consignarunt, nisi quod Lucas Jesum parentibus suis subiectum fuisse, & sapientia ac gratia apud Deum & homines crevisse scribit. Justinus autem Martyr in Dialogo cum Tryphone Jesum in jugis & aratris fabricandis occupatum fuisse scribit. Nec improbable est, Jesum Josepho in opificio, quod exercuit, adjutrices operas præstitisse, cum ex Scriptura constet, quod non tantum multi pro fabri lignarii filio ipsum habuerint, sed ipse quoque a nonnullis faber appellatus fuerit, Marc. VI, 3.

XV. De forma Christi epistola extat sub nomine Lentuli, quæ in monumentis orthodoxographis Senatui populoque Romano, sed apud Magdeburgenses *centur. I. libr. I. pag. 345.* & Neandrum *in apocryphis pag. 410.* Tiberio inscribitur, & ex Eutropii annalibus deprompta dicitur. Verum hanc epistolam Lentulo esse suppositam post alios prolixè probat Reiskius *in exercitat. de imaginibus Christi p. 149. & sequ.* ubi inter alia miratur, Chiffletium eo audaciæ processisse, ut in crisi historica de linteis sepulcralibus c. 30. Eutropii annales pro hac epistola citaverit. Nec majoris fidei sunt, quæ Nicephorus *libr. I. hist. eccles. c. 40.* de forma Christi prodidit. Inter Patres Clemens Alexandrinus & Tertullianus Christum indecora & deformi facie præditum fuisse asseruerunt, quorum sententiam

con-

contrariâ, quæ miram Christo pulchritudinem tribuit, probabiliorem existimat Rigaltius in dissertatione de pulchritudine Christi, quæ ejus annotationibus ad Cyprianum p. 236. seqv. adjuncta est. Eadem de Christi deformitate sententia fuit Salmasii, quem refutat Bartholinus in præfatione hypomnematum de cruce Christi. Mediam sententiam amplectitur Franciscus Vavassor in singulari tractatu de forma Christi, quem Josua Arndtius denuo edidit, & tam præfatione de facie Dei, quam mantissa observationum auxit. Nam in hoc tractatu Vavassor Christum, dum in terris versaretur, neque ullo modo deformem, neque tamen longe præ cæteris mortalibus formosum fuisse judicat. Verum istam Vavassoris opinionem improbat Summe Reverendus D. Fechtius in *disputatione posteriori ad Esaiam c. 53. sub Dn. D. Sebastiani Schmidii præsidio habita pag. 107.* & copiosius in peculiari exercitatione Vavassori opposita *de forma faciei Christi, dum in his terris viveret, quæ notitiis ejus christianis inserta est a pag. 359. usque ad p. 887.* ubi pro insigni Christi pulchritudine egregie militat.

XVI. Circa trigessimum ætatis suæ annum Christus in baptismo suo per vocem Patris ex apertis cælis emissam, & Spiritus S. visibilem in columbæ specie descensum ad ministerium suum solenniter inauguratus est. Hunc baptismum Christi orientales quædam ecclesiæ singulis annis die Epiphaniarum ita renovant, ut statum Christi pueri ter in aquam immittant, quæ aqua incorrupta servari perhibetur. Eodem Græcorum ritu Josephus Giorgerinus Sami Archiepi-

scopus A. C. 1676. Epiphaniarum die in ecclesia A-
quensi baptizati Christi memoriam renovavit, aquam
vero hoc ritu consecratam, cum in phiala aliqua serva-
retur, per multos annos incorruptam mansisse, & for-
te diutius permansuram fuisse, nisi phialam frangi con-
tigisset, memorat Pagi *ad A. C. 29. n. 7.* ubi etiam ex
Scaligeri libro 7. de emendatione temporum refert,
Christianos Coptos quotannis die Epiphaniarum in pi-
scinam se immergere, & hoc facto memoriam bapti-
smi Christi instaurare.

XVII. Baptismum Christi ejus in deserto
tentatio excepit, de qua prolixè agit Spanhemius in
dubiis evangelicis a dubio 50. usque ad dubium 69.
ubi inter alia probat, ea quæ Evangelistæ de tentatio-
ne Christi per Diabolum referunt, non in visione sed
revera contigisse. Quod argumentum etiam erudite
tractat Bochartus in epistola ad Heraclitum pag. 942.
Vir quidam doctus in ephemeridibus philologicis diss. I.
per pinnaculum templi, in quod Christus a Diabolo
ductus est, conclave Geth, in quo fuit magnus Syn-
edrii confessus, intelligit, ibique Diabolum coram Syn-
edrio Christum de arrogato sibi Regis nomine accu-
sasse, tandemque eum illico se proripere & descende-
re jussisse putat, unde verba Diaboli ad Christum: *si es
filius Dei*; βάλε στανύον κατω, ita Interpretatur, quasi
Diabolus dicere voluisset: *num tu sis filius Dei? Tunc
sis Messias Rex Israelis? apage, descende, aut: gehe /
pacte dich / oder es sollen dir Füße gemacht werden;
nisi te illico subduxeris, praeceptus datus senties quam e-
gregie scilicet in te impleatur dictum Davidis, wo du
nicht*

nicht gehest / so wird sich bald finden / wann du über Hals
über Kopff hinunter must / wie schön du wirst fahren.
Verum hæc interpretatio talis est, ut Vir doctissimus
ludere potius, quam serio rem agere voluisse mihi vi-
deatur.

XVIII. Ministerio Christi unicum tantum
annum tribuit Clemens Alexandrinus *libr. I. Stromat.*
acceptabilem illum annum, cujus Esa. LXI, 2. & Luc.
IV, 19. mentio fit, male interpretatus. Eandem sen-
tentiam in Gnosticis refutat Irenæus *libr. 2. adv. hæres.*
cap. 38. Ad alterum extremum prolapsi sunt, qui lo-
cum Joh. II, 20. ad templum corporis Christi applican-
tes Christum ætatis annum 46. attigisse statuerunt, re-
futati ab Augustino *libr. 2. de doctrina christiana c. 28.*
Et ipse quoque Irenæus in definienda Christi ætate
modum excessit, cum ex traditione Seniorum, quos
ab Apostolis id accepisse scribit, Christum passionis
tempore ad senium declinasse arbitratus est. Quem
errorem ut excuset nulli operæ parcit Dodwellus *dis-*
sert. I. ad Irenæum tb. 44. seq. ubi statuit, Christum ex
austeritate vitæ vultum senilem contraxisse, indeque
Apostolos aliosque, qui eum viderunt, collegisse, quod
quadragenario major fuerit, & ad senium declinave-
rit, cujus rei gratia allegat locum Joh. VIII, 57. ab ipso
quoque Irenæo allegatum, & in hac sententia Senio-
res illos, quos Irenæus sequitur, a vero non multum
aberrasse censet, cum verisimile ipsi videatur, Chri-
stum passionis suæ tempore saltem ætatis annum 38. at-
tigisse.

XIX. Insignis de Christi ministerio, passione, morte & resurrectione locus extat apud Josephum *libr. 18. antiquit. judaic. cap. 4.* Quem Josephi locum genuinum esse post alios haud ita pridem probandum in se suscepit Vir Magnus & Excellentissimus Dn. D. Georgius Wolfgangus Wedelius, Serenissimorum Ducum Saxoniarum Consiliarius & Archiater celeberrimus, in eruditis exercitationibus Medico-Philologicis *centur. 2. decad. 2. exercit. I.* Prolixius & peculiari tractatu hunc locum Flavio Josepho vindicavit Carolus Daubuz Presbyter & A. M. cujus tractatus pro testimonio Flavii Josephi de Christo Londini 1706. cum præfatione Joh. Ernesti Grabii editus in duos libros divisus est, quorum priore varia de Josephi testimonio judicia recenset. Ac primum quidem nubem testium pro testimonio Josephi adducit, Eusebium, Hieronymum, Rufinum, Autorem librorum de excidio judaico, quem aliqui Egesippum, alii Ambrosium nominant, Isidorum Pelusiotam, Hermiam Sozomenum, Aurelium Cassiodorum, Johannem Malalam, Nicephorum Callistum, Cedrenum, Zonaram, Glycam, Suidam, Freculphum Lexoviensem, Johannem Sarisburiensem, Vincentium Bellovacensem, Petrum Comestorem, Baptistam Platinam, Johannem Picum, Petrum Galatinum, Centuriatores Magdeburgenses, Sebastianum Munsterum, Sixtum Senensem, Cæsarem Baronium, Joh. Gabrielem Bisciolam, Henricum Spondanum, quem ex memoria lapsu Johannem nominat, Antonium Possevinum, Vincentium Lupanum, Franciscum Feuardentium, Isaacum Casaubonum, Josephum Sca-

Scaligerum, Guilielmum Schickardum, Georgium Calixtum, Conradum Horneum, Gregorium Gregorii, Theodorum Hackspanium, Paganinum Gaudentium, Georgium Hornium, Johannem Conradum Dannhaeum, Johannem Micrælium, Jacobum Usserium, Antonium Hulsium, Johannem Hoornbeckium, Jacobum Altingium, Johannem Tobiam Majorem, Gerardum Johannem Vossium, Johannem Coccejum, Viridungum, Hadrianum Junium, Uchtmannum, Cælestinum Capucinum, Martinum Alphonsum Vivaldum, Josephum Voysin, D. de Juigne, Autorem ephemeridum Gallicarum, Severinum Waltherum Sluterum, Sebastianum Lepusculum, Robertum Bellarminum, Aubertum Miræum, Michaellem Waltherum, Johannem Mullerum, Christophorum Adamum Rupertum, Thomam Reinesium, Abrahamum Whelocum, Thomam Lansium, Joh. Christophorum Wagenfeilium, Thomam Bangium, Gulielmum Spencerum, Henricum Valesium, Franciscum Regium seu de Roy, Sutlandum Anglum, Joh. Andream Bosium, Fridericum Spanhemium, Natalem Alexandrum, Isaacum Vossium, Petrum Danielelem Huetium, Samuelem Parkerum, Tillemontium & Antonium Pagi.

XX. De his testibus, a quibus Daubuzius Josephi locum approbatum & defensum asserit, hoc tantum animadverto, Wagenfeilium in Synopsi historiae suae universalis *parte altera seu Pera loculamento tertio pag. 189.* agnoscere quidem, quod Josephus aliquid de Christo scripserit, addit tamen propria, quibus Josephus usus est, verba definiri non posse. Nam quod

Josephus Jesum pro Christo agnoverit & scriptis suis profiteri voluerit, neminem sibi persuasurum ait. Ex quibus patet, Wagenseilium inter eos referri non debere, qui locum Josephi de Christo, qualis hodie extat, nulli plane interpolationi obnoxium fuisse pronunciant. Fridericus autem Spanhemius, etsi pro Josephi testimonio tanquam genuino militet, non dissimulat tamen fortasse locum hunc in oculis una & altera interpolatum esse *Tom. I. oper. pag. 533.* Nescio etiam an Bosius iis, qui Josephi locum de Christo tanquam genuinum defendunt, certo annumerari debeat. Sententiam enim suam de periocha Josephi in exercitatione sua priori de hoc argumento scripta non indicavit, posterior autem quod sciam, lucem publicam hactenus nondum aspexit. Interim ex Conringii epistola ad Bosium patet, quod Bosius Josephum ne quidem semichristianum fuisse statuerit. Unde Josephi testimonium non potuit non pro adulterino habere. Cæterum testibus a Daubuzio adductis addi possent Johannes Trithemius, Joh. Henricus Hottingerus, Christophorus Heidmannus, Caspar Hedio, Sigismundus Gelenius, Johannes Pearsonius, Henricus Dodwellus, Samuel Petitus, Abrahamus Hinckelmannus, Johannes Frickius, aliique.

XXI. Cum vero inter eos, qui testimonium Josephi tanquam genuinum recipiunt, & inter eos, qui illud tanquam supposititium damnant, aliqui velut medii incedant, & Flavianam hanc de Christo pericopen neque plane genuinam, neque plane suppositam agnoscant, eos quoque Daubuzius enumerat, & in hac clas-

classe ponit Richardum Montacutium, Joh. Henricum Ursinum, Johannem Henricum Boeclerum, Johannem Hispanicum, Stephanum le Moyne seu Monachium, (unus enim est Stephanus Le Moyne & Stephanus Monachus, etsi cum nonnulli in duas diversas personas distrahant) & Thomam denique Ittigium, quem tamen paulo post in alia classe reponendum censet.

XXII. Tandem eorum, qui huic testimonio omnino adversi sunt, tria facit genera Daubuzius. Ad primum genus eos refert, qui tacendo testimonium hoc parvi pendere, & *ioſeſias* arguere videntur, ut Justinus Martyr, Clemens Alexandrinus, Tertullianus, Origenes, Theodoretus, & Photius, quorum tamen silentium nil obesse judicat, quo minus testimonium Flavianum de Christo firmo talo stare possit. Ad secundum genus refert Judæos testimonium hoc improbantes, ad tertium vero Christianos, partim de fide hujus loci dubitantes, partim fidem ejus impugnantes, & suppositum esse probantes. Et ad tertium hoc genus nominatim refert Hubertum Giphanium, Lucam Osiandrum, Jacobum Salianum, Augustinum Mascardum, Jacobum & Ludovicum Capellum, Cloppenburgium, Danielelem Heinsium, Boxhornium, Claudium Salmasium, Joh. Fridericum Gronovium, Gulielmum Henricum Vorkium, Johannem Freinshemium, Theodorum Graswinckelium, Johannem Dallæum, Christophorum Noldium, Davidem Blondellum, Tanaquilum Fabrum, Scriptorem quendam Hispanicum, a quo latine duas dissertationes alteram de nomine Jesu

su, alteram de Josephi loco scriptas memorat, & Ellies du Pin, quibus præter Doctorem aliquem Sorbonicum tandem etiam Thomam Ittigium addit, quem antea in alia classe collocaverat.

XXIII. Etsi vero mentem meam in prolegomenis meis ad Coloniensem seu potius Lipsiensem Josephi editionem abunde patefecerim, eandem tamen hoc loco repetere non gravabor, ut illi quoque, qui alias Josephi editiones possident, nec mea in Josephum prolegomena legerunt, perspicere valeant, in qua classe ego locari debeam, & quæ mea tum fuerit de hoc Josephi loco sententia, a qua ut ingenue fatear, Daubuzii tractatus, etsi integrum perlegerim, nondum me dimovere potuit, cum nullam alicujus momenti rationem ab illo adductam viderim, quæ hanc Flavianam pericopam omni ex parte genuinam mihi persuadere potuerit. Neque tamen opus erit dissertationunculam illam de loco Josephi ex meis in Josephi opera prolegomenis verbotenus excerpere. Sufficiet illius summam paucis recensuisse.

XXIV. Primum igitur observavi Josephi nomen in nonnullis Patrum catenis cum Græcis Patribus conjungi, imo etiam eundem autorem ab Hieronymo in catalogo Scriptorum ecclesiasticorum inter Scriptores ecclesiasticos referri, non solum quia in suis antiquitatibus ejusmodi argumentum tractavit, quod ipsi apud Christianos gratiam aliquam conciliare potuit, sed etiam quia in iisdem ejus antiquitatibus honorificum aliquod de Christo testimonium legitur, de quo variorum eruditorum epistolas & judicia Noribergæ
A.

A. G. 1661. in testimonio suo Flaviano collegit Christophorus Arnoldus. Recensui deinde Scriptores aliquos partim recentiores, qui vel satis prolixè de hoc Josephi testimonio egerunt, vel peculiare de eo dissertationes ediderunt, partim antiquiores Græcos & Latinos. Et Græcis quidem etiam Euthymium addere potuissem, cum in ejus panoplia pag. 51. ubi de resurrectione agitur, etiam Josephi testimonium adducatur, & quidem ut titulus capituli habet, ex libro qui inscribitur de cognitione Dei, & cujus autor Gregorius Nyssenus perhibetur, quem locum a Daubuzio prætermissem miror.

XXV. His præmissis existimavi Josephi locum de Christo ex eo non parum *ισθίας* suspectum reddi, quod antiqui ecclesiæ Doctores, qui ex instituto Judæos impugnarunt, hoc telo contra Judæos usi non fuerint. Justinus enim Martyr, cui Josephi antiquitates incognitas non fuisse ex ejus paranesi ad Græcos constat, dubio procul Judæo Tryphoni hunc Josephi de Christo locum oppositurus fuisset, si talis, qualis nunc extat, ejus ævo in Josephi antiquitatibus lectus fuisset. Idem de Tertulliano præsumendum, cui si hoc Josephi de Christo testimonium cognitum fuisset, fieri vix potuisset, ut hoc de Christo testimonium in peculiari, quem contra Judæos scripsit, tractatu omitteret. Chrysostomus in orationibus adversus Judæos Josephum *μαρτυρὰ μάλα ἀξιόπιστον* appellat. Cur ergo testis hujus fidei dignissimi insigne de Christo testimonium contra Judæos non allegavit? Nihil certe aliud ex ejus silentio inferri potest, quam quod illi hoc Jo-

sephi testimonium de Christo vel plane incognitum fuerit, vel de interpolatione suspectum? Photius Patriarcha in *μυροβίβλω* suo duabus vicibus Iosephi antiquitates recenset, semel codice 76. & iterum codice 238. sed neutrubi *ἀξιωματόνδιον* hoc Iosephi testimonium de Christo allegat, de quo etiam in tota ejus bibliotheca altum est silentium; sive hæc decantatissima de Christo periocha in Photiano Iosephi exemplari plane defuerit, sive illam adulterinam esse agnoverit, & recensione sua indignam judicaverit. Notavi hac occasione in meis prolegomenis lapsum Miræi, qui in notis ad Hieronymi catalogum Scriptorum ecclesiasticorum Iosephi de Christo periocham in Photii bibliotheca memorari scribit, quod quam falsum sit, ipsa Photiani operis inspectio abunde docet. Ostendi insuper quanto conatu quantas nugas egerit Lambecius, qui contra manifestam veritatem probandum suscepit, omnino Photium in sua bibliotheca hanc Iosephi de Christo periocham non plane intactam reliquisse. Photio adjunxi etiam Origenem, Photio aliquot seculis antiquiorem, qui *libro I. contra Celsum, & in Matthæum p. 223.* clare testatur, quod Iosephus Jesum pro Christo non agnoverit. Quæ Origenis loca clare indicant, quod Iosephi de Christo testimonium, quale hodie in ejus antiquitatibus legitur, ignoraverit, cum in illo de Jesu expresse dicatur: *Χριστός ἦν ἐν*, Christus hic erat.

XXVI. Cæterum non invitus concessi, Iosephum de Christo non plane siluisse, quin & hoc concessi, Iosephum de Christo verba facientem a laudibus ejus

ejus non abstinuisse. Quamvis enim demonstrari non possit, Josephum in aula Vespasiani ex conversatione cum T. Flavio Clemente, qui postea sub Domitiani imperio ob christianam fidem interfectus est, & cum Flavia Domitilla ob eandem causam in exilium missa, bonam de Christo opinionem imbibisse, quæ Ruperti in epistola ad Snellium conjectura fuit; quemadmodum etiam demonstrari non potest bonam Josephi de Christo opinionem inde ortum suum duxisse, quod Banus Essenorum sectæ addictus Josephi Præceptor Johannis Baptistæ sectator fuerit, ideoque de Christo male sentire non potuerit, ut Vossius *de LXX. Interpretibus cap. 17. pag. 168.* arbitratur, qui præterea ipsum quoque Johannem Baptistam Essenum fuisse ex cibi & vestium simplicitate, baptismo, & reliquarum sectarum odio colligit: ex iis tamen, quæ Josephus de Johanne Baptista, & Jacobo Domini fratre retulit, non obscurum est, quod de ipso quoque Christo, cujus præcursor Johannes Baptista, & cujus discipulus Jacobus fuit, honorifice senserit. Unde non dubito, eorum conjecturam falsam esse, qui Josephum in suis antiquitatibus contumeliose de Christo locutum, Christianum vero quendam cum istas Josephi blasphemias legisset, eas expunxisse, & illarum vice insigne quod nunc apud Josephum habetur elogium substituisse suspicantur. Etsi enim Josephus ex Phariseorum secta fuerit, quæ inveterato adversus Christum odio flagrabat, non ita tamen Josephus Phariseorum placitis addictus fuit, ut non subinde eorum mores & facta perstrinxerit, ut taceam inventos quoque fu-

isse nonnunquam in Phariseorum secta a capitali Christi odio alienos.

XXVII. Ex his intuli, nihil obstare, quo minus Josephus honorificum aliquod Christi elogium in suis antiquitatibus consignatum posteritati relinquere potuerit, volueritque. Dubio tamen procul elogium illud tale fuit, quale hominem Judæum, & a fide christiana alienum decuit. At quæ hodie apud Josephum de Christo verba leguntur, ita comparata sunt, ut a Christiano homine vel scripta vel saltem interpolata facile agnoscantur. Difficultatem hanc animadvertens Lambecius *tom. 8. biblioth. Vindobon. p. 22.* ne hunc Josephi locum adulteratum vel supposititium esse profiteri cogatur, omnia hujus elogii verba in sinistram partem interpretatur, quasi non ad Christi elogium, sed potius ad ejusdem vituperium & contemptum omnia spectarent, etsi a Josepho ambiguis phrasibus concepta fuerint, & Josephus ea methodo solerter utatur, ut nihil suis verbis de Christo scribat, sed tantum propriam Christianorum traditionem ex trium Evangelistarum scriptis, (cum Johannes suum evangelium nondum edidisset,) & Actis Apostolicis haustam referat, ita tamen ut loquendi formulæ, quas adhibet, ad irrisionem christianæ fidei torqueri possint. Quando ergo Josephus dicit, fuisse eo tempore Jesum σοφὸν ἄνδρα. *virum sapientem*, Lambecius existimat, quod Josephus vocem sapientis in malam partem usurpaverit. Cum Josephus addit: ἢ γε ἄνδρα αὐτὸν λέγειν χεῖν, *si modo eum virum appellare decet*, hunc Lambecius verborum Josephi sensum suis-

fuisse arbitratur, quasi Jesus spectrum potius aliquod & phantasma, quam homo fuerit, & Josepho, cum ista scriberet, in mentem venerit, Christum nonnunquam ab ipsis discipulis pro spectro habitum fuisse. Sequentia verba: ἦν γὰρ παραδόξων ἔργων ποιητής, erat enim mirabilium operum patrator, Lambecius ita explicat, quasi Josephus per opera mirabilia ἔργα ἀπίστα, seu opera incredibilia, & fide indigna intellexisset. Cum porro Josephus Christum fuisse dicit διδάσκαλον ἀνθρώπων τῶν σὺν ἡδονῇ ἢ ἀληθῇ δεχομένων, Doctorem hominum cum voluptate vera susipientium, Lambecius Christum a Josepho perstringi censet ut Magistrum piscatorum, publicanorum, muliercularum aliorumque rudium hominum quævis dogmata simplici credulitate susipientium, quasi vero idem sit, libenter vera suscipere, quod Christi discipulis Josephus tribuit, ac quævis absurda cum voluptate amplecti, quæ absurda est Lambecii explicatio. Verba χεῖρὸς ἐστὶν ἡν, Christus hic erat, interprete Lambecio hunc sensum habent, quod hic Jesus ad aliorum, qui tum temporis eodem nomine gaudebant, differentiam. Christus vulgo cognominatus fuerit, quoniam a discipulis & sectatoribus suis promissus Messias esse credebatur. Quando ulterius Josephus tradit, Christum quidem a primoribus populi accusatum & cruci a Pilato addictum, nihilominus tamen non cessasse ab ejus dilectione, qui ab initio eum audierunt, ex Lambecii sententia crucifixioni Christi insultavit, quasi ea titulo & personæ Messiae, qui collapsum Israelis regnum restituere debuisset, minime conveniret, & simul discipulos Christi tacite deriserit, quod,

licet Christum a Pilato crucifixum viderint, nihilominus tamen post mortem tam ignominiosam ipsum ut Messiam venerari nondum cessaverint. Cum Josephus pergit: *apparuit enim iis tertia die iterum vivus, prout divini Prophetæ & hæc & alia multa de ipso miranda prædixerant*, verba hæc Lambecius non ita accipienda esse statuit, quasi Josephus vel Christi resurrectionem veram esse, vel oracula Prophetarum ad ipsum pertinuisse crediderit, cum potius hæc tantum ex Christianorum sententia retulerit, iisque traditionis suæ probandæ onus reliquerit, lectoribus autem suis iudicandi libertatem concesserit. Quam interpretationem Lambecius ex eo confirmat, quod Josephus non simpliciter dicat, Christum iterum vivum apparuisse, sed: *ἐφάμιν αὐτοῖς, apparuit ipsis* quasi diceret, ejus discipuli vivum sibi apparuisse dicunt, fides sit penes autores. Cum tandem Josephus & hoc addit, quod *nunc etiam Christianorum ab hoc denominatorum non deficiat genus*, ex Lambecii mente non solum Christianorum numero se eximit, sed etiam miratur, ullum adhuc Christianum eo tempore, quo hæc scripsit, superfuisse. Verum has Lambecii glossas nimis longe petitas & tam coactas esse in prolegomenis meis censui, ut multo satius sit, locum hunc Josephi ut spurium rejicere, vel interpolatum fateri, quam modo tam violento ut genuinum defendere.

XXVIII. Imprimis autem adulterina videntur verba: *χρῆς ὅς ἐστιν ἡν.* Nam Origenes testatur, quod Josephus Jesum pro Christo non agnoverit, quod etiam Photius non obscure innuit, cum librum, qui in-

scri-

scribitur *περὶ παλῶς* Josephi esse negat, quia in illo Jesus noster Christus appellatur *cod. 48*. Et quomodo Josephus Jesum pro Christo agnoscere potuisset, qui τὸ χειριστικὸν κήρυγμα Theodoro teste *tom. 2. oper. pag. 697*. amplexus non fuit? Prophetarum de Messia oracula non in Jesu Nazareno, sed in Vespasiano Imperatore impleta Josephus credidit, ut ipse in scriptis suis profitetur. Quamobrem in prolegomenis meis cum Montacutio statui, verba illa *χειρὸς ἑστῆς* ἢ, glossema esse alicujus Christiani margini ascriptum prius, & postea a librariis textui insertum, aut, si Josephus Christi mentionem fecit, eum forte his verbis usum conjeci: ὁ χειρὸς ἑστῆς εἶναι τοῦ Χριστοῦ, Christus hic esse credebatur, quam conjecturam Hieronymi versio confirmat: *credebatur esse Christus*. Unde etiam Jacobum non fratrem Christi, sed fratrem Ἰησοῦ τοῦ λεγόμενου χειρὸς *libr. 20. antiq. cap. 8*. appellat, qua ratione etiam Pilatus ad Judæos dicebat: *τίνα θέλετε ἀπολύσω ὑμῖν; βαρεθῶν ἡ Ἰησοῦν τὸν λεγόμενον χειρὸν; Matth. XXVII, 17*. Statui præterea in prolegomenis meis, quod verba, quæ de resurrectione Christi agunt, eamque non solum factam, sed etiam in Prophetarum oraculis prædictam asserunt, vel Josepho afficta, vel interpolata fuerint. Ita enim verba illa concepta sunt, ut Josephus non ex aliena, sed ex sua ipsius sententia loquatur. Quis autem credat, Josephum Christi resurrectionem credidisse, aut eam a Prophetis prænunciatam statuisse? Quamobrem Wheloci judicio subscribere non potui, dicentis: *tollatur e medio potius, atque penitus e mundo Flavius Josephus, quam ut illam*

a christiana ecclesia gemmam, illam intelligo πικροχρὴν colli patiamur. Mihi, fateor, alia sedet animo sententia. Non enim video, quid lucri ex hac adulterina gemma ecclesiae nostrae accedat, qua nec religio nostra firmiter probari, nec perfidia judaica cum successu debellari potest?

XXIX, Hæc igitur fere sunt, quæ in meis ad Josephum prolegomenis de hoc Josephi loco dicenda judicavi. Ea vero cum jam typis impressa essent, incidi in Hermannii Witsii miscellanea, qui *libr. I. cap. 21. pag. 303. seqq.* de hoc Josephi loco agens, primum argumentum refert, quibus hoc Josephi testimonium a nonnullis γνήσιον & genuinum, ab aliis vero spurium esse probari solet, ac deinde hanc epicrisin subjungit, ad rem christianam perinde quidem esse, quid Josephus de Christo crediderit & tradiderit, ideoque non exagitandos esse, qui argumento hoc non utuntur, ne plumbeis armis pugnare videantur, ubi decretoria non desunt, interim tamen non probandam esse hypercriticam illam criticam, quæ arma hæc ex Josephi loco deprompta fidelium manibus extorquere, eosque diuturna possessione deturbare conatur. Hanc doctissimi Viri epicrisin si admittamus, reprehendendus erit Dn. Daubuzius, quod eos non mediocriter exagitaverit, qui Josephi de Christo locum non magni pendunt. Ego vero juxta eandem epicrisin hypercriticæ alicujus criticæ reus peragar, si me Dn. Daubuzii argumentis opponam. Nihilominus tamen cum veritas religionis Christianæ, si eam mendaciis stabilire, & plumbeis, quæ Witsius vocat, argumentis tueri satagamus, ad-

versa-

versariorum prostitutioni objiciatur, religioni mihi non duco, pristinam meam de hoc Josephi loco sententiam tueri.

XXX. Et Gravius quidem in præfatione ad Daubuzii tractatum veretur, ne, qui Josephi de Christo testimonium non admittunt, etiam inscriptionem crucis Dominicæ a Pilato factam, & egregiam de Christo confessionem Centurionis, qui crucifixioni ejus interfuit, & ipsorum Dæmonum de Christo elogium negaturos esse, nisi hæc testimonia in sacra Scriptura extarent. Recte! Josephi enim de Christo testimonium, quod in canonem nunquam relatum est, non est ejusdem fidei & autoritatis cum illis confessionibus de Christo, quas Scriptores *Ἰστοριογράφοι* in literas retulerunt. Ipse autem Daubuzius primum ad Doctorum ecclesiæ consensum provocat, neque tamen ullum, qui tribus prioribus seculis hoc testimonium agnoverit, allegare potuit. Primus ergo quem allegat, est Eusebius, testis quidem probatæ alias fidei, non tamen omni exceptione major. Certe fidem non meretur, cum Therapeutas a Philone memoratos Christianis annumerat. Neque Josephi narrationes ubique fideliter exprimit. Cum enim Josephus in narratione mortis Regis Agrippæ bubonem supra caput ejus astitisse refert, Eusebius *libr. 2. hist. ecclesiast. c. 10.* bubonem Josephi in Angelum mutavit, & sic Josephi textum, ut Valesius ad illum locum annotavit, malo more interpolavit. Ideo autem Eusebius juxta Valesium Josephi bubonem in Angelum mutavit, ut Josephi narrationem cum Luca, qui in Actis apostolicis *c. XII. v. 23.* Agrippam ab An-

gelo Domini percussum memorat, eo melius conciliare posset. Quidni igitur fieri potuerit, ut Eusebius etiam in Iosephi de Christo testimonio verba quædam interpolaverit? De reliquis Scriptoribus ecclesiasticis, hoc Iosephi testimonium adducentibus, nihil addimus, cum illi Eusebium secuti fuerint. Id tamen observandum, non iisdem plane verbis omnes hunc Iosephi locum allegasse, unde patet, quod hujus loci lectio non omni tempore tam constans fuerit, quin subinde in uno alteroque verbo aliqua mutata fuerint.

XXXI. Cur vero Scriptores ecclesiastici Eusebio antiquiores locum hunc Iosephi silentio prætermiserint, varia Daubuzius excogitat. Verum leviora illa sunt, quam ut argumentum *ισχυρίας* ex illo veterum Patrum silentio desumptum enervari possit. Quando enim e. g. ait, fortasse in deperditis Iustini Martyris, & Clementis Alexandrini scriptis hunc Iosephi locum legi, pari facilitate contrarium fortasse opponi poterit. Cum vero asserit, veteres Patres Iosephi locum contra Iudæos propterea non allegasse, quod viderint, nihil ponderis hoc testimonium adversus Iudæos habiturum, hoc ipso prodit, non esse tantam hujus testimonii auctoritatem, nec tantum usum, quantum postea parte 2. libri I. probare conatur, ut alia taceamus.

XXXII. Tertia primi sui libri parte Daubuzius de consilio Flavii Iosephi in testimonio hoc scribendo prolixè agit. Singula autem excutere instituti nostri ratio non permittit. Paucis dico, in hoc consilio

filio Josephi investigando multa ipsum supponere, quæ ulteriori probatione egent. Inter alia contendit, Epaphroditum illum, cujus hortatu Josephus Archæologiam suam scripsit, & cui Josephus librum de vita sua dedicavit, eundem esse cum Epaphrodito, quem Paulus in sua ad Philippenſes epiſtola commendat cap. II. 25. ſeq. IV, 18. item in epiſtola ad Coloffenſes, ubi Epaphras dicitur, C. I, 7. & C. IV. 12. 13. nec non in epiſtola ad Philemonem v. 23. ubi iterum Epaphras nominatur, etſi nonnulli Epaphram ab Epaphrodito diverſum ſtatuant, qua de re cum nemine litigabo. Hunc ergo Epaphroditum a Paulo Apoſtolo toties commendatum Daubuzius eundem fuiſſe ſtatuit, cum Epaphrodito, cujus hortatu Joſephus Archæologiam ſuam ſcripſit, & cui librum de vita ſua dedicavit. Fuit autem Epaphroditus ille Neronis Imperatoris ſervus & deinde libertus, eidemque, ut & poſtea Imperatori Domitiano a libellis, qui tandem ipſum ob ſiniſtras quasdam de eo ſuſpicionem capite truncari juſſit. Rationes, quibus adductus Daubuzius hunc Neronis libertum, Tacito, Suetonio, Dioni aliisque profanis Scriptoribus non incognitum, cum Epaphrodito Paulino, quem decurtato nomine etiam Epaphram dictum fuiſſe cum Grotio ſtatuit, eundem fuiſſe cenſeat, non commemorabo. Sufficit, quod ipſe Daubuzius hanc opinionem ſuam ſuſpicionem appellat. Et quamvis in ea per Abrahamum Berckelium in præfatione ad Epicteti enchiridion in hac ſuſpicionem ita confirmatus fuerit, ut quod antea ſuſpicionem appellaverat, paulo poſt pro re certiffima venditaverit, mihi tamem hæc ſententia non magis

certa videtur, quam illa altera Berckelii, qua statuit, Epictetum Epaphroditi servum vel ex Epaphrodito, vel ex ipso Paulo, eorumque de fide christiana colloquiis, fortasse etiam commentariis, sua omnia hausisse, quæ Christianam doctrinam redolent.

XXXIII. Multo autem minus probari potest, quòd falsæ suæ hypothese Daubuzius superstruit, nempe Josephum Archæologiæ suæ honorificum de Christo testimonium inferere voluisse, ut Epaphrodito, cujus hortatu Archæologiæ opus susceperat, & quem Christianum fuisse præsumit, ex more & ingenio aulicorum abblandiretur. Id enim aulicorum ingenium esse dicit, ut multa, imprimis ubi necessitas aliqua illos premit, præter animi sui sententiam ad aliorum mentem dicant & scribant. Huic igitur aulicorum arti etiam Josephum indulgisse Daubuzius suspicatur, cum non satis ipsi fuerit, ipsius Domitiani gratiam captare, nisi etiam Epaphrodito, qui Imperatori a libellis erat, & in aula plurimum poterat, honorifica Christi mentione adularetur. Non solum autem Epaphrodito, sed etiam Flaviæ Domitillæ, quæ postea ob christianam fidem in insulam Pontiam relegata fuit, & Tito Flavio Clementi Consuli itidem christianæ religioni addicto, multaque apud Imperatorem gratia pollenti antequam Domitiana persecutione grassante ob christianam fidem interficeretur, Josephum hoc Christo elogio adulari voluisse statuit. Verum hac ratione Daubuzius Josephi de Christo testimonium non mediocriter depretiat. Quis enim ejusmodi confessioni pretium aliquod ponat, quod non veritatis amor, sed pudenda

adu-

adulatio expressit? Honestius de hoc Josephi testimonio sentit Daubuzii commendator Grabius in præfatione ad lectorem, ubi vim veritatis Josepho amplum hoc Servatoris nostri elogium extorsisse asserit, etsi fatear facilius hoc dici, quam probari posse, cum Josephus non raro in suis historiis humanæ potius gratiæ aucupium, quam veritatis studium sectatus fuerit.

XXXIV. Sub finem libri sui primi Daubuzius demonstrare nititur, impossibile fuisse, ut quistotam de Christo periocham interpolaret. At quî impossibile id fuerit. Nonne enim satis constat, pluribus Scriptoribus alienas hujusmodi lacinias assutas fuisse? Cur ergo hujusmodi impostura non etiam in Josephi scriptis locum habere potuisset? Ita sane verba de Christo apud Josephum concepta sunt, ut, si non tota periocha, saltem una ac altera ejus pars interpolata fuisse satis agnoscatur. Nec ejusmodi interpolationem impossibilem fuisse cogitandum est. Si enim possibile fuit, verba Josephi tragicam Regis Agrippæ mortem referentis ab Eusebio interpolari, & loco bubonis Angelum poni, ut supra dictum est, possibile etiam fuit in testimonio de Christo unam alteramve particulam, sive ab Eusebio, sive ab alio quodam Christiano interpolari. Etsi ergo Daubuzius nemini sine nota stultitiæ libertatem hanc permissurus videatur, ut testimonium de Christo Flavianum interpolatum statuatur, dum in hæc verba erumpit: *concoquant hanc fabam adversarii, & quibus tanta est ingluvies: mibi longe satius est, nunquam istam in me admittere stultitiam, tantum tamen abest, ut stultitiæ aliquid huic opinioni*

inesse probari possit, ut potius in his Josephi verbis interpolationem statuere summa necessitas requirat, nisi vel Josephum Christianis annumerare, vel quod Judæi Jesum pro Messia agnoscant, & ejus resurrectionem a mortuis credant, asserere velimus, cujus fabæ concoctio longe majorem ingluviem postulat.

XXXV. Imprimis suspecta sunt illa verba: *Χριστὸς ὁ υἱὸς τοῦ θεοῦ*. Origenis n. ætate verba hæc in Josepho nondum legebantur, quod ex eo patet, quia semel iterumque Origenes negat, Jesum a Josepho pro Christo agnitum fuisse, quemadmodum etiam in historia Johannis Baptistæ Origeniani Josephi codices ab hodiernis discreparunt. Nam Origenes *libr. I. contra Celsum pag. 35. edit. Spencer.* scribit, quod Josephus in libro 18. suarum antiquitatum referat, Johannem Baptistam baptizatis expiationem peccatorum pollicitum fuisse. At in hodiernis Josephi codicibus *libr. 18. Archæol. c. 7.* non dicitur de Johanne, quod in remissionem peccatorum baptizaverit, sed quod Judæos excitaverit ad virtutum studia, & imprimis pietatis & justitiæ, simulque ad baptismi lavacrum, quod ita demum Deo gratum fore prædicavit, si non tantum ab uno alterove peccato abstinerent, sed animis per justitiam mundatis puritatem corporis adderent. Et si vero Daubuzius existimet, hodiernos Josephi codices integriores esse, quam quibus Origenes usus est, nescio tamen, unde id probari possit. Mihi enim credibilius videtur, eo integriores fuisse Josephi codices, quo ejus ætati propiores. Constat præterea, Josephum in libris suis de bello Judaico oracula de Messia regno ad

Im-

Imperatorem Vespasianum applicuisse. Quomodo ergo Jesum pro Christo habere potuisset? Quamobrem verba illa *Χριστός ἐστὶν ἡμεῖς*, vel spuria vel saltem interpolata esse superius monui. Excipit Daubuzius, Josephum quidem, cum de bello Judaico scriberet, Vespasiano ubique adulatum, neque tamen tam fatuum fuisse, ut Vespasianum Messiam esse crediderit, aut, si forte tum ita sensit, postea mutatis temporibus hanc sententiam mutasse. At pari facilitate hæc a nobis negari possunt, quæ a Daubuzio affirmantur. Excipit etiam Daubuzius, Josephum, etsi Judæus fuerit, scripsisse tamen quod Jesus Christus fuerit, quatenus non tam suam quam Christianorum sententiam protulit. Verum si his verbis: *Χριστός ἐστὶν ἡμεῖς*, nihil aliud continetur, quam quod Jesus a suis sectatoribus pro Christo agnitus fuerit, quid opus erit hujus testimonii causa tantum pulveris excitare? Quilibet enim sive Judæus, sive paganus hoc de Jesu testari potuit, quod a Christianis pro Messia agnitus fuerit.

XXXVI. Suspecta quoque sunt, quæ in Josephi testimonio de Christi resurrectione memorantur. Quis enim sibi persvadeat, Josephum religioni judaicæ addictum Christi resurrectionem credidisse, & profiteri voluisse? Equidem Josephum saltem semichristianum fuisse alicubi asserit Daubuzius. Verum non desunt viri docti, qui Josephum potius semipaganum, quam semichristianum fuisse observarunt, quæ de re inter alios Antonius van Dale in tractatu de origine & progressu idololatriæ *cap. 7. pag. 136. sequ.* videri poterit. Multos Judæos Josephi ætate resurrectionem Christi

cre-

creditisse falsum est, nisi id de Judæis ad christianam fidem conversis intelligatur, quibus Josephus annumerari non potest. Quis ergo credat, Josephum resurrectionem Christi, quæ fides est Christianorum propria, vel corde fideli amplexum, vel calamo confessum fuisse? Typus resurrectionis Christi fuit Jonas a pisce deglutitus, & post triduum terræ incolumis redditus. At Josephus cum Jonæ historiam recenset, miraculum hoc tacite deridet, dum istud miraculum in Jona factum his verbis concludit: *hæc de eo sic retulimus, ut invenimus in commentariis.* Si autem Judæus hic non ingenue credidit, quæ in sacris Veteris Testamenti oraculis de Jona consignata invenit, quomodo resurrectionem Christi Jonæ typo præfiguratam in Evangelistarum & Apostolorum scriptis traditam crediderit? Citius crediderit, discipulos Christi corpus sui Magistri furtim e sepulchro surripuisse, & falsum de ejus resurrectione rumorem evulgasse.

XXXVII. Josephum ea, quæ de Christi resurrectione protulit, non ex sua, sed ex Apostolorum sententia retulisse, Daubuzio ex eo probabile videtur, quod dixerit: *ὁ Χρὶς ἀνέστη*, quasi dixerit: *ipsis Jesus apparuit iterum vivus, penes eos fides esto, ego me quidem indicem statuo, non judicem.* Verum huic explanationi obstat, quod Josephus dicat (si Josephus hæc dixit) Jesum tertia die vivum apparuisse, sicut Prophetarum oraculis prædictum fuit, quæ verba satis indicant, autorem hujus testimonii de Christo non ex aliena, sed ex propria sententia locutum esse. Quomodo autem homo Judæus, & in Judaica religione perseverans Chri-

Christi resurrectionem & a Prophetis prædictam, & vere impletam dicere potuit? Imo vero potuit, ait Daubuzius, cum Lucas testetur Act. XV, 5. Phariseos quosdam christianam fidem recepisse, & tamen circumcisioni aliisque Mosaicis ritibus renunciare noluisse. Sed qualis quæso est illa consequentia? Pharisei aliqui in Christum crediderunt, qui salutem non solum in evangelio, sed etiam in lege quærendam esse censuerunt. Ergo Josephus resurrectionem Christi credidit. Nec sequitur, Josephi de Christo elogium in dubium vocari non posse, quia Nicodemus Princeps Phariseorum longe majus elogium Christo tribuit, quam a Josepho ipsi tributum perhibetur. Nam Nicodemum insigne Christo elogium tribuisse ex Scriptura constat Joh. III, 2. At Josephum talia de Christo scripsisse, qualia in ejus Archæologia nunc leguntur, non sine ratione negari potest. Præterea plus est, cum Josephus dicit, Jesum Christum fuisse, quam cum Nicodemus Jesum pro Doctore divinitus misso agnovit. Tandem Daubuzius ex verbis Josephi dicentis libr. 10. c. ult. *Danielem de Romanorum imperio scripsisse, & quantam vastitatem Judæis illaturi essent*, colligit, fieri aliter non posse, quin Josephus crediderit, Christum jam dudum venisse, nec solum venisse, sed etiam e medio sublatum fuisse, ideoque si vel maxime celebre Josephi de Christo testimonium in ejus Archæologia non extaret, liquido constare, quod de Servatore nostro ita senserit, ut eum verum Messiam esse crediderit. Sed nimis longe hoc est petitum, nec video quomodo hæc Josephi fides de Christo ex eo exsculpi possit, quod Danielem de Ro-

manorum imperio & Judææ vastatione prædixisse referat. Danielem de Romanorum imperio, & vastatione Hierosolymæ & templi vaticinatum esse verum est, sed quod Josephus illud Danielis oraculum recte intellexerit, nec *κάλυμμα* incredulitatis, quo Judæorum animi excæcati sunt, obstitisse, quo minus in verum oraculi Danielitici sensum penetraverit, quis probare poterit? Denique si Daubuzius serio statuit, quod Josephus Jesum pro vero Messia agnoverit, & in eum crediderit, cur eum ex mera adulatione erga Epaphroditum honorificum de Christo testimonium perhibuisse dixit? Cur Josephum non ex propria, sed ex aliena mente in illo testimonio locutum censuit? Taceo quod ipse Josephus se non Jesum, sed Vespasianum pro Messia habuisse scribat, ut supra dictum est. Quamobrem Flavianum illud de Christo testimonium, quod Daubuzius integrum Josepho vindicare nititur, Eusebii temporibus a Christiano quodam Scriptore interpolatum fuisse minime dubitamus, nec plura jam addimus, optantes tantum, ut nova operum Flavii Josephi editio, cui adornandæ Clarissimus Hudsonus in Anglia nunc invigilat, propediem lucem videat, cui negotio plures, quos in Gallia & Italia habet, amicos auxiliares manus admoveere, Vir quidam celeberrimus haud ita pridem ad me perscripsit.

XXXVIII. Quicquid autem Josephus de Christo scripserit, sufficit vitam Christi sanctos Evangelistas literarum monumentis divinitus inspiratis consignasse, quorum historiam ex Patribus & aliis vetustioris notæ Scriptoribus, pro suo quisque more, illustrant

runt Origenes in commentariis ad Matthæum & Johannem, nec non in homiliis ad Lucam, si modo illæ in Lucam homiliæ Origenem autorem habeant, Hilarius & Hieronymus in commentariis ad Matthæum, Pseudo-Hieronymus in Commentario ad Marcum, ut alterius Pseudonymi Hieronymi Commentarium in 4. Evangelia haud ita pridem per Monachos Benedictinos editum taceam, Chrysostomus in homiliis ad Matthæum & Johannem, Anonymus in opere imperfecto ad Matthæum, Victor Antiochenus in commentario ad Marcum, Titus Bostrensis in commentario ad Lucam, Cyrillus Alexandrinus in libris 12. ad evangelium Johannis, Augustinus in 124. tractatibus ad evangelium Johannis, Christianus Druthmarus in expositione Matthæi, & epitome Lucæ & Johannis, Rabanus Maurus in octo libris commentariorum ad Matthæum, Pseudo-Anselmus & Paschasius Radbertus in commentariis ad Matthæum, Alcuinus in libris septem commentariorum ad evangelium Johannis, Venerabilis Beda, Euthymius Zigabenus, & Theophylactus in commentariis ad universa quatuor evangelia, Guido de Perpiniano in concordia evangelica, Simeon de Cassia in 4. Evangelia, & si qui sunt alii. Inter recentiores Scriptores hanc operam navarunt præter alios Chemnitius, Lyserus & Gerhardus in harmonia evangelistarum, Sebastianus de Baradas in concordia evangelica, Thomas Beaux-amis in harmonia evangelica, Cornelius Jansenius Episcopus Gandavenfis in commentario ad concordiam evangelicam, alter Cornelius Jansenius Iprensis Episcopus in Tetrateucho, Calvinus in harmonia Matthæi, Marci

& Lucæ, & commentario in Johannem, Bucerus in enarratione IV. Evangeliorum, Sebastianus le Roux in concordia IV. Evangelistarum, Bernardus Lamy in commentario ad concordiam quatuor evangeliorum, Balduinus Walæus in perpetuo commentario ad libros historicos Novi Testamenti, Ligtfoot in horis Talmudicis ad evangelia, Georgius Calixtus in concordia evangeliorum, Johannes Brentius, Lucas Lossius, Joh. Georgius Dorscheus, Jo. Maldonatus, Adamus Conzenius, Jacobus Faber, Lucas Brugensis, Cornelius a Lapide, Natalis Alexander, Johannes Gagneius, Benedictus Aretius, Johannes Ludovicus Wolzogen Socinianus, & alii in commentariis ad 4. evangelia, Johannes Camero in myrothecio evangelico, & Ludovicus Capellus in Spicilegio, Augustinus Marloratus, Erasmus Roterdamus, Erasinus Schmidius, Matthias Flacius, *Alfonfus* Salmeron, Daniel Heinsius, Aloysius Novarinus, Henricus Hammondus aliique in suis ad Novum Testamentum lucubrationibus, Hugo Grotius ab Abrahamo Calovio non immerito castigatus, Johannes Piscator, & alii in annotatis suis biblicis, Ægidius Hunnius in commentariis ad Matthæum & Johannem, Carolus Maria du Veil in notis ad Matthæum & Marcum, Christophorus Pelargus in quaestionibus ad Matthæum & Johannem, Johannes Gerhardus, & Filius Johannes Ernestus in annotationibus ad Matthæum, Alphonsus Tostatus in prolixis ad Matthæum commentariis, in quibus duo postrema capita deficiunt, Petrus P. Winstrupius in Pandectis s. commentariis ad Matthæum, quorum primum tantum tomum videre mihi hactenus

nus

nus licuit, Joh. Crellius, & Samuel Przypcovius Soci-
niani in annotationibus ad priora Matthæi capita, Jo-
hannes Heinricus Heideggerus in annotationibus ad
Matthæum, quæ ejus exercitationibus biblicis insertæ
sunt, Johannes Pricæus in scholiis ad Matthæum &
Lucam, Jo. Winckelmannus in Commentariis ad Mar-
cum & Lucam, Didacus Stella in commentario ad Lu-
cam, Johannes Ferus, Paulus Tarnovius, Christianus Nifa-
nius, Jonas Slichtingius Socinianus, & alii in commentari-
is ad evangelium Johannis, ut plures alios, qui vel unum
ac alterum Evangelistam, vel universos suis annotationi-
bus, scholiis & commentariis illustrarunt, taceamus. Qui-
bus addi possunt D. Balthasaris Bebelii antiquitates evan-
gelicæ, Taylor de vita Christi, Baronii annales ab anno
Christi 1. usque ad A. C. 34. Casauboni exercitationes ad
Baronium, Montacutii origines ecclesiasticæ, Ottii exa-
men ad Baronii annales, & alii historiæ ecclesiasticæ Scri-
ptores. Nos impræsentiarum iis, quæ superius de Christi
infantia, ejusque per baptismum & tentationes in deserto
ad Ministerium præparatione delibavimus, de ejusdem
in Ministerio gestis paucula addemus.

XXXIX. Christus igitur e deserto ad Johan-
nem Baptistam reversus, Discipulos quosdam sibi ag-
gregavit, cum quibus ad nuptias in oppido Cana ce-
lebratas invitatus primum ibi miraculum edidit, dum
aquam, qua sex hydriæ ad summam usque partem re-
pletæ fuerant, in nobilissimum vinum transmutavit.
Occasionem miraculo dabat vinum in nuptiali convi-
vio jamjam deficiens, quem defectum Maria Virgo nu-
ptiis his præsens Filio suo his verbis indicabat: *vinum*

non habent, quæ verba quidem D. Sebastianus Schmi-
dius in paraphrasi evangelii Johannis cap. 2. ubi hoc
miraculum legitur, ita explicat, ac si Maria Christum
monere voluisset, ut cum Discipulis suis surgeret, &
domum iret, ne sponsus & sponsa ex vini defectu con-
funderentur, ideoque Christus ipsi responderit: *bora
mea* nempe surgendi & abeundi *nondum venit*. Ve-
runtamen ideo potius Maria Christo defectum vini in-
dicasse videtur, ut virtute sua divina, quæ ipsi non in-
cognita fuit, vinum procuraret. Qua intercessione
cum Christo tempus faciendi miraculum quodammo-
do præscriberet, duriusculum hoc responsum tulit:
quid mihi tecum mulier? bora mea, nempe ut miracu-
lum edam, *nondum adest*. Quæ verba D. Georgio
Vechnero occasionem dederunt publicandi tractatum
de austeritate Christi erga matrem, qua in nuptiis Ca-
naanæis usus est. In hoc tractatu, qui Lesnæ Pol. typis
Wigandi Francii A. 1640. impressus est, observat autor,
etsi responsum Christi, si obiter æstimetur, austerius &
modestæ ac piæ matris suæ petitioni minus congruum
videatur, omni tamen vacare culpa, at Mariam de vi-
ni defectu querentem non ab omni culpa immunem
fuisse, quam tamen non in eo quarendam censet,
quod privatam gloriam affectaverit, aut imperiosius
petitionem suam urserit, aut novis conjugibus vel
paupertatem, vel nimiam parcitatem exprobraverit,
vel in convivis frugalitatem desideraverit, sed quod
Filium in nuptiali convivio convivas & in his Disci-
pulos suos recens ascitos salutaribus monitis instru-
entem tempore minus opportuno interpellaret. Atque
hinc

hinc etiam causam austerioris responsi a Christo dati arcessit. Cum enim alias variæ rationes dari soleant, cur Christus tale responsum Matri suæ dederit, nempe 1. ut indicaret se ut Deum miracula designaturum, 2. ut muneris sui dignitatem intimaret, omni materna autoritate superiorem, 3. ut ostenderet, penuriam vini nondum tantam esse, aut nondum ita omnibus manifestam, ut necessitas miraculum exigat, 4. ut familiarium gratiam & Amicorum interventiones a miraculis suis sequestraret, 5. ne mater ad maiorem dignitatem postea reportandam aditum sibi faceret, 6. ut in negotiis divinis ne parentum quidem respectum aliquem habendum esse declararet, 7. ut hac auxilii dilatione Mariæ sapientiam patefaceret, 8. ne ante miracula sua Mariæ virginitatem promulgaret, 9. ut Mariæ curiositatem redargueret, 10. ut hac tentatione Mariæ fidem exploraret, 11. ut carnis prærogativam a regno suo excludendam demonstraret, 12. ut superstitioni sequentibus seculis exorituræ fores obstrueret: Vechnero tamen rationes illæ, neque singulæ, neque conjunctæ satisfaciunt. Ideoque causam austeritatis Christi erga matrem in hoc nuptiali convivio inde ortam putat, quod Christus sacra sua colloquia intempestiva de vini defectu querimonia interturbari moleste tulerit. Nam alio etiam tempore Christus, cum docendo populo intentus esset, & ipsi nunciaretur, matrem ejus & fratres & cognatos foras stare, & colloquium ejus expetere, respondebat: *qua mater mea? qui fratres?* & manu in Discipulos protensa dicebat: *ecce mater mea! ecce fratres! quisquis enim voluntatem Patris mei in-*

cælis fecerit, is frater meus est, & soror & mater Matth. XII, 40. seqv. Hanc sententiam Vechnerus tanquam novam, nec apud alios Scriptores sive veteres sive novos obviam commendat, etsi Chrysostomus, loco tamen alieno, prope ab ea abesse videatur. Verum non video, quomodo Vechnerus probare possit, quod Christus illo ipso momento, quo Maria defectum vini ipsi indicavit, in docendis Discipulis suis & reliquis convivis usque adeo occupatus fuerit, ut exiguam matris suæ de vini defectu sollicitæ interpellationem ferre non potuerit. Certe Christus in conviviiis non continuo docere, sed etiam edere & bibere solebat, & in his nuptiis, quibus aderat, convivis non solum ad satietatem, sed etiam ad hilaritatem usque bibere permittebat, quod ex vini defectu, & Architriclini verbis non obscure colligi potest. Dubio procul etiam Maria, si Filium distribuendo cibo spirituali intentum observasset, illo tempore ipsum interpellare ausa non fuisset, sed potius ejus sermonibus cum convivis ipsa quoque aures animumque advertisset, ideoque de vino, convivis quippe jam ad alia attentis, procurando tantisper sollicita non fuisset. Videtur ergo Maria hanc ob causam a Christo reprehensa, quod in verbis suis tacite miraculum postularet, ipse vero in rebus ad officium suum pertinentibus modum & tempus a matre sibi præscribi nollet. Cæterum Vechnerus ad calcem hujus tractatus etiam verba Architriclini expendit, & ex more Græcorum libandi sub finem conviviorum poculi illustrat. Tandem etiam verborum emphasin ostendit, quibus Evangelista descriptionem hujus mi-

raculi concludit, cum ait : ταύτην ἐποίησε τὴν δευτέραν τὴν σημεῖων ὁ Ἰησοῦς. Et hæc ex prædicto Vechneri tractatu paucis notare placuit, cum libellum illum raro obvium esse sciam. Fabulam de Johanne Evangelista, quod Sponsus in his nuptiis fuerit, & Christus ipsum a nuptiis ad cælibatum avocaverit, ut multis refutemus, opus non est. Num vero miraculum hoc d. 6. Januarii factum fuerit, & illo ipso die quotannis nonnulli fontes variis in locis vinum pro aqua scaturiverint, & miraculi hujus memoriam velut instauraverint, ejus rei testis Epiphanius *heres. 51. sect. 30.* adducitur, aliis dispi-ciendum jam relinquimus.

XL. Post descriptionem miraculi a Christo in nuptiis facti refert Johannes Jesum in urbem Caper-naum discessisse, & inde Hierosolymam ascendisse, ubi cum in templo venditores boum, ovium & columbarum, & Nummularios sedentes invenisset, flagello e funiculis contexto venditores illos una cum bobus & ovibus suis templo eiecit, & Collybistarum nummos subversis mensis effudit, & columbarum venditoribus dixit : *tollite hinc ista, nec facite domum Patris mei domum mercatus* Joh. II, 14. Simile factum etiam Matthæus c. XXI, 12. 13. Marcus XI, 15. & Lucas XIX, 45. 46. memorant. Verum hæc a Matthæo, Marco & Luca relata templi purgatio integro fere triennio posterior est ea, quam Johannes narravit. Admiranda autem res est, quod tanta multitudo avaritiæ suæ artibus intenta, & negotiandi in templo privilegium a Sacerdotibus & Pontificibus adepta, unius Christi verbis & verberibus se cum omni turpis sui lucri apparatu

templo ejici passa fuerit, nec Christo, quem pro mero eoque nullius publicæ autoritatis homine habuit, per vim se opposuerit, aut tumultum contra ipsum excitaverit. Equidem Johannes Seldenus *libr. 4. de jur. nat. & gent. c. 5.* existimat, Christum ex jure Zeli apud Judæos tum usitato talem processum instituisse, ideoque mirum non esse, quod flagellanti nemo resistit, cum ex jure isto tale quid facere cuilibet apud Judæos etiam privato concessum fuerit. Verum hanc Seldeni sententiam Saldenus *in otiiis theologicis libr. 4. exercit. 1. de jure Zelotarum* non inmerito improbat. Etsi enim Christus ex singulari Zelo factum illud suscepit, ideoque Evangelista memoret, Discipulos ejus verborum psalmi Davidici recordatos fuisse: *Zelus domus tue comedit me* Psalm. LXIX, II. inferri tamen inde non potest, quod Christus ex recepto apud Judæos Zeli judicio venditores boum aliorumque animalium templo ejecerit, & verbis increpantibus flagelli verbera addiderit. Licuit nimirum apud Judæos privatos ex Zelotarum jure eos, quos in atroci delicto contra sanctitatem Dei, vel templi & religionis suæ deprehenderent, verberibus coercere, & nisi desisterent plane occidere. Verum hoc Zeli judicium nulla lege divina nritur. Unde & ipsi Hebræi hoc Zeli jus non ex lege scripta, sed orali Moysis traditione arcessunt. Præterea sub hujus juris prætextu multa a Judæis iniquissima patrata sunt. Certe lapidatio Stephani & conjuratio Judæorum plus quam quadraginta contra Paulum, quæ facta Hugo Grotius *libr. 2. de jure belli & pacis c. 20.* ex jure Zeli derivanda esse censet, summæ potius injuriæ, quam juris

ris nomen meretur, & Josephus a Zelotis tot & tanta scelera commissa refert, ut supremum urbi & templo & populo excidium inde attractum fuerit. Neque juri huic tuendo inservire potest exemplum Phineæ Sacerdotis, qui Principem Israeliticum in stuprationis actu deprehensum una cum scorto suo Midianitico *ἱραυλῶφάρα* interfecit Num. XXV, 8. Nam ex singulari facto jus commune perperam deducitur, ut observat Hoornbeckius in *Theol. pract. tom. 2. pag. 124.* ubi etiam recte monet, nihil attinere, ut Christi factum ex jure Zelotarum, quod nulla divina lege nititur, arcessamus. Excipiet forte Seldenus, nihil facilius fuisse, quam adversus Christum pro privato habitum Scribas & Sacerdotes statim egisse de vi publica, nisi id, quod Christus fecisset, ex jure patrio fieri fas fuisset. Verum respondemus divinam Christi virtutem obstitisse, quominus Scribis & Sacerdotibus hac vice facile fuerit, de vi publica adversus Christum agere. Sane miraculi instar fuit Christi factum. Imo Hieronymo in cap. 21. Matthæi inter signa, quæ Christus fecit, hoc omnium maximum videtur, quod unus homo, & illo tempore contemtibilis, videntibus Pharisæis, & lucra sua destrui ægre ferentibus, potuerit ad unius flagelli verbera tantam templo ejicere multitudinem, mensasque & cathedras eorum, qui sacram ædem mercatu suo profanabant, subvertere. Unde suspicatur, igneum quoddam & sidereum ex oculis ejus radiasse, & divinitatis majestatem in ejus facie luxisse. Veruntamen opus non est, ut tacentibus Evangelistis igneum quoddam & sidereum ex ejus oculis & facie promicuisse dicamus. Suf-

ficat Christum divina sua virtute facile efficere potuisse, ne quisquam illo, quo templum repurgabat, tempore manum in illum injiceret.

XLI. Cum vero hæc templi repurgatio, & alia signa, quæ Christus tum Hierosolymis in paschali festo edebat, neminem latere possent, magni hujus Prophetæ fama excitatus Nicodemus Phariseorum Princeps Christum accessit, ut viam salutis ab ipso disceret, idque noctu, ne Collegarum odium in se derivaret. Jesus igitur hunc Israelis Magistrum de mysterio regenerationis per baptismum, quod Dei consilium alias Pharisei aspernari solebant, & de opere humanæ redemptionis fideliter informavit Joh. III, 1. seqq. Nec informatio illa omni fructu caruit. Hic enim Nicodemus postea Christum inauditum a Synedrio damnari non permittebat Joh. VII, 50. Et cum post mortem Christi ceteri ejus Discipuli aufugissent, Nicodemus una cum Josepho Arimathæo honestam sepulturam ei procurabat Joh. XIX, 39. Memorant aliquem Nicodemum etiam Judæi in Talmude & aliis scriptis, quem Josephi Gorionis fratrem, & valde divitem fuisse referunt. Sit ne Nicodemus ille idem cum eo, cujus nocturnum cum Christo colloquium Johannes descripsit, expendit Jacobus Altingius in *Schilo libr. 4. c. 23. & 24.* ubi omnia fere, quæ de suo Nicodemo Hebræi tradunt, ad nostrum Nicodemum applicare nititur.

XLII. Aliquandiu in Judæa moratus Jesus, cum Galilæam repeteret, & per Samariam iter faceret, memorabile cum fœmina quadam Samaritide colloquium instituit Joh. IV, 1. seqq. Græci hanc fœminam Samaritanam

ritanam Photinam nominant, de qua videatur Bollartus in *Actis Sanctorum d. 20. Martii p. 80. & Tom. I. Maji. p. 211.* Magnas vocat, quas Græci de Photina narrant, historias Tillemontius *Tom. I. memor. eccles. p. 458.* sed addit, magnas illas historias magnis difficultatibus obnoxias, & præterea magnis fabulis oppletas esse.

XLIII. Galilæam ingressus Christus evangelium de regno celorum primum in urbe Nazareth prædixit, sed ab ingratis incolis ejectus in urbem maritimam Capernaum se contulit, ac deinde universam Galilæam obambulavit, donec in prædictam urbem reverteretur. Ubique autem doctrinam suam variis miraculis obfirmavit, & inter alia hominem a Damone obsessum in Synagoga Capernaitica potenter liberavit, quam historiam describit Marcus I, 23. & Lucas IV, 33. Cujusmodi miraculum Christus etiam apud Gergesenos in duobus obsessis edidit, permissa Dæmonibus potestate in gregem porcorum irruendi, eumque in mare precipitandi, ut refert Matthæus VIII, 28. sequ. Marc. V, 1. Luc. VIII, 27. etsi Marcus & Lucas unius tantum obsessi mentionem faciant, forte quia unus tantum ex illis Christum sequi desideraverit, quem tamen Christus cum pace dimisit. Equidem Hobbesius, & fascinati mundi autor Beckerus, & alii statuant, obsessos, quorum evangelica historia meminit, non fuisse revera a malis Dæmonibus obsessos, sed tantum phrenesi, melancholia, epilepsia aliisque hujusmodi morbis laborasse. Verum quam absurda & sanctis Scriptoribus adversa sit hæc sententia, prolixè ostendit Johannes Marchius in

exercitationibus textualibus *exercit. 29.* qua communis Christianorum fides vindicatur, & Dæmoniacos, in quibus curandis Christi & Apostolorum benignitas exercitata est, vere ab infernalibus Spiritibus fuisse obsessos, solide demonstratur. Scrupulus autem hic nascitur, quomodo Diabolus, qui in deserto Christum, an Filius Dei esset, tentavit, ipsique dixit: *si es Filius Dei, jube ut hi lapides panes fiant*, Matth. IV, 3. in obsessio Capernaïtico ad Christum dicere potuerit: *scio quis sis, nempe Sanctus Dei*; qualem confessionem Dæmones etiam in aliis obsessis ediderunt, unde Lucas refert c. IV, 41. Diabolos Christo imperante ex obsessis egressos clamasse: *tu es Christus Filius Dei*; Christum autem silentium ipsis imperasse, nec illis permisisse, ut quis esset propalarent, etsi ipsum Christum esse probe gnari essent. Et Ignatius quidem, seu potius Pseudo-Ignatius in epistola ad Philippenses, quam spuriam esse constat, de ignorantia Diaboli in rebus ad Christum attinentibus multa differit, & Nicolaus Vedelius in appendice notarum criticarum ad epistolas Ignatii pro defensione hujus Ignatiastri statuit, Diabolos, etsi aliqua de Christo ex revelatione divina, nec non ex signis & effectis cognoverint, nihilominus tamen ignorantiam istarum rerum illis tribui posse, 1. quia non recte & perfecte, sed dubitanter illa norunt, 2. quia non a priori norunt, 3. quia mysteria rerum ignorant, 4. quia vero fine scientiæ destituuntur, 5. quia hæc scientia felicitatem illis non acquirit, & 6. quia hæretici, in quibus Diabolus inhabitavit, veram Christi notitiam non habuerunt. Verum Usserius in *prolegom. ad epist. Ignat. c. 12.* Pseudo-

do - Ignatium in exaggeranda Dæmonum ignorantia modum excessisse, nec Vedelii limitationibus excusari posse contendit. In qua disputatione Usserius affirmat, saltem post baptismum Christi & vocem cœlitus delapsam sine omni dubitatione Christum a Diabolo pro Filio Dei habitum fuisse, ideoque verba Diaboli Christum tentantis & dicentis : *si es Filius Dei*, non dubitationem Diaboli, sed vel desperatam ejus impudentiam, vel serpentinam calliditatem prodere, dum Christum neque Filium Dei fateri voluerit, neque negare ausus fuerit. Nos non inficiamur, Vedelii distinctiones ad defendendum Pseudo-Ignatium, cui illæ in mentem non venerant, parum facere. Neque tamen cum Usserio statuendum arbitramur, quod Diabolorum noticia de Christi in terra versantis Persona & officio post ejus baptismum non conjecturalis, sed certa, nec fluxa, sed constans & stabilis fuerit. Multo minus Origenis sententiam probamus, Christum tantum Diabolis minus malitiosis cognitum, nequioribus autem Diabolis incognitum fuisse tradentis. Rectius Hilarius in Matthæum per humilia, quæ Christus passus est, quod de ejus Deitate suspicatus fuerat Diabolus, in dubium venisse, quemadmodum etiam Augustinus *libr. 9. de civitate Dei c. 21.* asserit, dubitasse de Christo Dæmonum Principem, quando signa & effecta Deitatis paululum suppressimenda judicavit, & aliquantum altius ejus divinitas latuit. Conferatur Gerhardus *disput. Isagog. 14. thes. 18.* Dorscheus *ad 1. Marc. p. 31.* ubi Diabolum nonnunquam Christum plane ignorasse, ejusque scientiam de Christo, qui eam in potestate habuit, in cancellos redigi potu-

potuisse observat, Calovius *Tom. 4. system. p. 425.* ubi notat, eos etiam, qui certo aliquid norunt, malitia & desperatione ad insaniam & vertiginem redigi posse, & recte autorem Ignatianæ ad Philippenses epistolæ dicere, quod Diabolus ob voluntariam dementiam ignorantia oppletus fuerit, perperam autem Mæstræum in notis ad epistolas Ignatii asserere, quod Dæmones nunquam opera Christi tanquam a vero Dei Filio patrata cognoverint, cum id historiæ evangelicæ refragetur.

XLIV. Prolixa concio, quam Christus in monte quodam Galilææ circa illud tempus habuit, describitur a Matthæo c. V. VI. & VII. Memoria autem meæ hoc loco succurrit morosum Medici Britannii Thomæ Linacri de hac Christi concione iudicium. Cum enim hic Linacer in senectute sua animum suum ad legendos Novi Testamenti libros applicaret, quos hæcenus nondum perlustraverat, accidit, ut, postquam hanc Christi concionem perlegit, sacrum codicem cum magna animi impatentia manibus suis iterum excuteret, & juraret; *aut hoc non est verum evangelium, aut nos non sumus veri Christiani*, ut referunt Johannes Checus, & ex eo Johannes Baleus in *Scriptoribus Britannicis centur. 8. p. 650.* Minime autem in viro hoc alias docto & celebri probandum est, quod demum ætate pro-
 vecta, cum studiis viribusque fractus & morti vicinus esset, sacris libris legendis aliquid temporis impendit, cum interim tot profanos Scriptores nocturna diurna-
 que manu versasset. Quod Medico huic tanto minus decorum fuit, cum non solum Medici, sed etiam Sa-
 cerdotis partes ageret. Et hunc Scripturæ contem-
 ptum

ptum Linacer forte a Præceptore suo Angelo Politiano in Italia didicit. Is enim rogatus, an Biblia legisset? respondit, semel ea se legisse sed nullius temporis magis cum poenitere, quam quod in libro hoc legendo collocasset. Præterea in Linacro non probandum, quod sacrum Novi Testamenti codicem, cum priora Matthæi capita percurrisset, & Christianorum vitam cum regulis Christi *ὡς ἐπὶ τὸ πολὺ* male congruere animadvertisset, statim abjecit, nec ulterius de illo perlegendendo cogitavit. Dolendum quidem est, multos, qui se Christi discipulos esse jactant, Christi disciplinæ se subicere, at ipsam Christi doctrinam abjicere, aut de ejus veritate dubitare non debemus. Sed hæc obiter.

XLV. Postquam Christus in Galilæa evangelium prædicavit, filium cujusdam Aulici, & Petri socrum a febre liberavit, obvium sibi leprosum mundavit, paralyticum Centurionis Capernaitici servum sanitati restituit, & alia signa edidit, occasione festi paschalis Hierosolymam repetiit, ibique ægrotum a morbo, cum quo per annos octo & triginta conflictatus fuerat, ad piscinam Bethesda liberavit, ut refert Joannis V, 1. seqv. Ægrotum hunc paralyticum fuisse statuit Thomas Bartholinus in tractatu de paralyticis Novi Testamenti, in quo trium imprimis paralyticorum a Christo sanatorum historia ex Philologia & Medicina explicatur, nempe servi paralytici, de quo Matthæus VIII, 5. & Lucas VII, 2. agunt, & quem Bartholinus non Centurionis Capernaitici servum, sed filium fuisse, invita, ut puto, veritate probare nititur, & paralytici illius, quem

in lecto jacentem quatuor lecticarii, cum ob turbæ concursum ab ingressu januæ excluderentur, tecto conscenso & tegulis diffractis ad Christi pedes curandum demiserunt, ut referunt Matthæus IX, 1. seq. Marcus II, 1. & Lucas V, 18, & primo statim loco paralytici illius ad piscinam Bethesda per Christi verbum a diuturno morbo liberati. In qua historia explicanda Vir doctissimus per Angelum, qui statis vicibus piscinam illam agitavit, vel virtutem aliquam Dei, vel æternum Angelum, vel ventri æmulum spiritum intelligit, & hominum per aquas illas sanationem, neque victimis in hac piscina ablutis, neque ligno crucis Christi, quod Genebrardus in fundo piscinæ latuisse fingit, sed causæ occultæ a natura tamen non alienæ ascribendam censet, cum & alii fontes non raro mirabiles effectus dare soleant, quam sententiam suo loco jam relinquimus, etsi nobis verisimilius videatur, aquas illas ab Angelo agitas supernaturalem sanandi virtutem accepisse.

XLVI. Cæterum, cum illa ægroti sanatio die sabbathi facta fuerit, Christo cum Judæis de sabbatho violato ipsum accusantibus disceptandum fuit, cujusmodi disceptatio toties fere repetenda fuit, quoties in sabbatho ægrotum aliquem sanitati restitueret. Eadem lis violati sabbathi ipsi intentata fuit, cum Discipuli ejus urgente fame die sabbathi spicas evellerent, & evulsas manibus confricarent, unde nova doctrinam de sabbatho explicandi occasio ipsi subministrata fuit. Cum autem Judæorum malitia eo usque proveheretur, ut Herodianis sibi adjunctis vitæ ipsius insidias struerent, in maritima loca secessit magna turba ipsum comi-

mitante, quam inter non pauci variis morborum generibus afflicti opiferam ejus manum desiderabant, quos omnes voti sui compotes reddidit Matth. XII, 14. Marc. III, 6.

XLVII. Quæ hætenus memoravimus Christi acta partim ab uno, partim a pluribus Evangelistis memorata sunt. Et sic etiam reliqua Christi gesta vel ab uno, vel a duobus aut tribus, vel ab omnibus Evangelistis referuntur. Ab omnibus Evangelistis refertur miraculosa quinquies mille hominum cibatio, qui quinque panibus & duobus pisciculis ita satiati sunt, ut duodecim cophini fragmentorum reliquiis implerentur. Cujusmodi miraculosam multiplicationem etiam in ligno crucis Dominicæ contigisse Gretserus & alii Papistæ fabulantur, cum videant, tot crucis Dominicæ reliquias passim ostendi, ut vel centum cruces inde formari possint. Nec minus fabulam redolet, quod Ciampinus *de sacris Constantini M. ædificiis c. 15.* refert, nempe ecclesiam Laurentii, quæ *panis Perna* dicitur, hinc nomen suum accepisse, quod illo tempore, quo hæc ecclesia a Longobardis devastata instaurari debebat, urbs Roma magna panis penuria laboraverit, ideoque cæmentarii se cœptum opus relicturos minitati fuerint, nisi illis de pane prospiceretur, tandem vero in furno pauperulæ mulieris nomine Pernæ panis inventus fuerit, qui unus omnibus operariis per aliquot dies alendis suffecit.

XLVIII. Non minus ab omnibus Evangelistis refertur Christi asinæ & pullo asinæ inæquitanis ingressus in urbem Hierosolymitanam a Zacharia prædictus,

& paucis ante Christi mortem diebus impletus, quo tempore Christo a populo comitante acclamatum fuit: *benedictus, qui venit in nomine Domini.* Quæ verba ad Timotheum Ælurum Episcopum Alexandrinum pessimæ notæ pessime applicata sunt, cum Constantino-
polin venit, ibique quasi triumphantis pompa exceptus est, fautoribus ejus verba soli Christo debita ipsi acclamantibus: *benedictus, qui venit in nomine Domini,* quod a Zenone Imperatore permissum fuisse indignatur Papa Simplicius in epistola ad Zenonem. De ultimo Christi paschate, quod cum acerbissima ejus passione itidem ab omnibus Evangelistis memoratur, inferius dicemus.

XLIX. Inter ea, quæ a tribus Evangelistis nempe Matthæo, Marco, & Luca memorantur, occurrunt historia tempestatis a Christo sedatæ, & imperati ventis & fluctibus silentii; historia sanati paralytici, & Phariseorum Christum peccata paralytico remittentem blasphemix arguentium redargutio; historia puellæ a somno mortis excitatæ; sanatio hæmorrohusæ, quæ an grati animi testandi causa Christo statuum posuerit, supra disquisitum fuit; hominis arida manu laborantis restitutio; parabola de semine ejusque ad Dei verbum & varios ejus auditores applicatio; transfiguratio Christi in monte quodam excelso, qui vulgo Thabor esse creditur, etsi id in liquido non esse Witsius in suo de glorificatione Christi meletemate observet, & Lightfootus hanc Christi glorificationem in alio quodam monte a Cæsarea Philippi non adeo remoto contigisse suspicetur; sanatio hominis lunatici; Discipulorum de primatu
con-

contentio, eorundemque amica per Christum correctio; historia infantum Christo oblatorum; parabola de impiis vinitoribus servos & postremo etiam filium Heri sui male excipientibus; quaestio de censu Caesari dando a Phariseis insidiosae proposita, & a Christo sapienter decisa; Sadducæorum objectio contra resurrectionem mortuorum, cum eorundem confusione & aliorum applausu a Christo soluta; Phariseorum de persona Christi examen ab ipso Christo institutum; praedictio excidii Hierosolymitani, & novissimorum a Christo facta, & quædam alia. Quorsum etiam pertinet historia Christi in mari ambulantis, & ab Apostolis pro spectro habiti, quæ a Matthæo, Marco & Johanne memoratur.

L. Inter ea, quæ a duobus Evangelistis referuntur, occurrunt apud Matthæum & Marcum Johannis Baptistæ facta in carcere decollatio; Christi cum Phariseis de traditionibus disceptatio; historia de filia mulieris Cananæ a Dæmone obsessa, & per Christum potenter liberata; miraculum Christi quatuor millia hominum septem panibus, & exiguo pisciculorum apparatu ita cibantis, ut & omnes saturati fuerint, & totidem fragmentorum cophini, quot panes distributi fuerant, servari potuerint; Christi cum Phariseis de divortiorum jure disputatio; historia de ambitiosa Johannis & Jacobi filiorum Zebedæi petitione ejusque repulsa; historia de ficu a Christo famelico fructus in ea quærente, sed præter folia nihil inveniente, maledicta & statim arefacta, de qua peculiare Sebastiani Schmidii, Hermannii Witsii, & Johannnis Henrici Heideggeri dissertationes extant. Apud Matthæum & Lucam legitur legatio Jo-

hannis Baptista ex carcere ad Christum; historia de servo Centurionis Capernaïtici paralytico, & quædam alia. Apud Marcum & Lucam legitur responsum Christi Johanni Apostolo datum, cum narraret aliquem in ipsius nomine Dæmonia ejecisse, quod ipsi ab Apostolis non prohibendum esse Christus respondebat; item Christi judicium de vidua, quam obolum vel duo minuta gazophylacio injecisse viderat.

LI. Solus Matthæus consignavit parabolam de Zizaniis inter triticum enatis, quam in dissertatione sua inaugurali illustrat D. Balthasar Bebelius. Eidem debemus historiam de didrachmis a Christo & Petro solutis, cui illustrandæ D. Sebastianus Schmidius peculiarem dissertationem impendit. Idem Matthæus exhibet parabolam Christi de Rege a servis suis rationes exigente, & uni decies mille talenta condonante, qui tamen postea a conservo suo debitore centum denarios morosissime & implacabiliter exegit, & hac erga conservum asperitate acceptæ a Rege suo gratiæ jacturam fecit, ad perpetuum carcerem damnatus; item parabolam de operariis in vinea, quorum singuli, etsi diversis horis a Patrefamilias conducti, vesperi mercedis loco denarium acceperunt, de quo denario vespertino D. Johannis Georgii Dorschei dissertatio extat. In eodem Matthæi evangelio parabola de Rege filio suo nuptias faciente, parabola de decem virginibus, processus judicii extremi, & quædam alia leguntur a reliquis Evangelistis prætermissa.

LII. Historiam surdi & *μογιλάλῃ*, quem Christus & audientem & recte loquentem reddidit, ut & hi-

sto-

storiā coeci in Bethsaida, cui Christus sputo suo oculis illito, & manu imposita visum restituit, solus Marcus in suo evangelio narravit. Plura apud solum Lucam legi possunt, ut ejectio Christi ex urbe Nazareth; historia de unico Viduæ Nainiticæ filio a mortuis excitato, quem nonnulli sequioris ævi Scriptores Maternum vocant, & unum ex 70. Discipulis, ac postea Germanorum Apostolum fuisse fabulantur, qua de re Browerus *antiquitat. Trevirens. libr. 2. p. 167.* videri poterit; historia de magna quadam peccatrice, a qua Christus apud Simonem Phariseum discumbens pedes suos lacrymis rigari, crinibus capitis extergi, osculis excipi, & unguento illini permisit, quam mulierem hætenus quidem notoriis flagitiis famosam, tunc tamen conversam & justificatam, ideoque a Christo adversus hospitis sui Pharisei murmura defensam in breviario Romano, aliisque aliarum ecclesiarum officiis ecclesiasticis, nec non in decreto Theologorum Parisiensium, quod A. C. 1521. d. 9. Novembris datum est, cum Maria Magdalena, nec non cum Maria Lazari & Martha sorore perperam confundi, non pauci ex recentioribus Pontificiis, & in his etiam Sorbonistæ quidam agnoverunt, ut alibi jam notavimus; Johannis & Jacobi in vici cujusdam Samaritani incolas Christo hospitium denegantes immoderatus, & usque ad ignem cœlitus demittendum exardens Zelus a Christo amica castigatione repressus; historia de electione & missione septuaginta Discipulorum; parabola de Judæo a latronibus gravissime vulnerato, & Samaritani cujusdam ope curato, qua Christus Legisperitum etiam hostes diligendos esse docuit; Christi de duabus so-

rori-

ribus Martha & Maria iudicium; narratio de Christi discipulis orandi modum a Magistro suo discere cupientibus, & præscripta a Christo orationis formula, jam antea etiam alio tempore ab ipso tradita, & septem petitionibus, quarum sensum Lutherus in catechismo nostro, & cantione ecclesiastica *Vater unser im Himmelreich* / egregie explicat, constante; historia Pharisei mirantis, quod Christus ad convivium ab ipso invitatus illotis manibus mensæ accubuisse, & Christi hypocrisin Phariseorum & Legisperitorum graviter objurgantis; dehortatio Christi ab avaritia, & directa ad illum scopum parabola de divite ex opibus collectis magnas delicias in longum tempus stolide (stultitiam enim patiuntur opes) sibi promittente, nec cogitante, suavia ista de aureis felicitatis suæ montibus somnia proxima nocte repentinæ mortis interventu dissipatum iri; tristis quorundam relatio de horrenda Galilæorum cade, quorum sanguinem Pilatus cum sanguine victimarum ab ipsis oblatarum miscuerat, quæ relatio Christo occasionem insignis concionis metanoeticæ subministravit; historia mulieris per octodecim annos a Satana terram versus ita curvata, ut erectos ad sidera tollere vultus haud valeret, & a Christo, etsi ringente Archisynagogo, die sabbathi curata; historia hydropici a Christo, apud aliquem Phariseorum Principem convivante sanati, & mensalia in illo convivio Christi colloquia, tam convivales aliquas regulas, quam insignem parabolam de magna cœna proponentis; parabola de filio perditto; parabola de Oeconomo, qui cum bona Domini sui pessime administrasset, & remotionem suam ab officio subo-

suboleret, mature sibi prospexit, & debitorum sui Domini, remissa illis aliqua debitorum parte, amicitiam sibi conciliavit, ut post suam depositionem in eorum domos reciperetur, qua parabola Christus discipulos suos, nempe non tam Apostolos, quam novos quosdam sectatores, & in his præcipue Publicanos & peccatores, qui injustas opes collegerant, admonere voluit, ut a filiis hujus seculi prudentiam discerent, & ex bonis injuste partis & administratis Apostolos aliosque indigentes amicos sibi pararent, quorum informatione, precibus, aliisque beneficiis ad æterna ecclesiæ militantis & triumphantis tabernacula promoveri possent, (*conf. Schönlandii Untersuchung der von Trillern edirten Untersuchung etlicher Dörter N. L. p. 13. & sequentibus, ubi varias Trilleri ineptias, absurditates, & calumnias a Trillero in hujus parabola interpretatione commissas prolixè refutat;*) parabola de divite epulone, & paupere Lazaro, seu *Lazaro ante portas*, quo titulo erudita celeberrimi Wedelii exercitatio inscribitur *cent. 2. dec. 2. exercit. 2.* quam parabolam nonnulli ita interpretantur, ac si per epulonem intelligantur Judæi purpura sacrificiorum & bysso propriæ justitiæ superbientes, & ex imaginaria persuasione templi sui æternum duraturi quotidie deliciales, qui postea cum Synagoga judaica honeste sepulta esset, in tenebras ejiciebantur, & in omnes terræ partes dispergebantur, in qua miseria non parum ipsorum dolor augetur, quod gentiles in Abrahami sinu suaviter recumbere videant, & quod ab Abrahamo suo neque pro se, neque pro 5. fratribus suis h. e. quinque suis sectis, vel etiam quinque regnis An-

tichristo Romano subjectis quicquam solatii capiant, per Lazarum autem gentiles, qui extra portas ecclesiæ jacebant, & ne micis quidem ex Judæorum mensa frui poterant, nec ullum miseriæ suæ levamen habebant, nisi quod canes h. e. Apostoli evangelium prædicantes ulcera ipsorum lingua sua sanarunt, seu juxta alios gentiles Philosophi suis discursibus ex humana ratione depromptis ulcera ipsorum non tam sanarunt, quam lixerunt, donec tandem beata catastrophe sequeretur, & rejectis Judæis gentiles in Abrahami & ecclesiæ sinum reciperentur, qua ratione admodum coacta, nisi fallor, Deuslingius in mystica expositione hujus parabolæ, & Lomeierus in *observationibus ad c. 16. Luca* hanc Christi de epulone divite & paupere Lazaro narrationem obscurant potius, quam clariorem reddunt; historia de decem leprosis a Christo sanatis, quos Gulielmus Aderus in enarratione ægrotorum *N T. enarrat. I.* in campo Sabæ, loco ob vicinitatem maris & montium hominibus lepra infestandis, ut ipse hariolatur, opportuno Christo occurrisset putat; parabola de iniquo judice, qui viduam ab adversario oppressam diu audire noluit, donec tandem continuis ejus precibus, ut hac molestia se liberaret, fatigatus aures illi præberet, ubi per iniquum judicem Pilatum, & per viduam Synagogam judaicam intelligi, quæ importunis clamoribus tandem Christi crucifixionem a Pilato obtinuit Theophili Antiocheni in allegorica 4. Evangeliorum expositione est sententia, sed nimis longe petita, & ordini temporis minus congrua; parabola de Phariseo & Publicano dissimili eventu in templo orantibus; historia Za-

Zachæi Publicani Christum excipientis ; narratio de Christi lacrymis prope Hierosolymam fuis, quibus Judæos, quippe quibus terminus salutis æternæ peremptorius in hac vita fixus non erat, ad poenitentiam excitaret, ut alia a solo Luca relata taceamus.

LIII. Solus Johannes, cui id imprimis cordi fuit, ut ea, quæ aliū Evangelistæ intacta reliquerant, literis consignaret, inter alia refert Christi cum Judæis de pane vitæ & vero Manna colloquium, quo nonnulli ex ejus discipulis offensi, ipsius magisterio, cui hætenus adhæserant, se ulterius subicere noluerunt, & ex discipulis apostatæ facti sunt; acta Christi in festo tabernaculorum; historia adulteræ a Phariseis Christi judicio oblata, & ab ipso post Phariseorum a propria conscientia ejusdem criminis damnatorum confusionem, cum pace dimissæ, quam historiam, etsi jam olim in multis græcis Novi Testamenti exemplaribus defuerit, & nonnulli eam ex hebraico Nazaræorum evangelio a Papia Johannis evangelio additam fuisse ex Eusebio male intellecto probare contendunt, eam tamen authenticam esse, & talem jam in prima antiquitate agnitam fuisse Seldenus de uxore hebraica *libr. 3. c. XI.* fuse demonstravit; Christi sermones in templo Hierosolymitano habitos, & disceputationem cum Judæis, quorum lapides corpore suo invisibili reddito per medios hostes templo egrediens evasit; historiam sanati a Christo hominis a nativitate cæci, quem non visu tantum, sed ipsis quoque oculis destitutum fuisse Nonnus vetus ille Evangelii Johannei Paraphrastes statuit, quemadmodum & nonnulli ecclesiæ Patres Christum ex sputo suo

& pulvere cœci oculos formasse tradunt, qua in remagna illa ecclesiæ lumina deliquium passa fuisse, & non nihil cœcutivisse ipsa evangelica historia, quæ Christum cœci oculis pulverem spuito suo mixtum imposuisse, ejusque oculos non formasse sed aperuisse dicit, haud obscure innuit, ut Beverovicus in epistola ad Schurmanniam, & ipsa quoque Schurmannia in responso ad Beverovicium *doct. vir. epist. & resp. pag. 4. & 8.* alique eruditi pridem observarunt; acta Christi in encœniis Hierosolymitanis, in quibus Judæi denuo adversus ipsum lapides tollebant; historiam de Lazaro e mortuis resuscitato, quem ex ardente & maligna febre obiisse Thomas Bartholinus *de morbis biblicis sect. 21.* conjicit; oraculum Caiphæ de Jesu pro salute populi morituro, ab ipso Caipha non intellectum; narrationem de Græcis quibusdam Jesum videre desiderantibus, & voce divina cœlitus delapsa; historiam de Christo Apostolorum pedes lavante, & hoc pedilavium explicante; quæ omnia, ut & nonnulla alia a solo Johanne referuntur, cui etiam egregios illos sermones, quibus Christus in ultima cœna paschali Apostolis suis ultimum quasi vale dixit cap. 14. 15. & 16. evangelii sui consignatos, ut & ardentissimam Christi orationem pro sui glorificatione & ecclesiæ conservatione, quæ c. 17. legitur, debemus.

LIV. De ultimo illo Christi paschate variaz eruditorum disputationes agitantur, & inter alia disquiritur, num Christus ultimum suum pascha eodem cum Judæis die, an alio celebraverit, & si non eodem die cum Judæis pascha celebravit, quæ diversitatis illius ratio fuerit? Longum nimis esset singularum partium sen-

sententias & argumenta commemorare. Extant hac de re multorum integræ exercitationes, & integri tractatus. Inter alios Johannes Harduinus tractatum de supremo Christi paschate edidit Parisiis A. 1693. sub cuius initium ex variis Virorum doctorum de hac controversia sententiis nullam legentibus plane satisfacere statuit, minimeque omnium eam, quæ Christum extremo vitæ suæ anno ne pascha quidem omnino comedis- se, sed cœnam tantum vulgarem absque agno pascha- li cum discipulis suis habuisse, quibus verbis Harduinus M. Antonii de Dominis, & Hugonis Grotii sententiam perstringit, quorum ille *libr. 5. de repub. eccles. c. 6. rebes. 259. seq.* cum quinque opiniones recensuisset, omnes illas rejicit, & tandem pascha quidem jussu Christi a discipulis præparatum, sed neque a Christo, neque a discipulis comestum putat; hic vero *in annot. ad Matth. XXVI, 18.* inter pascha *θύσιμον* & *μνημονεύειν* distin- guit, & Christum ante tempus legitimum paschale cruci affixum pascha non *θύσιμον*, sed tantum *μνημονεύειν* cum discipulis suis celebrare potuisse opinatur. Harduinus autem statuit, in ea hebdomade, qua Chri- stus passus est, diem 14. mensis Nisan juxta Galilæos seu Israelitas in feriam quintam seu Jovis incidisse, eaque die Sacerdotes in templo pro Galilæis pascha immolas- se, eademque die Apostolos, quibus id a Christo man- datum fuerat, pascha parasse, & e templo victimam agni paschalis & fortasse simul aliquam holocausti partem attulisse, & vespera illius diei facta, cum jam feria sexta, & juxta Galilæos dies 15. mensis Nisan inciperet, Chri- stum cum Apostolis pascha manducasse, Judæos autem

ejusdem hebdomadis feria sexta seu die Veneris diem 14. mensis Nisan numerasse, eoque die circa horam 9. seu tertiam pomeridianam, qua Christus Spiritum suum Patri reddidit, Sacerdotes pro Judæis in templo Phasæ immolasse. Et hanc diversitatem Judæos inter & Galilæos inde natam arbitratur, quod ob populi confluentis multitudinem una dies mactandis & immolandis agnis non sufficeret, ideoque conventum fuerit, ut uno die pro Judæis, & alio pro Galilæis agni mactarentur. Quam sententiam ex eo confirmat, quod ex Lucæ XIII, 1. probari posse videatur, sacrificia pro Galilæis seorsim fieri solita fuisse. Ac ne vel Galilæi vel Judæi ratione temporis contra legem impingerent, dies mensis Nisan aliter a Judæis, aliter a Galilæis diverso Neomeniæ initio posito numeratos fuisse. Quod autem in illa hebdomade, qua Christus passus est, prius pro Galilæis quam pro Judæis agni paschales mactati fuerint, ex regula *Badu* arcessit, juxta quam Israelitas primo loco pascha percepisse scribit, quotiescunque dies paschæ seu dies 15. mensis Nisan in feriam 2. 4. vel 6. hebdomadis incideret. Et hanc regulam ab ipso Deo institutam, & Christi temporibus usitatam fuisse probare nititur. Num vero hæc Harduini sententia legentibus melius satisfactura sit, quam aliorum ipsi satisfecit, valde dubito.

LV. Plura de ultimo Christi paschate videantur apud interpretes Evangelistarum, & autores, qui de passione Christi egerunt, quos inter Bynæus *libr. 1. de morte Christi c. 1.* eorum sententiis, qui Christum alio die quam cæteros Judæos aut saltem plerosque cæterorum

Ju-

Judæorum pascha comedisse statuunt, ejusque diversitatis causam ex variis rationibus deducunt, relatis & rejectis probare nititur, quod Christus ultimum suum pascha eodem die eademque hora cum omnibus Judæis celebraverit, quam sententiam etiam tuentur Frischmuth in dissertatione, an Servator eodem die cum Judæis pascha celebraverit? Bochartus in Hierozoico, Ligthfootus in horis Talmudicis, Burmannus in disputationibus duabus de tempore ultimi Christi paschatis *σαυεστίμης*, alique. Nec desunt, qui Christum & Judæos eodem quidem die, sed non eodem diei tempore pascha manducasse statuunt, ut Hoornbeckius *in dissert. de cæna vet. sect. 2. §. 2.* & Ferrandus in suis animadversionibus ad religionem christianam, cujus hypotheses ad examen vocat, & solido fundamento destitui probat Witsius *in dissertatione, an Christus eodem quidem cum Judæis die, sed non eodem diei parte pascha suum ultimum manducaverit?* quæ dissertatio inter meletemata ejus Leidensia legitur. Ludovicus Capellus, cujus amicæ cum Cloppenburgio de supremo Christi paschate collationes extant, statuit, Christum quidem d. 14. mensis Nisan, & Judæos sequenti demum die agnum paschalem manducasse, Judæos tamen non minus quam Christum *ἐν νόμῳ* & legaliter pascha celebrasse, cum lex non definiat, num neomenia sit *α συνόδος* lunarium, an a *Φάσιν* Lunæ inchoanda, ideoque neque Christus contra legem peccaverit, qui ad *σύνεδορον* respiciens die 14. mensis Nisan pascha celebravit, neque Judæos, qui ad *Φάσιν* attendentes pascha suum die 15. mensis Nisan egerunt, in quo *ἐνρήματι* etsi ingenioso foli-

solidam tamen ἀπόδειξιν desiderat Heideggerus in dissertatione de paschate Christi emortuali *Tom. 1. dissert. select. diff. 6.* ubi quidem & ipse cum Capello Christum & Judæos non uno die pascha suum celebrasse opinatur, rationem tamen diversitatis non ex diversa neomenias computatione, sed inde potius arcessit, quod Judæi ex Synedrii decreto illo anno ferias paschales, quia in diem Veneris inciderant, in diem sabbathi transtulerint, & hac translatione compendium quasi festorum fecerint, quam sententiam & plures alii eruditorum foveant. Etsi vero tam illorum sententia, qui Christum uno cum Judæis tempore pascha manducasse putant, quam eorum, qui Judæos illo anno, vel ob vitandum duorum festorum concursum, vel ob alias causas in sequentem diem distulisse censent, magnis difficultatibus prematur, prior quidem si loca quædam in evangelio Johannis expendamus, posterior autem si narrationem Matthæi, Marci & Lucæ attendamus, non desunt tamen viris doctis ex utraque parte, quæ ad objectiones sibi factas respondeant. Ultra autem sententia alteri præferenda sit, libero cujusque judicio relinquo. Et Josephus quidem Scaliger cum prius statuisset, Christum eadem hora qua Judæos pascha celebrasse, postea *libr. 6. de emendatione temporum p. 567. editionis posterioris* illam sententiam retractat, & se cum multis millibus hominum errasse dicit. Alii vero priorem Scaligeri sententiam longe gravioribus argumentis niti, & solidissimis rationibus adstrui posse opinantur.

LVI. Ultimum Christi pascha, & sacræ eucharistiæ institutionem excepit acerbissima ejus passio, de

qua

qua præter interpretes evangeliorum videri possunt Sagittarius in harmonia passionis ; Henricus Müllerus in septem dissertationibus philologicis dubia passionalia 65. complexis, quas in Academia Rostochiensis A. C. 1661. proposuit, & in Jesu patiente, seu centuria notarum Theologico-Historico-Criticarum, in quibus dubia illa passionalia nonnihil mutata & aucta repetuntur; Løberus in explicatione passionali, seu historia passionis Christi ex 4. evangelis harmonice disposita in articulos 45. divisa & notis illustrata; Antonius Bynæus in libris de morte Christi; Hermannus Versteeg in tractatu de passione Christi ex Matthæi c. 26. & 27. Lydius in sparsione florum ad historiam passionis Christi; Drexelius in Christo patiente; Scribanus in Christo patiente, & plures alii. Nonnullis etiam certas passionis Dominicæ partes illustrare libuit, quorum referri possunt Clozii tractatus de sudore Christi sanguineo; Quenstedii dissertatio de deprecatione calicis Christi; Wedelii exercitatio de agonia Christi; Wandalini tractatus de feria passionis Dominicæ, & triduo mortis Christi; Stephani Morini tractatus de horis salvificæ passionis; Francisci Wærgeri conciliatio Marci & Johannis circa horam crucifixionis Christi; Jacobi Gretseri libri de cruce Christi; Thomæ Bartholini quatuor hypomnemata de cruce Christi, nempe 1. de sedili medio, 2. de vino myrrhato, 3. de corona spinea, & 4. de sanguineo sudore, ejusdem Bartholini dissertatio de latere Christi aperto; Dorschei tractatus de tunica Christi inconsutiles, ejusdem latro Theologus, & Theologus latro; Theophili Raynaudii metamorphosis Apostoli in latronem, & latronis in

Apostolum; Nicolai Fabri tractatus de myrrhata Christi potione; Henrici Pippingii Collegæ mei æstimatissimi dissertatio de potu puniendis ante supplicium, & patienti Christo ante crucifixionem porrecto; Niquetii historia & mysterium tituli sanctæ crucis; Cornelii Curtii libellus de clavis Dominicis; Chiffletii tractatus de linteis Christi sepulchralibus, multaque alia ejus generis scripta, quæ omnia recensere nimis longum foret.

LVII. Passionem Christi & sepulturam excepit ejusdem vivificatio, & vivificati triumphalis ad inferos descensus, nec non gloriosa ex mortuis resurrectio, & ad cœlos ascensio, quæ ex monte oliveti facta est, ubi Christum vestigia sua reliquisse refert Paulinus Nolanus epistol. ad Severum, quæ est in nova editione 31. & alter Paulinus, qui Petrocorius nominari solet, *libr. 5. de vit. Martini*, nec non Sulpitius Severus *hisor. sacr. libr. 2. c. 48.* ubi narrat, cum Helena ibi templum conderet, terram nullo pavimento tegi potuisse, & pulverem, etsi a fidelibus quotidie diriperetur, imminutum tamen non fuisse, sed terram impressis Domini vestigiis signatam eandem sui semper speciem custodivisse. Quod miraculum etiam refertur a Beda in libello de locis sanctis *c. 7. Tom. III. Oper. p. 491.* & ab Autore, qui ad Hieronymi librum de locis Hebraicis loca exactis apostolicis adjunxit *Tom. III. oper. p. 513.* ubi etiam memoratur summum templi ibi extructi cacumen propter Domini corporis meatum nullo modo contegi & concamerari potuisse, sed transitum ejus a terra ad cœlum patuisse. Conferantur etiam de illis Domini vestigiis & templo ibi erecto Adamannus de locis san-

sanctis *libr. I. c. 23. in actis Sanctorum Benedicti secul. 3. part. 2. p. 509.* Quaresinius in elucidatione terræ sanctæ *tom. 2. p. 310.* Fides sit penes autores. Interim quam fraudulentè vestigiis illis, quæ Christus cœlum ascendens in monte Oliveti reliquissè perhibetur, Monachi Palæstini ad lucrum suum abusi fuerint Breitenbachius & alii observarunt.

LVIII. Pilatum aliqua de Christo ad Imperatorem Tiberium retulissè dubium non est, cum id officii ratio exigere videretur. Falsa tamen est & pseud-epigrapha Pilati ad Tiberium epistola, quam Florentinius in notis ad Martyrologium Hieronymi, & alii ediderunt. Circumferebantur etiam olim acta Pilati, quorum mentionem facit passio Tarachi, Probi & Andronici, sæpius latine edita, cui tandem etiam græcum textum ex MSCtis addidit Emericus Bigotius. In hac enim passione Præses Maximus Andronicum interrogat, num nesciat, Christum fuisse maleficum a Pilato crucifixum, cujus acta sint reposita? Hæc acta Pilati multis mendaciis & blasphemis referta Galerius Maximinus per Ludimagistros pueris inculcari voluit, ut refert Eusebius *libr. 9. hist. eccles. c. 5.* Ex iisdem actis Pilati verum diem passionis Dominicæ probare voluisse Quartadecimanos Epiphanius *heres. 50.* memorat. Provocat etiam ad acta Pilati Justinus Martyr *apol. 2.* & ex actis illis narrat, milites de alea super Christi vestibus lusissè, ex qua narratione acta illa Pilati a Justino allegata pseudepigrapha fuisse probat Daniel Larroquanus de legione fulminatrice *p. 627.* cum lusus ille militum narratione Præsidis Pilati ad Imperatorem minus

dignus videatur. Nec alienus est ab hac sententia Possinus in epistola 3. ad Henschenium, cujus sententiam refutare nititur Schellstratenus *Tom. 1. chronolog. p. 78.* ubi inter alia ad Gregorium Turonensem provocat. Verum illa quoque Pilati acta, quibus Gregorius Turonensis usus est, fictitia esse, ex fabula de Josephi Arimathæi incarceratione & miraculosa liberatione colligi potest. Cæterum fictitia Pilati acta in hunc usque diem servantur in evangelio Nicodemi, de quo cap. I. dictum est. Et forte ab hoc evangelio Nicodemi non differunt gesta Christi MSCta a Bollandò d. 4. Febr. p. 450. memorata, & uti titulus habet a Theodosio M. in prætorio Pilati in codicibus publicis inventa, quem tractatum Bollandus eundem esse putat cum actis Pilati, nos vero eundem esse putamus cum evangelio Nicodemi, cum & illud a Theodosio M. in Pilati prætorio inventum dicatur.

LIX. Num Tiberius Imperator actis Christi cognitis de ejusdem apotheosi cogitaverit, quod Tertullianus *apologet. c. 5.* & alii veteres affirmant, recentiores eruditi non consentiunt. Aliqui enim antiquitatis reverentia moti minime dubitant, quin Tiberius de Christo inter Deos referendo apud Senatum egerit, e quibus nominasse sufficiat Huetium *demonstrat. evangel. p. 36.* Pearsonium *lect. ad act. p. 63.* & Stephanum le Moyne *not. ad var. sacra p. 145.* Alii vero Tertulliani narrationem suspectam, & tentatam a Tiberio Christi apotheosin pro fabula habent, ut Tanaquil Faber *part. 2. epist. 12.* van Dalen *diff. 1. de oraculis & de act. Pilati*, Basnagius *exercit. ad Baron. p. 137. seqq.* Id cer-

certum est, Christum Tiberiana apotheosi opus non habuisse, qui & ante mortem dictis & factis se verum Deum declaravit, & post mortem resurrectione sua, ascensione, Spiritus S. effusione, & miraculis per Apostolos editis divinitatem suam abunde demonstravit. Unde Gaillardus *spec. quæst. p. 62.* asserit, quod Christus, ut ab impuris Spiritibus, ita etiam a Tiberio divinitatis testimonium sibi dari noluerit.

CAPITIS VII.

SECTIO II.

De

Maria Christi matre.

i.

Mariæ hujus parentes in Scriptura non memorantur. Nec desunt, qui Scripturam etiam Mariæ genus omnino tacuisse censent. Quos inter M. Antonius de Dominis *libr. 6. de republ. eccles. cap. 1. thes. 7. & seq.* non improbabile quidem esse judicat, quod Maria ex stirpe Davidica prognata fuerit, nulla tamen necessitate nos cogi asserit, ut ita statuamus, cum ex Scriptura S. nemo convinci possit, Mariam ad stirpem Davidicam pertinuisse, & sufficiat, si Christum ob Patrem legalem ad tribum Juda & stirpem Davidis referamus. Verum hanc sententiam refutat

Eff 3

Span-

Spanhemius Pater *part. 1. dubiorum evangelic. pag. 131. & seqv.*

II. Decisionem quæstionis, an Maria sine labe originali concepta fuerit, non opus est, ut a Romanis Pontificibus expectemus, qui ob intestina Dominicanorum & Thomistarum ab una, & Franciscanorum ac Scotistarum ab altera parte hac de re certamina jam a longo tempore hanc controversiam decidere tergiversati sunt: Sane non ausus hanc controversiam dirimere Sixtus IV. non Pius V. non Paulus V. & Gregorius XV. etsi apud duos hos Pontifices postremo loco nominatos Legati Regum Hispanorum Philippi III. & IV. decisionem hujus controversiæ vehementissime urgerent, ut acta hujus legationis a Waddingo edita testantur, non denique Alexander VII. a quo hanc controversiam decisam fuisse Maresius in disputatione historico-theologica de origine, progressu & tandem definitione nupera controversiæ diu in Communione Romana agitatæ circa immaculatam conceptionem B. Virginis *Syllog. disputationum selectiorum part. 2. p. 725.* perperam statuit. Etsi enim Alexander VII. in bulla sua multa in favorem Franciscanorum, & præjudicium Dominicanorum proferat, expresse tamen prohibet, ne quisquam tenenti opinionem, quod B. Virgo cum peccato originis concepta sit, hæreseos crimen impingat, cum a Romana ecclesia & sede Apostolica nondum fuerit hoc decisum, prout nec ipse hanc controversiam decidere intendat, ut observat Heideggerus in dissertatione de conceptione Virginis Mariæ *tom I. dissertat. select. dissert. 8. thes. 12.* Interim sufficit hanc controversiam in Scriptura

ptura

ptura S. clare decisam esse, quoties omnia sub peccato concludit, & per unius hominis peccatum mortem in omnes pertransivisse pronunciat, quia omnes peccaverunt, ut alia argumenta, quæ Mariam neque ab originali, neque ab actualibus peccatis immunem fuisse probant, taceamus. Cæterum huic Thomistarum & Scotistarum dissidio lepide aliquando Diabolus illusit, qui a Franciscano quodam Monacho adjuratus, ut ex obsesso cederet, parere noluit, & se Thomistam esse respondit.

III. Mariæ cum Angelo Gabriele de admiranda Christi conceptione colloquium, ejusdemque amicam collationem cum Elisabetha cognata sua, & insignem hymnum Lucas c. i. retulit. Idem cap. 2. refert, quomodo Maria Christum Bethlehemi pepererit, eundemque cum dies purificationis advenissent, Domino in templo Hierosolymitano præsentaverit, & jam duodecennem iterum ad festum paschale Hierosolymam deduxerit. Quale responsum tulerit, cum in nuptiis Cananæis Filium suum de vino procurando admoneret, sectione præcedente jam relatum est. Quomodo aliquando Maria cum Filio suo colloqui desideraverit, & Christus tum responderit, quemlibet fidelem matrem suam & cognatum suum esse, Matthæus c. XII. 46. & sequ. memorat. Quomodo sub cruce Filii steterit, & ab illo curæ Johannis Apostoli commendata fuerit, ipse Johannes c. XIX, 25. 26. 27. literis consignavit. Postrema Mariæ mentio in Scriptura fit Act. I, 13. 14. ubi Apostolos una cum Maria matre Jesu & aliis fidelibus congregatos fuisse memoratur.

IV.

IV. Fabulæ sunt , quod Deiparæ parentes ab utero sancti fuerint; quod absque usu conjugii genuerint; quod ex materia innocentis Adami genuerint; quod foetum absque ordinariis vasis & tegumentis ediderint; quod in sterilitate consenuerint, & eleemosynis suis ac precibus prolem adepti fuerint; quod mater absque dolore Mariam pepererit, omnisque ab infante vagitus & fletus abfuerit; quod nativitas Mariæ musico Angelorum concentu decorata fuerit; quod in templo educata fuerit, & per undecim annos in sancto sanctorum habitaverit; quod tempore lactationis suæ jejunaverit; quod post ablactationem suam ab Angelis cibata fuerit; quod votum perpetuæ virginitatis emisit; quod Christus in ejus corde conceptus fuerit; quod a puncto Verbi incarnati usque ad mortem immensos dolores sustinuerit; quod mundi per divinum *fiat* creati reparatio per *fiat* Mariæ facta fuerit; quod camera, in qua Maria ab Angelo salutata fuit, ab Apostolis in ecclesiam consecrata, & post annorum plus mille decursum ab Angelis fundamento suo avulsa primum in partēs Sclavoniæ, ac deinde supra mare in sylvam nobilis cujusdam Dominæ civitatis Recanatensis, quæ Loreta dicta fuit, iterumque in montem duorum fratrum, tandemque ex monte in viam communem deportata, ac in loco illo, ubi hodie visitur, reposita fuerit, quam fabulam a Francisco Turriano, Petro Canisio, Horatio Tursellino, & aliis defensam, post Petrum Paulum Vergerium Matthias Berneggerus in hypobolimæa Virginis Deiparæ camera, seu idolo Lauretano refutavit, cui Heinricum Stephanum adjungimus, qui in agologia pro

pro Herodoto ea se in Lauretana æde vidisse dicit, quæ narrare animus ipsius horreat, & quæ ipsos Athenienses, quorum superstitionem Paulus reprehendit, non sine horrore visuros putat; quod filiolum suum in templo offerens non inter mulieres virum passas, sed inter virgines steterit; quod sub cruce Christi magnum animi deliquium subierit, & spasmo occupata semimortuæ instar in terram prostrata fuerit; quod alterius latronis cum Christo crucifixi conversionem effecerit; quod Præses concilii Hierosolymitani fuerit; quod Carmeliticarum quarundam Monialium monasterium instituerit; quod Christum ex mortuis resuscitatum prima viderit; quod post Christi mortem Johannes Evangelista ejus Confessarius fuerit; quod ad ejus exequias Apostoli ex variis orbis partibus convenerint, & multa miracula in ejus obitu contigerint; quod post mortem resuscitata, & magna cum pompa in cælum assumpta fuerit, ut alia insulsa male feriatorum Manachorum de Maria deliria taceamus, quibus capiendis, si omnia colligerentur, integra plaustra vix sufficerent. Quorsum etiam pertinent tot Mariæ reliquiæ, quæ passim asservari perhibentur, & quarum non exiguum apparatus recenset Hoornbeckius in examine bullæ Urbani VIII. de imaginibus, & ex eo Wagenseilius in *Synopsi historia universalis* p. 74. & sequ. Inter Scriptores Pontificios de Maria agentes, qui sunt innumeri, numerandus Theophilus Raynaudus, qui etsi in diptychis suis Marianis Mariæ historiam ita pertractat, ut falsa a veris instar fursuris a farina secernere velle videatur, multum ta-

men inter farinam furfuris reliquit. Multos alios auctores, qui de Maria scripserunt, enumerat idem Raynaudus in *diptychis suis Marianis* p. 2. ubi inter alia ejusmodi scripta Dionysii Carthusiani opus de Mariæ laudibus, Pelbarti stellarium Virginis, Bernardini a Busto Mariale, Petri Canisii opus de Deipara, Christophori a Castro historiam Deiparæ, Martini Delrio opus Marianum, & Petrii Antonii Spinelli tractatum, qui inscribitur: *Maria Deipara thronus Dei*, commendat. Longe majorem apparatus Scriptorum de Maria agentium suppeditat Hippolytus Maraccius in bibliotheca Mariana, in qua Scriptores, qui de Maria egerunt, alphabetico ordine digessit, & scripta eorum recensuit, quæ Mariana bibliotheca in duos tomos divisa Romæ A. C. 1648. prodit. Verissimum autem est, quod Raynaudus loco paulo ante memorato judicat, nempe esse inter Scriptores, qui de Maria egerunt, non paucos Scriptorum nomine indignos, & potius Rhapsodis aut interpolatoribus & mangonibus accensendos, cum hinc inde sine examine & judicio scriptiunculas suas, quas quisquiliarum & gerarum nullius pretii titulum mereri censet consuerint, & sæpe novis titulis ascriptis in aliena opera involarint, sibi que ex alienis laureis corollas texuerint.

CAPL-

CAPITIS VII

SECTIO III.

De

*Josepho Mariæ Sponso
& Conjuge.*

I.

Josephum hunc ex regia Davidis stirpe ortum suum traxisse ex Scriptura S. manifestum est. Vocatus enim filius Davidis Matth. I, 20. & vir ex domo Davidis Luc. I, 27. unde etiam tempore census ab Imperatore Augusto instituti in civitatem Davidicam Bethlehemum se ideo contulisse dicitur, quod ex domo & familia Davidis natus esset Luc. II, 4. Etsi vero regia stirpe prognatus esset, fabrili tamen arte victum sibi quæsit, unde τέκτων dicitur Matth. XIII, 55. sive faber ferrarius fuerit, sive, quod vulgo traditur, faber lignarius. Equidem fuerunt, qui tale opificium viro regię stirpis non bene convenire arbitrati sunt, & honori Mariæ magis consuli posse statuerunt, si illustri alicui viro desponsata diceretur, unde Josephum non vulgarem fabrum, sed Architectum quendam nobilem fuisse existimarunt, cujus sententię apud Matthæum Naveum mentionem fieri, alicubi me legisse memini. Verum cum Judæi Christum ex contemptu fabri filium appellave-

Ggg 2

rint,

rint, facile inde colligi potest, quod Josephus in illustri quodam statu minime vixerit.

II. Si Cornarianæ Epiphaniï versioni credendum est, Epiphanius in hæresi 78. quæ est Antidico-Marianitarum, tradidit, quod Josephus octuagesimum viduitatis annum agens Mariam duxerit. Cum autem Epiphanius Josephum ex priori conjugio anno ætatis suæ plus minus quadragesimo Jacobum, & post eum tres alios filios, & duas filias genuisse dicat, sequeretur, si per octoginta annos viduus mansit, eum anno ætatis suæ centesimo & vigesimo quinto circiter cum Maria desponsatum esse. Verum Epiphanius non dixit, quod Josephus octuagesimo viduitatis anno Mariam duxerit, sed tantum, quod viduus octogesimo ætatis anno cum ea desponsatus fuerit, unde etiam illo tempore, quo Christus quartum annum egit, Josephum annos 84. habuisse tradit. At ne hoc quidem probari potest, quod Josephus illo tempore cum Mariam duxit, octogenarius & decrepitus senex fuerit. Etsi enim pictores, quibus atque Poetis quidlibet audendi semper fuit æqua potestas, plerumque Josephum tanquam decrepitum senem depingere soleant, Evangelistæ tamen Josephum ita delineant, ut eo tempore, quo Christi infantis curam gessit, vegetæ ætatis vir fuisse videatur, cum eum ex Galilæa in Judæam, ex Judæa in Ægyptum, & ex Ægypto iterum in Palæstinam cum Christo ejusque matre profectum narrent. Neque etiam Judæi Christum pro Josephi filio habituri fuissent, si decrepita jam ætate Mariam duxisset, qua de re plura videantur apud Summe Reverendum Dn. D. Mayerum in quæstione: *num Jo-
seph*

sepe tempore nativitatis Christi fuerit senex decrepitus?
& clarissimum Dn. M. Hilscherum in disputatione de erroribus Pictorum circa nativitatem Christi *sect. 6.*

III. Desponsationem Josephi cum Maria ad nutum divini oraculi factam fuisse narrat evangelium de ortu Virginis, quod Matthæo Evangelistæ tanquam auctori, & Hieronymo ut interpreti tribui solet, & inter Hieronymi pseudepigrapha legitur. Ibi enim narratur, Pontificem, cum Deum de Virgine Maria quartum decimum ætatis annum jam ingressa consulisset, ex loco propitiatorii hoc responsum tulisse, quod juxta Esaia prophetiam c. XI, 1 sequi requirendus esset, cui Virgo illa commendari & desponsari deberet. Jussi ergo sunt, si vera est fabula, omnes ex Davidis familia conjugio habiles, ut virgas suas ad altare afferrent, e quorum numero is Mariæ Sponsus destinatus fuit, e cujus virga flos, cujus cacumini Spiritus S. sub columbæ specie insideret, germinaturus esset. Hos igitur inter viros etiam Josephus fuisse perhibetur, qui cum prius virgam suam subtraxisset, nihilque divino oraculo consonum evenisset, per novum Dei oraculum proditus tandem ipse quoque virgam suam attulit, quo facto statim in illius cacumine columba de cœlo veniens consedit, omnibusque manifestum fecit, quod Josepho hæc Maria desponsanda foret. Eandem fabulam, mutatis tamen nonnihil circumstantiis, narrat protevangeliolum Jacobi, quippe quod columbam ex Josephi virga prodiisse, & super ejus caput alas expandisse memorat. Et hæc ipsa historiola Pictoribus occasionem dedit, ut Josephum cum ramu-

sculo virente depingere solerent, etsi Molanus *in historia imaginum libr. 2. c. 24.* Josephi virginitatem sub virentis ramusculi emblemate designatam suspicetur, quem refutat Stephanus le Moyne *in notis ad varia sacra p. 589.*

IV. Quomodo Josephus, cum sponsam suam gravidam deprehenderet, ob sinistram suspicionem violatæ fidei consilia de ea deferenda agitaverit, donec ex Angelo disceret, Mariam virtute Spiritus S. fatum, quo ipsius uterus tumebat, concepisse Matthæus in historia sua evangelica retulit cap. I, 18. seq. In Jacobi autem evangelio fingitur, quod Annas Scriba, cum tumentem Mariæ uterum observasset, statim ad Sacerdotem se contulerit, eique Josephum sponsam suam e templo acceptam vitiasse indicaverit, Sacerdos vero, cum re per Ministros explorata de Mariæ graviditate certior factus esset, Josephum pariter & Mariam ad judicium vocaverit, ipsisque suam innocentiam Deo teste asserentibus dixerit; *potabo vos aqua redargutionis Domini, & crimen vestrum manifestabitur*; tandem vero cum & Josephus & Maria aquam redargutionis sine ullo detrimento bibissent, eos absolverit.

V. Prolixe Josephi historiam pertractat Johannes Gersonius Cancellarius Parisiensis in carmine heroico, quod in duodecim distinctiones partitus est, & *Josephinam* inscripsit. Asserit autem inter alia in hoc carmine *Tom IV. ejus Operum editionis novæ Dupiniane*, Josephum quoad externam Christi faciem Christo valde similem fuisse. Cujus assertionis hanc rationem profert, quod Christus pro Josephi filio habitus fuerit, Verba

Verba ejus sunt distinct. 12. p. 782.

Personas inter similes est nexus amoris:

De Joseph ast ratio suadet, sua quod facialis

Forma Jesu formæ similis reputanda fuisse est.

Si non ; quo pacto Pater ejus creditus esset?

Qualiter omnimoda Matris servasset honorem

Disparitas vultus prolis cum Patre putato?

Addit exemplum Jacobi minoris Fratris Domini, qui & ipse ad formam Christi proxime accessisse perhibetur. Verum, quod Christus pro Josephi filio habitus fuit, non tam similitudini formæ adscribendum est, quam ejus cum Maria matre Christi conjugio. Ante Josephinam leguntur eodem operum Gersonianorum tomo Gersonii exhortatio ad Ducem Bituriæ facta de celebrando S. Josephi festo, item duæ aliæ epistolæ ejusdem argumenti, nec non lectiones, quæ oportune dicerentur in festo S. Josephi, & officium missæ pro hoc festo. Idem Gersonius in concilio Constantiensi sermonem habuit de nativitate Mariæ, & Recommendatione Virginei Sponsi Josephi, qui sermo tomo III. ejus operum editionis novæ p. 1345. extat. Atque hinc Dupinius in suis Gersonianis singularem Gersonii erga Josephum pietatem his verbis commendat *libr. IV. fol. CIX. singulari in Josephum Sponsum Mariæ fuit affectus pietate Joannes noster, cujus festum, tam de ejus morte quam de conjugio institui voluit ; & in ejus honorem officium & carmen composuit. Ejus ex Regali progenie ortus nobilitatem multis extollit. Perpetuam Virginitatem laudat. Sanctificatum in utero, non secus ac Joannem affirmat. Juvenem Mariæ desponsatum putat ; & tamen*
ope-

operatione Spiritus Sancti repressum, vel extinctum in eo libidinis fomitem. Ante Christi passionem mortuum. Cum mortuis, qui Christo moriente surrexerunt, apparuisse Virgini. Christo in cælum ascendente, ascendisse simul & glorificatum fuisse, non dubium in anima, sed an in corpore nescire se; aliaque multa id genus de Josephi laudibus legere est in sermone de nativitate Mariae T. III, 1345. & sequentibus; & alias T. IV, 729. 736. &c. Falsa est in his Gersonii assertis Josephi ab utero sanctificatio, nec ullo fundamento nititur, quod post mortem B. Virgini apparuerit. Quod autem ante Christi mortem mortuus fuerit, ex eo colligi potest, quod Christus in cruce pendens matrem suam Mariam Johanni commendaverit. De cultu hujus Josephi in papatu Summe Reverendus Dn. Antistes Lubecensis Dn. D. Gœtzius peculiari dissertatione egit, quæ videri poterit.

CAPITIS VII.

SECTIO IV.

De

Johanne Baptista.

I.

Johannis Baptistæ Parentes, conceptionem ab Angelo prædictam, saltum in utero ad Messiae præsentiam Spiritus sancti operatione factum, nativitatem, circum-

cumcisionem, onomathesiam & educationem Lucas c. I, 5. sequ. describit. Ejusdem officium, magnumque populi ad ejus conciones & baptismum in deserto concursum Matthæus c. III, 1. sequ. Marcus c. I, 4. sequ. & Lucas c. III, 1. sequ. memorat. Legationem Judæorum ad Johannem, & varia ejus de Christo testimonia narrat Johannes Evangelista c. I, 19. sequ. Legationem Johannis captivi ad Christum Matthæus XI, 2. seq. & Lucas c. VII, 18. seq. consignerunt. Cur ab Herode incarceratus & postea capite plexus fuerit, narrat Matthæus c. XIV, 3. seq. & Marcus c. VI, 14. & seq.

II. Legi apud Josephum, quod Johannes Baptista vere Propheta fuerit, asserit Hieronymus *in catalogo Scriptorum ecclesiasticorum c. 13.* Verum id in hodiernis Flavii Josephi scriptis non legitur, & forte nunquam in iis lectum fuit, quicquid Hieronymo, quem memoria facile decipere potuit, visum fuerit. Meminit tamen omnino Josephus Johannis Baptistæ, & refert *libr. 18. antiquit. Judaic. c. 7.* quod juxta Numinis vindicta Herodis exercitus ob Johannem Baptistam deletus fuerit, quia virum optimum Judæos ad justitiam & virtutis studium excitantem apprehendi, vinctumque Macheruntem mitti & occidi jussit. Causam autem, quæ Herodem ad Johannis Baptistæ cædem impulit Josephus hanc commemorat, quod magnus plebis Judæicæ confluxus ad Johannem in deserto fieret, & Herodes vereretur, ne aliquando Johannes sua apud populum autoritate ad parandam defectionem abuteretur, cum Judæi nihil non ejus consiliis facturi viderentur. Quæ tamen Josephi relatio cum Evangelistis haud

H h h

bene

bene congruit, qui Herodem, cum rapta fratris sui uxore sancta conjugii jura incestu polluisset, epanorthotica Johannis concione exacerbatum referunt.

III. In Assyria Orientis regione loca quædam a gente inhabitari, quæ *Christianorum S. Johannis* nomen gerit, & eorum, qui olim a Johanne in Jordane baptizati sunt, progenies esse reputatur, tradit Ignatius a Jesu Carmelita Discalceatus & in Passora Mesopotamiæ Missionarius in libello, quem Romæ 1652. de istis hominibus edidit. Variis autem illi Pseudo-Christiani erroribus infecti sunt. Statuunt enim Johannem Baptistam non eo modo, ut cæteri mortales, sed per solum Parentum mutuum amplexum conceptum esse. Imprimis autem miræ sunt fabulæ, quas de baptismo Christi per Johannis ministerium factò fingunt. Dicunt enim Judæos quosdam, cum vidissent Johannem ad Christi baptismum se parasse, invidia motos magnam copiam Indici coloris attulisse, & in aquam Jordanis conjecisse, ut aquas ejus inquinarent & immundas redderent, Deum autem Angelis imperasse, ut magnum vas aquæ mundæ afferrent, & in aerem sublevarent, & in hoc vase Christum in aere sublevatum a Johanne baptizatum esse, & ex illo tempore Deum cæruleo colori, qui ex prædicto Indico colore, siquid eo tingatur, nascitur, maledixisse, unde etiam illi Christiani S. Johannis colorem cyaneum sive cæruleum cane pejus & angue averfantur. Idem Christiani fabulantur, Johannem quatuor liberos ex fluvio Jordane suscepisse, & tandem in civitate quadam Persidos morte minime violenta obiisse, post obitum vero corpus ejus ex ipsius man-

mandato cruci affixum fuisse, ut Christum, cujus tamen umbram tantum in cruce pependisse sibi persuadent, etiam in hoc supplicii genere anteiret, quæ omnia ex autore supra allegato repetit Wagenfeilius in synopsi historię universalis *parte altera p. 84.*

IV. Johannem Herodis gladio obtruncatum Inferis evangelium de Christo mox adventuro prædicasse Patres aliqui statuunt, & in his Hippolytus in tractatu de Antichristo *p. 41. edit. græco-latine. Combesiana*, Origenes *homilia 4. in Lucam p. 245.* Gregorius Nazianzenus *orat. in laudem Basilii p. 369.* Epiphanius, vel autor sermonis de sepulchro Domini nomen Epiphaniæ mentitus, *tom. 2. Oper. Epiphaniæ p. 268.* Hieronymus *epistol. ad Algas. qu. 1. p. 425. & in commentario ad Matth. XI, 3. alique.* Decebat enim si Nicephorum *libr. 1. hist. eccles. c. 19.* audiamus, ut qui Christum præsentem viventibus prædicaverat, ad inferos quoque se conferret, & appropinquantem salutem nunciaret.

V. Johannem Baptistam ortu admirabilem, vita asperum & venerabilem, morte gloriosum Martyrem, & doctrina cœlestem exhibet Dorscheus in exercitatione de Agno Dei tollente peccata mundi, ubi etiam varias inventiones capitis Johannei a variis Scriptoribus jactatas suspectas reddit, & quam male inter se cohæreant ostendit, nec minus circa alias Johannis Baptistæ reliquias magnam relationum varietatem animadvertit. Inter alia digitum indicem, quo Christum Agnum Dei demonstravit Johannes, Vespuntione, Tolosæ, Lugduni & Florentiæ ostendi notat, & Halæ

quoque Saxonum in æde S. Mauritii inaurato sacrario eundem digitum inclusum fuisse ex descriptione reliquiarum Halensium observat. Conferatur etiam Joh. Sebastiani Mitternachtii dissertatiuncula de Johannis Baptistæ Reliquiis, *in dissertationibus ejus historicis p. 16. seqq.*

VI. Refert Justinus Martyr *in dialogo cum Tryphone p. 315.* quod cum Jesus a Johanne baptizandus in undam descenderet, ignis in Jordane accensus fuerit. Cum autem Evangelistæ de flamma in Jordane accensa nihil referant, Hugo Grotius Justinum hanc relationem ex hebraico Nazaræorum evangelio depromisse suspicatur. Verum, si Epiphanium evolvamus,prehendimus, quod etiam Nazaræi & Ebionitæ in suo evangelio flammæ in Jordane succensæ nullam mentionem fecerint. Nam in illo Ebionitarum evangelio juxta Epiphanium *heres. 30. c. 13.* dicitur, Jesu post baptismum ex aquis ascendente Spiritum S. in columbæ specie descendisse, & vocem de cœlo redditam fuisse: *tu es Filius meus dilectus, in Te mihi complacui*, & iterum: *hodie genui te*, statimque eo in loco ingentem lucem effulxisse, qua conspecta Johannem interrogasse Christum, quis esset? iterumque vocem cœlitus delapsam dixisse: *hic est Filius meus dilectus in quo mihi complacui.* Ebionitæ igitur in suo evangelio lucem in illo loco effulxisse tradiderunt, Justinus autem ignem in Jordane accensum refert, quod aliunde quam ex Ebionitarum evangelio depromisse videtur, etsi etiam Johannes Millius in notis ad Matth. 3. p. 7. Justinum ista ex Nazaræorum evangelio hausisse cum Grotio existimet.

stimet. Saltem alio illius evangelii exemplari usus est Justinus, quam Epiphanius, quemadmodum & Hieronymus alio usus est, quam uterque, apud quem *commentar. ad Esa. XI. Tom. III. novæ edit. p. 99.* historia de baptismo Christi per Johannem ex evangelio secundum Hebræos his verbis describitur: *Factum est autem quum ascendisset Dominus de aqua, descendit fons omnis Spiritus Sancti: & requievit super eum, & dixit illi: Fili mi, in omnibus Prophetis expectabam te, ut venires & requiescerem in te. Tu es enim requies mea, tu es filius meus primogenitus; qui regnas in sempiternum.* Cæterum aquam Jordanis, postquam eam Christus a Johanne baptizatus contactu suo consecravit, incorruptionis munere donatam fuisse Radzivilus Princeps in suo hodoëporico Hierosolymitano retulit his verbis: *aquam valde turbidam Jordanus habet, sed salubrem, quæ in vase asservata nunquam corrumpitur, prout in ea, quam attuli mecum, indubitanter sum expertus.* Conferatur Gretserus in *commentar. ad Codin. libr. 3. c. 3. p. 229. edit. Parisiensis.*

VII. Veras fuisse lucustas, quibus Johannes Baptista in deserto vitam sustentavit, non dubitandum esse asserit Ludolphus *hisor. Æthiop. libr. 1. c. 13.* ubi hoc cibi genus suave & salubre esse notat. Prolixius de locustis agit in *commentario ad historiam Æthiopicam p. 168. & sequ.* ubi etiam Israelitas, cum in deserto carnis esum appeterent, non coturnicibus, ut vulgo creditur, sed locustis pastos statuit, ideoque voces שָׁלִי & שָׁלִיִּי Num. XI, 31. 32. quæ vulgo de coturnicibus explicantur, rectius de locustis explicari censet, cujus

rei probandæ gratia multorum Scriptorum omnis generis de locustis relationes affert, & ex illis infert, stupendam esse locustarum multitudinem, esse locustas comestibiles, species locustarum mundarum plurimas dari, & locustas Judæis esu licitas fuisse, ac denique omnia, quæ in historia ex Numeris allegata, & locis parallelis occurrunt, melius ad locustas, quam ad coturnices quadrare. Quantum autem ad Johannem Baptistam attinet, non probat sententiam Victorini Strigelii, qui in suis hypomnematibus asserit, Johannem Baptistam usum fuisse cibus ad Jordanem obviis, ubi piscatores ipsi cancos ex Jordane captos, quos alioqui non vendebant, comedendos obtulerint. Qua occasione Ludolfus etiam Diaconi alicujus meminit, qui pro concione dixerit: im Grund-Texte steht *axejdas* ihr lieben Zuhörer / Lutherus hats Heuschrecken gegeben / es sind aber Krebse gewesen ihr lieben Zuhörer. Non minus improbat Ludolfus illum Monachum, qui Jacobo Vitriaco sciscitanti, quales locustæ fuerint, quibus Johannes in illa circa Jordanem regione, ubi tunc Vitriacus versabatur, ad cibum usus fuerit, respondit, quod Monachis in illa regione non infrequenter herba quædam apponatur, quam ipsi *Langustam* nomenclant i. e. locustam, & quod illa esca etiam Johannes usus fuerit, ut refert ipse Vitriacus in historia Hierosolymitana c. 53. Nec magis Ludolfo placet opinio illa Knatchbulli, qui in suis ad N. T. animadversionibus *axejdas*, quas una cum melle sylvestri Matthæus c. III, 4. & Marcus c. I, 6. Johannis Baptistæ cibum fuisse referunt, de summitatibus foliorum in plantis & arboribus interpretatur.

Re-

Rejicit denique Ludolfus omnium illorum conjecturas, qui vel vocem ἀκρίδας emendandam & aliter legendam, vel aliter quam de locustis interpretandam asserunt. Variis enim interpretationibus ἀκρίδες illæ Johannis Baptistæ sunt obnoxiae ut videri potest apud Bochartum in *bierochoico part. 2. libr. 4.* ubi octo integra capita locustis impendit, & cap. 7. de locustis Johannis Baptistæ agit, ubi refutat Ebionæos, qui in suo evangelio ἀκρίδας in ἐγκρίδας seu liba cum melle & oleo mutant, & Isidorum Pelusiotam, qui ἀκρόθρυα seu extremitates herbarum & plantarum Johanni in cibum cessisse opinatur, & alios, qui per ἀκρίδας vel certam aliquam herbam, vel aviculas ἐρυνόπιδας, vel locustas marinas, quas Græci καρχήδες vocant, vel squillas seu καρίδας cancro- rum genus, vel denique ἀκρόθρυα seu pyra sylvestria intelligunt.

VIII. Conferantur præterea de Johanne Baptista Bebelii antiquitates evangelicæ *articul. 2. sect. 1. p. 57. seqv.* Buttneri inquisitio in historiam Johannis Baptistæ, Wasevizii Turtur Johanneus, Herm. Witsii Exercitatio de vita Johannis Baptistæ *Tom. 2. Miscellaneorum Sacrorum p. 467. seqq.* Mommae oeconomia V. & N. T. libr. 3. c. 2. alique. Traditionem de austeritate Johannis ex MSCto commentario Arabico in Alcoranum repetit Joh. Gregorius in *notis & observationibus ad loca aliquot S. Scripturae c. 28.* ubi refert, quod a Johanne Baptista puero petierint socii item pueri, cur cum illis nollet ludere: sed responderit Johannes, se non creatum fuisse propter lulum. Inter duos tomos commentariorum de Verbi Dei corruptelis,

lis, quos Petrus Canisius Centuriatoribus Magdeburgensibus opponere voluit, prior agit de S. Præcursoris Domini Johannis Baptistæ historia evangelica, in qua varios Pontificiorum errores contra Centurias Magdeburgenses defendere irritò conatu nititur.

CAPITIS VII.

SECTIO V.

De

Apostolis.

I.

Apostolorum vocem etiam Gentilibus & Judæis usitatam fuisse observat Fridericus Spanhemius in dissertatione de Apostolatu, in qua etiam de characteribus Apostolorum a Christo institutorum, & duodenario eorum numero agit. Duodecim enim Christus ex reliquis Discipulis ad Apostolatum elegit, ut ipse indicat Joh. VI, 70. Nomina istorum duodecim exprimuntur Matth. X, 2. 3. 4. Marc. III, 16. seq. Luc. VI, 13. & seq. Hos quotidianos doctrinæ suæ auditores & miraculorum spectatores habuit, & familiaris a se informatos post biennium in Judæam emisit, ut evangelium docerent, & cœlestem doctrinam miraculis confirmarent. Jussit enim eos ægrotis sanitatem restituere, leprosos mundare, mortuos excitare, Dæmones

ex-

expellere Matth. X, 8. Hoc ergo miraculorum dono instructi Dæmones ex obsessis expulerunt, multosque infirmos oleo unctos a morbis suis liberarunt Marc. VI, 13. Quod non ita accipiendum est, quasi Apostoli Medicorum instar per oleum naturali modo agros sanaverint, quam sententiam dum Maldonatus refutandam suscipit, Andabatarum instar pugnat, cum forte nemini illa sententia in mentem venerit. Multo minus vero cogitandum est, Apostolos sacramentum extremæ unctionis usurpasse, de quo prædictus Maldonatus hunc locum explicandum urget. Agnoscunt enim multi inter ipsos Pontificios Cajetanus, Bellarminus, & plures alii, hunc Marci locum ad Sacramentum extremæ unctionis minime pertinere. Parallela est huic Marci loco parænesis Jacobi, qui infirmos admonet, ut Presbyteros accersant, & ab iis in nomine Domini oleo se inungi sinant. Nam quod nonnemo existimat, Apostolum hoc loco velle, ut Presbyteri Medicos agant, & præter preces oleum i. e. commoda medicamenta sanandis ægris apta adhibeant, in eo dubito, an temere quæquam suæ sententiæ ὁμολογῶν habiturus sit, cum verba satis aperte ad miraculosam sanationem respiciant, cui in primitiva ecclesia, cum donum illud miraculorum adhuc vigeret, interdum manus impositio, interdum oleum, & alia externa signa adhibebantur, sicut & ipse Christus in miraculosis suis curationibus nonnunquam sputum & alia externa symbola adhibuit, neque tamen externa illa symbola tanquam naturalia medicamenta ægrotis applicavit. Multo minus autem Pontificiis concedendum, quod Jacobus de extre-

ma unctione locutus fuerit, quod ex ipsis Pontificiis Cajetanus agnoscit. Reliquos autem Pontificios, qui vel cum Maldonato & aliis tam in Evangelio Marci, quam in Jacobi epistola, vel ad Bellarmini exemplum relicto Marco saltem in Jacobi epistola Sacramentum extremae unctionis quaerunt, prolixè refutavit Dallæus de extrema unctione *libr. 1. c. 3. sequ.*

II. Post Christi resurrectionem, cum jam unus ex duodecim Apostolis ab ipso electis nempe Judas Iscariotes in locum suum abiisset, in cujus locum per divinam sortem Matthias surrogatus est, Apostoli in universum terrarum orbem ire, & evangelium omnibus hominibus prædicare jussi, & ut hoc officium rite administrare possent, singularibus Spiritus S. donis instructi sunt, Act. II, 1. & sequ. Inter quæ charismata non postremum fuit linguarum donum, quod eo usque tantum in Apostolis durasse, donec linguæ igneæ in ipsorum capitibus conspicerentur, perperam nonnulli asseruerunt. Perperam etiam alii cum Erasmo hoc miraculum in auribus potius audientium, quam Apostolorum loquentium linguis quaerendum existimarunt, quasi Apostolis in vernacula sua lingua concionantibus, eorum verba in auscultantium auribus familiarem cuivis nationi sonum induissent, quemadmodum Antonium a Padua Romæ concionantem peregrini variarum nationum, qui indulgentiarum causa Romam venerant, non minus percepisse perhibentur, quam si quisque suæ nationis linguam audiisset, apud Surium in ejus vita *Mense Jun. p. 192.* aut sicut de Vincentio Ferrerio Dominicanorum annales comminiscuntur, quod

quod Hispanice perorantem Itali, Galli, Flandri, atque Angli, etsi Hispanicæ linguæ minus gnari, intellexerint. Perperam inquam linguarum donum Apostolis imperitum ita accipitur, ac si miraculum potius in Auditoribus quam in Apostolis contigisset. Promiserat enim Christus Apostolis, quod novis linguis locuturi essent Marc. XVI, 17. Quæ tamen Christi promissio ad linguas, quæ Apostolorum ævo in rerum natura nondum erant, non extendenda est, unde Bivarium, qui in notis ad Dextrum inter novas linguas, quibus fideles nascente ecclesia locuti sunt, Hispanicam retulit, confutat Le Moyne *not. ad var. sacr. p. 1035*. Cæterum donum linguarum in festo Pentecostes ita dispensatum fuisse, ut jam tum cognosci potuerit, ad quas gentes quilibet Apostolorum abiturus esset, statuit Hieronymus *epistol. 150. ad Hedibiam qv. 9*. ubi ait ita Apostolos accepisse genera linguarum, ut jam tum perspectum esset, qui Apostolorum, quibus gentibus evangelium nunciare deberent, illis nempe gentibus, quarum linguam in festo Pentecostes acceperant. Unde ulterius infert, illos Apostolos, qui multis gentibus evangelium annunciare debebant, etiam multarum linguarum donum accepisse, quod exemplo Pauli comprobatur, qui, cum ab Hierosolyma usque ad Illyricum omnia evangelio compleverit, & inde per Romam in Hispaniam abire festinaverit, Deo gratias agat, quod magis cunctis Apostolis linguis loquatur. Verum etsi Paulus ad Corinthios scribat; *Deo gratias ago, quod magis linguis loquar, quam Vos omnes* 1. Cor. XIV, 18. nusquam tamen dicit, quod linguarum charismate omnes Apostolos superet.

Neque etiam probare poterit Hieronymus, quod quilibet Apostolorum in festo Pentecostes illarum tantum nationum linguas locutus fuerit, quibus evangelium prædicaturus erat, etsi etiam Michael Glycas in suis annalibus *part. 3. p. 226. edit. græco-lat.* ita sentiat. Verba ejus ex latina versione Lewnklavii per Philippum Labbeum recognita ita se habent: *videre tum erat Petrum, qui Galilaus esset, Romana lingua utentem, quam nunquam antea discendo percepisset: itidemque singulos reliquorum peculiari quadam lingua loquentes. Hoc enim Spiritus Sanctus singulari quodam consilio sic administravit, ne qua inter Apostolos esset ea de re discordia, quo scilicet unicuique abeundum foret. Ideoque singulis sua in lingua data est quædam quasi norma & regula. Verbi gratia, Romana uteris lingua; Romam igitur abito. Persice loqueris; ad Persas proficiscitor. Hanc igitur incerta lingua regulam acceperunt. Rursum vero, quia Romam profecturis per nationes multas iter faciundum erat: ideo linguas alias tanquam opitulatrices prioris accipiebant, quum illam primam ordinationis quasi loco haberent.*

III. Idem Spiritus S. qui Apostolos linguarum dono instruxit, eos in docendo & scribendo ita direxit, ut in omnem veritatem ducti aberrare non possent. Locuti enim sunt hi sancti Dei homines a Spiritu S. acti, quo agente & tam sensus & sententias, quam ipsa verba immediate inspirante etiam scripta sua literis consignarunt, quicquid contra divinam apostolicorum scriptorum auctoritatem Spinoza, & alii Fanatici contendunt. A quorum hypothesibus non alienus

nus videtur Hedingerus, qui ad 1. Joh. II, 8. notat, fieri potuisse, ut primi Christiani, & ipsi Apostoli diem extremi judicii, quem cœlestis Pater suæ sapientiæ reservavit, ex conjectura propiorem crediderint, quam vera esset. Quam Hedingerianam notam Summe Reverendus Dn. D. Wernsdorffius in disputatione de Verbo Dei scripto *thes.* 32. non immerito sequentibus verbis castigavit: *scilicet, quoties Petrus, Paulus, reliqui de die supremo docuerunt, tum non a Spiritu S. impuls, sed sua ipsorum suspitione ducti, locuti sunt. Unde per errorem sunt opinati, esse in propinquo diem, quem t. t. longissime abfuisse docuit eventus, ausique sunt de illo sibi judicium sumere, cujus notitiam sibi Pater reservarat. Tam effreni impudentia & Scripturas, & Scripturarum auctores, errorum postulant fanatici homines.*

IV. Per duodecim annos Apostolos Hierosolymis hæsisse, antequam in universum orbem exirent, Apollonii est traditio, qui hoc Apostolis a Christo præceptum fuisse tradidit apud Eusebium *lib. 5. hist. eccles. c. 18.* Idem tradit Autor prædicationis Petri apud Clementem Alexandrinum libr. 6. Stromatum. Quam traditionem Henschenius ita explicat, ut sub Hierosolymæ nomine Syriam etiam & vicinas regiones complectatur, cui sententiæ Papebrochius contradicit, qui duos tantum annos Apollonium & Eusebium dicere voluisse contendit. Henschenii tamen conjecturam præferendam existimat Schelstratenus *antiquit. ecclesiast. Tom. I. chronolog. p. 85.* Verum opus non est, ut ea de re multum disceptemus, cum nullo certo argumento probari possit, quod Christus Apostolos ante suam in

orbem universum emigrationem per duodecim annos in urbe Hierosolymitana hæere jussit.

V. Quibus in locis singuli Apostoli evangelium prædicaverint maxima ex parte incertum est, & admodum variant, qui loca illa designant, Hippolytus in indiculo 12. Apostolorum, Sophronius in versione græca Catalogi Scriptorum ecclesiasticorum Hieronymiani, cui etiam illos Apostolos, quorum nulla scripta extant, adjunxit, Dorotheus in Synopsi, Isidorus de vitis Prophetarum & Apostolorum, Abdias Babylonius in certaminibus Apostolorum, Venantius Fortunatus in carmine de gaudiis vitæ æternæ, Walafridus Strabo in poemate de 12. Apostolis, Nicetas Paphlagon in orationibus, quibus Apostolorum laudes celebravit a Combesio editis, Ado in libello de festivitatibus Apostolorum, indiculus Apostolorum Hieronymi Martyrologio præmissus, & alii hujusmodi libelli. E recentioribus conferantur Magdeburgenses *Cent. I. libr. 2. c. 10.* Perionius de vitis Apostolorum, Serarius in opusculo de Apostolis *part. 2.* Chemnitius *harmonia evangel. c. 50.* Schoppius in *Academia Christi p. 21.* Micælius in *Syntagm. histor. eccles. p. 222.* & imprimis Guilielmus Cave in vitis Apostolorum Anglice scriptis. Nobis de singulis pauca proferre lubet,

VI. SIMON PETRUS cognomento Cephas ex piscatore hominum piscator factus hoc officio sedulo functus est, & cœlestem evangelii doctrinam ore pariter & calamo propagare studuit. De scriptis
 ipsi

ipsi falso attributis capite I. egimus. Genuina ejus monumenta sunt duæ epistolæ. Quod enim olim in primitiva ecclesia nonnulli posterioris Petrinæ auctoritatem elevarunt, & ob styli dissimilitudinem a Petro scriptam dubitarunt, & ex recentioribus Josephus Scaliger *in Scaligerianis* p. 103. Petrum posterioris epistolæ autorem esse negavit, & Hugo Grotius hanc epistolam a Simeone Episcopo Hierosolymitano scriptam hariolatus, nulla solida ratione nititur. Recte ergo doctissimus Millius in suis ad N. T. prolegomenis posteriorem hanc epistolam non minus ac priorem Petro vindicavit.

VII. Num Petrus Romæ aliquando fuerit, & non solum Romanum episcopatum, sed etiam totius ecclesiæ primatum obtinuerit, eumque in Pontifices Romanos tanquam Successores suos derivaverit, supra c. IV. aliqua dicta sunt, nec opus est, ut plura nunc addamus. Id tantum moneo, quod ibi th. 1. dixerim, Larroquanium doctissimo Caveo exprobrasse, quod inter Scriptores veteres, qui Petrum Romæ fuisse testantur, Lactantii de mortibus persecutorum oblitus fuerit. Verum hanc Larroquani censuram intempestivam fuisse ipse Dn. Cave in secunda historiæ suæ literariæ parte indicavit, quod illo loco omitti minime debuisset.

VIII. De Petri conjugio etiam jam supra prædicto capite IV. thes. 25. aliquid dictum est. Addo nunc locum Ambrosii, seu potius alterius veteris Scriptoris, qui sub Ambrosii nomine in epistolas Paulinas commentatus est, & ad 1. Cor. XI, 14. ad 2. Cor. XI, 2.

an-

annotavit, omnes Apostolos excepto Johanne & Paulo uxores habuisse, quæ verba referente Clarissimo Wagenfeilio in *Synopsi historia universalis part. 2. pag. 98.* in MSCto codice Bibliothecæ Noribergensis ita exhibentur, ut Pauli nomine expuncto Petri nomen substituat, quæ corruptela dubio procul Monachum aliquem maleferiatum autorem habet, qui Petri cœlibatum asserere voluit, etsi id invita Scriptura fiat, quippe quæ de Petri socru mentionem facit.

IX. Qualia fuerint Simonis Petri cum Simone Mago certamina Clemens Romanus in recognitionibus apostolicis, Marcellus in tractatu de conflictu Simonis Petri cum Simone Mago, & alii hujusmodi Scriptores prolixè referunt, e quibus nonnulla in dissertatione de Hæresiarchis *sect. 1. c. 2.* & appendice illius dissertationis paucis protulimus. De ejusdem Apostoli martyrio cap. 6. hujus tractatus egimus. Nunc tantum addimus traditionem de catenis Petri, quarum memoriam fasti ecclesiastici Calendis Augusti recolunt. Summa fabulæ est, alteram ex duabus catenis, quibus Petrus Hierosolymis Herodis jussu vinctus fuerat, cum catena, qua Romæ sub Nerone constrictus fuit, per divinum miraculum in unam coaluisse.

X. JOHANNES, Zebedæi Filius, Discipulus Christi singulariter dilectus Ephesi imprimis commoratus perhibetur. Quanta solitudine juvenem, qui ex Christiano latronum Dux factus fuerat, ad ecclesiam reduxerit, ex Clemente Alexandrino & Eusebio c. IV. adduximus, & quid circa illam historiam notandum sit adduximus. De aurea bractea, qua ipsum ornatum fuisse

fuisse Polycrates tradidit, etiam jam supra dictum est. Johannes Cassianus *collat. 24. cap. 21.* de Johanne refert, quod aliquando perdicem manu sua demulserit, & venator quidam hunc cum perdice lulum Johannis persona indignum censuerit, tum vero Johannes venatorem interrogaverit, cur arcum suum non semper tensum secum gerat, & illo respondente, ne, si continuo tensus sit, virtutem suam amittat, & lusus ac debilis fiat, regesserit, ergo nec sibi honestam aliquam animi relaxationem invidendam esse, ut eo alacrior ad suos labores redire possit. De Johannis in dolium ferventis olei injectione, & relegatione in insulam Pathmum in capite de persecutionibus dictum est. Alia ad Johannis historiam spectantia multaque ejus elogia colligit Theophilus Raynaudus in tractatu de claris Theophilis & Amadeis, quos inter primum locum Johanni Evangelistæ & Apostolo assignat. Vanis autem & falsis Johannis decoribus accenset, quod nonnulli Scriptores Johannem ordinarium B. Virginis Confessarium fuisse asserunt, item quod nonnulli Johannem adhuc vivere, & temporibus Anti-Christi morituum arbitri sunt, quos inter etiam Jacobum Fabrum olim fuisse refert, a quo postea in commentario ad Joh. XXI. errorem illum retractatum asserit, etsi in illo loco Faber potius de vita & morte Johannis plane non disceptandum asserat, cum ex ejus sententia tam illi peccent, qui cum Trapezuntio Johannem adhuc vivere contendunt, quam illi, qui cum Hieronymo eum mortuum statuunt. Spectant huc etiam miræ traditiones de sepulchro Johannis, quæ referuntur ab Augustino in

tract. 124. ad Johannem, & Græcis, in suis Menæis & Synaxariis d. 18. Maji, quorum verba exhibet Combefsius *Auctar. noviss. Biblioth. PP. græco-lat. tom. I. p. 485.* item traditio de resurrectione Johannis, quam asserit Nicephorus *libr. 1. hist. eccles. cap. 35. & libr. 2. cap. 42.* Autor, qui Arabice vitam Johannis descripsit, refert, Johannem cuidam e Discipulis suis mandasse, ne cuiquam sepulchrum suum indicaret. Plura de Johanne num adhuc vivat, an mortuus sit, videantur apud Commentatores evangelii Johannei capite ultimo, Tarnovium *in prolegomenis ad Johannem c. 2. p. 15.* Espenæum *oper. p. 997.* Mitternachtium in dissertationibus de hoc argumento, & alios. Leonis vero Allatii synagma de Johannis Evangelistæ fine & vitæ exitu, cujus ipse in apibus suis Urbanis *p. 178.* & in diatriba de Georgiis *p. 379.* meminit, nescio an lucem publicam adspexerit. Quod Johannes templum Dianæ Ephesium solo æquaverit, Nicephori est relatio. Quam diligenter Johannes, imprimis jam senex & morti vicinus auditoribus suis mutuum amorem inculcaverit, ita ut nihil aliud in concionibus suis protulerit, quam illam parænesin sæpius ingeminatam: *Filii diligamus invicem*, refert Hieronymus in Commentario epistolæ ad Galatas. Fuisse inter Pontificios, qui crederent Johannem Evangelistam in Christi personam transubstantiatum fuisse, vix crederem, nisi Vir clarissimus Wagenfeilius *in Synopsi historia sua universalis p. 110.* certior me fecisset, quod ipse Pisis Franciscanum quendam Monachum pro suggestu hanc sententiam publice defendisse auribus suis audiverit.

XI. De

XI. De evangelio Johannis *cap. V. de hæresibus thes. 26.* aliquid diximus, ubi etiam *thes. 35.* singulare Johannis adversus Cerinthum odium retulimus. Evangelium autem Johannis quantum attinet, Johannes Clericus ad 18. priora commata capituli primi evangelii Johannei, quæ paraphrasi & animadversionibus suis illustravit, Johannem hac occasione evangelium suum scripsisse putat, quod nonnulli philosophiæ ethniciæ studium cum judaicæ aut christianæ religionis professione conjungerent, multaque de ratione divina, de vita, de lumine, de unigenito Dei filio traderent. Cum enim hæc neque omnino falsa neque omnino vera essent, & sine discrimine neque admittenda, neque repudianda essent, Johannem Christianos ex suo evangelio discere voluisse asserit, quo sensu voces illæ usurpari deberent, quas in religionem christianam & judaicam Scriptores quidam celebres, & hæreticorum Sectæ inferre satagebant. Imprimis autem Philonis scripta Johanni non incognita fuisse censet, asseritque, cum multi Christiani illa legerent, ne eloquentia ejus capti ejus placita Christianorum dogmatibus valde affinia cum religione christiana miscerent, Johannem in ipso statim evangelii sui exordio phrasas a Philone usurpatas ad orthodoxum sensum applicare voluisse. Quod ut probet Clericus tam in prolegomenis quam in animadversionibus multa Philonis loca adducit, quæ Johanni parallela esse arbitratur. Verum quod Philonis scripta Johanni Apostolo cognita & tam familiaria fuerint, ut in evangelio suo ad plura Philonis loca respexerit, probabile non videtur. Quis enim credat, Johan-

nem, sive illo tempore, quo adhuc artem piscatoriam exercuit, sive illo, quo in Christi schola versatus est, lectioni Philonis, & aliorum hujusmodi Scriptorum temporis aliquid impendisse? Conferantur Eliae Benoist in priores octodecim primi capituli evangelii secundum Johannem versiculos dissertationes tres epistolicae, quibus scopus Scriptoris inquiritur, sensus paraphrasi explicatur, doctrina variis observationibus exponitur, confirmatur, & ab omni fraude vindicatur. Præter evangelium Johannes reliquit tres epistolas, quorum primam Episcopus ob frequentes tautologias & perisologias tanquam verrucas & maculas pulchri corporis impie reprehendit, quod non magis probandum, quam quod aliqui secundam & tertiam Johannis epistolam non a Johanne Apostolo, sed a Johanne quodam Presbytero scriptam judicant. Reliquit denique Johannes etiam Apocalypsin, etsi olim non defuerint, qui hoc etiam scriptum Johanni Apostolo abjudicare ausi sunt.

XII. JACOBUS Johannis frater, qui Major cognominari solet, Herodis gladio Hierosolymis obtruncatus est, ut Lucas in Actis apostolicis testatur. Eum in Hispaniam ante suum martyrium venisse, & evangelium ibi prædicasse contendunt Sanctius in disputatione de S. Jacobi prædicatione in Hispania ejusdem ad Acta commentariis adjuncta, Antonius Caracciolus in tractatu de Jacobi in Hispaniam accessu, & alii. Verum etsi hunc Jacobum Hispani sibi vindicent, ejusque monumentum Compostellæ esse jactent, quo corpus ejus navi sine rectore impositum dirigente di-

vi-

vina Providentia appulisse perhibetur, & ex hoc nomine Archiepiscopus Compostellanus in Synodo Lateranensi sedis suæ prærogativam adversus Rodericum Ximenium Episcopum Toletanum exaggeraverit, Ximenius tamen totam illam de Jacobo fabulam ex muliercularum trivialibus sermonibus natam asserebat, teste Baronio ad A. C. 816. & Spondano ad A. C. XLIV, 2. Conferantur, quæ contra Jacobi in Hispaniam adventum observant ex ipsis Pontificiis Jacobus Alexander Tenneurius in tractatu de ampulla Remensi c. 6. Natalis Alexander *secul. 1. dissert. 14.* & Combesius *in Bibl. PP. græco-lat. auctario novissimo p. 479.* ubi inter alia ait, Calixtum aliosque Pontifices pium suum sensum de S. Jacobo aperire, & libris ecclesiasticis inferere potuisse, sed historicam fidem nisi ex probatis monumentis certam præstari non posse, ideoque de S. Jacobo, & aliis hujusmodi controversiis etiam post diplomata Pontificum, & instituta pro Sanctorum veneratione officia citra pietatis jacturam a viris doctis aliquid certius inquiri licere. Ex Reformatis videri poterit Voetius *part. 3. disput. p. 987.* ubi de peregrinationibus Compostellanis agit, & Pontificiis verba Christi occinit: *nescitis quod adoratis.*

XIII. Inter Jacobi hujus Discipulos fuisse dicitur Cæcilius, cujus miraculosa in Johanneam apocalypsin commentaria laudat Bivarius *in notis ad Dextrum p. 109.* Et miraculosa sanè hæc commentaria sint oportet, quæ in Apocalypsin Johannis scripta sunt, antequam S. Johannes Apocalypsin suam edidisset, & quæ Hispanice elaborata sunt, multis ante sæculis, quam lin-

gua Hispanica hodierna in rerum natura esset. Unde Bivarius in Cæcilio impletam dicit promissionem Christi, qua Discipulos suos novis linguis locuturos promissit, h. e. juxta Bivarii interpretationem, quæ nondum extabant, & hætenus a nullo mortalium auditæ fuerant. Edidisse autem illa Cæcilii in Johannis revelationes commentaria Michaellem de Luna docet Stephanus le Moyne *in notis ad varia sacra p. 1036.* cujus tamen operis nullam mentionem facit Nicolaus Antonius cum in bibliotheca sua Hispanica Michaelis de Luna scripta memorat.

XIV. Jacobitas ab hoc Jacobo nomen suum accepisse tradit Martinus Polonus *in Chronico p. 351.* ubi addit, quod Jacobitarum secta Christum Deum negaverit, quod Sandio tam gratum accidit, ut temperare sibi non potuerit, quin statim in ipsa primi seculi historia multa de Jacobitis colligat ab hoc tempore prorsus aliena.

XV. JACOBUS Alphæi cognomento Minor frater Domini dicitur Gal. I, 19. Hegesippus apud Eusebium *libr. 2. hist. eccles. c. 23.* refert, quod etiam *justus*, & *Oblis*, seu *Osliam*, h. e. munimentum populi vocatus fuerit. De eodem narrat, quod ab utero sanctus fuerit, a vino & carnibus abstinuerit, comam non tonderit, unguentis & balneis nunquam usus fuerit, quod intimum Sanctuarium ingrediendi potestatem solus habuerit, quod non lanea sed linea tantum veste indutus fuerit, & genua ejus ob crebras geniculationes instar cameli occalluerint. Verum hæc magna ex parte verisimilia non videri notat Benedictus Justinianus in commenta-
rio

rio ad epistolam Jacobi. Imprimis vero Scaliger illam Hegesippi de Jacobo relationem variis argumentis impugnavit in suis ad Eusebianum chronicon animadversionibus p. 191. In qua Scaligeri censura nonnulla carpit Valesius in *notis ad Eusebium*, & Petavius in *notis ad Epiphanii heresim* 78. p. 332. ubi alias haud diffitetur, nonnulla in hac Jacobi historia vel ab Hegesippo tradita, vel ab aliis inserta, quæ parum probabilia videantur, etsi propterea totam illam historiam fabulis accenseri nolit. Imprimis vero Scaligero se opponit Petrus Halloixius in *notis ad vitam Hegesippi* p. 721. quod brevius exequitur Ruinartus in *notis ad acta Martyrum sincera* p. 5. At omnino dubiæ fidei esse, quæ Hegesippus de Jacobi hujus vita scripsit, dubium mihi non est. Certe hic ipse Jacobus, quem Hegesippus ab utero sanctum fuisse prædicat, in epistola sua scribit: *ποῦν δὲ πάλαι μὲν ἀπαύσης* Jac. III, 2. hoc ipso indicans, se ab utero sanctum non fuisse. Et quis templi locus fuerit, quem ingrediendi soli huic Jacobo jus & potestas fuerit? ut alia taceamus. Nec majoris fidei est narratiuncula Hieronymi in *catalogo Scriptorum ecclesiasticorum* c. 2. ubi ex hebraico Nazaræorum evangelio refert, quod Jacobus cum calicem Domini bibisset, juramento se obstrinxerit, panem se non comesturum, donec Christum a mortuis excitatum vidisset, Christum vero resurgentem, cum sindonem servo Sacerdotis dedisset, ad Jacobum ivisse, & porrecto illi pane dixisse: *frater mi comede panem tuum, quia Filius hominis a mortuis resurrexit*. Quod Jacobi jusjurandum cum sacra historia minus congruere animadvertit Estius ad 1. *Corinth.*

rintb. XV. p. 380. Et quamvis ex illo epistolæ ad Corinthios loco pateat, quod peculiaris revelatio Christi resurgentis Jacobo facta fuerit, apparitio tamen illa non statim facta est, cum Christus resurrexit, sed postquam jam a pluribus quam quingentis fratribus visus fuerat, quod paulo ante Domini ascensionem factum est. Nam quod Papebrochius *Tom. VII. Actorum Maji p. 696. 697.* Christum post ascensionem suam & Spiritus S. effusionem a plus quam quingentis fratribus, & singulariter a Jacobo, & paulo post iterum ab omnibus Apostolis visum judicat, a nobis non probatur, cum istam harrillationem omni fundamento destitutum videamus.

XVI. Martyrium ejus describit Hegesippus apud Eusebium loco supra allegato, ubi memorat, Jacobum post egregiam de Christo confessionem editam a Scribis & Phariseis e fastigio templi præcipitatum, & cum adhuc vitam ageret, & flexis genibus pro hostibus oraret, lapidibus impetitur, & tandem fullo- nis fuste interfectum fuisse. Aliter Jacobi mortem describit Josephus *libr. 20. antiquit. Judaic. c. 8.* ubi refert Ananum Pontificem Maximum post Festi mortem, antequam Albinus ejus successor adveniret, concilium convocasse, & in eo Jacobum aliosque nonnullos ad lapidationis supplicium condemnasse. Quam Josephi narrationem cum Hegesippo qualitercunque conciliare nititur Ruinartus *in actis Martyrum sinceris p. 4.* Quod autem Josephus etiam causam excidii Hierosolymitani, & calamitatum, quæ Judæis acciderunt, Jacobi hujus supplicio imputaverit, etsi Eusebius *libr. 2. hist. eccles. c. 23.* Origenes *libr. 1. contra Celsum p. 35.* &

& *libr. 2. c. 69.* item in *commentar. ad Mattheum p. 223.* edit. *Huetiana*, Hieronymus in *catalogo Scriptorum eccles. c. 2. § 13.* & *lib. 1. adv. Jovinian.* alique id a Josepho scriptum asserant, falsum tamen deprehenditur, cum Josephus hoc tantum dicat, quod Anani factum omnibus bonis in civitate Hierosolymitana agentibus vehementer displicuerit.

XVII. Tantæ sanctitatis in populo fuisse hunc Jacobum, ut simbriam vestimenti ejus certatim attingere cuperent, refert Hieronymus in *commentario epistolæ ad Galatas*. Memoria ejus celebratur una cum Philippo d. i. Maji quo die cum Henschenius primum de Philippo egisset, postea de Jacobo Apostolo Filio Alphei Martyre Ostracinæ, & de Jacobo Fratre Domini & primo Episcopo Hierosolymitano agit. Etsi enim non pauci Jacobum Minorem Alphæi Filium cum Jacobo Fratre Domini & Episcopo Hierosolymitano eundem faciant, ut Pearsonius *ad Acta Apostol. p. 57.* Basnagius *exercit. ad Baronium p. 506.* & ipse Baronius *ad A. C. 44.* Petavius *libr. 1. de hierarch. c. 7.* & alii, quorum sententiæ favent ex antiquis Scriptoribus Clemens Alexandrinus apud Eusebium *libr. 2. hist. eccles. c. 1.* & Hippolytus in *libello de 12. Apostolis*: non desunt tamen, qui Jacobum fratrem Domini & Episcopum Hierosolymitanum a Jacobo Alphæi distinguendum esse putant, ut Blondellus in *Pseudo-Isidoro p. 30.* M. Antonius de Dominis *libr. 2. de Republ. eccles. c. 2. thes. 21. sequ.* Osiander in *historia ecclesiastica secul. I. libr. 2. cap. 33.* Valesius in *notis ad Eusebium*, Hammondus in *dissertationibus de jure Episcopatus*, & Combesius in *notis ad*

Hippolyt. de 12. Apostol. Tom. II. auctarii novi BB. PP. pag. 840. seq. ubi pro hac sententia allegat non solum Clementem Romanum in Recognitionibus & Constitutionibus apostolicis, sed etiam Gregorium Nyssenum *orat. 2. de pascha*, Hegesippum, cujus tamen verba non ita clara esse viri docti observant, Epiphanium in *heresi Collyridianorum*, Chrysostomum *homil. 33. in c. 10. Matthæi*, Græcos in Menologio d. 9. Octobris, Syros item & Æthiopes, qui memoriam Jacobi Alphæi, & Jacobi Fratris Domini distinctis diebus celebrant, Nicephorum, Anastasium Bibliothecarium, Bedam Venerabilem & alios.

XVIII. Hanc igitur sententiam, quæ Jacobum Fratrem Domini non minus a Jacobo Alphæi, quam a Jacobo Zebedæi distinguit, approbat etiam Henschenius in actis Sanctorum, & primum quidem de Jacobo Alphæi Apostolo agit observans, quod nonnulli Patres eum Matthæi Publicani fratrem, & ipsum quoque Publicanum ante suam ad Apostolatum vocationem fuisse statuerint. De eodem ex Synaxario quodam Græco refert, quod cum multos ad Christianam fidem converteret, a Judæis varias insidias passus, tandemque captus & cruci affixus fuerit, & ex Nicephori *libr. 2. hist. eccles. c. 40.* quod Gazæ & Eleutheropoli & in vicinis civitatibus evangelium prædicaverit, postea ad Ægyptios & extremam eorum regionem perveniens tandem Ostracinam adierit, & cruci ibi affixus fuerit. In Scriptura autem de Jacobo Alphæi, perinde ut de Simone Zelota & Bartholomæo, præter nudum nomen nihil plane memorari putat. Postea etiam Jacobi Fra-

tris

tris Domini vitam & martyrium recenser, & varias rationes colligit, cur hic Jacobus a Jacobo Alphæi distinguatur. Verum paulo ante notavimus, quod Jacobus Alphæi ab ipso Paulo Frater Domini dicatur Gal. I, 19. Certe eundem Jacobum, quem Fratrem Domini dicit, unum ex duodecim Apostolis fuisse insinuat, qualis & Petrus fuit & Johannes, quibus Paulus Jacobum tanquam tertiam Apostolici Collegii columnam in eadem epistola c. II, 9. adjungit. Non ergo fingendus est Jacobus aliquis Frater Domini ab Apostolis primi ordinis distinctus. Cum autem Apostoli non certæ alicujus urbis Episcopi, sed totius orbis Doctores fuerint, colligi inde potest, quod Jacobus Hierosolymitanæ ecclesiæ Episcopus proprie non fuerit, quicquid veteres nonnulli de ejus ordinatione ad hunc episcopatum tradiderint, etsi certo modo Hierosolymitanæ ecclesiæ Episcopus fuerit, quatenus nimirum per tempus bene longum in urbe Hierosolymitana apostolico suo munere functus est, qua ratione & reliqui Apostoli omnium illarum regionum & urbium, quas doctrina sua illustrarunt, Episcopi fuerunt. Unde Junius distinguit inter vocem Episcopi vel absolute & communiter, vel relate & singulariter acceptum. Apostolos absolute & communiter Episcopos fuisse dicit, quia citra respectum certi alicujus loci vocati sunt, non relate & singulariter, etsi propter ordinem & commoditatem ecclesiarum quisque in hoc vel illo terrarum tractu, & quasi sorte ad tempus sive longius sive brevius munus suum apostolicum administraverit,

quam Junii distinctionem approbat Burmannus *disput.* 7. de *Apostolis* p. 156. Quæ æquivocatio si observetur, opus non erit, ut cum Dannhauero in *Christeide* p. 113. & aliis Jacobum Episcopum Hierosolymitanum eam ipsam ob causam, quia Episcopus fuit, ex numero 12. Apostolorum excludamus, cum *moraliter impossibilia sint*, ut verbis Dannhaueri utamur, *sedentarius & cursor ; Episcoporum institutor & formaliter Episcopus ; Apostolus ex officio præco orbis, & pastor certo loco affixus.* Hæc enim objectio facile solvi potest, si inter Episcopum univoce & æquivoce dictum distinguamus. Quam solutionem ipse Dannhauerus in objectionem suam tacite suppeditat, cum probaturus Jacobum Episcopum Hierosolymitanum a duobus Jacobis Apostolis distinguendum esse ita argumentatur : *nullus Episcopus univoce dictus est Apostolus univoce dictus.* Subsumo ergo, nihil obstare, quo minus Jacobus, qui non univoce, sed æquivoce tantum Episcopus Hierosolymitanus fuit, Apostolis univoce dictis accenseatur. Nihil hic de aurea Jacobi bractea iterum dicerem, de qua c. IV. th. 26. nonnihil dixi, nisi mihi fatendum esset, quod me ibi memoria fefellerit, cum scripsi, quod Hieronymus in *comment. epistola ad Galat.* Jacobi bracteam auream & in fronte collocatam fuisse prodiderit. Nihil enim in illo commentario de aurea Jacobi bractea in fronte collocata legitur, etsi Hieronymus in *catalogo Scriptorum ecclesiasticorum* c. 45. ex Polycrate de Apostolo Johanne referat, quod auream laminam in fronte portaverit.

XIX. Jacobum hunc Minorem seu Alphæi autorem esse epistolæ, quæ inter septem Canonicas vel Catholicas legitur, plerorumque Veterum & recentiorum est sententia, probabilior utique quam illa Lucii Dextri, Casparis Sanctii, & quorundam aliorum, qui Jacobo Majori hanc epistolam adjudicare malunt, cum tamen Jacobus Major sub initium prædicati evangelii e vivis sublatus fuerit, epistola autem hæc post evangelium longe lateque disseminatum scripta videatur; probabilior etiam quam illa Magdeburgensium Centuriatorum, qui hanc epistolam non ab Apostolo aliquo, sed a quodam Apostolorum discipulo sub finem primi seculi, aut inferiori tempore scriptam esse asserunt *Centur. 1. libr. 2. c. 4. p. 54.* etsi non diffitendum sit, quod etiam ipse Lutherus in præfatione sua hanc epistolam stramineam dixerit, & ab Apostolo scriptam negaverit, cui sententiæ sub initium reformationis non pauci nostratum Theologorum subscripserunt. Neque tamen Pontificii ob hanc causam in Lutherum & Lutheranos immoderate invehi debebant, cum jam in primitiva ecclesia nonnulli de auctore & autoritate hujus epistolæ dubitaverint, nec Lutherani hodie amplius singularem illam Lutheri sententiam tueantur, sed cum humani aliquid passum esse candide fateantur.

XX. ANDRÆ vitam, res gestas & beatam memoriam magno volumine, quod inscribitur: *Andreas Frater Simonis Petri, seu de gloria S. Andrea Apostoli libri 12.* complexus est Andreas du Saussay, & A. 1656. Parisiis vulgavit. Brevius de Andrea egit Johannes Florianus Hammerschmid in tractatu qui inscribi-

tur : *Cruciger Apostolicus i. e. S. Andreas Apostolus in vita, morte, martyrio, miraculis, encomiis &c. descriptus & propositus Praga A. C. 1699.* Huic Apostolo conversionem suam tribuunt Rutheni apud Hottingerum *topograph. p. 37.* Ab eodem Apostolo Stachyn Episcopum Constantinopolitanum constitutum fuisse asserit Synodus Græcorum Hierosolymitana A. 1672. sub Patriarcha Dositheo adversus Calvinistas celebrata, & a Monacho quodam Benedictino Parisiis 1678. græc. & lat. edita p. 253. quod etiam jam pridem asseruerunt Dorotheus in *Synopsi*, Nicephorus Constantinopolitanus in *chronographia compendiaria p. 412.* Philippus Cyprius in *chronico ecclesie græcæ p. 1.* & alii. Ab Ægeæ Praefecto Edessenorum Andream tandem cruci affixum tradit Sophronius in catalogo Virorum illustrium. Qualis autem crux Andreæ fuerit videri potest apud Liptium *de cruce libr. 1. c. 7.* Molanum *libr. 3. histor. imagin. c. 57.* & Combesium in notis ad Hippolytum de 12. Apostolis, ubi observat, quod Hippolytus Andream Patris in Achaja in olea arbore rectum cruci affixum tradiderit, unde colligi posse notat, falsa esse, quæ de cruce Andreæ decussata tradi solent, etsi vulgo pictores supplicium Andreæ in cruce decussata repræsentare soleant, & ob hanc traditionem crux decussata Andreana dici consueverit.

XXI. MATTHÆI res admodum obscuras & incertas esse Combesius in *auctario noviss. BB. PP. græc. lat. pag. 497.* queritur, & mallet Apostolorum gesta pie ignorari, quam religioni ullam mendacii quamvis officiosi suspensionem fictis narrationibus aspergi.

Ejus-

Ejusmodi fictæ narrationes dubio procul sunt, quæ a Nicephoro *libr. 2. histor. eccles. c. 41.* & nonnullis aliis Scriptoribus de Matthæo recensentur. Heracleon apud Clementem Alexandrinum *libr. 4. Stromat. p. 366.* de Matthæo refert, quod æque ac Thomas, & Philip-
pus, & Levi extra martyrium obierit. Ex quo loco Hugo Grotius *in annotat. ad Mattheum cap. 9.* contra vulgarem sententiam disputat, quæ Matthæum, & Levi Marc. II, 14. & Luc. V, 27. memoratum pro eodem agnoscit. Nec alienus est a Grotii sententia Dannhae-
rus *in Christeid. p. 110.* Calovius autem in bibliis illu-
stratis aliter statuit. Certe circumstantiæ ab Evangeli-
stis designatæ Matthæum & Levi eundem persuadere videntur. Neque locus Clementis Alexandrini obstat. Dubitari enim adhuc potest, an Clemens Alexandrinus Matthæum a Levi distin-
xerit, quia forte librariorum vitio nomen Levi pro Lebbæi nomine irrepsit, ut su-
spicatur Dodwellus *dissert. 1. ad Irenæum pag. 44.* De Evangelio Matthæi alibi diximus. Nunc tantum ad-
dimus, Josephum Antonium Gonzalez de Salas *in Man-
tissa ad tractatum de duplici terra viventium sect. 3. p. 150.* satis abjecte de Matthæi evangelio scribere, quod a Ju-
dæis ad Gentes abiturus in ipso profectionis procinctu evangelium suum velut festino & properato opere Ju-
dæis reliquerit, nihil pensi habens, qua rerum digestio-
ne, aut quo ordine gesta Domini exprimeret, sed po-
tius, quæ memoria suggereret, illico ne laberentur, li-
teris consignans, quasi vero Viri Θεόπνεστοι, qualis Mat-
thæus fuit, non quæ Spiritus S. ipsis in calamum dicta-
vit, sed quæ ipsis memoria suggessit, confusa quadam
fe-

festinatione in literas retulerint, quod quam a veritate & sacrarum literarum maiestate alienum sit, non opus est, ut pluribus doceamus.

XXII. THOMÆ historiam profecutus est Thomas Stapletonus in tractatu de tribus Thomis, nempe Thoma Apostolo, Thoma Cantuariensi Episcopo, & Thoma Moro Angliæ Cancellario Colon. Agrip. 1612. edito. A majoribus acceptum tradit Eusebius *libr. 3. hist. eccles. c. 1.* quod cum Apostoli in totum terrarum orbem evangelii prædicandi causa dispergerentur, Thomas Parthiam sortitus fuerit. Sophronius in catalogo Parthis Medos, Persas, Germanos, Hircanos, & alios populos addit, tandemque Thomam in Indiæ civitate Calamina obdormivisse refert. Eadem leguntur in Hippolyti libello de duodecim Apostolis, qui Thomam in quatuor corporis sui partibus abietina lancea confossum addit. Eorum autem, qui Thomam peremerunt, posterius adhuc superesse, & ingenti pedum crassitie præ aliis hominibus notabiles esse perhibentur. Quæ Osorius, & Athanasius Kircherus in China illustrata, de Thomæ gestis in India retulerunt, ad examen vocat Basnagius *exercit. contra Baron, pag. 498.* Quorsum etiam pertinent, quæ contra traditionem de evangelio per Thomam in India prædicato disputat Dallæus *de cult. relig. obj. libr. 5. c. 6.* & Witsius *Miscellan. sacr. tom. 2. p. 447. & seq.* ubi ostendere conatur, ex Thomæ historia probari non posse, quod Evangelium Americanis per Apostolos prædicatum fuerit. Nec inficiamur incertæ esse & dubiæ fidei, quæ extra evangelicam historiam de Thoma passim referuntur. Interim
suffi.

sufficit ex Scriptura certum esse, quod Apostolorum temporibus evangelium omni sub cœlo creaturæ prædicatum fuerit Coloss. 1, 23. Videantur quæ supra *cap. III. sect. 4. thes. 12. p. 193. & seq.* dicta sunt.

XXIII. PHILIPPUS Apostolus a Philippo Diacono & Evangelista, cujus in Actis apostolicis mentio occurrit, distinguendus, juxta Adonem in libello de festivitibus Apostolorum, cum omnem præse Scythiam ad fidem convertisset, Diaconibus, Presbyteris & Episcopis ibi constitutis in Asiam reversus multasque Christo animas lucratus Hierapoli obdormivit. Rabanus & Notkerus in suis Martyrologiis referunt, quod Ebionitarum hæresin extinxerit. Quod idem Philippus in Scythia Martis simulacro dejecto crucem erexerit, & venenosum Draconem exterminaverit, narrat Maurolycus, qui etiam hunc Apostolum ab Ebionitis apud Hierapolin cruci affixum, & lapidibus obrutum memorat. Quod martyrii genus etiam in Martyrologio Romano exprimitur, ubi tamen nulla Ebionitarum mentio facta est. Contigit autem Philippi martyrium sub Domitiano, ut Hippolytus testatur. Singularem Philippi erga se favorem celebrant Hispani, quia gentiles illos, quorum desideria Christum videndi Philippus & Andreas Christo nunciarunt, ut refert Evangelista Johannes XII, 20. seq. Hispanos fuisse credunt, & ex Dextri chronico id satis se probare posse confidunt. Antequam a Philippo abeamus, illud adhuc addere placeat, quod Synaxarium aliquod græcum & Menæa Græcorum Philippo cælibatum falso tribuant. Antiquissi-

mus enim secundi seculi Scriptor Polycrates in epistola ad Victorem apud Eusebium *libr. 3. c. 31. & libr. 5. c. 24.* nec non Hieronymum *in catalogo Scriptorum eccles. c. 45.* & Nicephorum *libr. 4. hist. eccles. cap. 36.* tres Apostoli Philippi filias commemorat. Ab iisdem Philippi filiabus historiam de mortuo quodam ad vitam excitato accepit Papias Hierapolitanæ ecclesiæ, in qua Philippus Apostolus obiit, Episcopus, qui itidem ut Polycrates secundo seculo floruit, & ex cuius scriptis Eusebius *lib. 3. hist. eccles. c. 39.* illarum Philippi Apostoli filiarum mentionem denuo facit. Confirmat Philippi conjugium Clemens Alexandrinus *libr. 3. Stromatum*, qui tamen in eo a Polycrate differt, quod Philippi filias elocatas tradit, quas Polycrates in virginitate confenuisse tradit. Non possum autem non hoc loco malam Christophorsoni fidem in Eusebii versione memorare. Cum enim in Polycratis epistola apud Eusebium Philippus ille, cui tres filiæ a Polycrate tribuuntur, in græco textu expresse dicatur fuisse ex numero τῶν δώδεκα Ἀποστόλων, Christophorsonus verba Polycratis ita vertit : *Philippum dico unum ex septem Diaconis.* Videatur editio Scriptorum historię ecclesiasticę Genevensis anni 1612. quæ græco Eusebii textui Christophorsonianam versionem adjungit p. 75. & iterum pag. 145. Alioqui certum est, quod etiam Philippus Diaconus & Evangelista uxoratus fuerit, & filias quatuor virgines habuerit, ut acta apostolica testantur XXI, 8. 9. Nec opus est, ut cum Dodwello *differt. 1. de Irenæo* a Polycrate Philippum Apostolum cum Philippo Evangelista confusum fuisse dicamus. Cæterum non raro duos
hos

hos Philippos confundi notat Cotelarius *ad Constitut. apostol. lib. 6. c. 7. p. 334.*

XXIV. BARTHOLOMÆUM eundem esse cum Nathanaele non improbabilis est Cavei sententia. Matthæus enim, Marcus, & Lucas nusquam Nathanaelis, Johannes autem nusquam Bartholomæi meminit. A Johanne Philippus Nathanaeli jungitur ratione accessus ad Christum & primæ vocationis, & reliqui etiam Evangelistæ in catalogo Apostolorum Philippum & Bartholomæum conjungunt. Accedit quod in visione Christi ad lacum Tiberiadis, quam Johannes capite ultimo describit, Nathanael in medio reliquorum Apostolorum recensetur. Forte igitur nomen proprium hujus Apostoli fuit Nathanael, & Bartholomæus nomen patronymicum. Bartholomæus enim idem est ac filius Ptolomæi, ut observat Possinus in spicilegio ad catenam Græcam in Marcum *pag. 379.* ubi simul fatetur, sibi a Fabricio Pignatello in erudita de hoc argumento dissertatione dudum persuasum esse, quod Apostolus Bartholomæus idem sit, qui a Johanne Nathanael dicitur. Edidit enim Pignatellus Parisiis A. 1660. tractatum de Apostolatu B. Nathanaelis Bartholomæi. Ejusdem argumenti tractatum vulgavit Johannes Roberti cujus Nathanael Bartholomæus, seu demonstratio, qua probatur, Nathanaelem esse Bartholomæum Apostolum, Duaci A. 1619. prodiit. Si autem Nathanael non idem est cum Bartholomæo dicendum est, Evangelistas præter solum nomen nihil plane de hoc Apostolo memorasse. Interim apud Scriptores ecclesiasticos varia de hoc Apostolo referuntur, & in-

ter alia, quod hebraicum Matthæi evangelium ad Indos detulerit, quod postea Pantænus Alexandrinus Catecheta, cum in Indiam penetravit ibi reperit, ut narrat Eusebius *libr. 5. hist. eccles. c. 10.* qui tamen ex incerto rumore hanc relationem haustam indicat, cum ait: *λέγειται.* Theodorus Studita in sermone de Bartholomæo, quem Anastasius Bibliothecarius latine reddidit, & Dacherius tomo 3. sui Spicilegii vulgavit, inter alia refert de Bartholomæo, quod Lycaoniæ verbum vite prædicaverit, dehinc Indiæ evangelizaverit, ad ultimum in Armenia majori & quidem in urbe Albano, postquam multa & intolerabilia tormenta subiit, ab impiis cute detracta excoxiatus, & capite plexus, & corpus ejus tandem Beneventum delatum fuerit.

XXV. SIMON Cananæus vel Zelotes juxta Nicephorum *libr. 2. c. 40. histor. eccles.* in Ægypto, Cyrene, Libya, & insulis Britannicis evangelium prædicavit. Eum in nuptiis Cananæis, quibus Christus interfuit, Sponsum fuisse idem Nicephorus *libr. 8. hist. eccles. c. 30.* asserit. Eundem Simonem e secta Zelotarum fuisse, antequam a Christo vocaretur, suspicatur Scaliger *in Glencho tribaresii c. 1.*

XXVI. JUDAS cognomento Thaddæus vel Lebbæus non ore tantum, sed & calamo Christi regnum amplificare studuit. Superest enim adhuc inter septem epistolas canonicas ejus epistola, quam in primitiva ecclesia non ab omnibus receptam fuisse Eusebius testatur. Offendit enim nonnullos, quod liber apocryphus Enoch in ea allegetur, ut Hieronymus *in catalogo Scriptorum ecclesiasticorum c. 4.* indicat, ubi addit:

dit: *tamen auctoritatem vetustate jam & usū meruit, & inter sacras Scripturas computatur.* Hugonem Grotium, qui Autorem pariter & auctoritatem hujus epistolæ in dubium vocat, refutat Simonius in *Critica N. T. c. 17.* & plenius Calovius. Quæ Centuriatores Magdeburgenses auctoritati hujus epistolæ objiciunt, ad examen vocat & refutat Coccejus in *commentario ad banc epistolam p. 7.* Absurde autem Bolducius in *commentario epistolæ Judæ* censet, Judæ epistolam, ante omnes alias Apostolorum epistolas, Jacobi excepta, scriptam esse. Jacobi enim epistolam inter scripta novi Testamenti omnium primum esse judicat, & epistolam Judæ temporis ordine secundum, cum tamen si epistolam Judæ cum Petrinis & Paulinis conferamus, non difficulter appareat, quod post Paulinas & Petrinas scripta sit. Certe in v. 17. & 18. non obscure ad ea respicit, quæ Petrus in posteriore epistola c. III, 3. scripsit.

XXVII. JUDÆ ISCARIO TÆ vitam prolixè exponit Theophilus Raynaudus in tractatu, quem Lugduni in Gallia 1634. edidit, & inscripsit: *Metamorphosis latronis in Apostolum, Apostolique in latronem*, seu: *pessimæ vitæ finis optimus, & optimæ vitæ finis pessimus.* Quemadmodum enim in prima hujus tractatus parte prolixè egit de altero latronum cum Christo crucifixorum, qui pœnitentia acta in paradisum susceptus est: ita alterum hujus tractatus tomum Judæ Iscariotæ impendit, ubi de ejus nomine, cognomine, patria, natalibus, apostolatu, loculorum procuratione a Christo ipsi demandata, infidelitate & hæresi, mendacitate, dolositate, detractioe, murmuratione, susurratio-

ne, & aliis verborum sordibus, de proditiōis pacto, de igneis carbonibus super ejus caput a Christo in ultima cœna congestis, de causâ efficiente sceleris a Judâ concepti, de horribili proditiōis executione, de mercede iniquitatis Judâ persoluta, & mox ab eo restituta, & ad peregrinorum requiem collata, de infami Judâ letho, de insanis Judâ apud aliquos elogiis, de Judâ sectatoribus & asseclis, nec non de nonnullis Judâ typis agit, tandemque varias doctrinas theoreticas pariter & practicas ex Judâ historia collegit. Brevius de Judâ egit Dorscheus in oratione lectu dignissima, cui titulus : *Theologus latro*. De mortis genere, quo Judas periit, variæ occurrunt sententiæ Veterum pariter & recentiorum, Casauboni, Heinsii, Grotii, Salmasii, Pricæi, Lightfooti, quorum aliorumque judicia censuræ suæ subjicit Gronovius in exercitationibus academicis de perniciæ & casu Judæ Lugduni Batav. 1683. editis, in quibus asserit, loca Matthæi XXVII, 5. & Actorum I, 18. ita optime conciliari posse, si dicatur Judam laqueo sibi gulam fregisse, idque Matthæum indicare, corpus autem ejus in voraginem ejusmodi cadaveribus destinatam, & eminentibus hinc inde saxis asperam, præcipitatum, & hac præcipitatione ruptum fuisse, idque a Petro in Actis prodi. Aliter de morte Judæ statuerat Gulielmus Saldenus *libr. 2. ot. theolog. exercit. 8.* quæ de Judâ agit. Cum igitur otia sua jam editurus in Gronovii exercitationes incidisset, ejusdemque dissensum a sua & Pricæi, quam in otis suis tanquam optimam elegerat, opinione observasset, in præfatione nonnulla contra Gronovianas exercita-

tio-

tiones monere non omisit. Fufius Gronovianas exercitationes impugnavit Joachimus Fellerus, Poefcos quondam in noſtra Academia Profeſſor, in epiſtola quam Lipſiæ 1687. ſub Franciſci Dermafii nomine vulgavit. Utrique nempe Saldeno pariter & Dermafio acerbe reſpondet Gronovius in legitima & perſpicua, quam vocat, deſenſione, quam novæ ſuarum de nece Judæ & cadaveris ignominia exercitationum editioni A. 1702. Lugduni Batavorum adjicere voluit. Cum vero in hac deſenſione etiam non intacta reliquerit, quæ Jacobus Perizonius in notis ad Ælium de voce ἀπάρχιδαι, qua Matthæus de Judæ uſus eſt, obſervaverat, hinc nata Perizonio occaſio non ſolum ſuas in Ælium notas vindicandi, ſed etiam loca Matthæi & Petri, quibus tragicus Judæ proditoris exitus deſcribitur, accuratius expendendi. Id fecit in diſſertatione de morte Judæ & verbo ἀπάρχιδαι, quæ A. C. 1702. Lugduni in Batavis prodiit. Hinc ulterius natæ tam Gronovii notitia & illuſtratio diſſertationis nuperæ de morte Judæ & verbo ἀπάρχιδαι, quam Perizonii reſponſio ad notitiam nuperam, quæ ſcripta Lugduni Batavorum A. C. 1703. lucem aſpexerunt. Fuerunt inter Græcos, qui exiſtimarunt, Judam, cum ſciret Chriſti ad inferos adventum, & inde omnium ſalutem futuram, ſuſpendio ſuo Chriſti mortem prævertere voluiſſe, ut inde poſtmodum a Chriſto ſalvus educeretur. Sententiam hanc refert apud Allatium in tractatu de libris eccleſiaſticis Græcorum Glycas ſive Zonaras ep. 56. qui tamen hanc ſententiam improbat & refutat, cum Judas ſcire potuerit, apud inferos non eſſe poenitentiae

locum, nec quisquam rationis compos talia de Juda præsumere valeat, quem de sua salute desperasse constat. Et hæc ipsa desperatio Judæ fuit inter ejus peccata omnium maximum. Unde Augustinus sermon. 352. de utilitate agenda pœnitentiæ, *Judam, inquit, traditorem non tam scelus, quod commisit, quam indulgentia desperatio fecit penitus interire.* Similia apud Hieronymum ad Psalmum 108. (Hebr. 109.) & alios leguntur. Si autem Judas desperando magnum peccatum commisit, non difficulter inde colligi potest, Divinæ Gratiæ fores Judæ usque ad mortem patuisse. Si enim Judæ omnis Gratiæ ante mortem præclusa fuisset, nec Deus amplius voluisset, eum, quoad viveret, pœnitentiam agere, & gratiam consequendi media amplecti, desperatio ejus divinæ voluntati conformis fuisset, nec pro peccato haberi posset. Quod absurdum nisi admittere velimus, necesse est, ut terminum salutis peremptorium ante mortem fixum pro mero figmento habeamus.

XXVIII. MATTHIAS in locum Judæ proditoris ad apostolatam per sortem electus, ubi evangelium prædicaverit, quæ miracula vivus & mortuus fecerit, quo mortis genere martyrii palmam adeptus fuerit, ubi ejus corpus & aliæ reliquiæ hodie supersint, prolixè recensetur in actis Sanctorum Bollandi & Sociorum d. 24. Februarii, e quibus pleraque hausit Johannes Florianus Hammerschmid, in tractatu, cui titulum fecit: *Senator Apostolicus loco Judæ electus undecim Apostolis annumeratus, Sanctus Matthias Apostolus in Apostolatus electione, vita, morte, martyrio, encomi-*

is &c. *descriptus, in lucem publicam expositus.* Verum pleraque, quæ de Matthia traduntur, si ejus electionem ad Apostolatam excipiamus, vel incerta sunt, vel manifeste fabulosa. Ex traditionibus Matthiæ suppositis nonnulla excerpit Clemens Alexandrinus *libr. 2. & 7. Stromatum.* Evangelii Matthiæ suppositi mentionem faciunt Eusebius *libr. 3. hist. eccles. c. 25.* Hieronymus in prolegomenis commentariorum ad evangelium Matthæi, Ambrosius sub initium sui ad Lucam commentarii, aliique.

XXIX. Tandem & PAULUS ad apostolicum munus divina vocatione adscitus est, cujus vitam magno volumine in 15. libros distributo, & Lugduni A. 1637. edito complexus est Thomas Massutius Jesuita. Copiose etiam de Paulo egit inter Reformatos Hermannus Witsius in suis de vita & rebus gestis Apostoli Pauli prælectionibus, quæ in ejus Meletematibus Leidenfis primum locum occupant. In illis prælectionibus de natalibus Pauli & vita in judaismo, de ejus vocatione ad christianismum & apostolatam, de rebus ejus gestis usque ad Synodum Hierosolymitanam, de Synodo Hierosolymitana, & quæ proxime post illam Antiochiæ consecuta sunt, de rebus Pauli in Macedonia, Athenis, Corinthi, & Ephesi gestis, de novissimo ejus itinere Hierosolymitano, & vinculis in Judæa, de navigatione ejus Romam versus instituta, & vinculis, quæ Romæ passus est, de ejus prosopographia, doribus, coelibatu, & denique de scriptis Paulo suppositis egit, nempe de ejus Adscensione seu ἀναβαλῶν, Apocalypsi, Actis Pauli & Theclæ, epistolis ad Senecam, & epistola

ad Laodicenses. Poterat his Pauli pseudepigraphis addere tertiam Pauli ad Corinthios epistolam, quam in lingua Armena scriptam se vidisse refert Gregorius *præfat. notar. ad loca quedam S. S. pag. 2760.* item scriptam sub Pauli nomine fabulosam narrationem de exorcismo viperarum a Michaelē Archangelo per somnium sibi revelato, cum post naufragium in littore Melitenſi vipera ex sarmentis prorumpens in manum ejus profuisset, quæ narratio MSCta extat in bibliotheca Vindobonensi, unde & titulum & exordium transcripsit Lambecius *Tom. V. p. 103.*

XXX. Genuinis Pauli scriptis non immerito accensetur epistola ad Hebræos, quam Spanhemius in suis de autore epistolæ ad Hebræos exercitationibus a Paulo scriptam esse egregie demonstravit. Hebraice hanc epistolam vertit Fridericus Albertus *Christianus* Judæus conversus, sed postea ad vomitum reversus, cujus versioni præfationem aliquam addidit celeberrimus Carpzovius, in qua falsum esse probat, quod nonnulli veteres & recentiores tradiderunt, nempe hanc epistolam ab ipso Paulo hebraice, vel Syriace primum scriptam, & postea vel a Luca, vel ab alio in Græcam linguam conversam fuisse. In eadem præfatione dubitat, an unquam Sebastianus Munsterus epistolam ad Hebræos hebraice ediderit, cum Munsterus hebraicum Matthæi evangelium edens in titulo quidem posuerit: *una cum epistola D. Pauli ad Hebræos hebraice & Latine,* epistola autem hæc Paulina in Munsteriana Matthæi hebraici editione non inveniatur, neque in editione majoris formæ, seu in folio, ut loquuntur, neque in edi-

editione minoris formæ, seu in octavo. Mihi ad manus est hebraicum Munsteri evangelium in folio, in quo exemplari ne titulus quidem hebraicam ad Hebræos epistolam promittit. Quicquid autem sit de Munsteriana epistolæ ad Hebræos hebraicæ editione, quam nonnullis visam non dubito, & nisi me omnia fallunt, ipse quoque aliquando vidi, id certum est, ab ipso Paulo hebraice epistolam ad Hebræos scriptam non fuisse. Unde Millius, cum in prolegomenis ad N. T. eos refutasset, qui epistolam ad Hebræos a Paulo scriptam negant, eorum opinionem longe magis futilem esse censeret, qui hanc epistolam a Paulo quidem, sed hebraice scriptam existimant. Scriptam autem esse hanc epistolam a Paulo putat Millius A. C. 63. post liberationem e prima Romana captivitate. Eundem calculum tenet Pearsonius in annalibus Paulinis, in quibus & gesta Pauli, & epistolas ab ipso scriptas, juxta annorum ordinem recenset, quod etiam factum a Lightfooto in chronico temporum & ordine textuum Novi Testamenti.

XXXI. Fuisse Paulum Hierosolymis ad pedes Gamalielis informatum juxta accuratiorem rationem paternæ legis ex Actis apostolicis constat Act. XXII, 3. Quod vero Paulus, antequam Christo nomen daret, etiam a Gamaliele Presbyteratus dignitatem acceperit, non perinde constat, et si Seldenus *libr. 1. de Synedriis c. 14. p. 569. 570. & libr. 2. c. 7. ib. 7. p. 314.* de eo dubitandum non videri judicet. Mentionem non quidem apertam sed tectam tamen Apostoli hujus in Talmude & aliis Hebræorum scriptis fieri, probat Altingius *in Schilob libr. 4. c. 26. 27. & 28.* Putat enim latere Paulum sub Samuelis nomine, qui juxta Ganzium *in Ze-*

mach. David edit. Vorst. p. 89. coram Gamaliele precationem fecit contra hæreticos, i. e. ut Vorstius in notis explicat, Christi discipulos. Hic ipse Samuel in tractatu Talmudico Berachoth parvus cognominatur, & inter alia de ipso refertur, quod formulam precandi contra hæreticos concinnaverit, & sequenti anno ejus oblitus fuerit, nec quisquam in ea recitanda ipsum juvare potuerit, aut voluerit, cum suspicio fuerit, ne forte ipsum illius orationis poenituerit. Hæc autem omnia, quæ de Samuele illo Hebræi tradunt, optime in Paulum quadrant, cum & ille Gamalielis discipulus fuerit, & a Præceptore suo odium adversus Christianos imbiberit, idque acerba Christianorum persecutione ostenderit, postea vero hujus adversus Christianos odii ipsum poenituerit. Convenit etiam utriusque ætas, cum Paulus quo tempore zelo adversus Christianos ardebat, juvenis fuerit Act. VII, 58. & Samuel quoque Talmudicus, quo tempore formulam orationis contra Christianos concepit, juvenis fuerit, ideoque parvus cognominetur, quod cognomentum de ætate, non de statura corporis explicandum putat Altingius, etsi etiam, si de statura accipiat, ad Paulum transferri posset, de quo nonnulli dicebant: ἡ παρρησία σώματος ἀδυνάτης, *præsentia corporis infirma* 2. Cor. X, 10. & cui Nicephorus corpus parvum & contractum tribuit. Adest denique & convenientia nominis. Nomen enim Pauli respondet cognomento Parvi, cum Paulus idem sit ac Parvus. Nomen autem Saulis, quo Paulus itidem gavisus est, Judæi forte ita corruerunt, vel inserta litera *Mem* ex voce *Min*, quæ hæreticum denotat, mutuo accepta, nomen מנחם in מנחם mutaverunt. Hæc sunt Altingii de

de facta Pauli Apostoli in Talmude & Hebræorum scriptis mentione speculationes, quas si quis nimis longe petitas esse judicet, minime refragabimur.

XXXII. De æra conversionis Pauli peculiariter dissertationem vulgavit Spanhemius, cui adjecta appendix de assumpto Pauli nomine. Septies eum vincula tulisse asserit Clemens Romanus *in epistola ad Corinthios cap. 5.* ubi etiam eum ad Occidentis terminos venisse ait, per quos terminos aliqui Romam, alii Hispaniam, alii Angliam intelligunt. De Roma Clementis verba explicat Fellus Oxoniensis Episcopus. Sed Pearsonius Episcopus Cestriensis *dissert. 1. de success. prima Pontif. Roman. c. 8. §. 9.* absurdum esse censet, si quis Romam Occidentis terminum esse dicat. Sensum ergo Clementis esse putat, quod Paulus ab Oriente per Asiam longis itineribus in Occidentem, variasque ejus partes ut Illyricum, Italiam & fortasse Hispaniam usque pervenerit, cujus ultimum tractum Vellejus Paterculus extremum nostri orbis terminum appellat. Idem Pearsonius in annalibus Paulinis *p. 20. & 21.* Paulum Hispaniam vidisse omissa dubitativa particula *fortasse* ex hoc ipso Clementis Romani loco probat, & hunc Pauli in Hispaniam adventum Chrysostomi & Theodoretii testimoniis confirmat, quam tamen Pauli in Hispaniam profectionem Basnagius *exercitat. contra Baron. p. 511.* & alii variis argumentis dubiam faciunt. At nec desunt, qui cum Stillingfleet *in orig. Britan. c. 1.* Clementem Romanum per Occidentis terminum Angliam intellexisse arbitrantur. Unde & Usserius *antiquit. Britannic. c. 1. p. 4. edit. in fol.* inter testes, qui Paulum inter

primos Britannorum Apostolos numerant, etiam Clementem Romanum allegat.

XXXIII. Paulum Hierosolymis Pontificis filiam ambivisse, ejusque gratia profelytum factum & circumcisum fuisse, postea vero, cum spe sua excidisset, iratum adversus circumcisionem & alias legis ceremonias scripsisse, calumniati sunt Ebionitæ, & calumniæ illi per fictitios, vel depravatos quosdam Apostolorum actus speciem aliquam dederunt, ut Epiphanius *in panario heres.* 30. retulit. Sed non digna est illa Hæreticorum calumnia, ut illius refutationi vel verbum impendamus. Neque etiam immorabimur enodandæ quæstioni: num Paulus in cœlibatu an in conjugio vixerit? Aliqui prius, aliqui posterius affirmant, & utraque sententia Patronos suos invenit, tam inter veteres, quam inter recentiores Scriptores, tam inter Pontificios, quam inter Reformatos & Lutheranos. Pro conjugio Pauli demonstrando ante biennium A. C. 1707. Flensburgi prodiit dissertatio D. Christiani Gottlieb Kochii, qui partim Scripturæ dictis, partim Patrum & recentiorum Doctorum testimoniis, Pauli conjugium probare satagit. Et inter Patres quidem primo loco occurrit Ignatius, quem in epistola ad Philadelphienses Pauli conjugium asseruisse censet. Verum quid de illo Ignatii loco statui debeat, dixi in præfatione ad lectorem, quam Bibliothecæ Patrum apostolicæ ante decennium a me vulgatæ præmisi, ubi notavi verba illa Ignatii, quibus Pauli conjugium asseritur, non legi in genuina Ignatii ad Philadelphienses epistola, cujus editionem Usserio & Isaaco Vossio debemus, sed in epi-
sto.

Nota ad Philadelphienses interpolata. De martyrio Pauli c. VI. dictum est.

CAPITIS VII.

SECTIO VI.

De

LXX. Discipulis.

I.

Non solum duodecim Apostolos, sed etiam Septuaginta Discipulos Christum tempore sui ministerii in Judæam ad prædicandum evangelium emisisse, & miraculorum dono instruxisse, nec felici successu hanc vocationem caruisse narrat Lucas X, 1. sq. Horum Discipulorum nomina & fata describere ausus est, qui sub Dorothei Episcopi Tyrri nomine Synopsis de LXX. Discipulis composuit, seu potius se ea ex Dorotheo exscripsisse fingit. Hanc Synopsis, cum antea latine tantum prodiiisset, græce & latine multis, quæ in vulgatis exemplaribus desiderantur, additis A. 1688. chronico Paschali cum quibusdam aliis Veterum monumentis adjunxit Carolus du Fresne, qui *in notis ad chronicon Paschale* p. 504. & 524. de autore harum vitarum videatur. Præter hunc consuli poterit Dn. Cave, qui eodem anno 1688. in historia sua literaria p. 115. ea græ-

ce

ce & latine publicavit, quæ in latinis exemplaribus omissa fuerant, ubi etiam, quid de hoc autore judicandum videatur, exponit.

II. Nomina LXX. Discipulorum juxta Dorotheum in *Biblioth. Patrum Lugdun.* Tom. III. p. 427. seq. sunt sequentia: *Jacobus Frater Domini, Timotheus, Titus, Barnabas, Ananias, Stephanus, Philippus, Prochorus, Nicanor, Simon, Nicolaus, Parmenas, Cleophas, Silas, Sylvanus, Crescens, Epanetus, Andronicus, Amplias, Urbanus, Stachys, Apelles, Aristobolus, Narcissus, Herodion, Rufus, Asyncritus, Phlegon, Hermes, Hermas, Patrobas, Agabus, Linus, Gajus, Philologus, Olympas, Rhodion, Jason, Sospater, Lucius, Tertius, Erastus, Phigellus, Hermogenes, Demas, Quartus, Apollos, Cephas, Sosthenes, Epaphroditus, Caesar, Marcus, Joseph, Artemas, Clemens, Onesephorus, Tychicus, Carpus, Evodus, Philemon, Zenas, Aquila, Priscas, Junias, Marcus, Aristarabon, Pudas & Trophimus.* Hæc nomina si connumerentur, erunt 68. Additur autem in epilogo, posse his etiam Marcum, & Lucam, & Eunuchum Reginae Candaces annumerari, qua ratione Discipuli 71. erunt. In græco-latina editione, quam Carolus du Fresne chronico Paschali adjunxit, 70. Discipuli numerantur, in quo catalogo Timotheus & Titus, quas latinæ editiones 70. Discipulis annumerant, omittuntur, eorumque loco alii in latinis editionibus omitti substituuntur. Michael autem Uranius in libello paulo inferius memorando duos & septuaginta Christi Discipulos numerat, quorum ultimus Josephus Arimathæus.

III. Cæterum falluntur illi, qui ex hoc Scripto-

re

re vitas 70. Discipulorum se cognoscere posse arbitrantur. Nam nomina illa, quæ septuaginta Discipulis tribuit, ex actis apostolicis & epistolis Paulinis tam imperite corrasit, ut cum legisset, Paulum Philip. IV, 22. quorundam fidelium e domo Cæsaris i. e. Imperatoris Romani meminisse, etiam Cæsarem inter 70. Discipulos retulerit, quemadmodum & Cephæ, cujus Paulus aliquoties mentionem fecit, septuaginta Discipulis annumeravit, non animadvertens, sub Cephæ nomine ab Apostolo Paulo non aliquem ex 70. Discipulis, sed Apostolum Petrum intelligi. Idem Scriptor ex Prisca Aquilæ uxore virum fecit, multaque alia inepta tradidit, quorum catalogum texit Blondellus in apologia pro sententia Hieronymi de Episcopis & Presbyteris p. 104. & seq.

IV. Non minus inepti sunt Carmelitæ, qui Enochum quendam ordinis sui Sanctulum inter 70. Christi Discipulos numerant, de quo ultra mille & quadringentos annos a Christi tempore nemini quicquam innotuit. Primus testis, quem pro Enocho suo producant Carmelitæ, est Palæomydorus, qui A. C. 1497. Fasciculum, ut vocat, tripartitum edidit. Lepidum autem est, quod Carmelitæ hunc Enochum de Amarithum Episcopum Nicopolitanum inter 70. vel 72. Christi Discipulos ordine septimum fuisse perhibent, forte ut hic Enochus Christi Discipulus Enocho Patriarchæ Veteris Testamenti antediluviano quodammodo responderet, quem Judas in epistola sua septimum ab Adamo dixit v. 14. Ac ne cui Carmelitarum Fratrum scrupulus ex eo nascatur, quod Dorotheus in Synopsi

de vitis 70. Discipulorum nullius Enochi mentionem fecerit, responder Lezana *tomo 2. annalium suorum*, p. 177. fortasse aliquos ex his Discipulis binomines fuisse, & sic inter ipsos Enochum sub alio nomine latere posse; ut alias Carmelitarum ineptias taceamus, de quibus videatur Janningus in expostulatione pro Actis Sanctorum *ibes. 93. & seq.* item in postscripto *ibes. 30. & seq.*

V. Unicum adhuc de septuaginta Discipulis addo, nempe prodiisse Smalcaldiae A. 1589. libellum hoc titulo signatum: *Septuaginta Christi Discipulorum, sive ut nonnulli codices habent, aliisque probatur auctoribus, 72. nominum ἀποστόλων, & curriculi singulorum in Evangelii praconio historiola, & monumentis ecclesiasticis deprompta, ac secundum Dorothei seriem exposita a M. Michaele Uranio.* In hoc libello Uranius errata nonnulla in Dorothei synopsi occurrentia corrigit, & vitas personarum in Dorothei catalogo positarum qualitercunque supplet.

CAPITIS VII.

SECTIO VII.

De

Viris Apostolicis.

I. Cum

I.

Cum magna Apostolorum messis esset, alios operarios sibi adjunctos habuerunt, Viros nimirum Apostolicos, qui modo ipsorum legati, modo socii & comites, modo coadjutores & cooperarii in plantandis & confirmandis ecclesiis, & propaganda cœlesti doctrina egregiam operam navarunt. Talis Vir Apostolicus fuit MARCUS, qui etiam unus ex quatuor Evangelistis fuit. Insigne ejus est leo, sicut Matthæo hominis, Lucæ bovis, Johanni aquilæ insigne tribuitur, de quibus quatuor Evangelistarum insignibus erudita Jacobi Thomasi disputatio legi poterit. Autographum hujus evangelii græcum a Venetis, & partem latini a Pragensibus possideri non magis credo, quam quod evangelium Johannis propria ejus manu aureis literis scriptum apud Tolosates in ecclesia S. Saturnini serveatur, quam fabulam perstringit Hottingerus *secul 16. histor. eccles. part. 3. p. 103.* Non esse hoc Marci evangelium Matthæi epitomen ipsa collatio ostendit, cum Marcus non eundem cum Matthæo ordinem teneat, & aliqua referat, quæ apud Matthæum non leguntur, sicut & vicissim aliqua a Matthæo narrata Marcus plane non attigit. Non minus falsum est, quod evangelium suum latine scripserit, & Petro dictante illud exaraverit, cum tamen in evangelio suo scribendo non minus quam cæteri viri *Θεόπνευστοι* Spiritus S. Amanuensis fuerit, eoque immediate dictante illud exceperit. Unde etiam Marci evangelium Petri examinatione & appro-

batione non indignit, etsi Johannes de la Haye in apparatu suo evangelico, quo ea disquiruntur & illustrantur, quæ de evangelio & Evangelistis tam universe quam sigillatim disputari possunt, hanc Petri examinationem & approbationem inter singularia Marci privilegia retulerit. Specimen sceletomania Pontificia circa reliquias SS. Marci & Lucæ Dorscheus edidit, ubi translationem corporis Marci Evangelistæ ab Alexandria Venetias merum commentum esse probat. Idem edidit notisque illustravit relationem Anonymi, qua asserit, Marci Evangelistæ corpus in insula Augia divite Episcopatus Constantiensis quiescere, e bibliotheca Republicæ Ratisbonensis studio Eliæ Ehingeri Augustani erutam.

II. Ut inter quatuor Evangelistas duo sunt Apostoli, Matthæus & Johannes, de quibus *sectione* præcedente §. actum est: ita etiam duo viri Apostolici Marcus, de quo modo dictum est, & LUCAS, quem a Luca Medico Col. IV, 14. memorato diversum esse nonnulli existimant, etsi locus ille Paulinus Eusebio, Hieronymo, aliisque persuaferit, Lucam Evangelistam medicæ artis peritum fuisse, & hanc artem exercuisse, antequam ad curandas hominum animas vocaretur. Certe de alio quodam Luca Pauli comite & familiari nihil constat. Nec solum Medicum, sed & pictorem hunc Evangelistam fuisse vulgo creditur. Verum nec in Scriptura, nec apud antiquos ecclesiasticos Scriptores Lucæ pictoris mentio occurrit. Unde non immerito suspectæ habentur imagines Christi, Mariæ, & Apostolorum, quas Lucas pinxisse perhibetur. Cujusmodi ima-

imagines passim jactantur, & in his illa thaumaturgica a Luca, ut traditur, cœpta, & ab Angelis consummata, quam in nupero jubilæo Clemens XI. Pontifex Romanus publicæ venerationi exposuit. Quam excellens autem in spirituali pictura Lucas fuerit, ejus evangelium & Apostolorum acta testantur. Utrumque illud scriptum Theophilo dedicavit, quo nomine quemvis fidelem Christi amantem & Deo carum indicari nonnulli statuunt. Vero tamen similis est, Theophilum hoc loco certam personam, non quidem Theophilum Episcopum Antiochenum trium librorum adversus Autolyicum autorem, quod ratio temporis non admittit, alium tamen magnæ dignitatis virum denotare, quippe quem Lucas *κεφάλαιον* appellat.

III. BARNABÆ itinera & gesta aliqua in actis apostolicis recensentur. Quæ extra Scripturam a Johanne Marco in actis Barnabæ & aliis referuntur, pleraque dubia sunt aut falsa. Inter alia Theodorus Lector & alii Scriptores referunt, quod sub Zenonis imperio cum Barnabæ reliquiis evangelium Matthæi repertum fuerit. Evangelium autem illud hebraicum Matthæi evangelium fuisse Sigebertus Gemblacensis addit, quod probari non posse in dissertatione de Hæresiarchis sæculi Apostolici & Apostolico proximi pag. 79. ostendi. Quam inepte autem & impie ex illa traditione de Matthæi evangelio cum Barnabæ reliquiis invento Malletus concluderit Sacras Scripturas in linguas vernaculas non vertendas, neq; Laicorum manibus attrectandas esse, notavit Stephanus le Moyne in prolegomenis

ad varia sacra, ubi Malleto pro impudentissima hac assertione coram Dei tribunali gravissimam aliquando rationem reddendam fore cum Antonio Arnaldo pronunciat.

IV. CLEMENS Pauli cooperarius, quem ipse Paulus Philip. IV, 3. commendat, juxta plerosque idem est cum Clemente Romano, de quo autor libri Pontificalis sub Anastasii Bibliothecarii nomine editus in vita Petri refert, quod Petrus martyrio jamjam coronandus ipsi injunxerit, ne curis secularibus vacaret, sed orationi & prædicationi instaret. Quod Petri testamentum tanquam Romanæ cathedræ nimis onerosum in Anastasii editione malis artibus omissum queritur Salmasius *de primatu Papæ p. 11.* Eadem mala fides commissa a Philippo Rondinino Faventino, qui Romæ A. 1706. de S. Clemente Papa & Martyre ejusque basilicæ in urbe Roma duos libros publicavit, & Clementi XI. dedicavit. Nam ibi quoque altum occurrit de illa Petri admonitione Clementi data silentium. Veritus forte est Rondininus, ne hodiernum Clementem seu Clementem XI. Romanum Episcopum offenderet, qui contra illam Petri admonitionem curis secularibus nimis vacat. De martyrio Clementis egi in dissertatione de Patribus apostolicis *ibid. p. 68.* ubi inter alia notavi, Dodwello narrationes de Clementis martyrio fabulosas videri, cum nemo veterum ante Rufinum & Gregorium Turonensem Clementem hunc Romanum martyrem dixerit, & occasionem martyrium Clementi Romano affingendi dedisse videatur Clementis confusio

fio cum Flavio Clemente Imperatoris Domitiani confobrinio.

V. Tales Viri Apostolici fuerunt etiam TIMOTHEUS, cujus vitam peculiari exercitatione illustravit Witſius *tom. 2. miscell. exerc. 16*; TITUS, quem Paulus Cretæ reliquit, ut cœpta a Paulo perficeret & Ecclesiis illius insulæ de Presbyteris prospiceret Tit. I, 5; PHILIPPUS Diaconus & Evangelista, ita dictus, non quod evangelium literis consignaverit, ut quatuor Evangelistæ superius nominati, sed quod evangelium Samaritanis aliisque ad quos missus est, annuntiaverit; SILAS Pauli comes ex Actis apostolicis notus; SYLVANUS, cujus nomen Paulus in frontispicio utriusque ad Thessalonicenses epistolæ suo nomini adjungit, & quem nonnulli eundem cum Sila esse statuunt; SOSTHENES, cujus nomen sub initium prioris ad Corinthios epistolæ Paulino nomini adjectum legitur; APOLLOS, de quo Johannis Prideaux concio 3. & 4. videatur; & plures alii, de quorum plerisque, quibus in locis evangelium prædicaverint, parum constat. Nec opus est, ut inquiramus, quos singuli episcopatus tenuerint, cum probabile videatur, quod Apostolorum more jam hic, jam alibi evangelii semen sparserint.

CAP.

CAPITIS VII.

SECTIO VIII.

De

*Ecclesiarum quarundam origini-
bus & primis Episcopis.*

I.

DE primis ecclesiæ Romanæ Episcopis, & incerta eorum successione supra cap. IV. thes. 6. diximus, notantes, alios Linum, alios Clementem primum Petri successorem facere, alios Anacletum eundem cum Cleto, alios a Cleto diversum statuere, adeoque Romanorum Pontificum successionem in prima statim pontis compage corrumpere. Unde pro instaurando & suffulciendo isto ponte Schelstratenus *antiq. illustr. Tomo I. chronolog. p. 131. seq.* Papebrochius in conatu historico-chronologico ad historiam Pontificum Romanorum, & alii Pontificii multum operæ impendunt, qui tamen oleum & operam perdere videntur.

II. Primos Byzantii Episcopos recenset Dorotheus in appendice synopses de septuaginta Discipulis a Caveo & Carolo du Fresne edita. In qua appendice primi Byzantii Episcopi nominantur Titus quidam, & Stachys ab Apostolo Andrea Episcopus consti-
tu-

tatus, & Onesimus, cujus Paulus in epistola ad Philemonem meminit, ut cæteros taceam. Facile autem credo doctissimo Caveo, suspicanti Græculum quendam impostorem, quo tempore Byzantina ecclesia cum Romana de prerogativa certavit, hanc Byzantinorum Episcoporum seriem confinxisse, eo consilio, ut ex antiquitate ecclesiæ Byzantinæ pro ejus eminentia & dignitate argumentum aliquod capi posset.

III. Alexandrinæ ecclesiæ origines Eutychius Patriarcha Alexandrinus *Tom. 1. annalium p. 318.* hunc in modum exponit, ut referat, Marcum Evangelistam, cum Alexandria versaretur, & forte calcei ejus corrigia rumperetur, ad sutorem nomine Hananiam se contulisse, sutorem autem subula ad perforandum calceum accepta digitum suum perforasse, adeo ut non sine multo dolore multum sanguinis proflueret, submurmuranti autem sutori Marcum dixisse: si credideris in Jesum Christum Filium Dei, digitus tuus sanabitur, & apprehenso ejus digito dixisse: in nomine Jesu Christi sanus sit digitus tuus, & illo ipso momento sanatum fuisse ejus digitum, nec sanguinem amplius effluxisse, & ab eo tempore Hananiam in Christum credidisse, & a Marco baptizatum fuisse, & ab eodem primum Alexandria Patriarcham constitutum fuisse. Hanc Eutychii narrationem, cum cæteris ad institutionem Alexandrini Patriarchatus pertinentibus, ex Eutychii annalibus excerptam seorsim Londini 1643. arabice & latine edidit, notisque suis illustravit Seldenus in *Originibus Alexandrinis*, quas refutare aggressus est Abraham Echellensis in *Eutychio vindicato*, quem Romæ A. 1661.

publicavit. Præter Eutychium conferri poterit de hoc argumento historia Patriarcharum Alexandrinorum in Chronico Orientali, quod Abraham Ecchellensis ex arabico in latinum sermonem transtulit, & Romæ 1651. evulgavit, in quo chronico historia Marci & constitutæ ab eo Alexandrinæ ecclesiæ paulo aliter quam ab Eutychio refertur. Utrobique autem fabula potius quam vera historia videtur enarrari.

IV. De Monachorum figmentis circa primos evangelii in Gallia præcones libere questus est Franciscus Bosquetus in prima editione historiæ suæ ecclesiasticæ Gallicanæ. Verum in secunda editione, quæ A. 1636. prodiit, etsi alias priori longe auctior esset, illa Bosqueti querela omissa deprehenditur, ut observant Usserius *præfat. ad antiquit. eccl. Britan.* & Dallæus *de usu Patrum p. 32.* Spectat autem ad illa Monachorum commenta fabula de Lazari, Mariæ, Marthæ, Marcellæ, quæ Marthæ pedissequa fuisse perhibetur, & Sociorum jussu Synedrii judaici navi sine remis impositorum in Galliam appulsa, quam peculiari dissertatione, ejusdemque adversus Gvesnæum apologia discussit Johannes Launojus, cui Natalis Alexander in dissertatione 16. primi seculi frustra se opposuit judice Reisero *in Launojo teste veritatis p. 777.*

V. Non minus ad illa Monachorum figmenta pertinet fabula Hilduini, asserentis Dionysium Areopagitam ex Athenis in Galliam transmigrasse, & ibidem ecclesiæ Parisiensi præfuisse. Quod commentum etsi ab Andrea du Saussay in tractatu de mysticis Galliæ Scriptoribus *a pag. 343. usque ad pag. 1199.* & aliis quibus-

busdam Scriptoribus acriter propugnatum fuerit, non defuerunt tamen in ipsa Gallia Viri plurimi eruditi, qui Parisiensem Dionysii Areopagitæ episcopatum exploderent, ut Sirmondus in dissertatione de duobus Dionysiis, & Launojus in variis opusculis contra Milletum, Sanblacatum, Menardum, & Chiffletium editis, alique.

VI. Oleum quoque & operam perdidit Mathoudius, cum peculiari tractatu Senonensis ecclesiæ origines a Saviniano, quem ab Apostolo Petro in Galliam missum contendit, deducere conatur. Nec majoris fidei sunt, quæ de Paulo Narbonensi Episcopo, Martiali Lemovicensi, Trophimo Arelatensi, aliisque primis evangelii in Gallia præconibus disserit Petrus de Marca in epistola ad Henricum Valesium, de tempore, quo primum in Galliis suscepta est Ghristi fides, quam epistolam peculiari tractatu dispunxit Launojus, ut, quæ de Gregorii Turonensis loco, & de Sulpitii Severi testimonio asseruerat, adversus Petri de Marca exceptiones vindicaret. Unde & Bebelius in antiquit. seculi I. p. 26. de primis Galliæ Episcopis, quos ex Fratrum Sammarthanorum Gallia christiana ibidem collegit, pronunciat, plerosque dubiæ ætatis & ex autoribus dubiis depromptos esse.

VII. Idem dicendum de Italiæ Episcopis, quos Ferdinandus Ughellus in Italia sua Sacra primo seculo assignavit. Ex pluribus unum tantum placet adducere Barnabam, quem Ughellus *Tqm. IV. Italia S. p. 54.* primo inter Mediolanenses Episcopos loco nominat. Nam iste Barnabæ in urbe Mediolanensi episcopatus non minus quam historia reliquorum primorum Mediolani Epi-

scoporum solido fundamento destituitur ; unde Stephanus le Moyne in exercitatione de Barnaba, quam Variis suis sacris præmisit, non immerito de traditionis illius veritate dubitat.

VIII. In disceptatione super dignitate & magnitudine regnorum Britannia & Gallia ab utriusque Oratoribus & Legatis in concilio Constantiensi habita, & in actis Constantiensis concilii omissa, sed A. 1517. Lovanii, iterumque Londini A. 1690. cum vita Reginaldi Poli edita, Angliae Oratores pro sui regni eminentia allegant, quod Iosephus Arimathæus statim post Christi passionem Angliam ingressus fuerit, & populos ad fidem converterit, antequam Dionysius in Francia evangelium prædicaret. Eodem argumento usi sunt Oratores Anglicani in concilio Pisano, Senensi & Basileensi. Quæ traditio de Iosepho Arimathæo Britannorum Apostolo etiam a Scriptoribus ecclesiarum Britannicarum passim asseritur. Conferatur Polydorus Virgilius *libr. 2. histor. Anglic. c. 37.* Baleus *centur. 1. Scriptor. Britan. p. 15.* Cambdenus *in Britannia p. 47.* Pitseus *in relationibus historicis rerum Anglic. p. 13.* Crakanthorpius *in defensione ecclesie Anglicanae adversus M. Antonium de Dominis c. 4. p. 24.* Godwinus *de Prasulibus Angliae c. 2. & alii.* Verum Iacobus Usserius *in antiquit. Britan. c. 2.* hanc de Iosepho traditionem, si modo veri aliquid habeat, plurimis fabulis contaminatam judicat, quam etiam explodit Eduardus Stillingfleet *de origine ecclesie Britannicae c. 1. & Basnagius in exercitationibus Anti-Baronianis p. 26.*

IX. Multo magis fabulas redolent, quæ de primis Hispania Episcopis tradi solent, cujusmodi fictitios Hispania

niæ Episcopos plures suppeditat Tenebrio Sinister (Lucium Dextrum dicere volebam) in suo chronico, ubi inter plures alios A. C. 71. occurrit Hierotheus, quem ex Atheniensi Segoviensem in Hispania Episcopum factum comminiscitur. Mentio fit hujus Hierothei in Menologiis Græcorum d. 4. Octobris. Eundem in exequiis B. Virginis Mariæ Apostolorum Præcentorem fuisse Græcorum Menæa tradunt. Insignibus elogiis ipsum exornat in scriptis suis Dionysius Areopagita, qui ejus discipulus & in Atheniensi episcopatu successor fuisse perhibetur. Plura de isto Hierotheo diximus in dissertatione de Patribus Apostolicis thes. 38.

X. Petri Apostoli episcopatus Antiochenus, quem ante Romanum per aliquot annos tenuisse dicitur, merum figmentum est. Eusebius certe *hystor. eccles. libr. 3. c. 22.* Evodium primum Antiochiæ Episcopum fuisse, & huic Ignatium successisse tradit, ubi etiam primos Hierosolymitanos Episcopos Jacobum Domini Fratrem & Simeonem extitisse refert. Idem Eusebius *eodem libro c. 4.* Timotheum primum Ephesinæ, & Titum Cretensis ecclesiæ Episcopum fuisse scribit. Quot autem & quinam ex reliquis Apostolorum discipulis eorundem judicio digni æstimati fuerint, qui fundatas ab ipsis ecclesias pastoralis cura gubernarent, dictu difficile esse profiteretur. Idem Eusebius *eodem libro c. 36.* ex Ignatii epistolis Onesimi Ephesiorum Pastoris, Damæ Episcopi apud Magnesium, Polybii Trallianorum Episcopi, & Polycarpi Smyrnenensis Episcopi meminit.

XI. Varii Episcopi ab Apostolis constituti nominantur in Constitutionibus Apostolicis *libr. 7. c. 46.* & in

his Zachæus Publicanus primus Cæsareæ Palæstinæ Episcopus ejusque Successores Cornelius & Theophilus; Aristio primus Smyrnenfis ecclesiæ Episcopus, ejusque Successores Strataæ, & alius Aristio; Cajus Pergami; Demetrius Philadelphiæ; Lucius Cenchrearum; Dionysius Atheniensium; Marathones Tripoleos in Phænicia; Archippus Laodiceæ; Philemon Colossensium; Onesimus Philemonis quondam servus Berææ apud Macedoniam; Crescens Galatiæ; Aquila & Nicetas Paræciarum Asiæ; & Crispus ecclesiæ Æginensis. Verum huic impostori, qui Constitutiones has Apostolis affinxit, nulla fides adhibenda. De septem Angelis seu Episcopis ecclesiarum Asiaticarum, ad quas Johannes scripsit, Commentatores Apocalypseos videantur.

XII. Nec certiora sunt, quæ de ecclesiis in Germania primo nascentis ecclesiæ ævo plantatis, & primis illorum conditoribus referuntur, qualia sunt, quæ de Eucharistia ejusque sociis Valerio & Materno memorant Nauclerus *chronic. vol. 2. pag. 7.* Godofredus Viterbiensis in *pantheo part. 4. p. 401.* Otto Frisingensis *libr. 3. c. 15.* Herigenus in *gestis Episcoporum Tungrensium, Trajectensium & Leodiensium c. 5. & seq.* aliique Scriptores allegati a Bebelio *antiquit. eccles. Argentorat. c. 2.* & Browero in *Annalibus Trevirensibus libr. 2.* Plura de primis evangelii in Germania præconibus subministrat Ursinus de ecclesiarum Germanicarum origine & progressu, & Schilterus in tractatu de libertatibus ecclesiarum Germanicarum *libr. 1. c. 4.*

CAPITIS VII.

SECTIO IX.

De

*Miraculis & visionibus primi
seculi.*

I.

EVangelium post Christi ascensionem & Spiritus S. missionem ubique terrarum prædicatum ab Apostolis aliisque Viris Apostolicis per divina miracula confirmatum fuisse acta apostolica testantur, cujusmodi miracula etiam jam antea tam ab ipso Christo in terris adhuc versante, quam ab ejus Apostolis & 70. Discipulis patrata fuerant, ut evangelica historia docet. Ad miracula primi seculi, quæ a Scriptoribus ecclesiasticis referuntur, pertinet illa mortui cujusdam excitatio, quam ex Philippi Apostoli filiabus cognovit Papias apud Eusebium *lib. 3. hist. eccles. c. 39.* quod miraculum ipsi Apostolo Philippo tribuendum esse suspicatur Dodwellus *præfat. dissert. ad Irenæum §. 8.* Addit Eusebius loco allegato & aliud miraculum, quod eisdem ex filiarum Philippi relatione Papias in suis commentariis notavit, referens, Justum seu Josephum cognomento Barsabam, Matthiæ in Apostolatu Competitorem, lethale poculum ebibisse, nihilque incommodi inde percepisse. Cujus-

mo-

modi miraculum etiam de Johanne Evangelista nonnulli referunt, unde etiam Johannes cum poculo, ex quo anguis prospicit, depingi solet. Verum Raynaudus *Tom. 8. oper. p. 197.* hanc de Johanne historiam partim ex pseudepigraphis, partim ex recentioribus Scriptoribus haustam pronunciat, & ex picturis ob impunem Pictorum licentiam nullum, alicujus ponderis, argumentum pro veritate hujus historiae peti posse judicat. Aliud vero miraculum de Johanne Evangelista refert Apollonius secundi seculi Scriptor apud Eusebium *lib. 5. c. 18.* ubi refert, mortuum quendam Ephesi a Johanne per divinam potentiam suscitatum fuisse. Quorsum etiam spectat, quod Johannes in dolium ferventis olei immersus ex eodem illæsus evasit, qua de re supra in capite de persecutionibus dictum est.

II. Visionum divinarum charisma in ecclesia primi seculi viguisse, exempla Petri, Pauli, *Cornelii Centurionis*, & alia in sacro codice annotata abunde docent. At non æque certa est visio Carpi cujusdam, narrata a Pseudo-Dionysio in epistola ad Denophilum, non ad ipsum Carpum scripta, etsi Morinus *libr. 9. de sacrament. pœnit. c. 21.* memoria lapsus scribat, Dionysium Areopagitam in epistola ad Carpum in Carpum aliosque invehi, qui peccatorum quorumlibet veniam & reconciliationem poenitentibus denegabant. Summa visionis hæc est: Carpus graviter contristatus & indignatus, quod infidelis quidam fideliem ad errorem seduxerat, in somnium incidit, & circa mediam noctem experrectus Deum precabatur, ut amborum vitam repentina morte abrumperet, cum non justum esset, ejusmodi impios homines diu-

diutius vivere. His dictis oculos attollens Jesum innumeris Angelis stipatum videbat, deorsum autem oculos flectens horrendam abyssum conspiciebat, & viros quos diris devoverat, ante hanc voraginem cum tremore stantes, & serpentes e voragine illa prorumpentes, qui viros illos in voraginem præcipites dare moliebantur, & viros quosdam, qui simul cum serpentibus impetum adversus illos faciebant, qua visione Carpus admodum delectabatur, hoc tantum indigne ferens, quod illi nondum cecidissent. Tandem oculis iterum ad superna sublatis iterum Jesum videbat, qui ad peccatores illos e coelesti throno descendebat, & benignam manum illis porrigebat, & ad Carpum dicebat: jam manu extensa percutite me, quia paratus sum denuo pro salvandis hominibus pati.

CAPITIS VII.

SECTIO X.

Qua epimetra quædam miscellanea continentur.

I.

INter liturgias primi seculi pseudepigraphas Bebelius *antiquit. sec. 1. p. 3.* Nicomedis liturgiam memorat. Quis vero ille Nicomedes? aut ubi ejus liturgia reperitur? Ego me id cum ignaris scire fateor, nisi quod in actis Nerei & Achillei legi, Nicomedem Presbyterum Romanum coram Virgine Petronilla, quam nonnulli veram Petri Apostoli filiam, alii vero spirituales

Qq q

tan-

tantum fuisse statuunt, paulo ante ejus mortem Christi mysterium celebrasse. Unde Pamelius in rituali Patrum latinorum seu Liturgico latino *Tom. 1. p. 92.* inter testimonia antiquitatis, quæ pro Sacrificio missatico colligit, etiam ad Nicomedem provocat, hac rubrica præmissa: *mysteria celebrata a D. Nicomede Presbytero Romano*, quæ Pamelii verba Theologus laudatus ita accepit, ac si aliqua liturgiæ formula sub Nicomedis nomine extaret, sicut ejusmodi formulæ sub nomine Jacobi, Petri, Marci, Matthæi & aliorum extant.

II. Inter decem concilia Hierosolymitana primi sæculi, quæ Eifengreinius numerat, ultimum ipsi est, quod in Symeonis Episcopi Hierosolymitani electione factum esse dicit, cum is Jacobi Fratris Domini in episcopatu hoc successor constitueretur. Et negari quidem non potest Eusebium *libr. 3. hist. eccl. c. XI.* referre, quod post martyrium Jacobi Apostoli cæterique Domini Discipuli, qui adhuc superstites egerunt, ex variis locis in unum convenerint, & in Jacobi locum Symeonem Cleopæ filium elegerint. Verum hæc Eusebius non ex certis monumentis, sed ex fama refert. λόγος, inquit, κατέχθη. Et quid opus erat Apostolos, qui alia habebant, quæ agerent, ex variis terræ partibus Hierosolymam convenire ad novum hujus urbis Episcopum eligendum? Poterat hæc electio sine Apostolico concilio fieri. Cæterum hunc Symeonem Episcopum Hierosolymitanum cum Symeone Apostolo confundunt Autor chronici Alexandrini, Dorotheus & alii.

III. Idem Eusebius *libr. 3. hist. eccles. c. 5.* refert, Christianos Hierosolymitanos divino oraculo monitos fuis-

fuisse, ut urbe egrederentur. Cui oraculo etiam morem gesserunt, & Hierosolyma relicta in oppidum Pellam trans Jordanem se contulerunt. Idem confirmat Epiphanius *heres. 29. sect. 7.* nec non in tractatu de ponderibus & mensuris *sect. 15.* ubi Christianos Hierosolymitanos ab Angelo monitos Pellam migrasse scribit. Et in hac urbe etiam Episcopos Hierosolymitanos post devastatam Hierosolymam commoratos fuisse donec Æliam seu Hierosolymam ab Hadriano instauratam se conferre possent, non improbabile videtur. Nam quod Eusebius *libr. 6. demonstr. evang. c. 18.* Hierosolymam non totam a Tito dirutam, sed dimidiam partem integram relictam fuisse, & postea demum ab Hadriano eversam fuisse existimavit, falsum esse probat Scaliger *animadvers. ad Chron. Euseb. p. 212. seq.* etsi præter Eusebium etiam Hieronymus *ad Zach. XIV, 1. 2.* & alii quidam veteres similia tradiderint, quos inter Scaliger *p. 213. l. c.* aliis modestiorem prædicat Epiphanium, qui *libr. de pond. & mens. sect. 14.* scribit Hadrianum, cum venisset in locum, ubi Hierosolyma fuerat, omnia solo adæquata invenisse præter paucula domicilia, & ædiculam sacram, in qua Discipuli post Christi ascensionem in cælum convenerunt. Epiphanius ergo non dimidiam Hierosolymam, ut Eusebius & alii, sed sacram tantum ædiculam & pauca domicilia a vastatione Titi excipit, quanquam nec hoc cum verbis Christi convenit, qui prædixerat, ne lapidem quidem super lapidem mansurum.

IV. Primos ecclesiæ Christianæ hæreticos ante penultimum Trajani annum, seu A. C. 116. manifestam ab ecclesia discessionem professos non fuisse, Hegesippi autori-

tate aliisque argumentis evincere conatur Dodwellus *dissert. 1. ad Irenaeum*. Quam sententiam falsam esse ostendi in epistola ad Auditores meos, quam dissertationi de hæresiarchis ævi apostolici præmisi. Equidem Dodwello astipulari video D. Philippum Jacobum Hartmannum in originibus Christianis c. 22. Verum nondum video, qua ratione evinci possit, ecclesiam ætatis apostolicæ usque ad terminum a Dodwello definitum puram & incorruptam virginem mansisse, nec ullos hæreticos nisi sub extrema Trajani tempora aperta fronte se publice ostentare, & secessionem facere cœpisse. *Hæreticos enim plures jam tempore Johannis vel secessionem fecisse ab ecclesia, vel a fide ejus pastoribus communione fuisse exclusos, liquet clarissime ex prima Johannis & epistolis Apocalypticis, ut Clarissimi Vitringæ verbis utar, quibus in hypotyposi historie sacre p. 320. suum a Dodwelli sententia dissensum profitetur.*

V. De Nerone primo inter Imperatores Romanos ecclesie persecutore poenas Tyranni recensiturus Lactantius de mortibus persecutorum c. 2. *dejectus, inquit, fastigio imperii ac devolutus a summo tyrannus impotens, nusquam repente comparuit, ut ne sepultura quidem locus in terra tam male bestia appareret.* Addit Lactantius ulterius: *unde illum quidam deliri credunt esse translatum ac vivum reservatum Sibylla dicente matricidam profugum a finibus esse venturum, ut quia primus persecutus est, idem etiam novissimus persequatur, & Antichristi precedat adventum.* Quæ verba expendens Tolloius miratur Christianos veteres tam splendide mentiri solitos. At parcius hoc Christianis objicere Tolloius debebat. Splendidum enim il-

illud mendacium de Nerone adhuc vivente non Christianis, sed gentilibus natales suos debet. Certe Suetonius in vita Neronis refert, cum paulo ante Neronis mortem & funerationem memorasset, non defuisse, qui *modo ejus imagines pratextatas in rostris proferrent, modo edicta quasi viventis & brevi magno inimicorum malo reversuri*. Huc etiam pertinent illa Taciti *libr. 2. hist. c. 8.* dicentis: *sub idem tempus Acbaja atque Asia falso exterrita, velut Nero adventaret, vario super ejus exitu rumore eoque pluribus vivere eum fingentibus credentibusque*. Et illa Dionis Chrysostomi, qui *orat. 20. de pulchrit. p. 273.* refert, quod post Neronis mortem multi eum adhuc vivere existimaverint. His ergo rumoribus etiam Christiani aliqui fidem adhibuerunt, nonnulli vero plura addiderunt. Hinc Casaubonus *animadv. ad Sueton. p. 196.* asserit, fuisse illam constantem in veteri ecclesia opinionem, quod Nero ante Seculi finem sit venturus, & vel ipse Antichristus sit futurus, vel iisdem temporibus per occidentem sæviturus, quibus ille per Orientem. Si Commodianum *in instructionibus c. 41.* audiamus, de inferno novissimis temporibus levabitur. Ita enim scribit:

*Cum fuerit autem Nero de inferno levatus,
Helias veniet pius signare dilectos.*

Severus Sulpitius *libr. 2. hist. sacr. c. 42.* Neronem curato vulnere servatum, & sub finem mundi ad operandum iniquitatis mysterium venturum asserit. Hausit illas fabulas Sulpitius ex ore Martini, qui de fine seculi quæsitus respondit: *Neronem & Antichristum prius esse venturos: Neronem in Occidentali plaga regibus subactis decem imperaturum, persecutionem autem ab eo hæcenus exercen-*

dam, ut idola gentium coli cogat. Ab Antichristo vero Orientale imperium esse capiendum: qui quidem sedem & caput regni Hierosolymam esset habiturus; ab illo urbem & templum esse reparandum. Illius eam persecutionem futuram esse, ut Christum Dominum cogat negari, se potius Christum esse confirmans: omnesque secundum legem circumcidi jubeat. Et ipsum denique Neronem ab Antichristo esse perimendum: atque sub illius potestate universum orbem, cunctasque gentes esse redigendas, donec adventu Christi impius opprimatur. Meminit etiam Augustinus quorundam, qui per Antichristum a Paulo prædictum Neronem intellexerunt, quem resurrecturum & Antichristum futurum suspicati sunt, & aliorum qui ne occisum quidem putaverunt, sed subtractum potius ut putaretur occisus, & vivum occultari in vigore ætatis illius, in qua fuit cum crederetur extinctus donec suo tempore reveletur & in regnum restituatur. Sed mira videtur Augustino *lib. 20. de Civit. Dei c. 19.* hæc opinantium tanta præsumptio, sicut & Lactantius loco ante allegato deliros judicat, qui Neronis reditum expectant, etsi eum repente nusquam comparuisse dixerit.

VI. Ad fabulas de Nerone illa quoque pertinet, quod ob Christi supplicium Pilatum nec non Hannam & Caipham vinctos ad se duci jusserit, & Hannam quidem ac Caipham iterum dimiserit, Pilatum autem, in quem omnis culpa a Pontificibus rejecta, in carcerem conjecerit. Referri id videas a Suida *lexic. Tom. II. p. 220.* & mutatis quibusdam circumstantiis a Johanne Antiocheno *Malalacbron. pag. 323.* Verum hanc relationem recte confutat Bœclerus in *historia universali IV. primorum seculorum*

p. 9. Quod vero suspicatur Johannem Antiochenum forte de Tiberio, qui etiam Neronis nomen gessit, non de Nerone proximo Galbæ antecessore locutum fuisse, in eo fallitur, nec in eam suspicionem incidisset, si illa ætate, qua Bœclerus historiam suam quadrisecularem scripsit, Johannis Antiocheni chronicon editum fuisset, quod postea demum in Anglia prodiit.

VII. Inter insignia Diaboli instrumenta, quibus ille evangelii cursum impedire conatus est, non tacendus Apollonius Tyaneus vel Tyanensis, diabolicis suis præstigiis magnam celebritatem consecutus, cujus vitam libris octo Philostratus Lemnius descripsit, quorum novam Editionem literatus orbis debet Dn. D. Godofredo Oleario, qui universa Philostratorum opera hætenus admodum rara cum Apollonii Tyanensis epistolis, & aliis accessionibus ex MSCtis codicibus recensita, & versione fere nova notisque & præfationibus suis illustrata hoc ipso tempore vulgavit. Hieroclem, qui ex Philostrati libris Apollonium cum Christo comparare ausus est, confutavit Eusebius, cujus liber adversus Hieroclem post Morellianam & alias editiones, in novo, quem dixi, Philostrato denuo comparet. Cæterum Apollonii Tyanensis miracula a Philostrato celebrata ob Taciti aliorumque Philostrato antiquiorum Scriptorum silentium falsi admodum suspecta sunt, etsi ejus facta tantum miraculosæ operationis speciem præ se ferant, ut a Christianis quæstio moveretur: quomodo fiat ut Apollonii telestmata tantum possint in res creatas, cum illa & fluctus maris & ventuum impetum sedaverint, & murium ac bestiarum incursiones suppresserint? Conferatur Justi-

stinus, sive autor quæstionum & responsionum ad orthodoxos *quæst.* 24. De variis telestmatibus ab Apollonio factis multa narrat Johannes Malala *chronograph.* p. 342. *seq.* Verum illa dubio procul non minus fabulosa sunt, quam quæ Philostratus in Apollonii vita de insigni hoc Mago memoravit. Magum enim fuisse Apollonium, eumque vaferrimum & facerrimum, etsi Philostratus id negare ausit, probat Huetius *demonstrat. evangel. propos. 9. p. 660. & seq.* ubi etiam perstringit Eupapium, qui Philostrati opus non Apollonii vitam, sed Dei adventum ad homines inscribi debuisse pronunciat, & Vopiscum, qui in vita Aureliani tantis præconiis Apollonium extollit, ac si non hominem laudare, sed Deum sibi conciliare vellet, & alios, qui Apollonio plus iusto tribuerunt, quos inter etiam Sidonium Apollinarem Arvernorum Episcopum fuisse miratur, qui *libr. 8. ep. 3.* eas in Apollonium laudes conjicit, ut Philostrati mendacia non subodoratus videatur.

Plura de selectis historiæ ecclesiasticæ primi seculi capitibus addere non lubet, ut eo citius ad selecta secundi seculi capita progredi mihi liceat, si Deo visum fuerit,
cui sit gloria in secula seculorum
Amen.



INDEX

INDEX RERUM.

Numerus major *Caput*, minor *Paragrapum*
S. *Sectionem* denotat.

Pr. Præfationem de Scriptoribus Hist. Eccl. & numerus ad-
jectus Paragrapum Præfationis indicat.

A.

Abdia Babylonii Historia cer-
taminis apostolici, I. 20.

Abgari ad Christum epistola. I. 1.

Acta Pauli & Thecle. I. 8.

Pilati I. 8. VII. S. I. 58.

Barnaba I. 16.

Adnc quid significet, III. S. I.
18. p. 102.

Adulterium divortii causa. III.
S. III. 17.

Ægyptiis Judei non debent cir-
cumcisionem. III. S. II. 20.
nec sacrificia III. S. V. 11.

Æones Simonis Magi v. 19. p.
280.

Æra communis an omnium ve-
rissima VII. S. I. 1.

Agrippæ exitus. VII. S. I. 30.

Axides Johannis Baptiste. VII.
S. IV. 7.

Alexandri Natalis Historia Ec-
cles. Pr. 33.

Alexandri Nat. Dissert. in Hist.
Ecclesiasticam. 34.

Fata ob hæc scripta. 35. 36.

Historia Ecclesiastica V. T. 36.

37.

alia scripta conjunctim edita.

37.

adversarii. 38. 39.

allegationem Papebrochius
excusat. 38.

Sententia de Symbolo Apo-
stolico refellitur. III. S. I. 10.

it. de Pontificatu Petri. IV. 4.

Alexandrina Ecclesiæ origo ex
Eutychio. VII. S. IIX. 3.

Allegoriarum studiosus Barna-
bas. III. S. II. 9. 11. 12.

Americani an Apostolorum tem-
pore noti. III. S. IV. 12. & Ev-

angelium acceperint. l. c.

Amyraldi sententia de descensu
Christi ad inferos III. S. I. 20.

Andreas ubi predicaverit. VII.
S. V. 20.

R r r

an

INDEX

- an cruci decussata affixus. l.c.
Angelorum ordines novem quis primus numeraverit, I. 17. p. 36.
ex mente Dionysii Areop. III. S. VI. 3.
liboni non vocantur πνεύματα ἐν Φυλακῇ. III. S. I. 18. p. 103.
li duo, bonus & malus, an unicuique homini adsint. III. S. III. 10.
lus reptilium praefectus III. S. III. 11.
lorum cultus a Simone M. introductus, V. 19. p. 280. & *Cerinto*. V. 29. quem Pontificii imitantur. l.c.
lorum revelationes a Cerinto jactatae, V. 33.
Angliam Paulus non intravit. VII. S. V. 32.
lorum Apostolus an Iosephus Arimatheus, VII. S. IIX. 8.
Anima praesistentia a Socinianis adstructa. III. S. IV. 14.
Animi relaxatio a Job. Ev. sua. VII. S. V. 10.
Annales Baronii. Pr. 6. 7. seq.
lium fata, imprimis T. XI. Pr. 8.
eruditorum de iis judicia. 32.
aliorum circa eosdem conatus 10.
epitomatores. 11. 12. 13. 14.
continuatores. 15. 16. 17.
adversarii, 18. 25. seq.
Vindices. 28. 30.
refutatio & emendatio promissa. 32.
Annulis obfignati baculi Principum Israeliticorum juxta Clem. Rom. III. S. IV. 4.
Anonymi Breviarium Historiae Eccles. Pr. 73.
Anthropiani num differant ab Anthropomorphitis, V. 40.
Antichristus an fuerit Simon Magus. V. 18.
an Nero Imp. VII. S. X. 5.
Antipas martyr factus. VI. 12.
Antitypa corporis & sanguinis Christi panis & vinum. III. S. V. 9.
Antonii de Padua donum linguarum. VII. S. V. 2.
Apocalypsis Job. non a Cerinto scripta. V. 33.
miraculosus in eum Cecili Commentarius VII. S. V. 13.
Apollo Vir Apostolicus. VII. S. VII. 5.
Apollonius Tyaneus Magus & impostor. VII. S. X. 7.
Apostoli vox nec Gentilibus nec

RERUM.

- Judæis ignota. VII. S. V. 1.*
ante vocationem non fuisse
homines pessima nota. III. S.
II. 14.
non medicos egerunt. VII.
S. V. 1.
quas linguas locuti sint in die
Pentecostes. VII. S. V. 2.
eorum infallibilitas. VII. S.
V. 3.
an XII. annos Hierosolyma
hæserint. VII. S. v. 4.
quibus in locis docuerint. 5.
an fuerint Episcopi. 18.
an habitum peculiarem gesse-
rint. IV. 26.
an mortui mortuis prædica-
rint. III. S. III. 19.
Apostolici certaminis historia ab
Abdia scripta. I. 20.
licum. Symbolum v. Symbo-
lum.
Apostolici Canones. I. 22. Con-
jugium Clericis permittunt.
III. S. V. 1. conjugium cum
defunctæ uxoris sorore im-
probant. 2. hæreticorum bap-
tismum rejiciunt. 3. ineptum
librorum canonicorum cata-
logum exhibent. 4.
Apostolicæ Constitutiones. I. 22.
earum antiquitas num possit
ex Barnaba adstrui. III. S.
II. 19. Personas in Trinitate
inepte comparant. III. S. V. 5.
multa proferunt Arianis
profutura. s. conjugium re-
petitum rejiciunt. 6. Laico-
rum & hæreticorum bap-
tismum improbant. 7. de con-
cubinis mitius justo senti-
unt. 8.
Arbor an Christum adoraverit.
VII. S. I. 11.
Arnoldi Gottfredi Kirchen-und
Reher-Historie. Pr. 68. ad-
versarii. l. c. p. 77. seq. de-
fensores. p. 83. Supplementa
& Compendium Hist. Eccl. 69.
Arnoldus Simonis Magi defen-
sor. V. 11.
Pseudo Dionysii vindex, I.
17. p. 41.
Recognitionum Clementis R.
vindex, I. 22. p. 57. seq.
di fraus in his edendis com-
missa. p. 59.
Arthufius Gotthart, an Slei-
danum continuaverit. Pr. 98.
Ascianus Dorotheus de monti-
bis pietatis. Pr. 71.
Arhanasii prudentia in compo-
nendis Patrum dissidiis super
voc. ἐσίας & ὑποστάσεως
oris. III. S. VI. 2.
Authet Phil. Lud. Index Histo-
riarum in negotiis religionis
gestarum Pr. 73.

INDEX

Autor historiae symboli Apost. notatur. III. S. I. 1, 15.

B.

Baptismi efficacia contra
Witsum adstruitur. III. S.
II. 21. mi participes facti sunt
etiam infantes Sec. I. & II.
III. S. II. 22. p. 150.
mi administratio Laicis in-
terdicta in Const. Apost. III.
S. V. 7.
mus haereticorum rejectus in
Canonibus Apost. III. S. V.
3. & Const. Apostolicis. 7.
mus Signaculum Domini IV.
24.
mus Cerinthianorum vicari-
us V. 34.
mus super mortuis. l. c.
mi Christi memoria a Grae-
cis instaurata. VII. S. I. 16.
Baptizatos esse fideles V. T. post
mortem ab Apostolis mor-
tuis Hermas statuit. III. S.
III. 19.
Bardefani tribuuntur Libri re-
cognitionum Clem. R. I. 21.
p. 56.
Barnaba Epistola. I. 14. quando
innotuerint erudit. III. S.
II. 2.
Acta. I. 16.
Evangelium. VII. S. VII. 3.
Barnabas aliter in Epp. allegat

Scriptura dicta, quam ho-
die leguntur. III. S. II. 3.
falso sapius allegat Scriptu-
ram Sacram. III. S. II. 10.
allegoriarum amans. 9. Cur? 21.
Divinitatem Christi adstruit.
13.

Barnabas testis veritatis contra
Nestorium. 15. Socinianos. 16.
assertor meriti Christi uni-
versalis. 16.

meritum bonorum operum
rejicit. III. S. II. 17.

studium bonorum operum
sedulo inculcat. 18. p. 143.

non docet Sanctorum invo-
cationem. l. c. p. 144.

non tribuit Eleemosynis
vim redimendi. 19.

nec Chiliasmo favet. 23. ejus
sententia de sex mundi
Chiliadibus. l. c.

Baronii Caesaris Annales v. An-
nales.

ius Centur. Magdeb. adver-
sarius Pr. 6. p. 12.

Bartholomaeus & Nathanael
idem VII. S. V. 24.

ubi predicaverit, &c.

Basnage Samuelis Exercita-
tiones historico critica. Pr.
25. notatur. V. 10.

Bebelii Balth. Antiquitates 4.
priorum seculorum & alia
Scri-

RERUM.

- Scripta Ecclesiastica*. Pr. 86.
- Becmannus* Joh. Chr. *perpetuum Lutherum exagitat*. III. S. I. 25.
- Bellarminus* notatus I. 17. p. 30.
- Berniera* Joh. *Angeli Compendium Hist. Eccles.* Pr. 101.
- Bethesda* piscina vis sanandi non fuit naturalis, VII. S. I. 45.
- Bisciola* Joh. Gebr. *Epitomator Baronii*. Pr. II. p. 19.
- Bisselius* a *Dilberro* lepide *viellus*. IV. 25.
- Bæcleri* Joh. *Henr. Commentarius de rebus* Sec. 9. & 10. Pr. 92.
- ri Comment. de rebus* Sec. 16. Pr. 100.
- ri Historia universalis*. I. c.
- Bobemus* Euf. *Pappi Historia Ecclesiastica continuator*. Pr. 49. p. 72.
- Bolerani* Anton. *Florus Sanctus*. Pr. 81.
- Bossueti* Joh. *Lib. de Variationibus Protestantium*. Pr. 104.
- ti cum Dupinio controversia*. 65. p. 72.
- ti invidia notatur*. p. 73.
- Brunus* Contr. *Centuriatorum Magdeburg. adversarius*. Pr. 5. p. 11.
- Bubo super capite moribundi Agrippa* VII. S. I. 30.
- Buchingeri* Mich. *Hist. Eccl.* Pr. 50.
- Bulla* *Papales Pauli imagini dextrum locum tribuunt*. IV. 5.
- Bullengerus* Jul, *Cæs. Casauboni adversarius*. Pr. 19. p. 30.
- Burnet* *Vacillasii & Bossueti adversarius*. Pr. 104.
- Byzantinis de Episcopis traditio* VII. S. IIX. 2.
- Bzovius* Abrah. *Epitomator annalium Baronii*. Pr. 13. p. 21. & *continuator*. 16. p. 26.
- Varia de eo judicia*, p. 27, 28.
- C.
- C***æcilii miraculosus in Apocalypsin commentarius*. VII. S. V. 13.
- Calicis prerogativa præ pane eucharistico* III. S. IV. 22.
- Calixti Georgii Historia Ecclesiæ occidentalis*. Pr. 90.
- Cambiales literæ a Maria data exoptantur*. I. 3.
- Campani sententia de personis divinis*. III. S. I. 26.
- Canisius* Petr. *Centur. Magdeburgensis*. Pr. 5. p. 10.
- Canones Apostolici v. Apostolici Can.*
- Capellus* Jac. *Casauboni vindex* Pr. 21. p. 31.

INDEX

- Capelli Historia Sacra & exotica.** Pr. 81.
alia scripta ex hist. eccl. l. c.
- Capelli Ludov. Chronologia Sacra & alia scripta ecclesiastica.** Pr. 83.
- Carmelitarum de ordinis sui antiquitate persuasio.** IV. 18.
- Cardi V. de Sleidano iudicium** Pr. 97.
- Caroli Andreæ Memorabilia ecclesiastica** Sec. 17. Pr. 103.
- Carpivisia incerta.** VII. S. IX. 2.
- Casaubonus Isaac Baronii adversarius.** Pr. 5. p. 10.
nus non ex mærore mortuus. 18. p. 30.
ni adversarii 19. 20. 21. 22.
Epitomator. 26. p. 35.
Vindex. 21. p. 32.
- Cassianus Joh. Pelagianizans.** III. S. III. 12. p. 172.
- Cathedra Petri in Vaticana basilica.** IV. 3. in nummo representata. l. c.
- Centuriarum Magdeburgensium Autores.** Pr. I. seq. editiones. 2.
continuatio promissa. 3.
adversarii 5. 6.
diversa de iis iudicia. 4.
- Cephas dictus est Petrus, unde?** IV. 4. p. 231.
- Ceremoniarum Mosaicarum** necessitatem urserunt Cerinthis. V. 28. Ebion. 43. Nazarai. 46.
- Cerinthius divinitatis Christi hostis.** V. 26.
ibi errores de nativitate, passionis & resurrectione Christi. 27.
de lege & rituum Mosaicorum, necessitate. 28.
de cultu angelorum & creatione mundi. 29.
contra eum Johannes Evangelium suum scripsit. V. 26.
rejecit omnia Scripta N. T. excepto Matthei Evang. 30.
Cbiliarum Patronus. 31. 32.
revelationes angelicas jactavit. 33. in balneo oppressus. 35. Johanni Evangelistæ coævus. 36. p. 303.
- Cerinthiani & Merinthiani non fuere diversi.** V. 25.
- Chefneux Mathiæ Speculum ecclesiæ Catholice.** Pr. 73.
- Cbiliarum Patroni Cerinthis.** V. 31. Ebion. 43.
mus Patrum Cerinthiano admodum conformis. 31. quod contra Peterseium ostenditur. 32.
mo non faveat Barnabas III. S. II. 23. p. 155. nec Hermas III.

III. S. III. 20. nec Clemens
Rom. III. S. IV. 25. nec Di-
onysius Areopagita. III. S.
VI. 6.
de Choisy Abbatis historia ec-
clesiastica. Pr. 64.
Chrisma an Sec. I. in baptismo
adhibuitur IV. 19. 24. p. 247
Christi ad Abgarum epistola. l. 1.
imago a Nicodemo sculpta. I.
13. p. 19.
colloquium cum Nicodemo.
p. 20.
filiatio eterna adstruitur. III.
S. I. 15. ex Symbolo Aposto-
lico eruitur. 16.
Christi descensus ad inferos. III.
S. I. 18. contra Bocharium
19. Ligistotum. 21. Witsum.
22. Pearsonium. 23. Pontifi-
cios quosdam. 24. Luther-
anos quosdam. 24.
an hic articulus in Symbolum
Apostolicum per errorem
irrepperit. 20. 21.
Lutheri de hoc articulo sen-
tentia. 24. 25.
Christi divinitas in Symbolo A-
postolico asserta. 16. p. 100.
creditum necessaria. 17. a Bar-
naba adstructa. III. S. II.
13. ab Herma agnita. III.
S. III. 8. a Clemente Rom.
III. S. IV. 8. 10. impugnata
a Cerimbo. V. 26.

Divina natura a Patribus
per Spiritum S. intelligitur
III. S. III. 7. p. 162.
Christus regnavit de ligno. III.
S. II. 4. 5. 6. 7.
quo sensu dicatur splendor
Patris III. S. IV. 9.
inpeccabilis. lib. 11.
a Iesu male distinctus est. V.
27.
a Gentilibus Christus appel-
latus. VI. 4.
Christus ex Maria virgine na-
tus contra Cerintum V. 27
Quando natus. VII. S. I. 1.
2. 3. 4. ubi natus. 5. an ejus
præsepe fuerit diversori-
um. 6.
Christi infantia. 7. ubi circum-
cisus. 8. de ejus præputio. l. c.
a Magis adoratus. 9.
in templo oblatus. 10. in
Ægyptum fugit 11. acta e-
jus fabulosa ex traditioni-
bus. 13. in templo sedet do-
cens. 14. domi fabrilis tra-
ctat. l. c.
Christi forma. 15. baptismus. 16
tentatio. 17. ministerium. 18
austeritas in matrem in
nuptiis Cananæis. 39. con-
cio montana ejusque mirus
effectus in Linacro Medico.
44. reformatio templi 40.
res

INDEX

- res gesta ab omnibus Evan-*
gelistis memorata. 47. 48. a
tribus. 49. a duobus 50. a so-
lo Matthæo 51. Marco & Lu-
ca 52. Johanne. 53.
Christus quomodo a Diabolis
cognitus 43.
quando Pascha celebraverit.
54. 55.
Christi Passio a variis Scri-
ptoribus illustrata. 56.
resurrectio negata a Cerin-
tho. v. 27.
Apotheosis juxta quosdam a
Tiberio decreta. VII. S. I. 59.
Vestigia in monte oliveti. 57.
de Christo testimonium Josephi.
19. seq.
Christiani nominis origo, V. 5.
Christiani S. Johanna. VII. S.
IV. 3.
Circumcisio non ab Ægyptiis ad
Judeos manavit. III. S. II.
20.
Christi Bethlebemi facta. VII
S. I. 8.
Claudius Christianorum perse-
cutor. VI. 4.
Clementis Alexand. sententia
de Evangelio mortuis an-
nunciato. III. S. III. 19.
Clementis Flavii martyrium.
VI. 10.
Clementis Romani Opera. I. 22.
p. 46.
liturgia. p. 54.
recognitionum libri. p. 54. qui
Pelagianismo patrocinatur.
III. S. V. 12.
homilia. p. 59.
Epitome gestorum Petri. p. 60.
Epistole decretales. p. 61.
qua communionem conju-
gum probant. III. S. V. 14.
& injuria sunt in Scriptu-
ram sacram. III. S. V. 13.
Clementis R. Epistola ad Jaco-
bum. I. 22. p. 61.
Epistola ad Corinthios. p. 62.
cui quadam ex Clem. Alex.
inserta esse videntur III. S.
IV. 23.
Clemens R. Scriptura S.
Θεοπνευσία adstruit. III. S.
IV. I. lectionem Sacra S.
omnibus commendat. 2.
Scripta evangelica & apo-
stolica allegat. 3. sapius ta-
men minus apte. 5. sapius
allegat, quæ non leguntur.
6. Trinitatem asserit. 7. de
Christo magnifice sentit con-
tra Sandium. 8. Zwickerum
9. 10. & Mellierium. 11. Uni-
versalitatem gratiæ & me-
riti Christi agnoscit. 13. ju-
stificationem ex sola fide
fieri

- fieri statuit 15. Purius ab eo dicta excusantur 16. ejus sententia de perfectione renatorum 17. amissibilitate gratia 18. Ministrorum ordine 19. constitutione per consensum plebis. 20. judaizare videtur. 21. nullam calici prae pane eucharistico praerogativam tribuit. 22. Missa non faver. 23. phoenicem tanquam resurrectionis symbolum proponit. 24. purgatorium non credit. 25. praesentiam corporis & sanguinis Christi in Coena agnovit. III. S. V. 9.
- Clemens Pauli Cooperarius an idem cum Clemente Rom.** VII. S. VII. 4.
- Clerici Joh. sententia de descensu Christi.** III. S. I. 18. p. 103. de Johanne Ev. an ad Philonis scripta respexerit? VII. S. V. 11.
- Clericis conjugium aeo Apostolico permissum.** III. S. V. 1. ei conjugio abstinentes vocati sunt Nicolaitae. V. 51.
- Cletus an autor pallii pontificalis?** IV. 22. & Crucigerorum. 21.
- Color coeruleus pro maledicto habitus a quibusdā.** VII. S. IV. 3.
- Columba sub forma Christum in Iesum descendisse dixit Cerintbus.** V. 27.
- Communione frequentia in primitiva ecclesia.** IV. 31.
- o conjugum in Epp. decretalibus probata.** III. S. V. 14.
- Compendium hist. eccles. Gothanum** Pr. 47. Conf. Addenda ad. Pr. 3.
- Compostellenses monumentum Jacobi falso jactant.** VII. S. V. 12.
- Conceptio Mariae immaculata in conventu Apostolorum non asserta.** II. 5.
- dubia apud Pontificios controversia.** VII. S. II. 2.
- Concilium Hierosolymitanum.** II. 1.
- a Hierosolymitana duodecim memorantur ab Eisen- greinio.** II. 2. VII. S. X. 2.
- j Nicani Patres num per 318.** Servos Abrahae praefigurati. III. S. II. 12. p. 137.
- Concubinatus in constitutionibus apostolicis non adeo improbat.** III. S. V. 8.
- Confirmationis Sacramentum** Sec. I. ignotum. IV. 24.
- Conjugio celibatum praetulit** Hermas. III. S. III. 16.

INDEX

- Conjugium solvitur per adulterium.* 17.
cum uxoris defuncta sorore improbat. III. S. V. 2.
Clericorum in primitiva ecclesia permissum. III. S. V. I. IV. 25.
primum tantum permittunt Constitutiones apostolica. V. 6.
Conjugum communionem probant Decretales Epp. III. S. V. 14.
Constitutiones Apostolica v. Apostolica Constitutiones.
Contentio Petri & Pauli. IV. 4.
Copti legunt in Missa colloquium Nicodemi cum Christo. I. 13.
Copus Alanus Cent. Magdeb. hostis. Pr. 5. p. 8.
Cozza Laurent. Pseudo-Dionysii Areopagita vindex refutatur. I. 17. p. 31. seq. it. V. 2.
Cramer Joh. Dan. Hist. eccl. Hornii supplevit. Pr. 48. p. 62.
de Creatione errores gravissimi Cerimbi. V. 29.
Crucigerorum origo fabulosa. IV. 21.
Crucis Christi multiplicatio miraculosa ex mente Pontificiorum. VII. S. I. 47.
Crux decussata male Andreana vocatur. VII. S. V. 21.
Cypriani loca ex versione Erasmi ridicule allegat Zwickerus. III. S. III. 7. p. 162.
D.
D*Aemoniaci in Hist. Evangelica revera fuerunt obsessi.* VII. S. I. 43.
Dannhaueri Joh. Contr. Christeis. Pr. 84. 105. p. 109. it. notatur VII. S. V. 18. p. 452.
Dartes Joh. Baronii adversarius. Pr. 31. p. 39.
David Claud Pseudo Dionysii Areopagita vindex. I. 17. p. 37.
Daubuzius Josephi testis de Christo defendens prolixè refutatur. VII. S. I. 30. seq.
Deitas Christi v. Christus.
Descensus Christi ad inferos v. Christus.
Descriptio Augusti prima. VII. S. I. 2. 3.
Deum duplicem finxit Simon Magus. V. 19. p. 279.
Diaboli quomodo Christum cognoverint. VII. S. I. 43.
Dillherr conjugium suum contra Bisselium defendit. IV. 25. p. 248.
Dionysii Areopagita scripta. I. 17. ab ipsis Pontificiis pro suppositiis habentur. III. S. VI. 5.
Diony.

RERUM.

- Dionysius A. librum Sapientia non refert inter libros Canon. V. T. III. S. VI. 1. mysterium Trinitatis elegantissime exprimit. 2. angelis certos ordines tribuit. 3. de materia sacrae coenae recte sentit. 4. Chiliasmo non patrocinator. 6. Martyr. VI. 11. an fuerit Episcopus Parisiensis? VII. S. IIX. 5.*
- Disciplina in primitiva ecclesia gravitas III. S. III. 14.*
- Dodwelli sententia de haereticis primi seculi examinatur. VII. S. X. 4. it. lemma de paucitate Martyrum. VI. 3.*
- Dogmata quadam analogia fidei contraria ex Pseudepigraphis recensentur. III. S. VI. 7.*
- Domitianus Christianorum persecutor. VI. 9. seq.*
- Domitilla exilium. VI. 10.*
- Dorotheus LXX. discipulorum Christi vitas scripsisse a quibusdam perhibetur. VII. S. VI. 1.*
- quas supplevit Uranius. 5.*
- Dorscheus a plagio absolutus, VII. S. I. 5.*
- Dositheus Haresiarcha. V. 1. an primo loco collocandus. 2. ejus errores. 3. 4. nomini Christianorum originem dedit. 5. ejus discipuli. l. c.*
- Doxologia: Gloria Patri & filio & c. Origo. IV. 28.*
- Dupinii Lud. El. Bibliotheca autorum ecclesiasticorum. Pr. 65. E.*
- E***Bion an a balneo oppressus. V. 36. nomen & omen habuit. 37. existentia ejus frustra negatur. 37. fuit hostis divinitatis Christi 39. ex scriptis sacris tantum quaedam recepit. 41. an fuerit Patripassianus. 42. Christum propter solos Judaeos venisse dixit l. c. judaizavit. 43. Chiliasia fuit. 43.*
- Ebionite in duas classes distinguuntur. V. 38. varie appellantur 40. multis in rebus cum Cerinthianis consentiunt. l. c. diversi sunt a Nazareis. 45. eorum de Paulo calumnia, VII. S. V. 33.*
- Ebingerus Elias Historiam ecclesiasticam Sec. 16. enucleavi in thesauro antiquitatum. Pr. 93.*
- Eisengrein Gvil. Centuriarum Magdeb. hostis. Pr. 5. p. 10. 11. fingit 12. Concilia Seculi Primi. II. 2.*
- Eldad & Medad liber suppositus. III. S. III. III. 3.*

INDEX.

- Eleemosynarum vis redimendi negata.* III. S. II. 19.
- Enoch a Carmelitis inter LXX. discipulos Christi relatus.* VII. S. VI. 4.
- Epaphroditus quis fuerit.* VII. S. I. 32.
- Episcopos inter & Presbyteros nulla fuit in primitiva ecclesia differentia.* III. S. III. 18. S. IV. 19.
- pus univoce & aquivoce dictus.* VII. S. V. 18.
- de Episcopis Byzantinis traditio.* VII. S. IIX. 2. primis Gallia VII. S. IIX. 6. Italia. 7. Hispania. 8. ecclesia Antiochena, Ephesina &c. 10. 11.
- Episcoporum Romanorum successio immediata admodum incerta.* VII. S. IIX. I.
- Epistola Barnabae.* I. 14.
- Presbyterorum & Diaconorum Achaia.* 19.
- la decretales.* 22. p. 61.
- la Petri ad Jacobum* 22. p. 60.
- Clementis ad Jacobum.* l. c.
- la Martialis Lemovicensis.* 24.
- la Judeorum Hierosolymitanorum ad Ulmeses de Christo crucifixo.* VI. I.
- Epistola Christi, Pauli & reliquorum Apostolorum vid. sub nominibus Autorum.*
- Errores aliquot e Pseudepigraphis Sec. I. summatim recensentur.* III. S. VI. 7.
- Esdra libri quarti antiquitas & autoritas examinatur.* III. S. II. 8.
- Esseni, utrum Judaei an Christiani.* IV. 17.
- Evangelica Historia enucleatores antiqui & recentiores recensentur.* VII. S. I. 38.
- Evangelium Matthaei non hebraice versum.* V. 47.
- solum recipitur ab Ebione & Cerintho.* 30.
- differt ab Evangelio secundum Hebraeos.* 41. p. 308.
- Marci, Lucae, Johannis, v. sub suis Autoribus.*
- Evangelia Nicodemi, Barnabae &c. supposititia v. sub suis Autoribus.*
- Evangelium cum ritibus Mosais recipere, est simul cum bove & asino arare.* V. 43.
- Eucharistia infantum.* III. S. II. 22. p. 150.
- Seculo I. non fuit usitata.* IV. 20. ubi hodiernum sit in usu. l. c.
- a an a feminis quoque in primitiva ecclesia administrata.* VI. 8. p. 329.
- Eucha-*

RERUM.

Eucharistia frequens usus in ecclesia primitiva. IV. 31. nulla calicis præ pane consecrato prerogativa. III. S. IV. 22. corporis & sanguinis Christi præsentia adstructa a Clem. R. III. S. V. 9. Dionysio Ar. S. VI. 4.

Eudamon Andreas Casauboni adversarius. Pr. 20. p. 32.

Eusebii fides historica desideratur. VII. S. I. 30.

Eutychius Batrici filius & Saisus Patriarcha Alex. non sunt diversi Scriptores. Pr. 52. p. 65.

Excommunicationis pœna Sec. I. usitata. IV. 29. quibus dictata. l. c.

Ezechielis alterum Volumen Apocryphum. III. S. IV. 6. p. 186.

F.

F*abricius Joh. Alb. laudatus I. 2. p. 10. 12. 17. 19. &c.*

Fechii Joh. Historia ecclesiastica Sec. 16. in tabulis. Pr. 94. laudatur. III. S. IV. 23. III. S. VI. 5.

Sententia de forma faciei Christi pulcherrima approb. VII. S. I. 15.

Ferrerii donum linguarum. VII. S. V. 2.

Fidei justificantis vita contra Pontificios exponitur. III. S. II. 17. 142.

Fides quo sensu sola justificationem ingredi dicatur. 17. de Fide justificante Clementis R. sententia. III. S. IV. 15.

Flacius intelligitur per angelum Apocalypticum. Pr. 4.

Fleury Abbatis historia ecclesiastica. Pr. 64. p. 71.

ad Florentinos epistola Maria spuria. I. 4.

Fœminis non licuit in primitiva ecclesia eucharistiam administrare. VI. 8.

Fontes vinum quotannis certo die scaturientes Epiphanius memorat. VII. S. I. 39.

G.

G*alilai an simul cum Judæis Pascha celebrarint, VII. S. I. 54.*

Gallis quis primum predicaverit Evangelium. VII. S. IIX. 4. 5.

de Gallie primis Episcopis fabulosa. 6.

Gaulterii Jac. tabula Chronographica status ecclesiæ. Pr. 74.

Genebrardus Gilb. Centuriarum Magdeburg. hostis. Pr. 5. p. 9.

INDEX

- Generatio Christi aeterna adstruitur.* III. S. I. 15. 16.
- Genius hominis, de quo duplex Patrum sententia.* III. S. III. 10.
- Germanis quis primum Evangelium predicaverit.* VII. S. II. X. 12.
- Gessellii Timanni Historia Sacra & Ecclesiastica* Pr. 44.
- Godeau Anton. Historia ecclesiastica.* Pr. 63.
- Goezii Jo. Melch. conjugium cum uxoris defunctae sorore improbat.* III. S. V. 2.
- Goffius Steph. notatur* III. S. IV. 5.
- Goldastus Baronii adversarius.* Pr. 30. p. 39.
- Gothanum Historia ecclesiastica compendium.* Pr. 47. conf. *Addenda ad* Pr. 3.
- Grabe Jo. Ern. notatur, l. 8. sacrificium missaticum ex orco revocari optat* III. S. IV. 23.
- le Grand Anton. Historia ecclesiastica.* Pr. 81.
- Grandamici Chronologia Christiana* Pr. 74.
- Grandi Viët. Silvii historia eccles.* *Addenda ad* Pr. 2.
- Gratia divina Juda proditori non fuit prorsus conclusa.* VII. S. V. 27.
- Gregorius Turonensis Evang. Nicodemi autor.* I. 13.
- Gretserus Baronii Vindex.* Pr. 30. p. 39.
- Grossii Jac. Controversia cum Joh. Musaeo.* III. S. IV. 1. p. 481.
- Grotii Hug. error* III. S. IV. 3. VII. S. IV. 6.
- opinio de horrendo Simonis Magi interitu in Scriptura descripto* V. 18.
- H.
- H** *Abitus Apostolorum, de quo omnia incerta.* IV. 26.
- Hemorrhoeae nomen.* IV. 12. an Christo statui crexerit. II.
- Heretici primo jam seculo ab ecclesia recesserunt.* VII. S. X. 4.
- Hanna non fuit monialis.* VII. S. I. 10.
- Harduini sententia de Pascha te Judaorum & Galilaeorum diverso.* VII. S. I. 54.
- Harpesfeld Nic. sex dialogos contra Cent. Magdeb. scripsit.* Pr. 5. p. 9.
- Hartmannus Phil. Jac. notatur.* VII. S. X. 4.
- Hartnaccius Dan. Continuator*
Micra-

RERUM.

- Micralii* Pr. 43. p. 57.
scripsit notas in Hist. eccles.
Hornii. 48.
- ad Hebraeos Epistola a Paulo*
scripta. VII. S. V. 30. *ab Ar-*
rianis rejecta. III. S. IV. 8.
Versiones ejus Hebraica
Munsteri & Christiani. VII.
S. V. 30.
- Hedingeri Observatio in 1. Job.*
II. 8. notatur. VII. S. V. 3.
- Hegrin vocatur. angelus re-*
ptilium praefectus. III. S. III.
II.
- Hemichii Joh. Historia eccle-*
siastica V. seculorum. Pr. 37.
- Herma Pastor.* I. 23. p. 65.
- as an Presbyter fuerit.* III. S.
III. 16. p. 175. de ejus visioni-
bus judicia. III. S. III. 1. *dupli-*
cem Scriptura S. sensum
affingit. 2. *frustra a divini-*
tatis Christi hostibus alle-
gatur. 4. *Trinitatem agno-*
vit. 5. *durius dicta excusan-*
tur. 6. *contra Zwickerum*
7. divinitatem Christi asse-
ruit. 8. *in similitudinibus*
suis multa incommoda pro-
fert. 9. p. 165. *nec adeo con-*
mode de Spiritu S. loquitur
9. duplicem homini genium
tribuit. 10. *angelum reptili-*
bus praefecit. 11. *pelagianizat*
12. *Novatianismi arguitur,*
 13. *operibus nimium tri-*
buit. 15. *coelibatum extollit.*
 16. *matrimonium per adu-*
terium dissolvi negat. 17.
inter Episcopos & Presby-
teros differentiam facit. 18.
de baptismo fidelium V. T.
absurde sentit. 19. *Chilia-*
smo non favet. 20. *an Pur-*
gatorio? 21.
- Herodis M. morbus* Θιήλαδος.
 VII. S. I. 12.
- Herodes Agrippa interfecit Jac.*
Majorem. VI. 2.
- Hierotheus quis fuerit.* VII. S.
 II. X. 9.
- Hierosolymam adorarunt Ebio-*
nita. V. 43. *deseruerunt*
Christiani, an divinitus ad-
moniti. VIII S. X. 2. *totam*
devastavit Titus. p. 491.
- Hierosolymitana concilia.* VII.
 X. 2.
- Hircus emissarius.* III. S. II. 3.
 p. 123.
- Hispania an habuerit* Sec. I. *in-*
signem Christianorum mul-
titudinem. VI. 3. *an Paulus*
huc venerit. VII. S. V. 23.
- de Hispanis exponunt quidam*
loc. Job, XII. 20. VII. S. V.
 23.

INDEX

- de Hispaniorum episcopis primis omnia fabulosa.* VII. S. II. X. 9.
- Hispanica lingua male refertur inter linguas, quas Apostoli in die Pentecostes locuti sunt,* VII. S. V. 2.
- Hobbesii Thomæ Historia eccles.* Pr. 58.
- Homuncionita.* V. 40.
- Horneji Contr. Hist. trium seculorum & Compendium Hist. Eccl.* Pr. 85.
- Hornii Georg. Historia eccles.* Pr. 48.
- Hottingeri Joh. Henr. Hist. eccles.* Pr. 41.
- Humilitas Christi, de qua dictum Clementis Romani.* III. S. IV. 11.
- Hugonottarum ridicula derivatio.* V. 37.
- Hypatie epist. ad Cyrillum & tristis exitus.* III. S. II. 15.
- I.
- J**acobus frater Domini a Jac. Majore & Minore Apostolis male distinguitur. VII. V. 18.
- Jacobus Hebraeus autor Protevangelii Jacobi.* I. 12 p. 18.
- Jacobi Majoris Liturgia.* I. 11. Protevangelium. 12. Martyrium. VI. 2.
- Jacobus Major an primam Mis- sam celebrarit.* I. 5. p. 7.
- Jacobus Major an fuerit Episcopus Hierosolymitanus.* VII. S. V. 18. an in Hispania praedicaverit. 12. de ejus monumento Compostellensi ipsi Pontificii dubitant. I. c. ejus aurea bractea. VII. S. V. 18.
- Jacobus Minor an ex utero sanctus* VII. S. V. 15. an juraverit se panem non comesturum, donec Christum resuscitatum vidisset. p. 447. an fuerit episcopus Hierosolymitanus. 17.
- Jacobi Minoris Martyrium.* VI. 2. VII. S. V. 16. mira sanctitas. 17. epistola. 19. Primatus a quibusdam Patribus ei tributus. IV. 7. Variae de eo traditiones ex Hege- sippo. VII. S. V. 15.
- Jacobita quando vixerint, unde nomen habeant.* VII. S. V. 14.
- Jageri Joh. Wolffg. decennia tria Seculi* 17. Pr. 102.
- Idola an circa adventum Christi in Aegyptum collapsa.* VII. S. I. 11.
- Jejunioratio ab Herma descripta.* III. S. III. 15.

RERUM.

- Jesuitæ Symbolum Apostolicum pervertunt.* III. S. I. 12.
- Ignatius an duo concilia convocaverit.* II. 4. *an Maria ad eum scripserit.* I. 2.
- Imago Christi a Nicodemo sculpta.* I. 13. p. 19. IV. 14. *Edessena.* IV. 12. *in Sudario Veronica expressa.* 13. *al.* 14.
- Imagines Christi & Apostolorum non sunt in synodo Antiochena in locum idolorum substitute.* IV. 10.
- Imago Mariae thymaturga a Luca picta.* VII. S. VII. 2.
- Imago Simonis Magi culta.* V. 12.
- Infantiae Christi acta vera.* VII. S. I. 7. *fabulosa.* 13.
- Infanticidium Bethlehemiticum negatur a Scaligero.* VII. S. I. 12.
- Infantum eucharistia.* III. 22. p. 150. 152. *Sec. I. non fuit in usu* IV. 20. *a W. Musculo defenditur.* l. c. *alicubi hodie in usu Floret.* l. c. *baptismus Sec. I & II. usitatus* III S. II. 22.
- Johannes Baptista, de ejus vita singularia quedam ex Hist. evangel.* VII. S. IV. 1. *cur sb. Herode occisus.* 2. *an a Josepho pro Propheta habitus.* l. c. *an inferis evangelium de Christo annuntiaverit.* 4. *ejus reliquia.* 5. *cibus.* 7. *varia de eo scripta.* 8.
- Johannes Evangelista noluit uti eodem balneo cum Cerinto.* V. 35. *nec cum Ebione.* 36. *quod factum contra Arnoldum defenditur.* 44. *an dolio ferventis olei immersus.* VI. 9. *exul* l. c. p. 330. *ejus poculum* p. 331. *cum perdice lusus.* VII. S. V. 10. *de ejus officio confessionario, vita perpetua, sepulchro, resurrectione, transubstantiatione &c. variae traditiones.* l. c. *ejus miracula.* VII. S. IX. I. *Amorem sedulo inculcavit* VII. S. V. 10. *an Philonem legerit.* 11.
- Johannis Apocalypsis v. Apocalypsis.* *Epistola prior male ab Episcopo traducta.* VII. S. V. 11. p. 444.
- Evangelium, qua occasione scriptum.* VII. S. V. 11. *contra quem.* V. 26. *male ab Alogis Cerinto tribuitur,* V. 26. p. 288. *an Autographum supersit.* VII. S. VII. 1.
- Jonam a pisce deglutitum ridet Josephus* VII. S. I. 36.
- Jordanus an arserit cum Christo baptizaretur.* VII. S. IV.

INDEX

- IV. 6. aqua ejus incorruptibilis esse dicitur. l. c. Job. Baptista 4. filios ex eo suscepisse fingitur. 3.
- Josephus Arimatheus num Angelorum apostolus. VII. S. IIX. 8.
- Josephus Mariae sponsus non illustri dignitatis vir. VII. S. III. 1. nec decrepitus. 2. nec Mariae per miraculum desponsus. 3. male cum ramusculo virente pingitur. 4. poculum Zelotypias non bibit. 5. festum ejus & cultus, l. c. p. 423.
- Josephus in cujus gratiam scripserit Archaeologiam suam. VII. S. I. 32. a Saliano passim exagitatus. Pr. 78. Jesum non habuit pro Christo. VII. S. I. 35. sed Vespasianum. l. c. honorifice tamen de Jesu scripsit. 26. Semipaganus. 36. Operum ejus nova ab Hudsono adornatur editio. 37. p. 378.
- Josephi testimonium de Christo examinatur VII. S. I. 19. seq. 10. Deias arguitur. 25. seq. Witsii sententia. 29. Grabii. 30. Lambecii. 27. Daubuzii argumenta excutuntur. 30. 31. 32. seq.
- Jrenaeus vindicatur. V. 10. emendatur. V. 39. cur de Cerinthe Chiliasmo sileat? V. 31. p. 292.
- Italia primi Episcopi. VII. S. IIX. 7.
- Judaei, an Christianos divi devoveant. V. 46. eorum veneratione erga Scripturam Sacram III. S. II. 6. p. 128. Epistola ad fratres Ulmeneses de Christo crucifixo. VI. I.
- Juda epistola. VII. S. V. 26.
- Judas Ischariotus ex Apostolo latro. VII. S. V. 27. p. 461. ejus mors. p. 462. a Gracis excusata. p. 463. ei omnis Gratia ante mortem non fuit praefusa. p. 464. a Cerinthe laudatur. V. 30.
- de Judiciis extremi die non ex conjecturis scripsere Apostoli. VII. S. V. 3.
- Judith Liber male libris canonicis V. T. in canonibus Apostolicis enumeratis a Turriano additur. III. S. V. 4.
- Justificatio ex fide a Clem. Rom. agnita. III. S. IV. 15. quomodo fides in eam influat. III. S. II. 17.
- Justus Barsabas poculum verbale sine noxa ebibit. VII. S. IX. I.

K.

K.

Kipping Henr. auxit & illustravit Pappi Historiam ecclesiast. Pr. 49. p. 63.

Korholtii Christiani disquisitiones AntiBaroniana. Pr. 24. p. 34.

Historia ecclesiastica. Pr. 53.

Kromayeri Hieron. Ecclesia in Politia. Pr. 42.

Kromayeri Joh. Indiculus historia ecclesiastica. Pr. 55.

L.

Labore manuum quo sensu peccata redimantur. III. S. II. 19. p. 145.

Lac loco vini in eucharistia infantum adhibitum dicitur. III. S. II. 22. p. 151.

Lactis gustatio in baptismo. III. S. II. 22. p. 151.

Laicus, vox antiqua. III. S. IV. 21.

Laici administratio baptismi interdicta in Constit. Apost. III. S. V. 7.

Lansselius Petrus Causauboni adversarius. Pr. 22. p. 33.

ad Laodicenses epist. Pauli. I. 6.

Layrizii Joh. Georg. Synopsis Hist. ecclesiastica. Pr. 54.

Lazari morbus, ex quo obiit. VII. S. I. 53.

Lectio[n]um sacrarum ritus. IV.

27.

Legis Mosaicae observantiam urfere Gerintibus. V. 28.

Ebion. 43. Nazarei. 46.

Leprosi X. ubi Christo obviam venerint. VII. S. I. 52 p. 402.

Leydeckeri Melech. annotationes ad Hornii Hist. eccl. Pr. 48.

Leydeckeri Jac. Historia ecclesiastica V. & N. T. Pr. 67.

Lib[er]um arbitrium ab Herm[en]i[n]o nimis extollitur. III. S. III. 12. item ab autore recognitionum Clementis. S. V. 17.

Lighefooti falsa hypothesis de de symbolo apostolico. III. S. I. 19.

Linacer sacrum Codicem prot[er]ve abiecit. VII. S. I. 44.

Lingua coccinea in capite birci emissarii. III. S. III. 3. p. 123.

Linguarum donum circa initia N. T. VII. S. V. 2.

Lini libri de Passione Petri & Pauli. I. 21.

Liturgia Petri. I. 5. Matthaei. 9. Jacobi 11. Marci. 15. Clementis. 20. p. 54. Nicomedis. VII. S. X. 1.

Lucas an Medicus & Pictor. VII. S. VII. 2.

Lucius Ludov. notatur. Pr. 2.

Ludolphi sententia de locustis Johannis. B. VII. S. IV. 7.

Tet 2

Lundor.

INDEX

- Lundorpius Mich. Casp. Sleida-*
ni continuator. Pr. 98. p. 103.
de bello sexennali civili Ger-
mania scripsit. l. c.
- Lupus Christianus symboli A-*
postolici nimius defensor re-
futatur. III. S. I. 6. 9.
- Lutheri sententia de descensu*
Christi ad inferos. III. S. I.
24. 25. iudicium de epistola
Jacobi excusatur VII. S. V.
19.
- M.
- M** *Accabiorum libri ad ca-*
nonem non pertinent. III.
S. V. 4.
- Magenel Andreae Anti-Baroni-*
us. Pr. 26. p. 35.
- Magi Christum quærentes qui*
fuerint, quando venerint,
an soli Berthehemum sint
profecti VII. S. I. 9.
- Mabometem Cardinalem ecclesie*
Romane fuisse, credidit Ben-
venutus. V. 51.
- Maimburgii Ludov. Historia Lu-*
theranismi. Pr. 96. Societa-
te Jesuitarum exclusus est. l.
c. p. 99.
- Majus Joh. Burchar. supple-*
vit librum memorialem
Boecleri de rebus Sec. 16. Pr.
100.
- Maldonatus notatur VII. S. V. I.*
- Malletus laicis Biblia ex mani-*
bus torquens ad tribunal
divinum citatus. VII. S.
VII. 3.
- Mannii August. Selecta histori-*
ca rerum in ecclesia. Pr. 73.
p. 87.
- Marcelli Lib. de conflictu Petri*
cum Simone Mago. I. 18.
- Marcelli Guiliel. Conspectus*
Chronologicus de statu ec-
clesie. Pr. 75.
- Marci Liturgia. I. 15. Evange-*
lium non Epitome Matthei.
VII. S. VII. 1.
- Marci Evangelium non latine*
scriptum, nec ex ore Petri.
VII. S. VII. 1. Autographum
non superest. l. c.
- Marci miraculum Alexandri-*
num VII. S. IIX. 3. an fun-
daverit ecclesiam Alexan-
drinam. l. c.
- Marci Johannis Acta Barna-*
bæ. I. 16.
- Maria epistola ad Jgnatium.*
I. 2. ad Messanenses. 3. ad
Florentinos. 4. Conceptio
immaculata II. 5. VII. S.
II. 2. genus in Scriptura
Sacra descriptum 1.
Singularia de ea ex histo-
ria evangelica. 3. varie de
ea fabula. 4. ejus reliquia.
l. c.

RERUM.

- l. c. p. 417. Scriptores. p. 418.*
- Maria non ex Josepho Christum concepit V. 27. mediatrix nominatur in Liturgia Matthai. III. S. VI. 7. ejus purificatio. VII. S. I. 10.*
- Marshamus notatur. III. S. II. 20.*
- Martialis Lemovicensis Epistola. I. 24. vita ab Aureliana scripta. l. c. p. 64. de ejus existentia dubitatur. IV. 23.*
- Matthai Liturgia. I. 9. Tractatus de Nativitate Marti 10. Evangelium non tumultuarie scriptum. VII. S. I. 21.*
- Matthaeus & Levi unus atque idem. VII. S. V. 21. parum solidi de ejus vita superest. 21.*
- Matthias Apostolus. VII. S. V. 28.*
- a scripta supposititia p. 465.*
- Medad & Eldad liber supposititius. III. S. III. 3.*
- Mel loco panis in eucharistia infantum adhibitum. III. S. II. 22.*
- lis & lactis gustatio in baptismo. 22. p. 151.*
- Mellierus Lucas refutatur. III. S. IV. 11.*
- Menander baresiarcha. V. 24.*
- Meritum Christi universale a Barnaba asseritur. III. S. II. 16. a Clemente Rom. S. IV. 13.*
- Merito Operum non favet Barnabas. III. S. II. 17. nec Clemens Romanus. S. IV. 15.*
- Mermannii Arnold. Theatrum conversionis gentium Pr. 73. p. 87.*
- ad Messamenses Epistola Mariae spuria. I. 3.*
- Micralii Joh. Syntagma Histor. Ecclesiastica. Pr. 43.*
- Mileti concilium Sec. I. habitum esse fingitur. II. 2. p. 73.*
- Millius Jo. notatus VII. S. IV. 5.*
- Ministri Christi anni. VII. S. I. 18.*
- Ministri ecclesiae in primitiva ecclesia consensu plebis constituti. III. S. IV. 20.*
- Miraculum Christi primum, variaque de eo circumstantiae. VII. S. I. 39. maximum an repurgatio templi. 40.*
- Miracula Seculi primi. VII. S. IX. 1. 2.*
- Missa prima, a quo Apostolo sit celebrata. I. 5.*
- Missa non favet Clemens Rom. III. S. IV. 23. absurde ex ejus Liturgia probatur Missae antiquitas. S. V. 10.*
- Monasticus status Sec. I. ignotus. IV. 15. 16. 17. 18.*

INDEX

- Mons glorificationis Christi*, VII. S. I. 49.
- Montacutii Rich. Scripta. Pr.* 19. p. 31.
- Montanismus Herma*, III. S. III. 13.
- Mortuis evangelium annunciatum esse Patres quidam asserunt*, III. S. III. 19.
- Mudzaerts Dionys. Historia ecclesiastica ab O.C. Pr.* 67.
- Mundi aetates*, III. S. II. 23.
- Munsteri Versio Hebraica Epistolae ad Hebraeos*, VII. S. V. 30.
- Musci Joh. Controversia cum Grossio*, III. S. IV. 1. p. 101.
- Mystico Scripturae S. sensui nimium indulget Barnabas*, III. S. II. 9. 12.
- N.
- N** *Ani Historia Seculi* 17. Pr. 102.
- Nathanael & Bartholomaeus idem*, VII. S. V. 24.
- Nativitatis Christi annus, dies, locus. v. sub Christus*.
- Nazarei ab Ebionitis differunt*, V. 45. Judaizantes. 46.
- Neronis persecutio ultra Romam se extendit, contra Dodwel-lum*, VI. 3. *eius mors*, VII. S. X. 5. *an rediturus sit ante adventum Christi*, l. c. p. 493.
- olim pro Antichristo a quibusdam habitus*, l. c. p. 494.
- Nesselii Martin. Compendium historiae ecclesiasticae*, Pr. 73.
- Nicodemus quis fuerit*, VII. S. I. 41. *an imaginem Christi sculpsit*, I. 13. p. 19. *eius Evangelium*, l. c.
- Nicolaus haresiarcha diversus a Nicolao Diacono*, V. 49. *eius defensores & accusatores*, 50.
- Nicolaitarum origo*, V. 48. *errores & scelera*, 52. *quinam ita sint appellati & appellandi*, 51.
- Nicomedes an Liturgiam scripserit*, VII. S. X. 1.
- Novatianismus Herma*, III. S. III. 13.
- Nourrius Nic. notatur*, III. S. III. 19. it. I. 23.
- Nummus cathedram Petri exhibens*, IV. 3.
- mo Domitiani persecutionem suam expressisse negatur*, VI. 12.
- Nuptiae v. Conjugium*.
- O.
- O** *Learius Godofr. Procopii codicem MS. editioni paratum habet*, III. S. II. 20. p. 147. *eiusdem editio Philostr.* VII. S. X. 7.

RERUM.

Operum merito non favet Barnabas. III. S. II. 17. nec Clemens Romanus. III. S. IV. 15. durius ab eo dicta excusantur. 16.

Operum studium sedulo inculcat Barnabas. III. S. II. 18. nimium extollit Hermas. III. S. III. 15.

Osiandri Lucæ Epitome Historia eccles. Pr. 40.

Offuneus Dux cambiales literas a Maria exoptat. I. 3. p. 5.

Otto Joh. Henr. Baronii adversarius Pr. 27. p. 37.

P.

P*ædobaptismus Sec. I. & II. usitatus. III. S. II. 22.*

Pagi Antonii Critica. Pr. 29. p. 38.

Palatius Jo. notatur. I. 22. p. 62.

Palingenesia quid notet apud Clementem Romanum. III. S. IV. 14.

Pallium Pontificale non a Lino ordinatum. IV. 22.

Panis Perne, de quo legenda Pontificia notatur. VII. S. I. 47.

Pantalcon Henricus Interpres & continuator Sleidani. Pr. 98.

Panvinii Onuphrii Historia

Ecclesiastica MSC. Pr. 61. chronicon ecclesiasticum. l. c.

Pappi Johannis Epitome Historiæ ecclesiasticæ. Pr. 49.

Parabola de Oeconomo injusto explicata. VII. S. I. 52. p. 400. de Lazaro & divite. p. 401. de iniquo Judice. p. 402.

Parei Danielis Medulla universalis Hist. Eccl. Pr. 56.

Pariensis Episcopatus origo fabulosa. VII. S. II. 5.

Pascha Galileorum & Judæorum diversum ex mente Harduini. VII. S. I. 54. quando a Christo sit celebratum. l. c. an eodem tempore cum Judæis. 55.

Passionis Christi Historia a variis Scriptoribus illustrata. VII. S. I. 56.

Patres castri solent a Pontificiis. VII. S. VII. 4.

Patres V. T. an per descensum Christi ad inferos sint liberati. III. S. VI. 7.

Patrimonium Petri frustra jactatur. IV. 9.

Patris vox quomodo in Symbolo Apostolico accipiat. III. S. I. 14.

Pauli ad Laodicenses epistola. I. 6, ad Senecam, 7. Ejus & The-

INDEX

- Thecla acta*. 8. *Ejus cum Petro contentio*. IV. 4. *Ejus & Peri Passio duobus libris a Lino descripta*. I. 21.
- Paulus in bullis papalibus dextrum locum occupat*. IV. 5. *Uxoratus* 25. VII. S. V. 33. *Martyr*. VI. 7. *hujus martyrii causa*. 8. *fabula de ejus capite saltante*. l. c.
- Pauli vita & scripta*. VII. S. V. 29. *Epistola ad Hebraeos ei vindicatur*. 30. *an a Gamalielae Presbyter sit constitutus*. 31. *an in Talmude ejus mentio fiat*. l. c. *an in Hispaniam venerit*. 32. *item in Angliam*. l. c. *an dono linguarum reliquos Apostolos superaverit*. 2. p. 435. *crassissima de eo Ebionitarum calumniam*. 33.
- Paupertas fidei quibus ab Epiphanio tribuatur*. V. 37.
- Pearsonii Jo. sententia de descensu Christi ad inferos* III. S. I. 22. *it. de Barnabae epistola*. I. 14.
- Peccabilem Christum fecisse Clementem Romanum Mellieri calumnia*. III. S. IV. 11.
- Peccatum Originis an Patribus Seculorum priorum satis cognitum*. Pr. 60. p. 72.
- Pelagius non primus vires liberi arbitrii extollere cepit*. III. S. V. 12. p. 717.
- Pelagianismus Hermas*. III. S. III. 12. *Autoris librorum recognitionum Clementis* V. 12.
- Pella primorum Christianorum refugium*. VII. S. X. 3.
- Perfectio imperfecta renatorum*. III. S. IV. 17.
- Persecutio Neronis ad urbem Romanam a Dodwello restringitur*. VI. 3. *ejus cause & pretextus*. 5. *Domitiana*. 9. 10. 11.
- Persona divina inepte comparatur in consuetudine Apostolicis*. III. S. V. 5. *Campani de iis sententia*. III. S. I. 26.
- Perusini Lud. Aur. Epitome Baronii* Pr. 10.
- Petersen Joh. Willh. Pseudo-Dionysii Arcopagite vindex*. I. 17. 41. *Chiliasmus defensor*. III. S. II. 23. III. S. III. 20. V. 32.
- Petri Liturgia*. I. 5. *conflictus cum Simone Mago*. 18. *Epistola ad Jacobum*. 22. p. 60. *Primatus nondum evictus*. IV. 4. 5. *Patrimonium nullum*. 9. *privilegium nullum*. l. c. *Conjugium*. IV. 25. VII. S. V. 8. *Martyrium*. VI. 6. 8.
- fuga

RERUM.

- fuga fabulosa* 6. *Epistola posterior genuina*. VII. S. V. 6.
- Catena*. 9. *ejus & Pauli passio a Lino descripta*. I. 21. *ejus cum Paulo contentio*. IV. 4.
- Petrus an primam Missam celebraverit*. I. 5. p. 6. *an Rome fuerit*. IV. 1. VII. S. V. 7. *ibique per 25. annos episcopatum gesserit*. IV. 2. *An Episcopus proprie dictus fuerit*. 3. *de ejus Episcopatu Antiocheno figmentum*. VII. S. IIX. 10. *Unde Cephas dictus*. IV. 4. p. 231. *An omnes ecclesias in Occidente fundaverit*. 8.
- Philastrius Brixienfis Epist. Barnabe interpret.* I. 14. p. 23.
- Philippus Apostolus ubi predicaverit*. VII. S. V. 23. *Varia de eo singularia ex traditionibus recensentur*. l. c. *non coelebs*. p. 458. *cum Philippo Diacono non confundendus*. l. c.
- Philippus Diaconus*. VII. S. VII. 5. *ejus Conjugium*. VII. S. V. 23. p. 458. *mimculum*. VII. S. IX. 1.
- Philo Judaeus, an cum Petro amicitiam Romae contraxerit*. IV. 1. p. 227. *eum non legit Johannes Evangelista*. VII. S. V. 11.
- Philosimius in vita Apollonii Tyanxi mendax*. VII. S. X. 7.
- Phoenix resurrectionis symbolum*. III. S. IV. 24.
- Photinus Symbolum Apostolicum explicavit*. III. S. I. 13.
- Piccinardus (Senaphinus) notatur*. Pr. 38. p. 50.
- Pilati acta*. I. 13. p. 20. VII. S. I. 58. *Epistola ad Tiberium*. l. c. *an a Tiberio vel Nerone punitus*. VII. S. X. 6.
- du Pin Lud. Ell. notatur*. I. 7. I. 14. p. 23. *conf. Dupin*.
- Pæna in primitiva ecclesia peccatoribus irrogata*. III. S. IIX. 14.
- Pœnitentiam unica vice gravioribus peccatoribus post baptismum concessit Hermas*. III. S. IIX. 13.
- Politiani (Angeli) contemptus Scripturae Sacrae notatur*. VI. S. I. 44.
- Pontificum successio ab initio statim male coheret*. IV. 6. VII. S. IIX. 1.
- Pontificem vocari Petrum ab Eusebio, ridicule observavit Naironus*. IV. 6.
- Pontificiorum mos Patres castrandi notatur*. VII. S. VII. 4.
- Populi consensus requirebatur in*
U u u
pri-

INDEX

- primitiva Ecclesia ad constituendum Ministrum ecclesiae*, III. S. IV. 20.
- Præsepe Christi non fuit diversorium*, VII. S. I. 6.
- Præputium Christi*, VII. S. I. 8.
- Presbyterorum & Diaconorum Achaia Epistola de passione Andrea*, I. 19.
- Presbyteros inter & Episcopos nulla in primitiva Ecclesia differentia*, III. S. III. 18. IV. 19.
- Prideaux Joh. Jsaaci Casauboni vindex*, Pr. 20. p. 32.
- Primatus Petri*, IV. 4. Pauli 5. Jacobi minoris 7.
- Prochori Historia de vita & morte Joh. Evang.* I. 35.
- Protevangelium Jacobi*, I. 12.
- Pseudepigrapha quadam primi seculi summatim recensentur*, I. 22.
- Purgatorium num Hermas adstruat*, IH. S. III. 21. ejusq. autor l. c. p. 179.
- Purificatio Maria*, VII. S. I. 10.
- R.
- R**aynaldus Odoricus Continuator Annalium Baronii. Pr. 15. p. 22.
- Raynaudi Theoph. inepta probatio primatus Petri ante Paulum*, IV. 5. Ejus judicium de scriptoribus vite Mariae Virginis, VII. S. II. 4.
- Rechenbergii Adami Summarium Historiae ecclesiasticae*. Pr. 52.
- Redin. August. Baronii Vindex*, Pr. 28. p. 37.
- Regnabit dominus de ligno*, III. S. H. 4. 5. 6.
- Renati possunt excidere gratia Dei*, III. S. IV. 18. eorum imperfecta perfectio. 17.
- Resurrectionis Symbolum Phœnix*, III. S. IV. 24.
- Resurrectionem Christi negavit Cerinthus*, V. 27. non credit Josephus, VII. S. I. 36.
- Ribotbi August. Florus Christianus* Pr. 60.
- Riocha Johannis Compendium temporum & historiarum*. Pr. 74.
- Rivetius memoria lapsus* I. 22. p. 51.
- Rockii Memoriarum Ecclesiasticarum Tomus primus*. Pr. 104.
- Rondinini mala fides notatur*. VII. S. VII. 4.
- Rosweidus Heribertus Casauboni adversarius*, Pr. 21. p. 32. ejus *Historia ecclesiastica*, 59. S.
- S**abbathi superstitiosus cultus Dositheanorum V. 4.
- SACRA-

RERUM.

- Sacramentū Cœnæ v. Eucharistia. Confirmationis Sec. I. fuit ignotum IV. 24. nec non extrema unctionis. VII. S. V. 1. Sacrificiorum divina origo adstruitur. III. S. V. 11. Sacrificium Missaticum v. Missa. Sagittarii Casp. introductio in histor. ecclesiasticam. Pr. 72. an indiculum historiae ecclesiasticae ediderit. l. c. duplex error. V. 35. p. 301. Saidus Patriarcha Alexand. & Eutychius Batrici filius non sunt diversi scriptores. pr. 52. p. 65. Saliani Jacobi Annales ecclesiastici. Pr. 78. Salmasius Claud. de Eucharistia & Baptismo infantum refutatur. III. S. II. 22. Samaritanae femina nomen. VII. S. I. 42. Samuel Talmudicus an Paulus sit. VII. S. V. 31. a Sancto Augustino Francisci Medulla Historia ecclesiastica Pr. 76. Sanctorum in vocationem non docet Barnabas. III. S. II. 18. p. 144. Sandii Christo. nucleus hist. eccles. Pr. 46. it. corrigitur. I. 13. refutatur III. S. IV. 8. 14. Sapientia Liber non inter canonicos refertur a Dionysio Areopagita. III. S. VI. 1. Scaligeri Jos. sententia de paschate Christi VII. S. I. 55. p. 408. Schadeus Oseus Interpres Germanicus & Continuator Sleidani. Pr. 98. Scheol quid significet. III. S. I. 18. p. 102. Schelguigius Sam. laudatur. III. S. II. 17. V. 44. p. 311. Schelstrateni Eman. mendacium de Lutbero. I. 17. p. 30. Schmidt Joh. Andr. Compendium Histor. Eccles. Pr. 51. laudatur. I. 13. 26. Schottani Christiani Historia Sacra. V. T. Pr. 79. Continuatio Sulpitii Severi. 89. Schultingius Cornel. Epitomator Annaliū Baronii. Pr. 14. p. 21. Scioppius Casp. per annales Baronii ad fidem ecclesiae Romanae conversus. Pr. 9. p. 17. Scoglius Joh. Horatius Epitomator annalium Baronii. Pr. 14. p. 21. Scriptura Sacra falsa tribuit Autor homiliarum Clementis. III. S. V. 13. ejus dicta a Barnaba aliter allegantur, quam hodie leguntur III. S. II. 3. eum corrumpere nec voluerunt*

INDEX

- runt nec potuerunt Judæi.* 6.
p. 128. εἰς Θεόπνευστος etiam
quoad verba. III. S. IV. 1. O-
mnes libri sunt Θεόπνευστοι
contra Spinozam. l. c. p. 182.
lectio ejus omnibus commen-
danda. 2.
Scriptura Sacra loca explicata,
vel vindicata, vel certo mo-
do applicata:
Gen. XIV. 14. III. S. III.
II. p. 135. 12. p. 137.
Exod. XVII. 14. III. S. II. 3.
Num. XI. 26. 27. III. S. III. 3.
Deut. XXII. 66. III. S. II. 6.
p. 129.
Job. XIX. 25. III. S. IV. 26.
Pf. XVI. 10. III. S. I. 24. p. 114.
LXXXVI. 17. III. S. II. 3.
XCVI. 10. III. S. II. 4.
p. 124.
Es. I. 18. III. S. II. 3.
III. 9. 10. III. S. II. 9. p.
133.
Es. XLV. 1. III. S. II. 3.
LII. 7. l. c. p. 123.
LX. 17. III. S. IV. 19.
Hagg. II. 19. 20. VII. S. I. 4.
Matth. IV. 3. VII. S. I. 43.
6. VII. S. I. 17
XXI. 9. VII. S. I. 48.
Luc. II. 2. VII. S. I. 1. 3.
II. 7. VII. S. I. 6.
IV. 19. VII. S. I. 18.
XXII. 17. III. S. IV. 22.
XXII. 20. III. S. IV. 22.
Job. II. 3. 4. VII. S. I. 39.
20. VII. S. I. 18.
III. 5. III. S. IV. 14.
II. X. 1. seq. VII. S. I. 53. p. 403
IX. 1. seq. VII. S. I. 53. p. 404.
XIV. 10. Pr. 6. p. 12.
1. Cor. V. 12. V. 48.
XIV. 28. VII. S. V. 2.
XI. 5. 6. 7. VII. S. V. 15.
29. V. 34.
2. Cor. XII. 7. III. S. III. 10. p.
166. 168.
Gal. II. II. IV. 4.
Col. II. 16. f. IV. 17.
2. Theff. II. 8. V. 18.
1. Petr. III. 18. 19. Pr. 6. p. 12.
2. Petr. I. 14. VI. 6.
1. Job. I. 8. V. 43.
II. 1. V. 41.
Jac. V. 14. VII. S. V. 1.
Apoc. XIV. 8. Pr. 4. p. 7.
Sculieti Abrah. de Baronii an-
nalibus judicium. Pr. 32. An-
nalium evangelii renovati de-
cades duæ. 95.
Seckendorffii Lutheranismus. P. 96
Seneca Epistolæ ad Paulum. I.
mors in gentilismo l. c. p. 9.
Septuaginta discipulorum vita a
Dorotheo descripta VII. S. VI.
1. nomina ex Dorotheo. 2.
que absurditatis arguuntur. 3.
inter eos Carmelite Enochum
in-

RERUM.

- inprimis referunt. 4. vitas eorum supplevit Liranius. 5.
- Sepulchralia Christi lintea an ejus imaginem expresserit. IV. 14.
- Servorum Abrahae numerus mystice applicatus. III. S. II, 11. p. 135. 12. p. 137.
- Sigillum Christi. I. 1.
- Silas vir Apostolicus. VII. S. VII. 5.
- Simeon Christum ulnis excipiens, quis fuerit, quomodo Christum agnoverit, an cecus. VII. S. I, 10.
- Simeon Episcopus Hierosolymitanus. VII. S. X, 2.
- Simon Zelotes. VII. S. V, 25.
- Simonis Magi amores V. 5. Modus inclarescendi. 6. Scortum Helena. 7. blasphemie. 8. cur Epiphanius, Simonem sibi nulum peculiare nomen dedisse dicat, contra Wormium explicatur. 9. cum divinos honores affectasse contra Basnagium defenditur. 10. Simoni nihil affingi a Patribus contr. Arnoldum adstruitur. 11. Imagines ejus culta a discipulis. 12. Statuam ipsi erectam esse, multi statuunt, 13. sed falso. 14. 15. 16. de tragico ejus exitu dubitatur. 17. Antichristus dicitur a Grotio. 18. Crassissimi ejus errores. 19. Scripta.
20. artes magica. 22. Non diversus est a Simone, cujus in Aetlis mentio fit, contra Vitrinam. 23.
- Simoniani V. 22.
- Simonius Rich. notatur III. S. IV. 1. p. 182. it. p. 313.
- Sixti Senensis oscitantia I. 22, p. 50.
- Sleidani Joh. Commentarius de statu religionis & reipublica sub Carolo V. Pr. 97. ejus Continuatores. 98. Adversarius. 99.
- Saessing Justus Historia quinquesecularis. Pr. 88.
- Dispp. in Historiam sequentium seculorum. l. c.
- Somnio excitatur Baronius ad conscribendos annales. Pr. 6. 12.
- Sosthenes Vir Apostolicus. VII. S. VII. 5.
- Sozomenus non audet in historia sua Symbolum Nicanum exprimere. III. S. I. 9. p. 90.
- Spanhemii Frid. Scripta Historico-Ecclesiastica. Pr. 45.
- Spenceri Joh. Sententia de circumcisionis origine refutatur. III. S. II. 20.
- Spiritus S. divinitas III. S. I. 26.
- Varii de eo errores recensentur. l. c. p. 119. minus commode de eo loquitur Hermas. III. S. III. 3. III. 9.

INDEX.

- III. 9. de ejus processione a solo Patre error refutatur.
 III. S. VI. 7. sub Spiritus S. nomine Patres intellexere divinam Christi naturam. III. S. III. 7.
- Spondanus** Henr. *Annalium Baronii Epitomator*. Pr. 12. p. 20. *Continuator*. 17. p. 28. diversa de eo judisia p. 29. ejus *Annales sacri V. T. Add. I.*
- Stapletoni** impudens assertum I. 22. p. 50.
- Statua Hamorrhousa**. IV. 11. *Simonis Magi*. V. 14. 15. 16.
- Stephani** sepultura. VI. 1. p. 32.
- Stubneri** Joh. *introductio ad Hist. Eccl. V. & N. T.* Pr. 57.
- Suicerus** notatur. III. S. III. 11. p. 170.
- Sulpicius Severus** continuatus a Schottano. Pr. 89. ab Anonymo. l. c.
- Surius** Laurent, *Sleidani adversarius*. Pr. 99.
- Sylvanus** Vir Apostolicus. VIII. 5.
- Symboli** vox πολύσημος. III. S. I. 1
- Symbola** in sano sensu vocari possunt panis & vinum in Eucharistia. III. S. VI. 4.
- Symbolum Apostolicum** non est occultatum. III. S. I. 1. seq. p. 88. non ab Apostolis compositum. 2. 3. 4. 5. nec a Patribus concilii Niceni. 3. p. 80. nec ab Arianis. l. c. ratione materie Apostolicum est. 6. successively compositum. 6. p. 83. ejus abusus. 3. p. 78. mutationes & additiones 6. 7. 8. 9. 10. ejus non occurrit mentio in Scriptura Sacra. nec aservatur in archivis Romae. 9. p. 89. & Jesuitis pessime pervertitur. III. S. I. 12. ejus explicatio a multis tentata. 13. textus originalis latinus. 19. p. 107. trocina de Patre Jesu Christi. 14. 15. 16. de descensu Christi ad inferos. 18. de Spiritu. S. 26.
- Symbolum Nicenum** exprimere noluit Sozomenus in Historia sua. III. S. I. 9. p. 90.
- T.
- Talmud** an mentionem inficiant Pauli Apostoli. VII. S. V. 31.
- Tentatio Christi**. VII. S. I. 17.
- Tenzelii** conjectura de autore epistolae Barnabae. I. 14. p. 23. notatur. p. 29.
- Thecla & Pauli acta**. I. 8.
- Theophilus** Luca quis fuerit. VII. S. VII. 2.
- Therapeuta**, fuerintne Christiani an Judaei. IV. 15. 16. 17.
- Thomas** ubi praedicaverit. VII. S. V. 22. ejus res gestae in India, & martyrium. l. c.

van

RERUM.

- van Til. Salom. festinatio circa prima Christi infantis tempora VII. S. I. 7.*
- Tillemont Seb. le Nain. Memoires pour servir a la hystoire ecclesiastique. Pr. 66.*
- Timotheus vir Apostolicus VII. S. VII. 5.*
- Titus vir Apostolicus. VII. S. VII. 5.*
- Tollius notatur. VII. S. X. 5.*
- Tornielli August. Annales Sacri. Pr. 77.*
- Tribbechovius Adam Exercitationum Casauboni Ant-Baronianarum Continuator. Pr. 23. p. 33.*
- Trinitatis mysterium in primitiva ecclesia non occultatum. III. S. I. 1. p. 77. a Campano inepte explicatum. 26. p. 119. ab Herma assertum. III. S. III. 5. durius dicta 6. excusantur 7. item a Clemente Romano. III. S. IV. 7. a Dionysio Arcopagita. III. S. VI. 2. ex blasphemis Simonis Magi originem ejus impie derivatus Zwicker. V. 19.*
- Turrianus Franc. Centuriarum Magdeburgensium hostis. Pr. 5. p. 9. ejus conatus circa L. Judith. III. S. V. 4. V.*
- V** *Acca rufa typus Christi. III. S. II. 16.*
- Valla Laur revocare cogitur sententiam suam de symbolo Apostolico. III. S. I. 3.*
- Varillasii Tr. de revolutionibus Europæ ob religionem. Pr. 104.*
- Vechneri sententia de austeritate Christi in matrem excutitur. VII. S. I. 39.*
- Veiel Elias Natalis Alexandri adversarius. Pr. 39.*
- Velenus Ulr. negat Petrum fuisse Roma. IV. 1.*
- Vellei Andr. Servatii Historia ecclesiastica. Pr. 59.*
- Versio Scriptura Sacra in linguam vernaculam non est noxia. III. S. IV. 2. p. 183.*
- Vespasianus a Josepho pro Messia habitus. VII. S. I. 35.*
- Vigilia in primitiva ecclesia usitata. IV. 30.*
- Vigilius Tapsensis notatus. V. 5.*
- Vignerii Hieron. Historia Ecclesiastica. Pr. 62. p. 69.*
- Vignerii Nicol. Historia Eccles. l. c. p. 70.*
- Visiones Seculi primi VII. S. IX. 2.*
- Vitringa Campegi hypotyposis historia & Chronologia sacra Add. II. opinio singularis de Simone Mago. V. 23.*
- Unctio extrema Apostolorum tem-*

INDEX.

- tempore non usitata.* VII. S. V. I.
- V**oikmeyer *vindicia pro Arnoldo.* Pr. 69.
- V**ossius Gerh. Joh. *Baronium refutare voluit.* Pr. 32. *Ejus judicium de Tractatu de Nativitate Mariæ.* I. 10.
- V**isserii Jac. *Annales V. & N. T.* Pr. 80. *Tr. de statu & successionē ecclesiarum in Occidente imprimis.* 92.
- W.
- VV** Agensælius Joh. Christoph. *notatur.* IV. *ejus sententia circa locum Josephi de Christo.* VII. S. I. 20.
- W**akeus *epistolam Barnabæ omni errore liberam statuit.* I. 14.
- W**edelius Georg. Wolffgangus *locum Josephi de Christo genuinum esse existimat.* VII. S. I. 19.
- W**eland H. G. *notatur.* Pr. 52. p. 165.
- W**estphal Joh. Casp. *absurda de Spiritu Sancto sententia.* III. S. I. 26. p. 120.
- W**itsius Hermann. *Baptismum cum sigillo ultra tertium comparans notatur.* III. S. II. 21. *et circa symbolum Apostol.* III. S. I. 21.
- W**ormius *locum Epiphaniî nomina Simonis Magi omittentis explicans refutatur.* V. 59.
- Z.
- Z**elotarum *apud Judæos crigo & jura.* VII. S. I. 40.
- Z**ierold Joh. Wilh. *Einleitung zur gründlichen Kirchen Historie.* Pr. 70.
- Z**immermanni Matthiz *Amicitias ecclesiasticæ.* Pr. 71.
- Z**wickerus Dan. *refutatur.* III. S. III. 4. 7. 8. 9. S. IV. 9. 10.

F I N I S.

